



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

Usage guidelines

Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.

We also ask that you:

- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.

About Google Book Search

Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>



Phys. m.
222



ex munere Illustr. Baronis de Hohenhausen
posniet Clemens Regulus Bavarus;


710 ~~manuscriptum~~
~~manuscriptum~~


autor: est Casparus Schottus S. J. / Clementis Aefelii Supremie
typogr: Johannes Janssonius. / amulationis, Cuius Aefelii
Locus: Amsterdamum.
annus: millesima 1684. vide Recensionem huius libri in Bibl. Mf. Aefeliana.

Hic liber e Bibliotheca Illustrissimi domini Baronis Leopoldi de Hohenhausen
gubernatoris Manheimii Aelst. Gen: ad Aefelianam suppl:
textilem Librorum Manuit ex dono Libri Baronis Syerij de Hohenh.
1788. Idibus Januarij.

Hoc scriptis Princeps in Bibliotheca Regia Monacensi pro tempore
Desideratus, quia ipsum in paritali testimonium
circulare voluit Clem: Aefelius, feliciis Aefelii Filius,
Monacensis, qui que hunc librum Bibliotheca Patrie
vi. Idibus Decembris M. D. CCCXX. ea tamen lege, si sit,
quod vel locum stabilem ibi habeat, vel, si aliud
exemplar de eo inter libros in dupplo existentes tractu
temporis proveniret, ~~Quis~~ iterum restituatur Heredi suo.

Cesaravellius (Locus)





CANDIDO LECTORI

Liber.



Udaci conatu, quibuslibet me insi-
nuare gestio familiaritatibus: nulli
non gratus, multis delitiosus, sin-
gulis officiosus, tibi sistor curiosus;
joco- seriorum & serio- jocosorum
foetuum foecundus facundè genitor,
inexplorati oblectamenti fautor, stupendæ opera-
tionis thesaurus: dum tibi abscondita pando artificialis
naturæ & naturalis artis mysteria, inter amœna hu-
manæ quietis umbracula: ratus interponenda esse tuis
alternis gaudia cûris, nam durabile non est, quod ca-
ret requie alternâ. Verax sum per omnia, multoties
probat, experientiâ testimonium perhibente, ju-
ratus falsitatis hostis: purus sum ortum trahens &
stipite casto: fraudium nescius, dolos sincerè detego,
doctor ingeniosæ praxeos: quam novissè ingenii fue-
rit & scientiæ, vult enim desipiens decipi mundus.
Dextris datis, naturam copulavi & naturalem naturæ
sumiam, artem intelligo, sub tecto eodem: an bene


X 2

con-

convenient & in una sede morentur, non insinuo;
 tuum de qualitate connubii expecto iudicium. Ri-
 sum mihi actrices movent spectatori, dum altera
 alteri supplantat fidelissimè conatu invido, utraque
 triumphare avida, neutra succumbere certa: ubi enim
 deficit natura, incipit ars: tantò Dædala ingeniosior,
 quantò mirabilia in naturalibus Sacramenta recon-
 didit cœlestis omnipotentia.

Me ergo frVere ac DIV Vult,





JOCO-SERIO- RUM NATURÆ

ET

ARTIS,

Sive

MAGIÆ NATURALIS MISCELLANÆ

CENTURIA I.

Prooemium.



*V*ridentem, ita jocantem dicere ve-
rum, nemo prohibet. Natura &
Ars secreta sua nobis pandunt, non
seria tantum, & serio, sed jocosa
etiam, & jocosè, utraque tamen ve-
ra, quia simplicitatis utraque & sin-
ceritatis est amans. Has qui auscultat Magistras,

A

non

non fallit, *præf. dñs*, *Falt. dñt*, qui causam rerum
 scire contemnit, præsertim faciliū, & ut apparet, non
 magni momenti. Ego nihil horum contemnere soleo,
 sed omnia rimari, ac penitiū cognoscere admitor, maxi-
 ma, minima, seria, jocosa. Nihil exiguum existimo,
 quod Natura docet, & Ars. *DEI* Ars est Natu-
 ra; *Natura* imitatrix *Ars*. *Utramque* Magi-
 stram agnosco, ac veneror. Pergo itaque, & quæ
 ab utraque didici, non magna etiam, sed primo
 intuitu levia, pando. *Seria* jocosis misceo, quia ita
 utramque Magistram meam facere conspicio,
DEVM imitatas, qui ludit in Orbe terrarum. Sic
 itaque.

PROPOSITIO I.

Lepidum cattorum tripudium exhibere.

*Felis Val-
 riana radi-
 ce dele-
 stantur.*

Valerianæ radicem catto uni aut pluribus projice. Accur-
 rent odore illecti; mox lambent, ac basiabunt; tum cir-
 cumcursitantes tripudiant; arreptam dentibus vellicabunt
 identidem; volutabuntur circum, ac mirissimos gestus, incre-
 dibilis delectationis, & ut apparet, gaudii indices edent. Di-
 ceres herbam eos deperire. Vidi non ita pridem id spectaculi
 primū in uno, deinde in altero, tertio, ac quarto catto super-
 veniente, qui omnes certatim arreptam radicem vellicabant,
 ac basiabant, circumque cursitantes tripudiant. Causa est
 vel odoris, vel alterius qualitatis effluvium cattis sympathicum
 & gratum. Simile spectaculum canum dabimus infra Propo-
 sit. §.

ANNO-

A N N O T A T I O.

Valerianam herbam Hieronymus Tragus seu Bock in Herbario suo Par. I. cap. 19. & Germani nostri vocant *Raſenwurtſel* Valeriana herba. quæ quæſcit. putatque Matthiolus eandem eſſe cum *Phu* (ϕῦ) Dioſcoridis, qui lib. I. cap. 10. ait, *Phu*, quod & aliqui ſylveſtrem nardum appellant, naſcitur in Ponto, folio olufatri, aut elaphoboſci, caule cubitali, aut altiore, lævi, cavo, molli, in purpuram vergente, geniculis intercepto, floribus narcifſo proximis, majoribus, tenerioribus & ex albicante purpureis, radice ſuperiùs ad digiti minoris craſſitudinem, ex obliquo villoſa in nigri veratri, aut junci odorati modum, capillamentis in vicem contextis, flavelſcentibus, odoratis, cum quadam odoris gravitate nardum æmulantibus, &c. Quem in locum Matthiolus ait, *Phu* trium haberi generam, majus, minus, & exiguum. Majus iisdem depingit verbis, quibus *Phu* ſuum Dioſcorides, niſi quòd in ſummitate floridam extare umbellam aſſerat. Minus ait omnibus cognitum, eſſeque foliis fraxini, vel ſorbi, lavibus, nigricantibus, humi accubantibus; caulem & umbellam gerere ut majus; radices habere numeroſas, albicantes, in vicem complicatas, ſucciſe vocata amulas, odore cum quadam gravitate jucundo, nardi modo; naſciſque humecto ſolo. Addit deinde: *Phu* minoribus radicibus mirum in modum delectantur catti, adeo ut è longinquo iis olfactis adveniant, atque inventas devorent, continuo, dum eas atrodunt, atque delingunt, præſolatio murmurantes: tanta eſt hujus plantæ cum cattiſ ſympathia. Quod Dioſcorides *Phu* appellat, Tragus loc. cit. vocat *Baldrian* & dividit in quatuor genera, majus, commune, minus, & minimum; & tria ultima genera dicit vocari *Raſenwurtſel* hoc eſt, radicem cattorum. Differt itaque *Valeriana* à *Nepeta*, quam Dioſcorides lib. 3. cap. 36. ſecundam ſpeciem *calamintha* facit, & Tragus Par. I. Herbarii cap. 4. vocat *Raſenwurt* Braſavolus verò putat eſſe illam quam vulgò *Cattariam* vocant, eò quòd catti magnà ejus capiantur voluptate. Sed Braſavolum erroris arguit Matthiolus in locum cit. Dioſcoridis.

P R O P O S I T I O II.

Choreas ducentes unà cum spectatoribus ad vehementer sternutandum provocare.

N Asturtii semina, ac folia siccata, comminue in pulverem, & loci, in quo choreæ ducendæ, pavimentum clammaliis eo insperge. Pulvis hic à saltantium motu elevatus, & tam horum, quàm spectantium nares ingressus, eas vehementer vellicabit, tantamque omnium sternutationem excitabit, ut in cachinnos soluti saltum interrumpere cogantur.

A N N O T A T I O I.

Asturtium triplex est.

N Asturtium, græcè καρδάμων, germanicè Gressen duplex facit Plinius lib. 2. cap. 13. album, & nigrum: Tragus verò Par. 1. Herbarii cap. 26. triplex, hortense, aquaticum, & pratense. Notissima est herba. Primi semen mordacius est quàm folia. Et de hoc præcipue est sermo.

Sternutationem vehementer provocare.

Eundem effectum facit, si pulveri tabaci miscetur, & per nares trahatur. Vnde similis jocus institui posset. Novi ego in Sicilia: virum tabaco immodicè deditum, adeò ut non capsellam exiguam, sed cistulam benè grandem continuò circumferret, & omnibus ad se accedentibus liberaliter etiam communicaret, præsertim discipulis; erat enim ludimagister. Hic ut jocum faceret, tabaci pulveri immisit pulverem foliorum fruticis, quem Siculi Landrum vocant. Sub ingressum ergo Schola discipulos ad tabacum sumendum invitat, & mox docti in initium dat: paulò post tantus fit sternutantium strepitus, ac risus, ut lectio solvenda fuerit. Multa alia si per nares sumantur, sternutationem provocant.

A N N O T A T I O II.

Pote est & in convivio simile ludicrum exhiberi, si pulvis sternutationem movens strophiole inspergatur, & ventiletur supramensam.

PRO.

PROPOSITIO III.

*Ut alicui per fenestram prospicienti exerescant
cornua è capite.*

Duo intestina alicujus animalis exsiccata, colore tineta, flaccida, & compressa, absconde alteri intra capillitium, clausâ prius illorum extremitate quæ frontem respicit, alterâ verò quæ respicit dorsum, apertâ relicta. Dum igitur per fenestram respicit, infla retro intestina; erumpent paulatim è capillitio, & in cornua excrecent, ac divaricabuntur, ut per angustam fenestram caput retrahi nequeat.

*Cornua
per fenestram
prospicienti ut
exerescant,
efficere.*

*Exhibitum fuit in thearrali spectaculo pro interludio; ubi dum
herus è fenestrâ domus suæ prospiciens magum reprehenderet, artes
suas ante eades exhibentem; hic indignatus cornua affixit. hero prædi-
ctâ praxi.*

PROPOSITIO IV.

*Ut ovum supra mensam huc, atque illuc
discurrat.*

Ovum crudum per foramen exiguum in putamine factum evacua, & putamini deinde impone sanguisugam; clausâ que foramine cerâ candidâ, colloca ovum supra mensam, è regione verò pone scutellam aquâ plenam. Sentiet sanguisuga odorem aquæ, & ad rependo volvet ovum versus scutellam.

*Ovum ut
discurrat
supra men-
sam.*

PROPOSITIO V.

Ut rana picta clamare putetur.

Foramini in pariete facto impone ranam vivam, & foramini oppande chartaceam ranam pictam. Tene deinde ante pictam ranam candelam accensam. Percipiet rana intrus latens calorem ac lumen, & coaxabit, putabiturque picta rana coaxare. Alii jubent corvum pingi, & hac arte corvum crocitantem exhibere.

*Rana picta
ut clamare
putetur.*

PROPOSITIO VI.

Ut totum cubiculum inflammetur sine damno.

Cubiculum ut inflammetur sine damno.

IN cubiculo angusto, & undique clauso, pone supra carbones ardentes vas plenum vino adusto optimo, cum frustulis camphoræ, aut bituminis seu gummi; & tamdiu coque vinum cum camphora, vase manente aperto, donec in vapores resolvatur, & totum repleat cubiculum. Amotis deinde carbonibus, jubeatur quispiam ingredi cum candela accensa in manu. Inflammabitur repentè totum cubiculum, & vapido effluvio absumpto extinguetur ignis, sine cujusquam noxa.

PROPOSITIO VII.

Ut carbones igniti per pavimentum & parietes cubiculi obscuri discurrere videantur.

Carbones igniti ut discurrant in cubiculo.

CANCrorum aut scarabæorum dorsis alliga frustra ligni putridi, quod noctu in tenebris lucet, & in cubiculo discurrere permitte. Ingredientes, & ibi commorantes putabunt carbones accensos discurrere.

ANNOTATIO I.

Nota est historia de stratagemate Ceneshi secundi Scotorum Regis, qui ut procures suos in bellum concitaret contra Pictos, ad patris sui Alpini mortem ulciscendam, noctu immisit in singulorum cubacula, cum decumberent, Viros cum baculis ex putri ligno in manu, & veste ex corio piscium non desquamato, qui ad bellum suscipiendum illos excitarent. Rem gestam narravimus par. 4. Magiæ lib. 2. Syntagm. I. cap. 4.

ANNOTATIO II.

Ejusdem putridi ligni frustra, aut melius frustra lapidis phosphori Bononicensis, qui conceptum lumen retinet in tenebris, ut loc. cit. cap. I.

cap. 1. fusè explicavimus, possunt indi oculis & ori statuarum, & obscurari cubicalum; putabunt enim ingredienti, statuas ejaculari ignem ex oculis & ore.

PROPOSITIO VIII.

Nucleum amygdalinum comminuerè, putamine illeso.

Nucleum amygdalinum, non sine spectantium admiratione, *Amygdala nucleum comminuerè putamine illeso* in partes minutas comminues, putamine integro remanente, si lineo; aut lanceo panno circumligato, apprehensoque ex alia parte manu, sæpius super lapidem incusseris amygdalam involutam. Notatamen, inclusionem intra panni extremitatem non debere fieri magno hiatu, sed mediocri.

ANNOTATIO.

Praxio findendi ossa durissima persicorum, aut amygdalarum, infixo leviter cultri cuspidè intra ossis commissuram, & utrumque perpendiculariter deorsum demittendo in pavimentum, communis est, & omnibus nota. Hac si aperias amygdalam prædicto modo concussam, deprehendes nucleum comminutum.

PROPOSITIO IX.

Locum altum ascendere sine scala.

Loco applica perticam longam eo modo, quo scalæ applicari solent: perticæ circumda duos annulos ferreos, qui laxè per ipsam discurrere, ac faciliè sursum & deorsum moveri queant: annulis appende stapedes quibus pedes immittere solent equitantes. His factis, immitte pedes intra stapedes, & manibus apprehensâ perticâ, eleva unum pedem cum stapede & annulo, ita ut annulus sursum in pertica promoveatur, moxque fortiter preme deorsum, adhærebit annulus immotus perticæ, & totius corporis pondus sursum nitentis sustentabit. Incerim eleva

eleva alterum pedem cum stapede & annulo , & similiter deorsum preme, manibus verò ac toto corpore sursum nitere. Eâdem ratione alternis pedem unum elevabis, alterum deprimes, donec ad summitatem perveneris. *Causam quilibet facile conjiciet : pondere enim pressî annuli, adprimuntur pertica, ut defluere nequeant.*

PROPOSITIO X.

Ut res visa dispareat, hydromantico artificio efficere.

Hydromantico artificio.

Fundo vasis cujuscunque aquâ pleni impone nummum aureum (aut rem quamcunque coloratam) & alium accedere paulatim jube, donec nummum videat. Deple deinde aperto epistomio vas, altero in eodem loco ac situ manente; sensim è conspectu subducetur nummus, donec penitus evanescat. Ratio est, quia species nummi commigrantes ex aqua in aërem, utpote è medio densiore in rarius, refringuntur in egressu aquæ à perpendiculari, ideoque ad oculum spectantis pertingunt; ad quem evacuato vase non perveniunt, sed sine refractione procedentes incidunt in latus interius vasis. *Vide quæ dixi Par. I. Magiæ lib. 9. in Magia Dioptrica, ubi multa alia ac jucunda spectacula simili artificio exhibenda reperies.*

PROPOSITIO XI.

Baculum duobus vitris aquâ plenis superpositum frangere, vitris illasis, & aquâ non effusâ.

Iconismi I. Fig. I. Baculum, duobus vitris impositum frangere, illasis vitris.

Duos vitreos scyphos, aquâ plenos, aut alia cujuscunque formæ vitrea vasa, æqualis altitudinis, colloca supra duo scamina aut fulcra æqualis item altitudinis, spatio aliquo inter se distanta. Vitris super impone baculum aridum, qui non facilè flectatur sine fractionis periculo, ita ut baculi extremitates solum tan-

Fig. II.



Fig. I.





Fig. III.



tangant vitrorum latera seu labia extrema. Alio deinde baculo ponderoso validum ac celerem ictum inflige medio baculi superpositi. Videbis illicò baculum hunc diffringi, ac in duo frustra dissilire, immotis & illæsis vitris, & nè guttâ quidem aquæ effusâ. Causam asignavimus *Par. 3. Magia lib. 2. Syntagm. 2. Erotem. 5.*

ANNOTATIO.

IMò & supra duas straminis stipulas baculus prædicto modo positus, ^{Vide Iconismi I. Fig. II.} latque percussus, frangi potest, si nimirum duo ex adverso stantes, & se mutuo respicientes, ante se utraque manu stipulas duas teneant extentas, iisque baculus superponatur, & ab alio percussiat modo dicto.

PROPOSITIO XII.

Vt lac non possit coagulari.

Ajunt, si lacti saccharum injicias, nec coagulari posse, nec ^{Lac ut non coaguletur.} butyro efficiendo aptum esse. Itaque locum hac ratione facies ancillis, aut domesticis aliis, dummodò fiat sine noxa.

PROPOSITIO XIII.

Lupum, capram, & caules sine mutuo damno singulatim, per flumen transvehere.

Rusticus ad forum properans è villa cum lupo, caprâ, & fasce ^{Lupum, capram, & caules sine mutuo damno transvehere.} caulium, ad fluminis ripam offendit naviculam, quæ non nisi se & unam trium prædictarum rerum simul capit. Quæritur, quo ordine transvectio instituenda, nè se absente aut lupo cum capra, aut capra cum caulibus permaneat? Si enim primò transvehat capram, ac deinde vel lupo, vel caules; damnum mutuum non evitabit: multò minùs, si lupo primò absportet.

Transvehat primò capram; secundò lupo, & capram reducat: tertio caules; quartò & ultimo capram denuo: sic

B

enim

enim nunquam lupus solus cum capra erit, neque hæc sola cum caulibus.

PROPOSITIO XIV.

Anserem vivum affare, ut comedi possit; & dum scinditur, clamitet.

*Anserem
vivum af-
ferre.*

ANserem vivum depluma penitus, capite excepto, & igne per circuitum valla; non arctè, ne suffocetur calore nimio; neque largè, nè inassatus maneat. Intra ignem dispone ollulas aquâ plenas cum sale & melle, & anserem frequenter liquamine pingui obduc, ut esculentior evadat, & faciliùs asserur. Ubi torrerì & sitire cæperit, nec tamen effugere poterit; aquam sorbebit, & intestina purgabit. Interim spongiâ madefactâ continuò cerebrum & cor refrigerat. Ubi cespitare, & quasi præ insania, humore cordi deficiente, corruiere cæperit; remove ab igne, & convivis appone: vociferabitur dum scinditur, & priùs ferè absumetur quàm moriatur. Probatum est, *Porta* teste lib. 14. Magiæ Natur. cap. 9. ubi ait, se à fide dignis audivisse, paulò ante sua tempora Aragonum Regum mensis sæpe anserem vivum, & excoctum, fuisse impositum.

PROPOSITIO XV.

Ingentem capanarum sonum representare.

*Campanarum
ingentem
sonum
representare.*

Funiculo, aut chelyum chordæ appende laminam æream valde tinnulam ac tremulam, aut aliud quodcunque corpus metallicum sonorum, traductâ chordâ per foramen aliquod in extremitate corporis factum. Deinde utrumque chordæ extremum extremis digitis indicibus circumvolve, & digitis aures obtura. Demum pendulam liberè ex chorda laminam illide corpori alicui solido, aut jube alium illam percutere cultro, aut clave. Putabis te ingentis campanæ sonum audire, Erfordianæ campanæ sono haud absimilem. *Mirum in modum hoc experimento delectatos vidi, quotquot exhibuerunt.*

PROPOSITIO XVI.

Vitrum vino plenum, & è clavo suspensum frangere, vino suspensomane.

Vitrum vino plenum include vesicæ, & vesicam unâ cum vitro è clavo suspende: fustem deinde vesicæ illide: frangetur vitrum, & vinum intra vesicam collectum manebit suspensum. *Vitro fracto est vitrum manens suspensum.* *Quæstionem propositam nemo non miratus; solutam nemo non ridet, maxime si diu antè solutionem anxie quesierunt auditores.*

PROPOSITIO XVII.

Decem poma integra ita inter novem homines dividere, ut nullus accipiat plus quàm alter.

Hoc melius proponitur linguâ vernaculâ sic: *Zehen Aepffel unter neun Menschen auftheilen/ daß keiner mehr bekomme als der ander.* *Res plures dividere integras inter pauciores, ut nullus accipias plus quàm alius.* Inter novem homines statuatur ordo, ut unus sit primus, quem sequatur alter seu secundus (der ander) tum tertius, quartus, &c. unicuique detur unum pomum, alteri verò seu secundo (dem andern) dentur duo. Hoc facto, nullus ex novem habebit plus quàm alter (als der ander) quia hic habebit duo poma, reliqui verò omnes tantùm unum.

ANNOTATIO.

Hic joco similis est ille quem Siculi proponunt in hunc modum: Sono tre persone, che hanno tre pernici; Ognuno mangia la sua, è restano due: *hoc est, sunt tres viri, & singuli habent singulas per dices; quilibet comedit suam, & remanent dua. Nam unus illorum trium vocatur ognuno, qui solus comedit per dicem suam, reliqui duo suas servant.*

P R O P O S I T I O X V I I I .

Pomum dividere in quot volueris partes , cortice illaso.

*Pomum di-
videre illa-
so cortice.*

A Cum immisso filo Intrude , à vertice pomi incipiendo , & subter corticem protrude , donec alio loco emergat : ubi emerferit , iterum intrude eodem loco è quo emerfit , & subter eundem corticem ulteriùs protrude , donec denuò emergat alio loco ; easdem operationes repete , usquedum totum intus infra corticem circumfoderis pomum , acufque emergat eodem loco , ubi primâ vice fuit intrusa . His peractis , utramque fili extremitatem eodem è foramine prominentem apprehende simul & extrahe ; dividetur in duas partes interiùs pomum subter corticem illasum , nec divisum apparebit nisi cortex postmodum dividatur . Simili modo dividetur in quatuor , & quotquot volueris partes .

*Vide
Iconis I.
Fig. III.*

Sic pomum H. Infigatur acus cum filo in A , & egrediatur in B , trahaturque filum post acum , ut extremitas I , foris maneat . Iterum ingrediatur acus cum filo in B , & egrediatur in C . Tertiò ingrediatur in C , & egrediatur in D , tum in E , in F , in G ; tandemque iterum in A , egrediatur acus cum filo , ut altera extremitas K , sit extrâ . His factis , apprehende duo extrema I , & K , & fortiter extrahe simul ex A , donec totum filum sit extractum : eritque pomum divisum .

Hoc si dederis alicui decorticandum , peractâ decorticatione concidet in frustra . *Filum sit forte , aut duplicetur .*

P R O P O S I T I O X I X .

Et pomum supramensam discurrat .

*Pomum ut
discurras
supra men-
sam.*

SUprâ Propositione IV. docuimus modum , ut ovum supra mensam hucatque illuc discurrat : hîc idem de pomo docemus ex Schwventero in Delicijs par. 16. quæst. 17.

Excav 2

Excava in circuitu pomialiquot foramina, eaque imple argento vivo, iterumque obtura, & pomum colloca supra mensam: fiet quod dixi.

Simili artificio docet Fallopius efficere ut panis calidus in mensa saltet, si nimirum argentum vivum intra panem abscondatur.

Panis calidus ut saltet in mensa.

ANNO TATIO.

Simili artificio putat non nemo effici posse, ut halex craticula impositus, etiam uno latere assatus, seipsam vertat, ut latus quoque alterum assatur. Iubet nimirum calamum penna anserina vacuum impleri argento vivo, atque intra halem abscondi: Postquam enim incaluit, ait, argentum vivum intra calamum, & se, & simul halem vertet. Aestimo tamen, rem minimè succedere: movebitur enim halex, & fortassis de craticula delabatur, at nunquam vertetur in latus alterum.

PROPOSITIO XX.

Vt avicula, dum ad ignem assatur, cum veru sponte vertatur.

CUM Romæ essem, Eminentissimus Cardinalis Palottus experimentum huiusmodi (quod novum putabat) P. Athanasio Kirchero examinandum, causamque insoliti effectus explorandam proposuit. Aucupio ceperant dicti Eminentissimi Cardinalis familiares aviculas aliquot minutissimas, quas Regulos vocant Latini, Germani verò *Zaunschlupfferlein* quod in sepium recepraculis nidulare soleant. Has virgis corylaceis infixas dum igni assandas exhibent, notatum fuit magna omnium admiratione, verua illa corylacea fulcris imposita paulatim se ipsam cum aviculis infixis vertere. Saepius repetita cum fuisset observatio, & semper eodem cum effectu; missa una avicularum simul cum stipite corylaceo ab Eminentissimo Principe ad P. Athanasium Kircherum fuit, petitumque ut idem experimentum repeteret, & suum de causâ tam insoliti prodigii (ut

Regulus seipsum vertit cum veru ad ignem.

putabant) iudicium interponeret. Ad rei itaque periculum faciendum, aviculam deplumamus, virgam corylaceam rectam ac tenuem (nè pondus effectum impediret) instar veru per corpusculum transadigimus, veru duobus ferreis fulcris imponimus, lentum prunarum ignem admovemus, & motum prætolamur. Nihil primò per dimidii ferè quadrantis horæ spatium fuit notatum, adeò ut circumstantes experimenti vanitatem paulatim cachinnis exciperent, & ipse quoque Kircherus moræ impatiens abitum pararet, fallax & delusorium experimentum dictitans. Dorsum jam verterat, cùm stipitem primò lentissimè, mox vehementiùs agitari in gyrum animadverto. Revoco igitur abeuntem, ostendoque stipitem unâ cum avicula in orbem tantâ velocitate circumagi, ac si manuum applicatione agitaretur. Neque à circumvolutione cessatum fuit, donec avicula plusquàm assata, & virga in carbonem ferè fuit redacta. Ad quadraginta gyros ego numeravi.

ANNO TATIO.

Experimentum hoc non est novum, ut Aulici supradicti putarunt. Meminit enim illius Albertus Magn. lib. 23. de Animal. Vbi regulum vocat Crochylum, quem Trochilum debebat appellare. Hæc avis, inquit, habet, quòd si deplumata in veru parvo figatur, ad ignem gyrat se ipsam. Et hoc jam probatum est à nobis per experimentum. Meminit & Porta lib. 14. Magia Natura. cap. 10. Cardanus lib. 7. variet. cap. 36 Scaliger Exercit. 70. in Cardanum. Aldrovandus lib. 17. Ornithologia cap. 1. Jonstonus in Historia Avium, cap. de Regulo, & alii.

PROPOSITIO XXI.

Examinatur causa cur Regulus sponte cum veruculo colurno ad ignem vertatur.

CAusam præcedentis effectus variam adsignant varii. Quidam eam referunt in ipsum Regulum, alii in virgam corylaceam, alii in utrumque. Nonnullorum sententias indico; deinde quid P. Kircherus, quid ego sentiam, edicam.

*Regulus
cur se
ipsum ver-
eat cum
veru.*

Cur-

Cardanus loc. cit. Nec minùs mirum est, inquit, regulum avem ligneo veru perquàm tenui infixum, semetipsum terrere. Multi hoc levitati corporis tribuerent, cum aliis paulo majoribus id non contingat. Nescio an Cardanus sciverit, veru debere esse colurnum. Si scivit; cur causam experimenti adscribit levitati soli corporis Reguli? Ignorasse eum id quod dixi, suspicatur etiam Mizaldus, quiidem experimentum refert.

Scaligeri verba loc. cit. sunt: Id quod de avicula quoque Regulo ad ignem affone utiquam fabulosè circumfertur. Nempe nos semel atque iterum converti vidimus. Illud porrò experiendum, an in alio infixa veruculo, quàm colurno, & in alia avicula præter illam. Nam & parvitatem requiri, & desiccationem puto: hanc ob motum, illam propter motus facilitatem. Quia averfa est ab igne pars, adhuc suo succo plena, aut saltè non exsucta admodum, propter gravitatem decumbere, igni expositam, exustione factam leviozem, in abeuntis subire locum. Eadem scribit in lib. 2. de causis Plantarum Theophr. Consentit Ionsionus, nec contradicit Aldrovandus. Sed graviter hallucinantur hi Auctores. Causa, quod experimentum non probè ab iis sumptum. Semel atque iterum vidit Scaliger verti aviculam cum veru; ego ad quadragies. Exsucta erat ipsi pars avis igni obversa, succulenta adhuc pars ab igne averfa; mea erat tosta undique, & omni prorsus destituta succo, antequam vertebatur, priùs tamen infrà, nam prunas subjeceram, non ad latus congesseram. Demum in colurno veru experimentum sumi oportet, in aliis lignis minimè succedit. In veru itaque, non in aviculam referenda est causa.

Porta loc. cit. propiùs accedit ad veritatem: His enim verbis experimentum proponit: Si desint servi, qui veru conversant, & vis ut avis seipsam torreat; hoc ut èis artificio, &c. Regulum avem, quæ omnium avium minima est, colurno veru infiges; & subjectis prunis dimovetur, ut se ipsa movere videatur. Quod ex ligni proprietate evenit, non ex ave, &c. nam si colurna virga ignem subicias, distorquetur, ut ea ipsa videatur moveri: & quamcunque carnem, sed modici ponderis, infiges, omnis movebitur circumvolvendo. Hæc Porta.

Ego

Ego cum Kircherò *Dico primò*, causam hujus effectus non esse aviculam, sed virgam columnam. Probo, quia si aviculæ infigatur alia virga, non vertitur: & si sine avicula, sola virga columna instar veru fulcris sustentetur, & ignis subjiçiat, vertitur ipsa sola. Secundum nos probavimus, primum quilibet probare potest.

Ajunt, nullam aviculam aliam præter Regulum, corylaceæ virgæ suffixam, dictum effectum præstare; signum ergo est, in Regulum conjiciendam esse causam. Respondeo, etiam carnis cujuscunque frustillum Regulo non ponderosius præstare eundem effectum. Multò magis cum præstaret avicula illa minima Americæ, crabrone non major, de qua Nierembergii in Historia Natur. & nos in Physica Curiosa lib. 9. cap. 61. §. 4. pag. 1239. Primum experientiâ constat; quæ de secundo dubitare non sinit. Quòd ergo apud nos in Europa præter Regulum nulla alia avis prædictum effectum præstet, causa est quòd nulla sit apud nos levior, aut æquè levis; reliquæ enim omnes pondere suo resistunt circumactioni virgæ, in qua sola virtus illa conversiva residet.

Dico secundo, effectum hunc non provenire ab occultâ quadam virtute & qualitate specificâ corylo inexistente, sed à constitutione naturali istiusmodi stipitis, aliis etiam lignis & plantis communi. Habet enim corylus fibras, ex quibus in longum componitur, ita constitutas, ut postquàm probè incaluit, sese vehementer contorqueat. Quam quidem torsionem sequitur motus ingyrum, si ita libretur stipes corylaceus, ut liberè verti in gyrum possit. Similem constitutionem habent sarmenta vitium, culcitra, hedera, aliaque similia ligna, & festucæ avena-

ceæ; nisi quòd aliqua facilius & longiori tempore, alia minùs facilè & breviori tempore contorqueantur.

PROPOSITIO XXII.

Ut ovum erectum apici insistat, efficere.

OVum clàm alijs manu agita tam diu, (per spatium quadrantis horæ circiter) donec vitellus dissolvatur penitus. Tum coram alijs colloca speculum planum supra mensam horizont perfectè parallelum, & supra speculum erige ovum apice suo acutiore, huc que & illuc libra, donec erectum quiescat. Quiescet autem, quia vitellus dissolutus intra albumen subsidit pondere suo, & ovum erectum firmat.

Ovum erectum ut apici insistat.

ANNOTATIO.

Non itaque impossibile est, ut ovum apici suo insistat erectum, nisi apex contundatur, ut à Columbo factum, putante aliter id fieri non posse.

PROPOSITIO XXIII.

Indusium suum è manicâ thoracis extrahere.

SCio magnum Principem hoc experimento sibi à quodam exhibito vehementer delectatum. Duobus modis fieri potest: primò ut indusium maneat integrum: secundò, ut ex parte dissectetur.

Primus Modus. I. Indusium integrum pone supra nudum dorsum, ut plicatum dependeat, & in anteriore colli parte claudè ligaculis. II. Utramque indusij manicam plicatam pone supra nuda brachia, & circa manuum juncturas similiter ligaculis claudè. III. Supra indusium indue thoracem, ut per colli ac manicarum aperturas appareat indusium, puteturque toti corpori, ut assolet, circumdatum. IV. Spectaculum exhibiturus, aperi thoracem, & solve tam colli, quàm manicarum ligacula: immisâque primùm manu sinistrâ ante pectus, introtrahe manicam dexteram indusij: deinde manu dexterâ ante

Indusium è thoracis manicâ extrahere.

pectus immisâ, trahe totum indusium versus sinistrum latus corporistui: demum extrahe sinistram manicam indusij è thorace, & sequetur totum reliquum, non sine adstantium admiratione & risu.

Secundus Modus. I. dissolvetur totum dexterum indusij latus, à collo deorsum, unâ cum dextera manica. II. Indue indusium, ac si esset integrum, ut emineat atque appareat extra manicas & collum thoracis. III. Manu sinistrâ primùm, deinde dexterâ intra thoracem misâ trahe intrò manicam dexteram indusij, totumque indusium, quantum potes, versus latus corporis tui sinistrum. IV. Apprehensâ manicâ sinistrâ indusij, extrahe eam extra thoracis manicam sinistram, sequenturque ea cum indusio, ut antea.

ANNOTATIO.

Schwenkerus in *Delicijs Physico-Mathem. par. 16. quest. 16. proponit solum primum modum, & ad extractionem requirit opem alterius. Sed ut ex dictis apparet, idem sibi ipsi suum extrahere potest.*

PROPOSITIO XXIV.

Vt quis vix uno passu distans ab altero, eum evaginato gladio ferire nequeat.

Gladio ferire ut non possis quis alium prope stantem.

CONDIAM hætenus dicta experimento haud illepedo, quod Romæ didici à Viro docto. Conveneram hunc officij causâ unâ cum P. Athanasio Kircherō. Loquebamur de varijs experimentis, serijs tamen. Post multa ultrò citròque, ut defatigatos ferè animos joco aliquo recrearet Vir ille doctus, aiebat, scire se adhuc unum tam facile, quàm certum & infallibile, ut nimirum quis evaginato gladio ab alio vix unico passu distans, eum ferire nequiret, si inter utrumque, strophium interponeretur, cujus unam extremitatem unus, alteram alter manu apprehenderet. Instamus vehementer, secretum ut panderet, modò superstitionis abesset. Omnem superstitionem abesse aiebat ille, ac merè naturale esse, nullo qui videret dissentiente, sed

Fig. I.




Fig. II.




Fig. III.




Fig. IV.




Fig. V.





Fig. VI.



sed pandere id non solere, nisi optimè de se meritis, & quos secreti tenacissimos judicasset. Merita obtendimus ambo, secretum promittimus, & deferimus obsequia. Prævaluere tandem, ut par erat, Kircheri merita. Baculum ergo pro gladio eum apprehendere jubet, & unam strophilioli extremitatem; alteram ipse tenebat. Deducit dein armatum ad cubiculi januam apertam, & egredi jubet, non dimisso interim è manibus nec strophiliolo, nec baculo. Extrà cùm esset ille; hic intus ad se trahit januam, & alterum conñiti jubet, quantum valeret, ad se percutiendum. Cùm non posset, cum risu solvitur spectaculum, & experimenti fides comprobatur.

ANNOTATIO.

Schvventerus in *Delicijs Physico-Mathem.* par. 10. quæst. 33. *Præ-*
in hanc ita proponit. Dic in amicorum conversatione uni alicui,
collocaturum te in terra periscelidem non plus ulnâ longam, effectum-
que, ut si tu uno pede unam premas extremitatem, aliter ille alte-
ram, evaginatum habens gladium, ferire te ne queas. Acceptâ tã
conditione, colloca periscelidem supra limen porta, ut una ejus extre-
mitas intra, altera extra cubiculum sit, & uterque pedibus, ut con-
ventum, premat ejus extremitatem: tum claude januam, & jube
alterum ferire quantâ vi potest.

PROPOSITIO XXV.

*Ut annulus per foramen angustum transire
videatur.*

Artificium proponit aliter, quàm ego, & satis intelligibiliter (quantum in re obscura fieri potest) explicat *Schvventerus* Annulus
q̃ per an-
gustum fo-
ramen
transire
videatur. in *Delic. Physico-Mathem.* par. 10. Quæst. 27. magnificè que extollit: est enim verè mirabile, & magicum quid habet, vixque verbis aut schemate, nisi accedat ocularis demonstratio, exponi potest. Conor tamen. Igitur

I. Esto tabella oblonga unius circiter palmi, ejus formæ, quam exhibet A-B, aut alterius ad libitum; quæ in medio habeat foramen C-D seu oblongum, seu etiã rotundum, angustius tamen quàm ut annulus, quo uti vis, transire naturaliter queat. Vide
Iconis II.
Fig. I.

II. Accipe chordam A K G L B, eamque plica, & plicata partem mediam G intrude per foramen C D, ut retro deorsum pendeat usque ad G infra tabellam.

III. Extrema A & B chordæ, quæ extra foramen ante tabellam ad huc pendent, in trude per plicaturam G, ut figura prima monstrat: ambabus verò chordæ partibus G A, & G B, appende annulos H & I, & extrema A & B chordæ alliga extremis tabellæ, ut apparet in eadem figura prima.

His factis, annulus I, qui pendet in L, transferendus est ad partem alteram, ut pendeat in K juxta annulum H; indeque iterum transferendus, ut pendeat in L sicut antea; manente chordâ integrâ, & semper alligatâ extremis A & B tabellæ. Quod fieri non posse videtur, nisi annulus transeat per foramen C D. Fit hac ratione.

Vide
Iconis II.
Fig. II.

I. Apprehende manu sinistrâ extremum tabellæ, & manu dexterâ trahe deorsum circulum G chordæ; annulum autem I promove sursum, donec transeat per dictum circulum G deorsum pendentem, sitque supra G in parte F ante tabellæ planum, ut apparet in secunda figura.

Vide
Iconis II.
Fig. III.

II. Apprehende simul utramque chordæ partem E & F, unâ cum annulo, & trahe versustea foramine C D, idque tam diu, donec pars G (quæ interim retro versus foramen C D ascendit) sit extracta aliquò usque è dicto foramine C D: prominebitque ex eodem foramine duplex circulus E & F, è quo pendeat chorda cum annulo I, ut apparet in tertia figura.

Vide
Iconis II.
Fig. IV.

III. Trude annulum I per utrumque dictum circulum E & F; & apprehensis retrò chordis, trahe ambas, ut iterum transeant per foramen C D: pendeatque retrò unicus circulus G, & ex illo in chordæ parte aliâ pendeat annulus I, ut apparet in quarta figura.

Vide
Iconis II.
Fig. V.

IV. Trude annulum I per circulum G; & descendet usque ad annulum H, ut apparet in quinta figura.

Simili prorsus artificio efficies, ut idem annulus I, redeat ad alteram partem, & dependeat ut antea ex L, ut in prima figura apparet. Eodem præterea modo promovebis annulum H ad partem alteram, ut pendeat ex L simul cum annulo I.

ANNOTATIO.

Non potui clariùs rem describere. Tu, Lector, prepara ruditer saltem instrumentum, & operare ordine juxta Regulas præscriptas. & experientiâ ipsâ discies, verum esse, quod dixi. Ratiopraxiû patet ex ipso modo operandi; quem tu ipse observato.

PROPOSITIO.

Ut quis cogatur se subducere, è convivio.

Jocum narrabo, aut si mavis, Joco-Serium, quod à Viro fide dignissimo didici, qui novit & eum qui jocum fecit, & eum cui fecit. Erat Principi cuidam Medicus ferè decrepitus, qui tamen gladius semper incedebat, nisi cùm prandendum ad mensam Principis inter alios Aulicos; tunc gladium è latere solutum reclinabat ad parietem triclinij, non procul à mensa, & prandio finito resûmebat.

*Pantrii crepi-
tum excitare.*

Erat inter Aulicos juvenis Nobilis & facetus; qui jocum ut faceret Medico, clàm extracto gladio vaginam implevit urinâ, & reconditum loco eodem reposuit, unde acceperat. Post dies paucos, quando rubigine obductum judicavit, ad ventante de more Medico, obviam ivit cum Aulicorum ejusdem genij, quibus rem detexerat, manu, graviterque nescio qua de conficta injuria cum eo expostulavit, additis probris & contumelijs. Hic Medicus irâ exardescens, & torpidos spiritus recolligens, manum capulo gladij admovet; sed quanto vis conatu adniteretur, stringere nequit. Hinc risus & cachinnatio Aulicorum, ut fieri in similibus occasionibus assolet, & boni senis confusio. Suspiciatus ergo quod erat, à provocatore nobili jocum sibi factum, omni asseveratione promittit, joco se jocum repositurum, cùm minùs cogitaret, nec evasurum quantum sibi cunque caveret. Elapsis diebus aliquot, cùm utrumque & Medicum, & Nobilem, mensæ Principis inter numerosam Aulicorum coronam assidere oporteret, antequam discumberet, vini vasculum è leporino stercore pulverizato mistum fa-

mulo inter ephebos & alios mensæ ministros adstanti tradit, Jubetque ex illo, cum peteret, sibi infundi. Inter prandendum, collocutus humaniter cum Nobili, & joci sibi facti memorem adhuc se esse cum risu asserens, propinat eidem more Germanorum, scyphum vitreum evacuatum tradit famulo, vino antea medicato plenum recipit, Nobili porrigit. Hic nil mali aut fraudis suspicatus, alteri propinat, & ebibit. Vix biberat, cum inflatur venter, murmurant in testina, erumpunt crepitus adeo violenter, ut ingenti cum rubore abscedere e loco cogeretur.

ANNOTATIO.

Alia ad eundem effectum præscribunt alij. Joannes Jacobus Weckerus lib. 17. Secretor. ex Alberto docet, Si accipiantur pili asini, qui sunt juxta priapum ejus, & dentur alicui in potu triti; eum incipere statim pedere. Similiter si ova formicarum conterantur, & projiciantur in aquam, aut vinum, atque in potum alicui dentur; eum statim pedere, & agere cessare. Idem ex Cardano refert, ova formicarum, & castanearum flores, movere crepitus ventris.

Albertus, vel potius Pseudo Albertus Magnus in Libello de Mirabilibus Mundi, docet modum concinnandi Lampadem, quam si quis manu teneat, non cesset pedere donec eam dimittat. Accipe, inquit, sanguinem testudinis, exsicca ipsum in panno lichinii, & fac ex ipso lichinium, & illumina ipsum in lampade, da ipsum cui vis, & dic: illumina: nam ipse non cessabit pedere donec dimiserit illud: & est mirabile. utique si verum est. Lampadem credo crepitare, non eum qui lampadem manu tenet.

PROPOSITIO XXVII.

Annulos plures sibi mutuò innexos, nec tamen se tangentes, efficere.

*Annuli sibi
innexi, nec
se tangentes.*

VIdi sæpius annulos tres ex ære ductili fabricatos, & ita mutuò implexos, ut nullus alterum attingeret. Cardanus vocat

annulos præstigiosos, alij annulos Sanctissimæ Trinitatis. Modum conficiendi memini me aliquando legisse, sed modò non occurrit Author. Itaque

Fiat annulus ligneus, & circa ipsum inflectatur filum ferreum triplici continuato & non interrupto ordine; quorum vestigia in ipso ligneo annulo priùs exprimantur hac ratione. Primus ordo designetur atramento, aliove colore; secundus excavetur non nihil; tertius magis excavetur quàm secundus. Deinde filum ferreum, aut æneum, circumponatur primò ordini illi quem color exprimit, secundò illi qui aliquàlter, tertio illi qui plùs excavatus est, & fili finis cum ejus initio conjungatur. Demum projiciatur annulus in ignem; & comburetur lignum, annuli verò tres è ferreo filo ita erunt inter se innexi, ut nullus alterum tangat.

ANNOTATIO.

MEminit hujus annuli *Cardanus* lib. 13. de Variet. cap. 63. at non præscribit modum conficiendi, sed solùm depin-
gendi, his verbis: *Annulus præstigijs sic fit. Elaborantur tres annuli, aut si lubet plures, ita contexti, una tamen solà ductili lineâ, ut nulla ex parte alter alterum tangat. Sic fit ut duo penduli in aëre stare videantur, miro artificio, vafroque invento. At efficere facilius longè est, quàm effingere, quanquam ut potuimus, cum depinximus. Ratio autem talis est. Si annulum triplicatum facere volumus, describemus circulos; deinde accipiemus numerum quem volumus, qui divisus per tria, numerum circularum annuli, super relinquat unitatem, ut pote sedecim; nam divisus hic numerus per tria, relinquit unum, & exeunt quinque. Divide igitur circulum exteriorum in partes sexdecim æquales, describendo totidem puncta totidem quoque divisiones in minore circulo efficiamus, ita tamen ut puncta inferiora intercipient in medio superiora. Deinde ductis portionibus circularum a puncto inferiore ad superius, ab eo autem ad inferius, duobus semper intermissis, ac iterum ad superius duobus intermissis, tandem redibit post exactos tres circulos ad idem punctum, itaque unus circulus tres efficitur. Circulos autem hos*

extre-

extremos, seu qui prius describuntur, dimisi, seu reliqui indeletos, ut melius descriptionis ratio intelligatur. Caterum iuvat eos delere, ut absolutius & nitidius opus videatur. Oportet autem in sectionibus qua in solido sunt, non se tangere annulos corporeos; sic enim penduli videbuntur ac per se, cum non sint. Hæc Cardanus, qui an sciverit modum conficiendi, dubito; alioquin enim non reticisset.

PROPOSITIO XXVIII.

Vt tres schedula non tacta situm permutent.

*Schedula
tres sibi
mutuo su-
perpositæ
ut situm
mutent non
tacta.*

Ludicrum hoc quidem est, sed adeo subtile, ut *Iohannes Baptista Porta* existimet, fieri non posse, quin mirabile videatur rationem ignoranti: Unde & aliqui ad sortilegia illo utebantur. *Praxin* describit valde obscure dictus Auctor, & ex ipso *VVeckerus*. lib. 17. Secretorum; clarius autem *Schvventerus* in *Delicijs* par. 19. quæst. 35. *Portæ* descriptionem primò afferam, deinde *Schvventeri* & meam subiungam. Igitur

Porta lib. 20. *Magiæ Natural.* cap. 2. remita describit. *Altera remanet ludicra subtilitas, ut tres schedula non tacta situm permutent. Quod illud penis ignorantibus fieri non potest, quin mirabile videatur. Tres fiant schedula longiuscula è papyro, vellinteis, seque mutuò equali superent magnitudine. Nam capite imò aquata omnes, & aequè revoluta, devolvuntur, diversique situs ereperiuntur. Si longior in medio, vel primo loco ponatur, permutant locum: si longior eadem in postremo fuerit loco, immobilis remanent. Quod non erit qui non putet à demone factum. Sed aliunde non evenit, nisi quia in revolutionis sine remanet procerior; & extrema, à qua exoritur, in revolvendo remanet. Hæc & alia dictus Auctor, quæ etiam excribit *Weckerus* lib. ult. Secretor. Æstimo tamen neminem ea intellecturum, nisi sequentia legat.*

Meliùs igitur cum *Schvventero* rem eandem sic propono.

I. Excindetres schedulas oblongas A, B, C, inæqualis longitudinis, latitudinis verò sive æqualis, sive inæqualis. II. Schedulam B colloca super A, & C supra B, ita ut superiùs sibi mutuò coæquantur, inferiùs verò se mutuò excedant. III. Con-

*Vide
Iconis II.
Fig. VI.*

volve omnes tres simul in formam cylindruli seu columnulæ,

incipi-

incipiendo à capitibus A, B, C, simul conjunctis, ita ut A sit extrema, C intima, B media. IV. Evolve iterum cylindrum hoc ordine. Primò evolve schedulam extremam A, incipiendo à calce *d*, donec pervenias ad *g*, & discooperias finem *e* schedulæ B. Deinde relinque schedulam B, & perge evolvere solam schedulam A, donec pervenias iterum ad finem *e* schedulæ B. Demum evolve simul & schedulæ A residuum, & schedulam B. Finitâ totâ evolutione, invenies schedulam C inter A & B, ita ut A sit prima, C secunda, B tertia.

Quòd si statim primâ vice, quando in evolvendo schedulam A pervenisti ad schedulam B, eam simul cum A evolvas; & dum venisti cum utraque usque ad finem schedulæ C, eam non simul evolvas, sed pergas cum solis A & B, donec pervenias iterum ad *f*; tunc finitâ evolutione, A erit inter B & C, ita ut B sit prima, A secunda, C tertia.

PROPOSITIO XXIX.

Cultrum involvere strophio ita, ut dum evolvitur, culter extra strophium sit.

EX præcedenti praxi originem trahit hæc, quam docet *Culter strophium involvens* loc. cit Quæst 36. in hunc sensum. I. Plica strophium per medium, ut duæ extremitates sibi congruant; & in medio, ubi plica est, colloca cultrum, clavem, auraliam quamvis rem. II. Convolva strophium cum cultro, incipiendo à plica, & ab ipso cultro in voluto, ita ut finitâ convolutione extremitates ambæ strophii sint extrâ. III. Evolve strophium iterum hac ratione. Arripe unam solam extremitatem strophii, & quidem extremam, eamque evolve donec pervenias iterum ad alteram ac intimam extremitatem; & tunc accipe ambas simul; eritque finitâ totâ evolutione culter extra strophium.

ANNOTATIO.

*Q*uod si utramque simul extremitatem stropholi statim ab initio sumas, & evolvas; aut si alterutram solam seu extimam, seu intimam, arripias, & evoluendo pergas usque ad finem evolutionis; manebit culter intra stropholum ut antea erat.

PROPOSITIO XXX.

Pulli caput perforare, ut vivus maneat.

*Pulli caput
perforare,
ut vivus
maneat.*

A Gyræ nonnulli pullorum gallinaceorum capita stylo, aut cultello scriptorio perforant, à summo vertice deorsum, ita ut stylus, aut culter subjectæ mensæ infigatur, & pullus immotus ac silens jaceat; extracto vero iterum stylo, aufugiat, læsione nullâ acceptâ, nec ullâ sanguinis guttâ effusâ. Hoc antequàm faciant, characteres quosdam confictos sub alis pulli alligant, quæ virtutem illam, ut pullus non lædatur, attribunt eodemque remedio adhibito promittunt hominem in vulnerabilem fieri posse. Hoc cum sæpius vidisset Joannes Baptista Porta, ut ipse testatur lib. 20. Magiæ Natural. cap. 8. caput pulli aperuit, reperitque bifidum esse, & stylum seu cultrum per mediam inter utramque partem rimam pertransire, cerebrumque minimè lædere. Rem itaque tentavit læpissimè, & semper felicissimè successit. Itaque

Pulli seu gallinæ caput pone supra mensam, ut mentum seu pars inferior innitatur mensæ, vertexque sit erectus. Explora deinde digito, aut ipso stilo seu cultro, rimam in capite à vertice deorsum fissam, & per eam transadige cultrum, seu stylum, ut mensæ infigatur. Post moram aliquam extrahe iterum cultrum, & pullus sine læsione aufugiet.

ANNOTATIO.

Si prius varias cruces efformes, & peregrina aut conficta vocabula enunties, aliaque superstitionis signa adhibeas, persuas-

de his spectatoribus, & secretum ignorantibus, superstitione rem peragi.

Eandem experientiam cum successu felici fecit Daniel Schvventerus, ut ipsemet testatur in Delitijs Physico-Mathemat. par. 16. quest. 15. jubet tamen cultrum statim refigere è mensa, & gallina aperto per vim ori ingerere buccellam panis.

PROPOSITIO XXXI.

Ut gallina soluta non aufugiat.

Gallinæ ambo erura funiculo constringe, ita tamen, ut facillimè funiculus solvi possit. Ligatam eo modo, projice supra pavementum, & exspecta donec post varias huc illucque volutiones defatigata quiescat, capite in pavementum reclinato. Quiescente illâ, pingere cretâ in pavimento lineam ab oculo gallinæ inchoatam, & solve funiculum. Manebit immota gallina, etiam si manibus ac pedibus trudatur. Causa est, qui quàm diu lineam cretâ ductam aspicit, imaginatur eam esse funem, seque ad huc fune illo constrictam.

Gallina soluta ut non aufugias

ANNOTATIO.

Ita proponit rem hanc P. Athanasius Kircherus in *Arte Magna lucis & umbra*. Aliter eandem proponit Schvventerus loco paulo antè citato quest. 13. jubet enim gallinam collocari supra mensam, rostrum apprimi mensa, cretâ duci luculentam lineam à rostro inchoatam, & liberam dimitti gallinam; quam ait attonita similem mansuram sine motu in mensa, & oculis irretortis a spectu-
ram lineam cretaceam, quàm diu adstantes quieti fuerint.

PROPOSITIO XXXII.

*Felem cultro transfigere (ut apparet,) sine
lesione.*

*Felem cul-
tro transfi-
gere sine la-
sione.*

Pillos ac pellem in dorso felis apprehende manu, ac non nihila cleva, & cultro dexterè ac strictè pellem circum volve. Cultrum deinde parieti infige. Hærebit felis lacrymabili spectaculo, apparebitque cultro transfixa.

PROPOSITIO XXXIII.

*Pharmaco purgativo per apertam venam infuso
purgare corpus.*

*Purgati-
vum phar-
macum per
apertam
venam ser-
sipere.*

Non ita pridem à magno Principe intellexi, experientiâ deprehensum in Anglia, hominum aliorumque animalium corpora purgari posse pharmaco purgativo per apertam phlebotomicâ lanceolâ venam infuso, in hunc modum.

Vesicam vel utrem implent purgativo liquore; collo ejus fistulam subtilem ita accommodant, ut peream expressus è vesica liquor transeat; venam in brachio, aut crure, aut quovis alio membro aperiunt; fistulam in apertam venam intrudunt; vesicam comprimunt, & per fistulam contentum liquorem venæ infundunt; venam tandem diligenter claudunt. Post horas aliquot per secessum emittuntur sordes, non secus ac si per os in stomachum purgatio fuisset suscepta.

Experientiam fieri curavit paucis ab hinc septimanis Princeps quem dixi, in cane, certissimo successu. Alter canis eâdem arte intra venas curavit infundi vinum Hispanicum: quo infuso, canis primùm in saltus & tripudia effundebatur, tum ebriorum more titubabat, tandem procumbens in somnum solvebatur, donec crapulam edormisset.

ANNO TATIO.

Confirmat hac experientia mirificè sanguinis circulatorium mo-
tum in corde, & toto corpore animalium, quem paucis ab hinc ^{Sanguinis} ^{circulatio}
annis primus deprehendit, & eleganti ac docto Scripto publicè ven- ^{in corpore}
tilandum proposuit, Doctissimus Harvæus Medicus Anglus, & in ^{humano.}
Londinensium Medicorum Collegio Anatomices Professor. Excitavit
ea doctrina plurimorum ingenia, & studia, ad expendendam ejus
veritatem. Nam paucis annis post, in Academia Leydensi eadem qua-
stio agitata fuit à Doctissimo Vallæo, Anatomia Professore, qui par-
tes Harvæi defendit, & novis experimentis ac rationibus roboravit.
Hos secuti deinde sunt Hermanus Conringius, Medicina Pro-
fessor in Academia Iulia: tum Plembius, Professor Lovaniensis; &
Georgius Ent, Doctor Medicus Londinensis; Henricus Regius,
Cornelius ab Hogelande, Fortunius Licetus, Ioannes Riolanus,
Antonius Deusingius, Ioannes Pecquetus, alijque multi: quorum
alij quidem eadem cum Harvæo, alij diversâ incedunt viâ.

Harvæus, ejusque sectatores favent opinioni Aristotelis de san-
guificatione in corde facta, ajuntque (ut Riolanus explicat) totum
sanguinem ab hepate ad cor per arterias quoquo versum distribui, ve-
nas esse tantum canales revolvendi sanguinem ad cor ab omnibus
partibus ad quas allabitur; ideoque circulationem totius sanguinis
fieri per venas & arterias sapius die quovis statuunt, ut assidue san-
guis novus cordi suppeditetur ad ejus recoctionem, & recalesactio-
nem. Addunt, à dextro cordis ventriculo secundum ductum vena
arteriosa per pulmonum substantiam traduci, inde per arteriam
venosam ad sinistrum cordis ventriculum derivari, ut vitalis fiat;
sed contracto corde, per arterias in universum corpus distribui; &
ubi pervenit ad extremas partes, in venas remigrare, hasque eum
revolvere ad dextrum cordis ventriculum; sicque perpetuò redire
sanguinis laborem in orbem.

Riolanus discedit ab Aristotele in negotio sanguificationis, eam-
que consiluit in hepate; quamvis ab eo subministretur sanguis cordi.

& vertatur in arteriosum: qui diffusus per omnes arterias, continuus recurrit in v. nas majores ad circulationem, sed in progressu suo unum quodque vas sanguinerisuum partibus per transennam suppeditas. Demonstrat deinde, non totum sanguinem circulari, sed ferme dimidium duntaxat; alterum dimidium contineri in venaporta, & canalibus minoribus vene cave & aorta, qui nullo modo naturaliter circulantur. Is tantum circulatorius est, qui intra canales majores vena cave & aorta, a jugulo ad extremos artus extensus includitur, in corde per septum medium à dextra cavitate in sinistram illabitur, sine transiitione per pulmones. Idque fit bis terve intra diem naturalem, sanguinem tam venosum, quam arteriosum in suo excursu omnibus partibus largiendo.

Hæc est brevis hypothesis sive informatio doctrina Riolani, quam proposuit primò per modum Thesæ Parisijs in Æsculapj fano, & doctissimorum Medicorum examini subjecit; deinde verò fusius explicavit in Opusculis Anatomicis.

PROPOSITIO XXXIV.

Calvaria ut loqui videatur, efficere.

*Calvaria
ut loqui
videatur.*

PRaxis intelligetur ex sequenti Necromantico joco, quo Andreas Albius, Medicus doctissimus Bononiæ, credulo cuidam amatori metum incussit, ut refert *Veckerus* lib. 17. Secretor. his verbis Cardano.

Demortui caput mensa apposuit, quod patefacturum esse nobis auditoribus promisit, quisnam ex nobis filiam civis cujuspiam miserè deperiret, quis etiam futurus esset amoris exitus, caput hoc id esse prædicturum. Ludicrum id non intelligentibus horrorem induxit, perinde atque si cacademonis ope vaticinium id processisset. Verum ijs qui jocum animadverterunt, risum movit. Hac autem arte res hæc instituta erat. Mensa quatuor columnis pedum in stat suffulciebatur, quarum una excavata erat, mensa perforata subdita. Foramen id, totaque mensa subtili quodam tapete tegebatur, nè mensa foramen conspiceretur. Eoloco demortui caput positum consistebat. Pavimen-

rum autem in ea parte perforatum etiam erat, in qua columna excavata mensam sustinebat, ut ex inferiori adificio in superius, & vicissim ex superiori in inferius voces transmitti possent. Quamobrem is qui in inferiori erat, tubo quodam in excavatam mensam columnam immisso, & altera ejusdem tubi parte auri admodum, facile quid alter in superiori conclavi consistens rogaret, exaudiebat, responsaque dabat quasitis apprimè convenientia. Successit hoc eo facilius, quod uterque amatorum eludendi secreta novissent: hi enim fabulam hanc communicatis antè consilijs dexterè peregerunt. Ad majorem etiam vaticinij fidem, candelas cerèas accensas circa demortui calvariamposuit, verbaque peregrina recitavit.

ANNOTATIO.

Est hic jocus necromanticus similis fraudi illi idololatricæ, quâ non nulli Sacrificulorum Gentilium olim plebem rudem decipiebant, dum per occultos meatus ac tubos è specu subterraneo ad ora usque statuarum deductos loquebantur, & responsa dabant, uti memini in Magia 1. par. lib. 1. cap. 10 & 2. par. lib. 3. Syntag. 3. initio. Quo etiam toto Syntagmate varias Pragmatias alias attuli, id ipsum naturaliter efficiendi. fortassis etiâ non aliâ quam hac arte loquebatur olim famosum illud caput, quod Albertus Magnus fabricasse dicitur. Exhibet P. Athanasius Kircherus in celebri suo Museo statuum B. Mariæ virginis Deiparæ, quæ locum lustrantibus, & aures ad os statuæ applicantibus, varia responsa dat, non alio artificio, quàm quod è cheriano. Statua locum lustrantibus, & aures ad os statuæ applicantibus, varia responsa dat, non alio artificio, quàm quod è cheriano. Spatio satis remoto occultus tubus ad os statuæ ducitur, cujus initio ipse Auctor, aut alius secreti conscius, os applicans, submissâ voce insusurrat, & quidquid insusurratû est, os statuæ in audientis aures eructat.

PROPOSITIO XXXV.

Præcedens fraus revocat mihi in mentem fraudem aliam, quam memini me legisse olim juvenem in Auctore Alberici Christi & Diaboli, quia pius quidam adolescens contubernalium impitum ad frugem revocavit. Erant in eodem contu-

Incendere
alberici & la-
cium occultum
signo.

bernio adolescentes duo, quorum junior ad omnem pietatem ac virtutem fictus quasi ac factus, provectior verò vitij deditus omnibus, ac præterea amore impuro implicitus erat. Hunc sæpe monitionibus ac precibus defatigarat junior, optimo animo ac zelo, mores ut mutaret, amasiam dimitteret, iram Numinis timeret: Sed surdo semper cantaverat. Ad technas igitur, cum monitiones sinceræ ac preces nihil effecissent, confugiendum ratus adolescens optimus, clàm altero, cubiculi pavimentum foramine exiguo perforat, funiculum sulphuratum lecti cortinæ alligat, ac per foramen ad inferius subiectum conclave funiculum demittit. Noctu deinde, cum sciret impium amoribus suis frui, funiculum inferius incendit. Momento ergo ignis serpens per foramen, ad cortinam usque decurrit, eamque incendit, attonitis reis, & tamquam cœlesti ac vindicatrice flammâ peterentur, è lecto exilientibus. Hic in genua provolutus diu antea obstinatus leno, primùm tanquam ingenti perfunctus periculo gratias agit DEO, quòd mortem evasisset præsentaneam; tum veniam petit scelerum, lupam dimittit, vitæ emendationem promittit. Nec segniùs quàm promiserat, est executus: abdicatis enim rebus omnibus, Mundo nuntium remisit, ac vitæ austeritate, virtutumque omnium exercitio, ad cælum sibi viam munivit.

PROPOSITIO XXXVI.

Ut ignis per domum & cœmiteria discurrat.

Ignis ut discurrat per domum.

SCarabæorum, vel testudinum, aut cancrorum dorsis candelas exiguas, aut ligna putrida alliga, ac per obscurum conclave, vel locum alium sub dio discurrere permittit. Putabunt rei ignari, ignes discurrere.

Silocustarum dorsis alligentur prædicta, ignis saltare videbitur. Si noctu in cœmiterio mortuorum capita disponas, & intus candelas abscondas aut lampades; horridum in tumentibus spectaculum præbebis.

ANNOTATIO.

Quoniam cœmeteria viscoso vapore & exhalatione abundant, solent noctu persæpe apparere igniculi quidam, fatuis aut lambentibus ignibus similes, qui ignaris aut formidinem, aut admirationem incutiunt non modicam, dum putant animas defunctorum specie dictorum ignium apparere.

PROPOSITIO XXXVII.

*Ut annulus in vitro saltet ad sonum tympani, aut
Instrumenti musici.*

Histrionis quidam Venetus, teste Cardano, tale aliquando exhibuit ludicrum spectaculum.

*Annulus
ut saltet in
vitro.*

Vitrum exposuit in theatro spectatoriis, in quod annulum immisit, qui suâ sponte, quoties id expeterent spectatores, aut vellet histrio, saltitabat. Hic autem astus hac ratione peragebatur. Subtilis capillus mulieris, qui à proculstantibus non poterat dignosci, annulo alligatus erat ad unam extremitatem, ad alteram verò extremitatem histrionis digito. Cum ergo saltandum esset annulo, digitos histrio motitabat: quibus motis simul annulus alligatus movebatur in vitro, proculstantibus capillum non videntibus. Fucum insuper subtili commento tegebat histrio. Hic annulus, agebat, lascivarum puellarum more non saltat, nisi meis ipse digitis ei tympanum pulsem. Quamprimùm igitur, & quàm diu pulsabat, ille saltabat; cessante pulsu, cessabat & saltatio.

Ad hujus imitationem multa similia ludicra institui ab ingeniosis possunt.

PROPOSITIO XXXVIII.

*Ut piscoquenda ex olla exsiliant.**Pisces co-
quenda ut
ex olla exsiliant.*

Ancillis domesticis si jocosum facere vis, quo in admirationem & indignationem simul raptantur, postquam pisces in olla coquenda igni apposuerunt, argentum vivum clam immitto. Commovebuntur primum pisces, ac sursum deorsumque volventur, tandemque exsiliant, nisi ollaris labri altitudo, aut ignis remissior obstiterit. Expertum tradit *Mixaldus*.

PROPOSITIO XXXIX.

*Ovum ut in aëre ascendat sponte.**Ovum ut
sponte a-
scendat in
aëre.*

Trita & multis nota est hæc experientia. Ovum evacua, & rore Majali imple, foramenque occlude. Impletum Soli meridiano ac valido expone in loco aprico. Elevabitur paulatim, & in aëre hærebit. Si difficillius videatur ascensus, aut ob ovi gravitatem, aut ob Solis imbecillitatem; dum ascendere incipit, baculum aut tabulam admoveto, ut per eam quasi per scalam in altum serpat. Si tabula fuerit excavata in canaliculum apertum, ovi capacem; meliorem successum res habebit.

PROPOSITIO XL.

*Ut à carnibus apposis discumbentes abhorreant.**Discumbentes ut
à carnibus
abhorreant.*

Si carnem calidam mensæ appositam, seu elixa ea sit, seu assata, comedere solus vis, aut cum socio alio; nauseam alijs sic

creabis. Fides chelyum, aut intestina minuta animalium exiguorum contorta, atque exsiccata, minutim in frustula concide, & vel saccharo, vel sali admisce. Appositæ carni saccharum aut salem cum intermistis frustulis (quæ alij non dignoscent) carni inspergito, quasi condimenti gratiâ. Quamprimum ea humorum simul & calorem carniū senserint, evoluta paulatim movebuntur, magisque ac magis dilatabuntur, ut vermes appareant derepentè è carnibus erumpentes. Putrem igitur, vermiculosam, ac insalubrem eam existimabunt affidentes; tu verò, tanquam vermes non abhorreas, solus abliguries. Tradit *Mizaldus*.

PROPOSITIO XLI.

Librum mirabilem concinnare

INter secreta manuscripta, quæ Romæ inter P. Athanasij Kircheri Adversaria reperi, unum est, quo liber ita artificiosè concinnetur, ut dum folia evolvuntur, omnis generis figuras ostendant, ita tamen ut in una eademque evolutione non nisi unius generis appareant. Quod secretum (ut meam fatear ingenij imbecillitatem) tametsi iterum iterumque legissem, quòd jucundum admodum, a homine ingenuo dignum videretur, intelligere tamen numquam potui, donec id ipsum post annos complures apud *Danielem Schwventerum* in Delicijs Physico-Mathemat. par. 14. quæst 7. legi, clariùs ac fusiùs explicatum. Dictum modum hac propositione proponam, sequenti verò meliùs cum Schwventero explicabo.

Solet fieri liber (inquiunt Secreta manuscripta citata) qui non leviter in admirationem adducit spectatorem: apparet enim, si folia celeriter revolvantur, modò scriptus, modò vacuus, modò hac, modò illâ figurâ notatus, aut pictus. Ejus autem compositio est ejusmodi.

Clausò libro folia in anteriore parte divide transversè in quatuor æqualia intervalla, ducendo atramento transversas

lineas. Aperto deinde libro, primum folium pro tegmine intactum relinque. Deinde in secundo folio in parte superiore scribelitteram A, in sequenti litteram B, deinde C, deinde D: hisque quatuor characteribus pinge totum librum incipiendo rursus ab A, &c. Et primo folio (ut diximus) relicto, duo sequentia folia in primo inter vallo in arcus figuram scindenda, & alia duo sequentia folia relinquenda sunt intacta. Deinde duo sequentia folia item scindenda, & alia duo intacta relinquenda; & sic deinceps usque ad finem, binis folijs scissis, & binis intactis. Quo fiet, ut pollice super illud intervallum posito, omnia folia quæ evolvuntur, sint ejusdem characteris.

Rursum ad libri principium redeundum est, & relicto illo primo folio albo, & secundo jam scisso, duo sequentia circa secundum intervallum scindenda, & duo intacta relinquenda, & sic deinceps usque ad finem.


Tertiò ad principium libri redeundo, relicto tegmine cum duobus folijs sequentibus quæ jam sunt scissa, & duo intacta relinquenda, ut in superioribus diximus.

Quartò denique relicto tegmine cum tribus sequentibus folijs jam scissurâ signatis, duo sequentia sunt scindenda, & alia duo relinquenda, & sic deinceps usque ad finem, quemadmodum in superioribus.

In singulis item characteribus, sive intervallis foliorum potest figura quæ magis arridet, depingi; dummodò in principio illius characteris sive intervalli ad finem usque figurarum aut picturarum similis modus servetur.

ANNOTATIO.

Hæc habent manuscripta illa citata. Obscurius dicta intelligentur ex modo sequenti. Folia libri in anteriore parte non debent dividi ita ut scindantur, sed solum dicta anterior pars (den Schnitt vocant Bibliopegæ Germani) debet lineis transversis, atramento aut rubricâ ductis, in quatuor æquales partes distinguî. Ut autem pars ista exterior divisa est in quatuor partes seu intervalla, ita singula folia



intus secundum latitudinem divisa debent intelligi in quatuor intervalla. In his scribendi sunt quatuor characteres A, B, C, D; aut pingenda quatuor diversa figura. Reliqua ex sequenti Propositione intelliguntur.

PROPOSITIO XLII.

Eundem librum mirabilem concinnare.

Primò, Determinandum est, quot figurarum generaliter continere debeat, quas inter evolvendum ostendere velimus. Lubeat gratiâ exempli exhibere quinque genera, & sextâ vice monstrare omnia folia vacua; ita ut in prima evolutione appareant omnis generis uvæ, in secunda omnis generis pocula, in tertia margaritæ, in quarta fructus varij exceptis uvis, in quinta variaz scripturæ, in sexta denique nihil appareat, sed omnia folia sint vacua, ut diximus.

Secundò, Fiat liber chartaceus mediocris spissitudinis, cujus tegmen sit charta pergamena mollis, ut faciliè in omnem partem liber curvari queat. Quod quidem tegmen ipsum chartaceum librum neutiquam excedat, sed perfectè circumquaque adæquet, ut apparet in *abcd*, appositæ figuræ. Præterea liber unâ cum suo tegmine ita scindatur in parte anteriore (amtor. deren Schmitt) *eagd*, ut pars illa neque excavata sit, neque protuberet, sed perfectè plana, ut in parte superiore *abef*, & in inferiore huic opposita.

*vide
Iconif.
mum III.*

Tertiò, Dicta pars anterior libri, nempe *eagd*, dividatur atramento aut rubricâ in sex æquales partes, relicta tamen superius atque inferius particulâ quapiam. In apposita figurâ particula superior est *ea*, inferior *gd*. partes sex sunt notatæ numeris 1. 2. 3. 4. 5. 6.

Quartò, Sex prædictæ partes scalpro, aliove instrumento scindantur ita, ut in partem anteriorem protuberent, uti ex Figura apparet.

Quinò, Inchoetur à protuberante parte I. & vertatur primum folium libri, tuberque relinquatur, in quinque verò proximè sequentibus folijs tuber abscindatur: in sexto folio iterum

relinquatur, & in quinque proximè sequentibus abscindatur. Hoc modo procedatur usque ad finem libri. His peractis reditur ad initium libri, & ad secundum tuber: quod quidem in primo folio abscinditur, in secundo relinquitur, in quinque proximè sequentibus iterum abscinditur, in sexto post hæc relinquitur, iterumque in quinque sequentibus abscinditur; sicque ad finem libri usque proceditur. His etiam peractis reditur ad tuber 3. & in primo ac secundo folio abscinditur, in tertio relinquitur, in quinque proximè sequentibus abscinditur, in sexto hæc sequente relinquitur, in quinque sequentibus iterum abscinditur, & sic ad finem usque libri pergitur. Simili modo proceditur cum relinquistuberibus, dum modò benè inchoetur, itaque ad numerum 4. abscinditur tuber in folio primo, secundo, & tertio, & in quarto relinquitur. Ad numerum 5. abscinditur primum, secundum, tertium, & quartum, quintum verò relinquitur, &c. Ad numerum 6. abscinduntur prima quinque tubera, & sextum relinquitur, &c.

Sextò, Inchoando à principio libri pingere in primo folio uvam, in secundo poculum, in tertio margaritam, in quarto fructum aliquem ab uva distinctum, in quinto scripturas varias, sextum relinque vacuum. Iterum in septimo pingere uvam. in octavo poculum, in nono margaritam, in decimo fructum aliquem, in undecimo scripturas, duodecesimum relinque vacuum. Hoc modo & ordine progredere usque ad finem libri; eritque liber præparatus.

Septimò, Usus ejus hic est. Librum impone in anui sinistræ, ut dorsum contingat volam manus, tubera versus tere spiciant. Deinde pollicem dexteræ manus colloca supra primum tuber, & evolve librum, sinendo nimirum ut folia celeriter infra pollicem elabantur, ac vertantur, apparebuntque meræ uvæ in toto libro. Colloca deinde pollicem supra secundum tuber, & evolve ut antea; apparebuntque mera pocula. Deinde apparebunt margaritæ ad tertium tuber, fructus ad quartum, scripturæ ad quintum, nihil nisi chartæ vacuæ ad sextum. *Schruven-terius habuit similem librum, in quo scripta erant sex diversa idiomata.*

Fig. I.





Fig. II.




Fig. III.

PROPOSITIO XLIII.

*Tres baculos, cultros, & c. ita sibi mutuò implicare,
ut erecti non cadant, nec pondere superposito
deprimantur.*

TRes baculi, cultri, trabes, aliavè similia corpora sint AB, CD, E F. Inclina AB supra planum, ut A innitatur plano, B sit erectum. Huic superpone CD, ut D tangat planum, C sit erectum. His duobus implica EF, ut sit infra AB, & supra CD, efficiatque cum ipsis triangulum. Debet autem EF tam diu prædicto modo infra & supra prædictos duos intrudi, donec omnes tres stent erecti, ac se mutuò sustentent. His semel constitutis, nec cadere possunt, nec pondere supraposito deprimi, nisi frangantur. Nam AB sustinetur ab EF, & EF à CD, & CD ab A B. *Cardanus lib. 17. Subtilit. & alij ex ipso.*

*vide
Iconis IV.
Fig. I.
Baculos
tres impli-
care, ut ere-
cti stent.*

PROPOSITIO XLIV.

*Bursam parare, qua sine sera clauditur, &
ab ignaro artificij aperiri
nequit.*

Artificium describit P. Ioannes Leurechon Gallico idiomate, in Recreationibus Mathematicis Proposit. 60. & ex ipso Daniel Schuvensterus in Delicijs Physico-Mathem. par 15. quæst. 18. Germanicè, & Gaspar Ens in Thaumaturgo Mathemat. Problem. 63. Latine. Sed omnes tres ita rem obscure proponunt, ut vix, aut ne vix quidem intelligi queat. Ego simplicissime, & cum effectu felicissimo, rem ita propono:

Vide
Iconis IV.
Fig. II.

I. Fiat bursa è coriō qualem equirantes ephippijs appendere solent, aut qualem appositum schema refert. II. In utroque latere adsuantur corrigiæ AB, CD, habentes in extremitatibus B & D annulos ferreos, aut æreos. Et corrigia quidem CD antequam assuatur lateri C, transeat per anulum B. III. Parrem superiorem bursæ, seu ejus orificium operiat segmentum oblongum corij EGFH, assutum unilabrorum dicti orificij bursæ; alteri verò labro assuti sint plures annuli, per segmentum illud factis foraminibus transeuntes. IV. Per hos annulos transeat corrigia AI, bursæ in A assuta, habens fissuram in I, per quam etiam transeat corrigia CD, antequam in C assuatur.

Atque hæc est structura bursæ, ita clausæ, ut aperiri non possit, nisi corrigia CD extrahatur è fissura I; dicta autem corrigia CD extrahi è dicta fissura non potest, quia transit per anulum B, per quem annulus D transire nequit. Quid ergo agendum?

Primò, Annulus B defluat usque ad fissuram I, corrigiæ AI. *Secundò*, Per anulum B transeat extremitas I cum tota fissura I. *Tertiò*, Per fissuram I transeat corrigia CD, cum annulo D. *Quartò*, Extremitas I, cum fissura sua extrahatur ex annulo B, & annulus B promoveatur versus annulum D. *Quintò*, Corrigia A extrahatur ex annulis versus A; eritque bursa aperta.

Ut iterum claudas bursam, *Primò*, Transeat corrigia AI per annulos versus I. *Secundò*, Fluat annulus B usque I fissuram, & per B transeat fissura I. *Tertiò*, Per fissuram I transeat annulus D cum sua corrigia CD. *Quartò*, extremitas I extrahatur ex annulo B, & B promoveatur versus D; eritque iterum clausa bursa ut antea.

PROPOSITIO XLV.

Bursam aliam artificiosè præparare.

Bursa alla
artificiosa.
Vide
Iconis IV.
Fig. III.

ALIAM bursam nuper vidi, simplicissimo quidem artificio confectam, adeo tamen occulto, ut vel oculatissimos falle-

ret. Bursa erat ex corio molli & candido, formâ bursæ ordinariæ A B C, & plicata. Orificium erat rectum segmento corij F G, antè & retrò non nihil pendentis; cuius pars posterior assuta erat parti posteriori bursæ, pars verò anterior F G anteriori non erat assuta, suturam tamen similem habebat posterioris suturæ. Anteriori bursæ parti A B C, intra dictum tegumentum F G, alligata erant ligacula e D, quæ per foramina in tegumento facta egrediebantur, & in D colligabantur. Hoc totum erat artificium. Qui aperire volebat, artificij ignarus; in omnem partem versabat bursam, ligacula trahebat, aliaque tentabat, sed frustra. Qui verò artificium callebat, partem posteriorem manu sinistrâ apprehendebat, & anteriorem partem A B C dexterâ manu trahebat deorsum, & sequentibus ligaculis patebat hiatus inter labrum A C bursæ, & tegmen F G.

PROPOSITIO XLVI.

Ut candela intra aquam perpendiculariter erecta ardeat.

FUNdo candelæ infige filum ferreum, vel aciculam, cum ponere alligato, quod ad libitum augere vel minuere queas, & fundum immerge aquæ. Mergetur ea plus aut minus, prout majus vel minus fuerit pondus alligatum; & perseverabit perpendiculariter erecta.

Candela intra aquam erecta.

PROPOSITIO XLVII.

Unicâ circini aperturâ describere plures circulos inæquales.

PROblema hoc proponit ac demonstrat P. Ioannes Leurechon in Recreationibus Mathem. Prop. 34. Quod quoniam facile

Circulus plures unicâ circini aperturâ describitur.

cile est, & tamen mirabile videtur, huc transferre placuit. Fit autem hac ratione.

Vide
Iconis V.
Fig. I.

In plano aliquo, aperto circino describe ex A centro circum-
lum ABC, cujus diameter sit BC, ut apparet in Fig. I. Deinde
retentâ eâdem circini aperturâ, in eodem aut alio plano, sup-
pone uni pedi circini corpus aliquod exiguum, ut pes sit pau-
lùm elevatus supra planum, ac pede altero describe circum-
lum AED, ut apparet in secunda Figura. Erit hic circulus minor
priori; & tantò quidem minor, quantò magis fuerit pes alter
elevatus.

Vide
Iconis V.
Fig. II.

Idem continget, si eâdem aperturâ retentâ, ponas unum
pedem in vertice A conî, aut in puncto A globi, cujus diame-
ter sit vel æqualis, vel major, vel minor diametro circuli ABC,
altero verò pede describas circum-
lum ADE circa conum, aut
globum, ut apparet in Figura III. & IV.

Vide
Iconis V.
Fig. III.
& IV.

RATIO hujus rei est, quia in circulis ADE Figuræ I I.
III. & IV. diameter DE minor est, quàm duo latera AD, AE
simul sumpta, *per Proposit. 21. libri I. Element. Euclidis*: est autem
diameter AC Figuræ I. æqualis dictis duobus lateribus AD,
AE, propter eandem aperturam circini; ergo eadem diameter
DE minor est, quàm diameter BC; ergo circuli circa diame-
trum DE descripti, minores sunt circulo circa diametrum BC
descripo.

ANNOTATIO.

Ex his patet, posse eâdem circini aperturâ describi plures ac plures
circulos, semper minores ac minores, quantò nimirum gracilior
sit conus, aut quantò magis in plano elevatur unum
pes circini.




Fig. I.




Fig. II.




Fig. III.




Fig. IV.




Fig. V.




Fig. VI.

PROPOSITIO XLVIII.

*Ut picta icuncula, aliavè res, sponte moveatur
in gyrum.*

AVenæ silvestris capreoli, sive stipulæ illæ quæ avenam maturam circumstant, ita sunt ex propria naturæ suæ constitutione spiraliter contortæ, ut madefactæ spiras illas suas dilatent, rursusque exsiccata constringant. Quo fit, ut propeperpetua ferè tempestatis mutatione ex humida in siccam, & sicca in humidam, in perpetuo quasi gyrationis sint motu: dum enim humore dilatantur, gyros à dextera in sinistram legunt; dum calore & siccitate constringuntur, eisdem à sinistra ad dexteram relegunt. Eandem constitutionem habent omnia convolvulorum genera, cujusmodi sunt cuscuta, bryonia, lupulus, aliaq; similia, quæ incremento suo naturaliter in spiras sese contorquent.

*icuncula
ut sponte
moveatur
in gyrum.*

Hisce avenaceis capreolis, alijsque similibus convolvulis, varia ludentis Naturæ spectacula exhiberi possunt. Si enim unum illorum perpendiculariter in stylulo aliquo erigas, ac supermo apici chartaceam sagittulam velut indicem transversim imponas, aut ex eodem apice levem ex charta icunculam depictam (ut Æoli, Angeli, aliavè rei) perpendiculariter erigas, ut in apposis Figuris apparet; videbis, quoties aura mutatur de sicca in humidam, aut de humida in siccam, sagittulas & icunculas sponte in gyrum nunc huc nunc illuc moveri. Si verò stylulum erigas intra capsellam aliquam; quotiescunque humorem affundes, & quoties ad ignis aut solis calorem exsiccabis, similes gyros repræsentabis. Hinc si loco icuncularum capreolo impones & adglutinabis levem aliquem nummum, is sponte in gyrum movebitur, quoties lubitum fuerit.

*Ida
Iconis V.
Fig. V. &
VI.*

ANNO TATIO.

Alia spectacula, quae ope convolvulorum praedictorum exhiberi possunt, vide apud P. Athanasium Kircherum in *Arte Magnetica* lib. 3. par. 2. cap. 3. ubi fusè de ea retractat. Hujus experimenti mentionem facit alicubi Porta in sua *Magia Naturali*, ut olim me legisse memini, at locus nunc non occurrit.

PROPOSITIO XLIX.

*Putei profunditatem rusticorum quorundam
more metiri.*

*Gemma
rustici pu-
ti profunditatem
metiuntur,
Vide
Iconif.
num. VI.*

ESt in vicinia nostra pagus non ignobilis, puteum habens profundum, toti pago aquam subministrantem. Hunc, cum temporis successu limo oppletus, & sordibus fuisset fœdatus, expurgare cupiebat loci prætor & incolæ. Sirulam ergo prægrandem conficiunt, & funem ductarium haud mediocriter crassum coëmere constituunt, quo situla appensa communi labore & operâ in puteum dmitteretur. Nè tamen longiorem aut breviorẽ quàm par erat, funem coëmerent, superfluis aut inutilibus sumptibus; putei profunditatem à trochlea, cui funis circumducendus, ad fundum usque explorare priùs statuunt. Cùm modus nullus occurreret, consilium ineunt, & quid factu opus sit, sedulò inquirunt. Post diuturnam consultationem, prætor, utpote ceteris sapientior, hanc proponit pragmatiam: è Mathesi rustica depromptam. Scimus, inquit, staturas nostras omnium, Unus ergo quispiam è trochlea se suspendat, alter ex hujus pedibus, tùm tertius è pedibus secundi, & sic deinceps, donec ultimi pedes fundum contingant. Tum in unam summam conijciamus omnium sic concatenatorum staturas palmis exploratas, & sciemus quot palmorum funem comparare oporteat: nec enim hic longior esse debet, aut brevior, quàm

suspens-

Iconismus VI.
ponatur è regione pagg



suspensorum catena. Placet consilium ; & collaudatâ Prætoris prudentiâ , operi admoventur manus. Jam longa catena suspensorum dependebat, nec procul à fundo aberat infimus ; cùm supremus, qui trochleam apprehenderat, manus sentit calore & attritione adeo lubricas , ut nisi humectis sustinere suspensorum onus non posset. Socios ergo monet, fortiter ut sibi mutuò cohæreant, donec spūto manuum volas madefaceret : & cū dicto manus à trochlea dimovet, ac omnes in puteum præcipitat.

PROPOSITIO L.

Arborum altitudinem VVestphali idiota prægmatiâ metiri.

FELICIUS, & omninò ex Practicæ Geometriæ legibus, quamvis ageometra , & literarum omnium ignarus, processit idiota ille Westphalus, quem novit Vir doctus, & fide dignissimus qui narravit.

*Geometra
Westphali
arborum
altitudinem
metitur.*

Est in Westphalia oppidum , silvam habens procerarum admodum arborum vicinam. Solebant cives, quando arborē quampiam in canalem aut trabem aliquam, aliūvè usum elaborare volebant, à Magistratu loci petere, ut unam quam alluberet, excindere gratis liceret. Obtentâ facultate, & excisâ arbore, non rarò contingebat ut quam elegerant, brevior esset quàm usus requirebat. Aliam ergo, ac subinde aliam, non gratis ut antea, sed solutâ prius pecuniâ, excindere cogeantur. Erat inter cives vir industrius, at omnino idiota, & cui nec nōmine tenus dimetiendi ars nota erat. Hic miseratus concivium sortem, ut certò ac infallibiliter petitæ altitudinis arborē vel primâ vice eligerent, atque deicerent; hanc excogitavit praxim, jam diu antea à *Ioanne Taisnero*, alijsque Geometris Practicis usitatam.

A radice A arboris AB, retrocedendo versùs C, numerabat tot palmos aut pedes, quot palmorem aut pedum altam

*Vide
Iconis VII.
Fig. I. II.
& III.*



desiderabant cives arborem. Deinde jacens supinus in terra, ut caput & oculi responderent puncto C, erigebat perpendiculariter inter compressos pedes baculum DE, æqualem suæ staturæ; & per erecti baculi summitatem E, respiciebat versus cacumen Barboris. Et si quidem visus, seu radius visualis terminabatur præcisè ad cacumen Barboris, ut in Figura I; pronuntiabat, & rectè, arborem AB esse æqualem spatio AC. Si autem terminabatur infra cacumen B, ut in Figura II. dicebat arborem esse majorem spatio AC. Si denique visus terminabatur supra cacumen B, ut in Figura III; assererat arborem AB esse breviorē spatio AC.

ANNOTATIO I.

Ratio operationis, quam Geometra VVestphalus ignorabat, desumitur ex Proposit 4. libri 6. Element. Euclidis, quia duo tri-
angula, quæ in hujusmodi operationibus fiunt, nimirum triangulum CDE minus, & CAB majus, sunt æquiangula, cum anguli ad D & A sint recti ex suppositione, & anguli ad B & E æquales, per 28. proposit. lib. 1. Element. Euclid. reliquisque ad C. sit communis utrique triangulo; ideoque sicut in Figura I. baculus ED est æqualis statura DC, ita arbor BA est æqualis spatio AC. Et sicut in Figura II. idem baculus ED est æqualis statura DC, ita altitudo FA est æqualis spatio AC, ac proinde altitudo BA est major quàm idem spatium AC. Et sicut denique in Figura III. baculus ED est æqualis statura DC, ita altitudo FA est æqualis spatio AC, ac proinde altitudo BA est minor quàm idem spatium AB.

ANNOTATIO II.

Si in casu Figura II. Geometra accedat rependo, in casu verò Figura III. recedat, donec radius visualis per summitatem E transiens terminetur præcisè in cacumen Barboris, ac deinde mensuret spatium inter



inter radicem A arboris, & punctum C loci in quo caput jacet, & cui oculi respondent, interjectum; sciet præcisè etiam altitudinem arboris: hac enim semper erit æqualis spatio inter A & C interjecto.

PROPOSITIO LI.

Alchimistarum quorundam vafrities,

Alchimistarum quorundam vafrities, si hoc loco detegere vellem, nimis longus texendus foret sermo. Faciam id commodius in Technica Curiosa. Nunc sufficiat, joci gratiâ, unam proposuisse.

Accedunt ij ad capitis vacui juvenem, aut delirum atque avarum senem, promittuntque montes aureos, & Croesi thesauros, cum ipsi sint Iro pauperiores: & tamen si me vides (ajunt) pannis obsitum, possum tamen mihi divitias ingentes comparare, & cum opus est, paro; sed ut securius id agam, ac hîc degam, his vestibus uti malo, quàm pretiosissimis quas habeo. Dignus tum mihi visus, cui secretum ingentis utilitatis pandam, modò laboris mei fructum aliquem ex te feram. Nihil dicam quod experimento priùs adhibito non comprobem; aut tu ipse, si velis, non experiaris. Inspice igitur ducatum hunc aureum. In fornacem accensam conijciam, ubi aurum alioquin minuitur, non augetur. Quòd si tute tuâ propriâ manu effeceris, ut aurum hoc augeatur; nonnè artem laudabis? Exspectat avarus, præstolans finem tanti momenti. Præparatis igitur priùs vilissimis quibusdam auripigmento, nitro, camphorâ, aliisque minutis, quas Alchimista delusor pro ingenio comminiscitur; adtunt fornacem: Avarus manu propriâ in ignem projicit ducatum fucatum, & cætera singulatim pertractat, ipse a nem impotior folles motitat, & carbones suppeditat. In uno carbonum excavato, aut in rimam fisso, aurum abscondit majoris ponderis, quàm fucatus erat ducatus, quod in fornacem congestum,

cum

cum si ad ducato conglobatur. Cum de um aurum è fornace extrahitur, purius ac majoris ponderis est quàm antea ducatus erat. Quæ fraus cum vel vigilantissimos possit fallere, mirum non est, si homo auri cupidus quidvis suppeditet pecuniarum illi, qui tantum mysterium monstravit. Ab itaque impostor deluso avaro.

PROPOSITIO LII.

Agyrta cujusdam dolus, ut vitriarius frangeret vitra.

*Vitriarius
ut vitra
sua frangeret.*

QUod sequitur, legitur inter Secreta illa manuscripta, quæ (suprà dixi me reperisse Romæ inter P. Athanasij Kircheri adversaria, & memini me alibi quoque retulisse.

Fuit etiam (*ajunt Secreta citata*) nostris temporibus quidam, cujus nomini parco, qui magnum sibi nomen paraverat, quod imperitam multitudinem, atque etiam nobiles multos decipiebat artibus quibusdam nullius ingenij, sed vafritiei multæ. E multis unum aut alterum exemplum subjungam.

Cum multi adessent procures Romæ, petierunt ab eo ut aliquod ederet spectaculum insolitum. Ille autem velut hæsitabundus: Accipiat, inquit, aliquis hanc schedulam, & occultè in mensam illam vitriarij conijciat. Quod cum esset factum: Ite, rursus ait, ad vitriarium empturi vasa vitrea. Quod cum nobiles illi tentassent, vitriarius (cum quo pactus ille fuerat antea) ut singula manibus accipiebat vasa, decidebant, & frangebantur. Cum multa hoc modo fregisset, veluti irâ commotus & in rabiem actus esset, arrepto fuste, bacchantium more, omnia perfregit, mensamque disturbavit. Refertunt procures quod contigerat, & persuasi ab Agyrta, cum fœnore vasorum pretia persolverunt.

PROPOSITIO LIII.

*Alius priori similis, ut figulorum uxores
frangerent ollas.*

Dolum hunc imitatus est non nemo in vicinia nostra, ad Principis hospitii delectamentum. Diverterat nescio quis Princeps Mergenthemij ad Domum Teutonicam. Erant in oppido nundinae annuae, & inter merces alias, totum forum Palatio subjectum testaceis vasis repletum, quæ ab assidentibus mulieribus vendebantur. Coemit quispiam è Palatio clanculum vasa illa omnia, jubetque mulieres assidentes, ut viso è Palatii fenestra signo à se strophili ventilatione dato, arreptis fustibus, lymphatarum instar, vasa omnia confringere, ac comminuerent. Itur interim ad prandium. In mensa cum varij miscerentur sermones, ac variz proponerentur à varijs artes, ac ludicra; ait antedictus emptor, artem se scire, qua efficeret, ut mulieres vasis suis testaceis in subjecto foro assidentes, ea omnia confringerent, non secus ac si furore forent correptæ. Tantum non ridetur sponsor, ac demum ad experimentum edendum, tum ab alijs, tum ab ipso Principe urgetur; qui insuper sanctè affirmat, quadrigam suam se illi daturum, si quod promiserat, efficeret. Acceptatur conditio; itur ad fenestram, ventilatur erectum strophilum; & ecce, bacchantium more quotquot vasa habebant venalia mulieres, in ea arreptis fustibus ac lapidibus defæviunt, nec cessant, donec in frustra comminuta vident omnia. Quid faciat hinc Princeps fraudis, aut secreti nescius?

Promissam quadrigam victori transcribit, sed liberaliter
ab eo recipit.

*Ollas suas
ut frangerent
figuli.*

PROPOSITIO LIV.

Ludicra varia prastigatoris Hiberni.

*Ludicra
varia Hi-
bemi pra-
stigatoris.*

Adolescentulus Hibernus (inquit *Cardanus* lib. 12. Variet. cap. 62.) octodecimum agens annum, binos cultellos naribus rectà adeo inferebat, dimidij palmi longitudine, ut ad perpendicularum facie superstarent (nostri erant cultelli) adeo ut necesse esset transire illos per foramina ea, quibus os naribus committitur, atque ita foramina illa multò ampliora esse, & sita inferiora, quàm sint naturaliter.

Paleam etiam obliquam per omnes faciei partes ad perpendicularum insistentem transferebat per frontem, supercilia, palpebras, buccas, nasi summum, mentum, solo musculorum faciei motu unde interim miras formas effingebat.

Prægrandem quoque gladium rectà super frontem absque alio auxilio & transferebat, & continebat.

Paleas rectà hærentes ventri, gladio ut novaculâ incidente, maximis ictibus incidebat; nec unquam irritò ictu. Deinde similibus ictibus cum ventris cutem feriret, haud vulnerabatur.

Cultellum quoque mordicùs ex altera parte ore tenens, ei ex adverso lignum cum ferrea cuspidè superponebat, & rursus ligni cuspidi scutulum plumbeum, quem assidue celerimâ ve satione rotabat.

Enses plures corpori, tum pugiones cuspidè admovebat, quorum capuli solo insistebant, duoque præterea manibus, sed acicipsa, continebantur, solisque manuum ac pedum extremitatibus, tum gladiis ipsius innixus, mirum quantâ velocitate se inter illos versaret,

ANNO.

ANNOTATIO.

Agilitali, dexteritali, assuetudini, & robori corporis, præsertim (ut Cardanus quoque notat) spina dorsi hæc sunt adscribenda: hisce enim vel barbari quoque mira præstare solent, qualia sunt, qua loco citato refert Cardanus de Mexicanis jocularioribus, quos ait primum pedibus ea agere, qua alij vix manibus agere solent: hastiludia enim exercent, jactant recipiuntque qua in sublime jactaverant, pedibus insistant humeris alienis, non solum ut secundus primo (quod frequenter apud nos quoque fit) sed secundo tertius insistant. Ut ascendant autem, tertius secundo genibus insistent, inde eodem modo secundus primo, post singulis se erigunt. Qua autem superius agant, jactando, ludendoque, fidem quasi excedere ait Cardanus. Vide qua diximus in Physica Curiosa lib. 3. cap. ultimo.

PROPOSITIO LV.

Facetum aucupium anatum, aliarumque avium aquaticarum.

IN physica Curiosa lib. 9. cap. 18. §. 4. descripsimus ex Petro Martyre Decade 3. lib. 10. facetum quoddam aucupium anatum, aliarumque aquaticarum avium, à Barbaris Insularibus Hispaniolæ, aliarumque Insularum Americæ objacentium usitatum. Quod quia apud nos quoque usui fortassis esse posset, hîc repetere placuit.

Sunt in dictis Insulis, præsertim in Hispaniola, varij lacus, variæque stagnantes lacunæ vadossæ. Per eas vagari solet magna aquaticarum avium multitudo, ut anatum, anserum, cygnorum, fulicarum, gaviarum, mergorum, &c. pisciculos, ranas, variæque insecta in fundo intra herbam & humentem limositatem procreata venantium. Intra dictas aquas proijciunt

ciunt barbari cucurbitas excavatas, & bene clausas, ut supernatent. His insident volucres. Simili cucurbitâ auceps ut galeâ, ante oculos pertusâ, tegit caput & faciem, & mento tenus ingreditur stagnum. Volucres hanc unam è natantibus existimantes, insident: auceps manu furtivè exsertâ nunc hanc apprehendit, nunc illam, & in manticam subtus paratam conijcit. Reliquæ suâ sponte subnatasse comitem arbitratae, ad victum quæritandum, insident & ipsæ, & simili fraude circumventæ in prædam cedunt ingenioso aucupi.

PROPOSITIO LVI.

Camelos docere saltare.

*Camelos
docere saltare.*

IN eadem Physica-Curiosa lib. 8. cap. 15. §. 3. docuimus ex Leone Africano, Majolo, Cardano, Scaligero, Aldrovando, & alijs, quâ industriâ Cameli alicubi instruuntur, ut ad tympani sonum saltare ac tripudiare assuecant. Camelum scilicet juvenem lococalido, ubi calidum quoque sit pavementum, includunt, foris tympanum pulsant; bestia ob caloris molestiam pedes alternatim sustollit, tripudianti similis. Hac eam ratione per menses aliquot exercent. Quæ elapso tempore, quotiescunque & ubicunque etiam in libero aëre, ac solo non calido, audit consuetum tympani sonum, saltationem pedum motu simili exercet. Visum à non nemine spectaculum Memphi in Ægypto. Possent & eadem arte asini instrui.

PROPOSITIO LVII.

Porrum ut ad prodigiosam molem excreseat.

*Porri mira
magnitudi-
nis ut fiat.*

Mizaldus id docet. Si porricaput, inquit, acutâ arundine, vel ligneo stylo pupugeris, & raporum vel cucumerum, semen

femeni in foramine occultaveris; adeo intumescet porri caput, ut prodigium videatur. Experimentum capere non erit difficile.

PROPOSITIO LVIII.

Ludicrum canum spectaculum.

Pseudo-Albertus Magnus in Secretis suis scribit, herbam cynoglossam, id est, linguam canum dictam, matrici canis copulatam, omnes urbis & ruris canes eò loci cogere; ubi occultata vel sepulta fuerit. *Canum spectaculum ludicrum.*

Idem ait, si talis miscella collo canis ita appensa fuerit atque ligata, ut excuti non possit; canem tam diu circumvolvi ac rotari, donec semimortuo similis corruat.

Addit præterea, idem sub planta pedis gestatum, omnem canum latratum ligare, & impedire.

PROPOSITIO LIX.

Ut panis in furno saltet.

Mixaldus ait, si pani in clibanum mittendo inferueris nucem vivo sulphure, sale petrae, & hydrargyro repletam, ac diligenter clausam; eum ubi incaluerit, ita saltare, ut jucundum spectatori-
Panis in furno ut saltet. bus præbeat spectaculum.

PROPOSITIO LX.

Ut homines lumini adstantes, squalidissimis vultibus appareant.

Modum docuimus in *Magia 1 par. lib. 5. Chromatismo 7. Si enim vitreo crateri ampliori infundas vinum valde vetus,*
Lumini adstantes ut appareant vel squalidi.

vel vinum græcum, & sale inijcias, quantum pugno capi potest, craterem verò carbonibus ardentibus imponas sine flamma, nè rumpatur, & cum ebullire cæperit, admoveas candelam; statim accendetur vinum. Si jam omnia alia lumina extinguas; adstantium facies per flammam illam tralucens apparebunt adeo squalida, ut spectantibus horrorem incutiant, putentque mortuos esse, aut macie & squalore confectos. Ita docet *Porta* lib. 20. *Magiæ Natural.* cap. 9. *Cardanus* jubet vinum cum sale ad consumptionem tertiæ partis coquere, ac deinde vinum illud accendere sublato omni alio lumine: tunc enim si adstantes immobiles maneant, mortuorum speciem præbent.

Eundem effectum præstat sulphur in medio adstantium accensum. Et hac arte ajunt *Anaxilaum Philosophum* illuisse convivis: Sulphur enim calici novo immisum, carbonibus subditis, circumferebat in loco convivij, discumbentibus flammâ repercussâ ac tremore tetrum pallorem affundebat.

Simile quid evenit in officinis, in quibus metalla & campanæ constantur, & sulphur coquitur.

PROPOSITIO LXI.

*Ut lampadi adstantium in obscuro cubiculo
facies varijs coloribus imbuta
videantur.*

*Lampadi
adstantes ut
varijs colo-
ribus appa-
reant.*

HOc etiam docuimus in *Magia nostra* loco citato ex *Porta*, & *P. Athanasio Kircher*o. Nam.

Primo. Si atramentum, vel melius sæpiarum atrum ac pinguem succum immisceas oleo lucernarum, & ellychnium à filis nigris conficias, atque in loco obscuro, extinctis alijs luminibus, accendas; adstantium facies & manus aparebunt atræ instar *Æthiopum*. Id spectaculi sæpe exhibuisse hospitibus

suis Anaxilaum Philosophum paulò antè citatum, testatur *Porta* loc. cit.

Secundo. Si thryallidas, id est, lucernæ stupam, aut fila, in atramento, aut prædicto sæpiarum succo, & æris ærugine intingas, & accendâ eâ lucernâ, cubiculum obscures, omneque reliquum lumen amoveas; apparebunt circumstantes partim ærei, partim nigri, propter mistarum rerum in dispersionem.

Tertiò. Si viridi lampadi vitreæ & pellucidæ olcum æris ærugini mistum infundas, ellychniumque exlinto aut gossipio ejusdem viridis coloris conficias, atque in obscuro conclavi accendas; non solum adstantium vultus & manus, sed etiam vestes, & omnia alia apparebunt viridia.

Quartò. Si vitream sphaeram, aut phialam quocunque colore tinctam, vel etiam aquâ colore aliquo tinctâ repletam, intra cubuli fenestram colloces, & ante phialam extra cubiculum ponas lumen, ut phiala sit inter lumen & cubiculum, hocque de cætero quantum fieri potest obscures; videbis totum cubiculum, omnemque apparatus, & vultus hominum eodem colore imbuta, quo phiala ipsa, ejusque aqua est tincta.

Quintò. Adhuc meliorem successum res habet, si adhibeas vitrum duplicatum, quorum unum sit intra alterum, ita ut inter utrumque relinquatur spatium vacuum. Si enim hoc vacuum repleas aquâ colore aliquo tinctâ, & in medio vitri interioris vacui statuas lumen, quod per vitra & aquam intermediam traluceat; apparebunt vultus, manus, aliaque membra omnia adstantium eodem colore imbuta, si reliqua luminaria in cubiculo clauso amoveantur.

PROPOSITIO LXII.

Purpuream rosam ex tempore candidam quovis tempore reddere.

Rosam purpuream, maximè cum recens est, & primum de hisce in folia cepit evolvi, sulphuris accensi nidore & fumo

Rosam purpuream reddere albam.

fumo suffumiga ; & statim dealbesceat, Res sæpe experientiâ probata fuit à me & alijs, & apud veteres etiam vulgata fuit. Causa utique est, quia sulphureus albor igne extenuante, atque rarefaciente penetrabilis tenuis rosæ meatus pervadit, & inficit.

ANNOTATIO.

Corvum dealbare.

*Corvum
dealbare.*

HAc arte utique corvum dealbabis, ostendesque experientiâ, albos in rerum natura dari corvos ; quod aliqui ut credant, vix adduci possunt.

Non nemo audierat, si passer vivus deplumetur, & servetur, plumas cum producere albas. Fecit experientiâ, sed falsam esse deprehendit.

PROPOSITIO LXIII.

Ut uvæ plenum cubiculum appareat.

*Uvæ plenum
apparet
con-
clave.*

Modum docent *Cornelius Agrippa* lib. 1. *Philosoph. occultæ* cap. 49. *Pseudo Albertus* in suis secretis, & *Ioannes Baptista Porta* lib. 2. de *Miraculis Naturæ* cap. 17. & nos ex ipsis in *Magia nostra* par. 1. lib. 4. *Parastasi* 5. Et quamvis experientiâ rei non habeam, nec causam videam naturalem, cur contingat, si contingit ; proponam tamen hîc iterum, ut si cui lubet, experiatur, & causam indaget. Itaque

Cùm deflorescere jam incipit uva, vas vitrenum plenum puro oleo accommoda infra, eique racemum deflorescentem cum frondibus etiam immerge ; firmaque vas, nè à vento divellatur, aut confringatur ; sol tamen illud feriat, & uvam intus latentem concoquat. Operculum præterea vasis bene claude, & gypso obtura, relicto solo foramine, quo racemi pedunculus & intromittatur, & sese deinde exserat. Ubi per-

fectam uva vasi inclusa acceperit maturitatem, exemptam linteo exprime, expressumque humorem serva in oleo diebus paucis. Hoc deinde oleo lucernam instrue, & accende: videbis omnia in cubiculo uvis plena, frondibusque & arboribus circumvallata. Idem arbitratur *Porta* contingere, si aliarum arborum fructus, ubi defloruerunt, vasis dicto modo includantur. Hoc tamen secretum omittit dictus Auctor in libris 20. Magiæ Natur quod signum est, nullam eum ipsum seniore factum illi fidem adhibere.

PROPOSITIO LXIV.

Ludicra fucatas mulierum facies deturpantia.

Porta lib. XI. Magiæ Natur. cap. 30. ait, si quis cognoscere cupiat, num mulieris facies sit mangonizata, seu fucata, id assequi, si crocum dentibus commanducet, & os propius mulieris faciei inter loquendum apponat: statum enim ex ore prodeuntem deturpare faciem, & subcroceam reddere; si autem nullo fuerit circumlita fucio mulier, innoxiam remanere,

Idem eodem loco ait, si eo loco, ubi mulier commoratur sulphur comburatur, fumum, si in facie cerussa, aut sublimatum argentum vivum fuerit, eam reddere fuscam, ac nigram. Hinc fieri ait, ut fucatae mulieres in Phlegæis montibus Puteolorum ambulantes, illicò reddantur nigrae, ut & argentea nimmismata in sacculis clausa.

Cerussatam quoque faciem dignoscas, si cumini grana commanduces, & alij nucleolum demordeas, propiusque mulierem alloquaris: si enim nativus est color, permanet; si cerussatus, vel hydrargyro concinnatus, statim obsolescet.

ANNOTATIO I.

Credo fabulam esse, quod aliquando pro historia narrari pro com-
 cione audiui. Parata erat in palatio nescio qua celebri comœdia:
 consuebat horâ constitutâ mulierum comptarum numerus ingens,
 interque illas vetular rugosa: omnibus comptis ingressus concedeba-
 tur, vetula denegabatur. Tum illa: non omnes compta, pulchra; sunt
 inter eas non pauca me fœdiores: experimentum, si placet, capite
 ejuscemodi. Pollubrum aquâ plenum ante palatij ostium statuisse, &
 egredientes omnes jubete facies lavare, larvas non paucas vid. bitis.
 Dictum, factum, visum.

ANNOTATIO II.

Fabula tamen non est, quod à Viro fide dignissimo, qui diu Madriti
 in Hispania habitaverat, ibidem contigisse inaudij. Iuris Doct̃or
 erat famosissimus, florentis ætatis, & opulentus: uxorem querebat
 nobilissimam, ac pulchram, tamen si pauperem. Hanc quia Madriti
 non inveniebat, nec in Castellâ utraque, alijsque vicinjs regnis ac
 provincijs; misit in Lusitaniâ qui inde invensam qualem petebat,
 adduceres. Adducta fuit comptissima, ac juvenacula in specie, ex-
 ceptaque à sponso cum copiosa nobilitate & virorum honestorum
 manipulo extra urbis regia portas obviam sponsa euntes; celebratum
 convivium; itum ad thalami locum. Hic sponsa cum ornatu reliquo
 deposuit & crines, & dentes, apparuitque calva & edentula. Quod
 adeo pupugit sponsum, ut præ amore paucos intra dies expirârit. Ne
 nunc, & fidei forma fallaci.

PROPOSITIO LXV.

*Faciès aliorum ut virescant, ac deinde ad nati-
 vum colorem redeant.*

*Facies alio-
 rum reddi
 to virides,*

EX Avicenna refert Porta loco proximè citato, sparso chamæ-
 leontis decocto in aquam balnei, viridi colore infici illum,

qui immoratur in balneo isto aliquantisper; & deinde paulatim pristinum colorem recuperare.

ANNOTATIO.

Varios capillorum colores videmus quotidie, in Septentrionali-^{Barba vi-}
bus præsertim regionibus, ubi major varietas, ob climatis tem-^{peratioris.}
periem, quàm in calidis. Virides tamen capillos, non arte, sed Naturâ
pictos, vix credo esse qui viderit. Novi tamen ego Romæ, & quotidie
ferè allocutus sum senem Germanum, cujus barba primo quidem
anno, quo illuc appuli, virefcere incipiebat, sequenti verò ac tercio
adeo notabiliter in eundem degenerabat colorem, ut tandem planè
ferè viridis evaderet.

PROPOSITIO LXVI.

Gallinas odore inebriare.

Non nemo quodam in Collegio nostro, cùm gallinæ jam ^{inebriari}
dormitum concesserant in locum sibi assuetum, infra eum ^{gallinas}
nescio qua de causa accendit vinum adustum: cujus odor cùm ^{odore.}
ascendisset ad gallinas, omnes velut ebriæ deciderunt.

ANNOTATIO.

Anse multos annos cùm quodam in loco docuissem discipulos meos,
quâ arte inebriarent aviculas, ut manibus capi possent; eorum
unus experimentum cepit in gallinis, quas mater domi alebat: cùm-
que omnes temulenta corruissent; mater, nē morerentur timens, ob-
sortis collis necavit universas; quas filius, & qui volebant alij, de
damno non incurrendo ex esu securi, coctas ab-
sumpserunt.

PROPOSITIO LXVII.

Passeres fugare, nè clamoribus locum infestent.

Passeres fugare.

CUM quodam in Collegio nostro passeres subjectum cubiculis locum importunissimis infestarent clamoribus, ac tum orantibus, tum studentibus quietem omnem eriperent; quidam magni nominis Concionator, & qui vel maximè silentium studiorum tempore amabat, unum cepit, & collo nolulam, vertici pileolum ad modum cristæ aptavit, ac circa locum illum volitare permisit. Ab illo tempore nè unus quidem ampliùs in loco illo comparuit.

ANNOTATIO.

SCIEBAT hoc alius è Patribus nostris: cumque alio in loco passeres granarium nostrum infestarent, nec modis ullis fugari aut arceri possent; cepit & ipse unum, appensâque collo nolulâ, & adglutinatâ vertici è panno rubro cristâ, dimisit. Fugavit & quidem primis aliquot diebus passeres; at non multo post ille ipse cristatus cum alijs ad granarium redijt. Causam putant fuisse summam, quâ tunc campi afflictierant, siccitatem & sterilitatem.

PROPOSITIO LXVIII.

Capitis vertiginem sanare.

Vertiginem capitis sanare.

INTER ludicra referre placet, quod audiivi à Concionatore illo, cujus paulò antè tacito nomine mentionem feci. Experimento is didicerat, tum in se, tum in alijs, pelles talparum affutas, & in modum pileoli aptatas, accapiti laborantis vertigine impositas, malum depellere.

PROPOSITIO LXIX.

*Morbum lethalem cerevisia potatione
sanare.*

Vir doctus, ac religiosus, multisque libris scriptis clarus, mihi *Cerevisie* retulit, quodam loco plurimos milites ignoto Medicis mor- *potus sanat* bo fuisse absumptos: Medicos sollicitos in causa morbi depre- *morbum* hendenda, secuisse defunctorum nonnullos, & in singulorum *lethalem.* stomachis reperisse massam quandam concretam: eam imposuisse diversis liquoribus, ut vino, aquæ, lacti, aceto, vino adusto, cerevisiæ; at in nullo solutam fuisse præterquam in cerevisia. Omnibus ergo ægris cerevisiam largè bibendam præbuisse, ac sanasse.

ANNOTATIO.

Revocat hoc in mentem quod mihi & alijs non semel narravit *Morbum.* Vir *Religiosus,* & fide dignissimus. Hibernabant in pago ad *Monastium* Mænam *duo larai,* nostrum sitq milites; quos inter *VVestphalus* erat natione, periculoso *& brassica* morbo ad extrema deductus. Commisitones, qui corpori curando nul- *lunt.* lam omiserant diligentiam, quam tali loco ac tempore adhibere potuerant; ut anima quoque solatio potiretur, è vicino Monasterio Religiosum evocant, qui & ipse natione *VVestphalus* erat. Hic cum imperitis solatio quæreret, num realiqua pro corporis refectiōe indigeret, respondit miles, varia se medicamenta, ac poriones plurimas jam absumpsisse nullo effectu; putare autem, si lardi frustum cum brassica *VVestphalico* more coctum comederet, sanandum, aut saltem antequam moreretur, recreandum. Vadit confestim Religiosus ad monasterium, lardum cum brassica, ut petiverat ager, preparat, ac per Monasterij famulum mittit. Comedit latus, dormit quiescè noctem totam, die postero humeris sclopero imposto Monasterium accedit, ac suo Esculapio gratias agit.

PROPOSITIO LXX.

*Vitreæ sphaerulae nucis avellanae magnitudine,
bombardula explosa crepitum
amulans.*

*Sphaerula
vitrea
bombardu-
la sonum
amulans.*

Lubet hæc repetere, quod scripsi in Mechanica Hydro-pneumatica par. I. Protheoria 3. §. 2. est enim multorum jocorum seges.

Vitreas sphaerulas nucis avellanae magnitudine, aut etiam minores majoresve (perinde enim est) fieri curavi Romæ ad lampadem à quodam Germano artifice, vitrum in omnes colores, omnesque figuras florum, fructuum, avium, animalium omnis generis, icuncularumque quarumlibet affabrè elaboratarum efformante. In eas sphaerulas acetum, aut nitratum sale aquâ dissolutum infundî jussi, & ad medietatem plus minùs repleri, ac deinde hermeticè claudi liquefacto eodem vitro ad eandem lampadem. Harum sphaerularum unam si quis carbonibus non nimium accensis, aut calidis cineribus (ut paulatim calefieret, intusque conclusus liquor ac spiritus rarefieret) imponebat, post exiguum temporis spatium, tanto cum impetu ac fragore viam sibi aperiebat rarefacta ac spiritosa materia, intus conclusa, majoremque quærens locum, ut non tantum vitrum in mille minutissimas particulas distringeret, sed carbonem etiam ac cineres toto conclavi dissiparet, nullius damno, nisi si quis vultum propè applicaret.

ANNOTATIO.

Cum experientiam Romæ coram Serenissimi Holsatiae Ducis Filio primogenito D. Friderico (qui Româ digressus, Parisijs in mor-

*bum incidit, & obiit) & Pranobili atque Amplissimo Domino Levi-
no Molcke, ejusdem Serenissimi Ducis Consiliario, actum familia Filij
Prefecto, facerem foco in conclavi hyemali tempore assidentibus; fa-
muli ante cubiculum prestolantes, accurrebant attoniti, bombardu-
lam in Principem suum explosam credentes.*

*Ibidem anno sequenti alius magnus Princeps juvenis, nunc in-
elitus belli Dux, cum nonnullas dictarum sphaularum à me accepis-
set, ac domi die quodam cum multis alijs Nobilibus foco assideret;
unam deprompsit, atque ostendit, videntibusque omnibus igni inje-
cit, asserens, ubi calefacta foret, gratissimum sparsuram odorem. Om-
nes arrectis naribus, & ore hians odorem expectabant, cum repente
fit crepitus, & carbonum cinerumque disjectio, diffugientibus omni-
bus in timorem primo, deinde in risum dissolutis.*

*Alio tempore coram Cardinale quodam, & magno Nobilium
comitatu, cum ad visendum P. Athanasij Kircheri Museum convenis-
sent, admonito prius clanculum solo Cardinale, unam carbonibus
acerrâ exceptis impositam explosi; & ita omnes alij præter dictum
Cardinalem territi fuere, ut auctorem (nesciebant me esse) ad pæ-
nam quærent.*

*Alius nobilissimus juvenis Germanus, magni nunc in Germa-
nia Principis frater, quàmprimùm dictarum sphaularum effectum
apud me vidit, magnum earum numerum, in patriam secum adspor-
tandarum fieri curavit; ut jocum faceret mulieribus quæ pro more
patriæ, hyemali tempore, urceolos aneos cineribus & carbonibus
plenos panes se habent, dum ad confabulandum confident: injectu-
rum enim se ajebat clàm sphaulas in urceolos, ut explosis consterna-
rentur. Alia multa faceta, innoxia tamen, ejusdem
exhiberi ab ingeniosis pos-
sunt*

PROPOSITIO LXXI.

Lepida quaestiones ac responsiones certis idiomatibus peculiares.

Lepida quaestiones ac responsiones.

QUalibet idiomata peculiares habent loquendi modos, ac verba æquivoca, quibus si interroges, ni alter eodem sensu intelligat, quo tu, aut ineptè omninò respondet, aut magnum subesse mysterium existimat. Nonnulla exempla subijcio in idiomate Germanico, Latino, & Italico, quæ nunc obiter consideranti occurrunt.

I. Sunt duæ candelæ, cerea una, sebacia altera, ejusdem prorsus crassitiei, & longitudinis, ex cera & sebo ordinarijs, & nullâ aliâ re permistis confectæ; quæ simul acceduntur ardentque donec omnino absumantur. Quæritur, *welche aus den zweien Kircken länger brennet?* hoc est, utra longius ardeat? Germanus si respondeat germanicè, *keine* / (id est, neutra) rectè respondet, quia *länger brennen* / id est, longius ardere, in Germanico idiomate æquivocum est, & sumi potest prodiutius ardere, & pro ardendo longius evadere.

II. Si quærat Germanus, *warumb Judas der Verrhäter ein rothen Bart gehabt habe* / id est, cur Iudas proditor habuerit barbam rubram; rectè respondetur, *umb den Mund* / id est, circummentum, quia per vocabulum, *warumb* / non solùm causâ rei, sed locus etiam quæritur.

III. Si Germanicè interrogetur, quando in arbore creseit pyrum, *was wächst vor der Stiel/oder die Birn?* id est, quid prius creseit, stylus, an pyrum? Rectè respondebitur, *die Birn* / pyrum, quia vocabulum *vor* / significat prius seu antè non solùm quo ad tempus, sed etiam quoad locum, seu situm in loco.

IV. Si quis afferat linguâ seu Latinâ, seu Italica, seu Germanicâ, vidisse se hominem habentem tantam barbam, ut quotief-

tiescunque scalam ascenderit , eam pedibus calcârit ; verum dicit ; tametsi homo ille habuerit barbam brevissimam : non enim barbam , sed scalam pedibus calcare asserit.

V. Similimodo, si quis vel Latinè, vel Italicè, vel Germanicè dicat, sedisse in arbore una passerem decem, seque exploso sclopeto deiecisse quinque, & quærat quot remanserint? rectè responderetur, nullum, quia omnes avolare solent.

V I. Qui dicit, quâcunque linguâ, cuculos in Sicilia nunquam clamare, ante meridiem, rectè dicit, quia cùm cuculus articulatè non loquatur, non potest clamando formare illa verba, *ante meridiem*.

Omitto innumera alia exempla quæ occurrunt. Lector facetus plura his sciet, aut formabit.

PROPOSITIO LXXII.

Eâdem apertura circini ordinarij, fixo manente uno pede in centro, figuram ovalem describere, est possibile.

Chartam circumpone cylindro seu columnæ cuius rotundæ, aut humanæ tibie, fixoque uno pede in puncto quovis electo pro centro, altero ad libitum extenso, describatur circulus. Revolutâ chartâ de cylindro, atque expansâ æqualiter, apparebit in ea figura ovalis.

Ovalem figuram circino ordinario describere.

PROPOSITIO LXXIII.

*Unico ductu pennâ & atramento in charta, cretâ
in mensa, aut tabula plana, formare trian-
gulum rectilineum.*

*Unico ductu
triangulum
facere.*

*Vide
Icon. VIII.
Fig. I.*

IN charta aut mensa angulari rectilinea, ab uno ad alterum
latus quæ angulum continent, duclineam rectam, & habebis
triangulum designatum. Charta aut tabula sit ABCD. Duc
lineam EA, & habebis triangulum EAH, unico ductu forma-
tum.

Simili modo unicâ sectione cultro, aut serrâ, aut fortifici-
bus, efficere poteris solidum triangulum, seu pyramidem, si
angulum solidum abscindas è charta, aut tabula.

PROPOSITIO LXXIV.

*Rastrum pingere in tabula, cujus dentes non optice,
sed revera sint erecti, aut deorsum
tendant.*

*Rastrum cum
dentibus
verè erectis
pingere.*

*Vide
Icon. VIII.
Fig. I.*

Pinge manubrium rastrum in superiori aut inferiori tabulæ cras-
sæ superficie, dentes verò in superficie laterali, & habebis
quod quæritur. Tabulæ superficies superior sit AB, lateralis
verò secundum crassitudinem tabulæ superficies sit CD.
Pinge manubrium rastrum EFG in superficie AB, dentes verò in
superficie CD; & pinxeris rastrum, cujus dentes revera
deorsum tendunt.

Fig. I.




Fig. II.





Fig. III.



PROPOSITIO LXXV.

Ludicrum hydromanticum.

EX chalybea lamina cura fieri pennam, ut vocant, qualem apposita refert figura, cujus pars DE violenter depressa infra partem AB versus C, redeat sponte ad situm pristinum talem, qualem eadem figura exprimit. Hoc instrumento exhibebis in aliorum conversatione sequens, aliaque similia ludicra. Deprime partem DE, infra partem AB, & ne sponte redire ad suum situm queat, in terpone crustam panis, aut frustulum panis duri, & colloca instrumentum intra vas aliquod oblongum, v. g. intra cantharum aut urceum è quo vinum discumbentibus depromitur; & si quid scis aut suspicaris de quopiam, quod ipse ignotum omnibus putat, v. g. quòd in animo habeat ducere uxorem, aut ingredi statum religiosum, aut abire in regiones longinquas, &c. dic te divinatorum hydromantico artificio, quinam ex omnibus in animo habeat uxorem ducere. Tàm pete ab omnibus cultrum, conijce illos intra vas, ut apices fundum tangant; illius verò quem prodere vis, cultrum infige uni foraminum FG. Demum infunde aquam calidam intra vas, & dic, illum ducturum uxorem, &c. cujus culter sponte ex vase exsilierit. Interim mollescente pane qui partem DE cum cultro depressam tenet, dicta pars à violenta detentione libera subsiliet cum impetu sursum, cultrumque sibi infixum eodem impetu extra vas eijciet, magno omnium admiratione & risu.

*Hydroman-
ticum ludi-
crum.*

*Vtas
Icon. VIII.
Fig. II.*

PROPOSITIO LXXVI.

Ut equi, aliaque animalia non comedant.

SI joci gratiâ, & ad terrendum alios, efficere vis, ut eorum equi, boves, aliaque animalia, ad tempus non comedant,

*Equi, alia-
que anima-
lia ut non
comedant.*

etiam maximâ stimulante fame ; linguam , palatum , cavita-
temque reliquam oris sevo aut axungiâ inunge clanculum ; non
comedent donec abluatur os sale & aceto.

Referunt multipassim, alijque describunt ex iisdem, si in-
tra aut supra præsepia suspendatur cauda, aut pellis, aut caput
lupi, oves stare attonitas, nec comedere ; quod tamen experi-
entia docuit P. Kircherum, esse falsum.

PROPOSITIO LXXVII.

*Vas liquore plenum intra aliud aqualis magnitu-
dinis aliâ materiâ plenum effundere, ut nec
materia illa cedat, nec liquor
effluat.*

*Vas plenum
intra aliud
aqualis &
plenum ef-
fundere.*

Summe duo ejusdem magnitudinis vitrea vasa, unumque reple
cinere subtilissimè cribrato, non tamen compresso ; alterum
spiritu vini. Hunc effunde paulatim intra vas cinere plenum ;
videbis nè guttam quidem superfuturam in uno, aut effluxuram
ex altero. Causa est, quia pars utriusque corporis simul com-
missi resolvitur in vapores & exhalationes, invisibiliter evo-
lantes.

PROPOSITIO LXXVIII.

*Modico igne magnam ciborum copiam
coquere.*

*Ignis modico
coquere.*

Ingentem lignorum copiam absumi video passim apud nos in
Religiosorum, aliarumque numerosarum familiarum culinis,
ubi tribus quatuorvè ollis aut cacabîs cibi coquendi sunt, quo-
niam ignis loco libero exstruitur, & ollæ aut supra ignem su-

spenduntur, aut ad latera circumponuntur. Prodigalitat^{is} ansam lignorum præbet copia. Parciores eâ in re sunt Itali, quos lignorum aut inopia, aut caritas, sequentem docuit praxin, quâ modico igne, & exiguis sumptibus, ingentem ciborum copiam in magnis, etiam ducentorû capitum (quos ferè numerabantur in Collegio nostro Romano, ac Panormitano, cum inibi degerem) familijs coquunt.

Furnulum nimirum construunt in culina, tantæ à pavimento altitudinis, ut adstantis umbilicum tangat. Hunc undique claudunt, relicto solum ab anteriore parte ostiolo, quo lignum iniiciunt, & focum instruunt, atque restaurant, ubi opus. In furnuli planities suprema quinque ad summum circularia efformant diversæ capacitatis foramina, quibus cacabos aut lebetes, manubrijs suis apprehensosita imponunt, ut cavitates exactè expleant, nè per eas calor ignis subjecti transpiret.

In apposito schemate culinæ murus, cui furnulus appositus, est ABCD, pavimento culinæ CDEF, furnulus GHNO, superior ejus planities GHIK, quinque circelli differentis magnitudinis, sunt quinque diversæ capacitatis foramina. Semicirculus V est locus grandioris aheni ad calefaciendam aquam in culinæ usum. LM est diaphragma sive interstitium transversum lapideum, ferreis cratibus intertextum, quo furnulus in duo discriminatur receptacula, superius IKLM, & inferius LMNO. R est ostiolum furnuli, ferreâ portâ munitum, quæ igne intus accenso clauditur, vel panditur, prout necessitas exigit. Per ferreas crates diaphragmatis LM decidunt cineres in receptaculum inferius LMNO, è quo per apertum ostiolum S depromuntur. TV est caminus intra murum culinæ. PQ est spiraculum laterale, cui intruditur ferreâ laminâ, iterumque eximitur, prout necessitas requirit. Intrusâ laminâ, calor totus & flamma intra furnulum concluditur: extractâ, ascendit sursum versus T, calorque furnuli temperatur. Hæc sunt quæ observavi in dictis Italiæ furnulis. Si quæ omisi, aut minùs rectè explicavi, prudens ac discretus lector, qui ejusdem habet notitiam, benignè supplere dignabitur.

Ido
Icon. VIII.
Fig. III.

ANNO TATIO.

D*u postquam hæc scripseram, reperi idem ferè artificium apud Cardanum lib. 10. Varietat. cap. 49 his verbis descriptum.* Clibanus ad coquenda multa simul utilis, nunc in usu Mediolani, compendium duarum partium è tribus lignorum faciens, quoniam conclusus ignis triplo efficaciores vires habet. Quadratam efficies formam, duorum cubitorum fermè latitudine, altitudine unius cum dimidio, è creta lateribusque. Superiùs quatuor foramina ampla, rotunda, pro magnitudine lebetum & patellarum. Superficiem totam superiorem integre ære: sed ubi foramina adsunt, æs exscinde, sientque frustra hæc pro operculis. Ubi ergo usus erit, patellas & lebetes suis locis impones: ubi opus non est va'e, operculum indito, ut clibanus nullibi respiret. Sub folio superiore cavitas est, ostiolumque quadratum, per quod ligna carboneque immittuntur: à latere verò multò latius, sed humilius ostium, atque in inferiore parte. Medio folio crates ferrea simplex, per quam cinis demittitur. Constat itaque, ostium per quod ligna immittuntur, in parte superiore esse, reliquum autem in inferiore. Coquuntur & veru carnes, propositis cardinibus à lateribus ejus ostij, per quod cineres extrahi solent; nam ibi prunatorret carnes, & flamma in superiore folio, si aptetur rota, circumagit verua. Verùm tunc cum exhalare eam oporteat, non tantum fit compendium lignorum. *Hæc Cardanus.*

PROPOSITIO LXXIX.


Lucernam Italicam construere.

*Lucerna
Italica.*

C*ardanus lib. 1. Subtilit. exhibet Lucernam, quam ipse mirabilem vocat; estque verè mirabilis, si construatur, ut ipse eam depingit: fieri enim naturaliter non potest, ut oleum infusum retineat, & desideratum effectû præstet. Sed vitio Delinea-*

1
2
3
4
5
6
7
8
9
10
11
12
13
14
15
16
17
18
19
20
21
22
23
24
25
26
27
28
29
30
31
32
33
34
35
36
37
38
39
40
41
42
43
44
45
46
47
48
49
50
51
52
53
54
55
56
57
58
59
60
61
62
63
64
65
66
67
68
69
70
71
72
73
74
75
76
77
78
79
80
81
82
83
84
85
86
87
88
89
90
91
92
93
94
95
96
97
98
99
100

Fig. I.



q

Fig. II.




Fig. IV.





Fig. III.



toris, aut chalcogra hi errorem contigisse existimo; alioquin enim rectè verbis à Cardano describitur, ac demonstratur. Ejus figuram in appposito hîc schemate restitui; & quoniam passim in tota Italia ac Sicilia in usu est communiter, Lucernam Italianam vocavi. Sic autem construitur.

Excupro, aut stanno, aut meliùs ex bractea ferrea stanno obducta (Germani vocant *Blech*) fit vasculum AB, in modum turriculæ affabrè elaboratum, habens in medio fundi extantem pedunculum solidum D, ut in usu alteri pedicavo insigi queat. Infra immediatè supra fundum, ubi C, fit foramen oblongum, instar ostioli aperti, ut apparet in I Figuræ II. quod circumdatur margine unius digiti latitudine; qui infra continuatur cum alio margine seu limbo ad angulum rectum prominente, ut in Figurâ I. apparet. Huic limbo secundum longitudinem implantatur canaliculus dissectus instar alvei, ut ellychnium intra cavitatem suam recipiat. Per ostiolum C infunditur oleum, & lucerna per pedunculo suo solido D insigitur pedunculo cauo K, basis GH quam exprimit Fig. III. statimque per ostiolum C effluit oleum, & replet limbum perpendiculariter affixum, obturatque ipsum ostiolum C, nè aër ingredi, aut plùs olei effluere queat. Canaliculo dissecto margini implantato imponitur ellychnium, & accenditur. Dum flamma ellychnij absument oleum in limbo contentum, discoperitur paulatim ostiolum C, ut egredi novum oleum, ejusque loco subintrare aër aut vapores olei rarefacti valeant, partemque superiorem turriculæ ad vacuum impediendum, replere.

*Ad
Iconis IX.
Fig. I. II.
& III.*

PROPOSITIO LXXIV.

CAvendum tamen nè ostiolum C aut nimis parvum fiat, ut prohibeat olei fluxum, aut nimis laxum, nè incallescens paulatim ac rarefactum oleum simul toto impetu ex improviso effluat. Quod aliquando contigisse, sed rariùs, memini. Certa mensura præscribere non potest: res dependet ab experientia, quam artifices longo usu discunt.

PROPOSITIO LXXX.

*Lucernam qua anno integro subministret oleum
accenso ellychnio, fabricare.*

*Lucerna
dix durans.*

CONSTAT Athenienses olim posuisse simulacro Minervæ lucernam, quæ toto anno arderet. Hanc putat Cardanus loco proximè citato non aliter fuisse constructam, quàm ad modum antea expositum, aucto vase oleum continente juxta multitudinem dierum anni. Commodius tamen putat, si fiat vas amplum, superius apertum, & oleo infuso superponantur craticulæ ferreæ subere sustentatæ, ut nunc communiter fieri solet in lampadibus vitreis, quæ in templis ac ædibus aliquorum diebus ac noctibus totis ardent. Ut tamen perseveret flamma in ejusmodi lucernis velut perpetuis, ellychnium comburi non debet. *Tale fit* (inquit Cardanus) *è lino carpassio; hoc enim non uritur: aut ut inferius docebimus, è lapidum crustarum filis.* Qui autem sint hi lapides, Propositione sequenti dicemus.

Tamen si verò, si in vase amplo ellychnium cum subere & ferreis cratibus descendat, diu duret lucerna, aut lampas, incommoda tamen ea est: quia si oblongum sit vas, absconditur Ignis, nec eminet, luxque obtusa est: si verò latum sit vas, obumbrat lumen circumquaque, nec nisi in altum ejaculatur. Aliam igitur rationem ab ea, quam Propositione præcedente ex eodem descripsimus, haud dissimilem præscribit lib. 10. Variet. cap. 48. his verbis:

*Vide
Iconis IX.
Fig. IV.*

Hac igitur ratione lucernam pro toto anno constituemus. Faciemus lucernam A, qua tantum capiat olei, quantum sufficit pro una die, ratione scilicet dictâ in primo libro de subtilitate. Huic sextuplo majorem faciemus B, jungemusque ipsi A ex superiore parte. Ipsi verò B sextuplam faciemus C, adglutinantes ipsi B superius firmiter. Ipsi quoque C faciemus D sextuplam cum sexsanse, quam eodem modo adjungemus ipsi C. Sitque tota machina bene undique conclusa. Sup-

pedisabitque oleum toto anno perpetuò ardente ellychnio, & illustrante. Hæc Cardamus.

ANNOTATIO.

Vereor tamen, nè pondere nimio olei lucerna *A* super incumbens exprimatur plus olei, quàm absumi ab ellychnio queat, resoluto interim oleo in *D* concluso in tenuem substantiam, quæ partes exinanitas repleat & patienti Natura succurrat, nè vacuum maneat vas *D*. Si tamen successum habeat praxis, possunt partes *B*, *C*, & *D*, abscondi supra templi fornicem, aut domus tabulatum, & sola pars *A* in longum producta eminere.

PROPOSITIO LXXXI.

Ellychnia incombustibilia præparare.

HAc de re egimus in nostra Pyrotechnia, quæ est liber 2. part. ^{*Ellychnia incombustibilia.*} 4. Magiæ, ubi de lucernis perpetuis sermonem habuimus. Nunc placet recensere, quæ de eadem re scribit Cardamus lib. 5. Subtilit. his verbis.

Alumen quod Scajola vocant, est Astrum Samium apud Veteres, nec est in succorum genere: uti nec alumen pluma, quod ex terrenis partibus constat, atque ideo tenuiter si teratur, lectoque inspergatur, pruritum commovet assiduum; acutas enim & pungentes partes habet. Quod si ex eo ellychnia fiant, haud ardent (id est, non consumuntur) sed perpetuò oleum consumitur, ipsa autem manent. Commune est hoc omni fermè generi crustati lapidis. Nam & in Eslebia ex pyritide, tum lapide alio scissili pyra imposito, liquor viridis emanat, qui cum igne extincto cogitur, ignem amplius non sentit. Sic ex Amianto lapide Roma mappas, & in Verebergo Bohemia mantilia esse affirmas Agricola, quæ non aquâ, sed ignibus eluantur. Et ex Magnesia lapide squamoso, argentei & plumbei coloris, in Boldecrana mensæ fiunt, quæ igne purgantur, nec visantur: ex tenuiore autem parte thryalides pro lucernis. Videbuntur hæc quibusdam mirabilia

dictu quæ tamen non solum vera, sed etiam necessaria sunt, ac facilia inventu. Nam cum omnes ferme lapides igni, præsertim haud diuturno, resistunt, squamosi plerumque nentur, ob fila. Texi verò quæcunque nentur, quæ dubitat? Unde etiam non solum ex lino & canabe, sed ex sparto quoque seu genista mappa conficiuntur, & c. quidquid enim ductile est, nere licet; quod nere licet, licet & texere. Ductile verò est, quidquid humido constat tenaci ac minimè fragili, & c.

ANNOTATIO.

Q*uæ Cardanus hoc loco asserit de lapidibus, ejus natura ut neri queant, & texi in mappas, multi sciunt vera esse, ut pote testes oculati. Nec lapides solum, sed vitrum etiam in tenuissima ac ferè invisibilia fila, si singulatim aspiciantur, nentur ad rotas, non secus ac linum, lana, gossipion, sericum, & similia, ut ipsemet vidi.*

PROPOSITIO LXXXII.

De lampade vitæ & mortis ex humano sanguine.

*Lampas ex
humano
sanguine*

E*rnestus Burgeravius in Libello quem Ellychnium vitæ appellat, lampadem præparare jubet ex humano sanguine distillato, & à phlegmate purificato: hujusmodi enim sanguinem ait non secus ac oleum nutrire flammam, & quidem si ellychnium ex asbesto, aliavè incombustibili materia fiat, tam diu, quoad vixerit homo ille ex cujus sanguine est præparata lampas. Lampas hac (inquit citatus Auctor) sive lumen incensum semel, ardet jugiter, quoad homo ille, è cujus aptatur sanguine, vitalem ducit spiritum; arque eodem quo eundem efflat ipse, hora sive momento, sive punctu litio, simul cum eo extinguitur. Scito in super, si flamma luculenta sit, elevata, tranquilla, & immota, nihil homo iste quod vel corpori, vel animo grave sit, sentit: sin verò secus habeat, & assurgens*

flamma variè scintillet, aut depressior sit, aut nubilosa & torpida; indicium tibi anxietatis, tristitia, cæterorumque pathematum esto. Perpetuò enim ex congenitis Microcosmi influxionibus astralibus, ac naturalibus inclinationibus (cùm & sanguis ille à sanguine ipsius hominis, & corpus ejusdem à substantia hujus ipsius sanguinis, à quo sanguis ad præparandam mutuo quasi sumptus est, enurriatur) flamma ista pro statu & habitu istius hominis sive prospero, sive adverso, emicat, & spectandam se præbet.

Hæc Burggravius lo. cit. ubi etiam addit historiam de studio quodam Argentoratensi, cum lampadem hujusmodi de sanguine, quem vernali & autumnali tempore è vena secta emittere solebat, præparasse: cùmque in ardentem incidisset febri, flammam lampadiseadem cum febris caloris augmenta ac decrementa sumpsisse, tandem momento eodem quo æger animam efflavit, extinctam fuisse.

ANNOTATIO.

Fides sit panes Auctorem. Experimentum mihi non constat, ideoque causam non inquirò. Scio miram esse inter hominem, humanoque è corpore partes etiam separatas concordiam atque discordiam. Exemplapassim extant. Aliqua etiam hoc Opere traduntur in sequentibus.

PROPOSITIO LXXXII

Aquam vitæ ex pane conficere.

EX pane varia conficiuntur medicamenta. Aqua viræ, notissimus thesaurus, præsertim apud Polonos, Moschos, & Aqua vitæ ex pane. Græcos, sic paratur, teste *Ionstano* in Thaumato-graphia Classe 10. cap. 2. art. 6.

℞. Panis optimi in tenues bracteas secti quantum satis. Impone calenti clibano, ut sensim optimè exsicceetur, rufi bis cocti ad instar. Mox crasso modo tustum aheni capaci indito, & ad singulas panis rufi libras adde aquæ fontanæ libras quinque, florum lupuli manipulum unum, anisorum unciam unam. Coquantur simul ad unius partis consumptionem. Cum parum refrigerint, effunde, & per sportam, seu cribrum trajice: mox affunde aliquid fermenti, tepidâ prius aquâ dissoluti: do-
liolo include, & multi instar fervere, ac fermentari finito: tandem clarum separa, destilla, & ut spiritum vini rectifica.

PROPOSITIO LXXXIV.

*Sanguinem è corpore humano fluentem
sistere.*

*Sanguinem
sistere.*

Gesnerus apud Jonstonum loco proximè citato cap. 3. art. 3. refert, Fridericum Saxoniz Ducem, busonem veru ligneo transfixum, in umbra diligenter arefactum, sindone involutum, hæmorrhagiâ laborantibus tam diu manu tenendum dedisse, donec intra manus incalesceret; ita sanguinem repressum.

Facit idem gallinaceus pullus, Plazero teste apud eundem, sicut in loco ubi galli castrari solent, foramine sectione aperto, pars intrudatur laesa. Successum experientia testatur.

Nobilis quædam matrona, sanguinis è naribus fluxum frusto cretæ albæ digito annulari contento, è regione naris sanguinem fundentis reprimebat, teste *Foresta* apud citatum Auctorem.

Aliud remedium dabimus infra Centuriâ tertiâ, Propositione duodecimâ; & hac ipsa Centuriâ primâ
Proposit. 97. & 98.

PROPOSITIO LXXXV.

Igneos characteres exhibere.

TAmetsi artificium ad igneos characteres exhibendos simpli- *Igneos cha-
racteres ex-
hibere.*
cissimum sit, quia tamen non omnibus notum, & multis est
fortassis gratum, hîc breviter annuere non gravabor.

In tabula, charta crassiore, aut lamina quacunque, pingan-
tur colore, aut cretâ, litteræ, vocabula, nomina quæ exhibere
volueris, & quidem naturali ordine, eoque prorsus modo, quo
aliàs pingi ac scribi solent. Pictæ excindantur, retro tabulam
ponatur una aut plures candelæ, aut lucernæ, prout res exiget,
ut lumen per litteras excisas traluceat noctû, aut in loco tene-
broso; & habebis quod desiderabas.

ANNOTATIO.

Hartstorfferus tom. I. *Deliciarum Mathematico-Physicar. Par. II.*
*quæst. 37. vult; ut litteræ pingantur aut scribantur in versa co-
modo, quo æri incidi, aut fundi pro typographis solent. Sed hoc minimè
necessarium est, nisi velis litteras in tabula pingere ex ea parte, qua
lumen est collocandum: tunc enim in versa esse debent, ut antè rectè
appareant. Verùm, ut dixi, hoc minimè necessarium est: si enim à parte
anteriori tabula pingantur, & excindantur, jam in versa apparent
à parte posteriore. Sic si in tabula pingas, & excindas hac verba:
VIVAT LEOPOLDVS SEMPER AVGVSTVS, & excindas; appa-
rebunt retrò in versa modo & ordine, quo æri incidi
solent, ut imprimantur charta.*

PROPOSITIO LXXXVI.

Muros solidissimos construere.

*Muros soli-
dissimos
construere.*

Vldi multis in locis, Romæ præsertim, rudera antiquissimo-
rum ædificiorum, ac murorum, in quibus lapides cæmento
intermedio adeo firmiter ac indissolubiliter conglutinati,
ut plûs operæ, laboris, ac sumptuum requiratur ad eos demoli-
endos, quàm ad novos extruendos. Eiusdem rei vestigium
habemus Moguntia in monumento Drusi Germanici, quæ mo-
les est lapidea, rotundaque, Drusi tempore constructa, adeo
compacta firmiter, ut vi nullâ hæcenus dissolvi poterit, nec
deijci posse putatur aliter, quàm supposito pulvere pyrio ac
igne. Mirantur plerique omnes firmitatem horum, similium-
que monumentorum, olim à Romanis extruitorum, nec ullum
adhuc audivi, aut legi, qui artificium se scire fateatur. Solus
Cardanus (quod sciam) lib. 12. Variet. cap. 58. id explicare cona-
tur his verbis:

*Fiebant igitur ex terra cretosa albida, seu rubra, purgata ab
arena, sabulo, calculis, luto: inde non igne, sed sole, ad quinquennium
usque siccantur. Verno tempore & autumno ducendi sunt, nè per
solstitia summo corio siccescente contrahantur & frangantur. Ex-
actò biennio utiles esse incipiunt, perfecti quinquennio. Antequam
ducantur, diu macerandi, paleaeque immiscenda. Calx è vivo lapide,
arena autem qualis pulvis puteolanus aut carbunculus aspera, levis,
& vi ignis exusta. His materijs, maximè si etiam lateres è pumicosa
argilla fuerint, muri sunt aeterni. Quod parum differat camentum
à lateribus ipsis: & utrumque cum vim ignis senserit, ac attenuatum
fuerit, ad extremum usque in duritiem adamantinam transeat. In-
uat etiam, ut sub æquinoctia fiant adificia, camentumque sit haud co-
piosum, lapidesque bene quadrati, structuraque ad perpendiculum
exquisitè erecta. Hæc Cardanus.*

Multa ex dictis servantur hodie, fueruntque & priori sæculo servata in fabricis Romanis, qua tamen longissimè distant à firmitate antiquarum. Juncturæ firmitas inter lapides & cæmenta dependet sine dubio ab aqua, arena, lapide ex quo calx, ex calcis conservatione, cæmenti subactione, tempore, & similibus.

PROPOSITIO LXXXVII.

Verua facillimè circumagere.

NOTum est artificium quo communiter jam utuntur ad vertenda verua, circumactis rotis dentatis ope tympani laminam chalybeam intus convolutam habentis. Quam diu enim hæc lamina, priùs manubrio ferreo curvo convoluta, evoluitur, tam diu rotæ, & cum rotis verua vertuntur. At quoniam molestum est, toties laminam convolvere, & prout ut aut incuriâ, aut oblivione, aut occupatione aliâ coquid operis omittatur; posset adhiberi instrumentum aliud facillimum, quo veru sponte & perpetuò vertitur modico igne, quod describit Cardanus lib. 12. Variet. cap. 58. his verbis.

verua facillimè circumagere.

Ferrea lamina lateribus camini muro utrimque infigitur. In ea est foramen, in quo cuspis flabelli ferrei versatilis intruditur. Flabellum tenue est, & ab imo tympanum habet dentatum (vel potius striatum) cuius cuspis altera, parum obtusa, infigitur foramini superiori clavi, & ipsa in eo versatilis. in eodem clavo juxta foramen superius, aliud est foramen à latere; cui intruditur cuspis alterius virga ferrea, cui juxta cuspidem qua est in clavo, rota ferrea cum denticulis circumducta, sic ut denticuli tympano inferantur, & ipsa cuspis versatilis, ut etiam ex adversa parte qua includitur annulo. iuxta medium, ligneum circumducitur tympanum excavatum multis circulis, quorum cavitatibus catena circumacta ferrea rursus circumambit circulum ferreum, circumdans veru; ut quotquot fuerint circularum cavitates in tympano ligneo, tot etiam sine

catena.

catena, totidemque verua quibus inserantur. Ita ergo fit, ut fumo flabellum, quod quasi aliis inaequale redditur, & quasi inclinatum, convertatur, quo tympanum rotam circumagit, qua catenam ob inaequalitatem secum trahens, convertit rotam veru. Tantâ verò, in aequilibrio & ad perpendicularum stante flabello, vertitur facilitate, ut etiam sine igne, modo veru non desit, etiam tympanum circum agat rotam sibi insertam, non obscurâ ratione. Nam sub camino aër inclusus, cum in arctum feratur, vim habet, ut aliàs de scriptis ostendimus. Indicioque hoc est, aërem etiam sursum ferri. Atque eo maximè hoc contingit, cum levis fuerit machina, & bene polita, & camini spatium circa flabellum undequaque conclusum, ut minimum respiret Camini nomine, ut clariùs intelligeretur, quemadmodum alibi etiam, licenter usus sum, non ignorans focum latine, aut fumidum oportulum rectius dici debere. Agitur flammâ potius, quàm fumo, propter motum vehementem. à pruna nequaquam. Verua quoque rotunda esse oportet eâ parte, qua insistent macrotripodibus: angularia enim non facile versuntur, Haftenus Cardanus.


Sed ut meliùs, quæ dicta sunt, intelligentur, adjiciamus, & explicemus schema, quod juxta Cardani schema ruditer delineatum, fuit à nobis haud paulò perfectiùs expressum.

A est focus cui superstructus est ignis. BC murus camini. QR lamina ferrea muro inserta. D foramen in lamina. DE brachium ferreum laminæ insertum: in quo E est foramen ad perpendicularum excavatum. EK est pertica ferrea, foramini E inferiore cuspide inserta, ita ut facile verti in gyrum queat. I. est flabellum tenue. F tympanum striatum. BK clavus muro camini ad perpendicularum insertus, cujus foramini K insertus est cuspis superior perticæ ferreæ EK, ita ut facile pertica in eo foramine possit verti in gyrum. In brachio ferreo DE aliud est foramen P ad latus; cui foramini, alterique H, infixa est virga ferrea PH; cui inserta est rota ferrea dentata G (ita ut dentes apprehendant strias tympani F) & tympanum ligneum L, canaliculatum, seu multis circulis per circuitum excavatum, quorum singulis singulæ catenæ circumponi queant. CM est veru, O assatura, N rota ferrea veru inserta, & ambitu excavata, ad recipiendam catenam, ab L in N, & ab N in L deductam.

Vide
Iconis X.
Fig. I.

Fig. VI.

Fig. I.



Machinâ ita constitutâ, dum fumus ascendit sursum, vertitur flabellum I, & cum flabello pertica KE, unâ cum inserto sibi tympano F. Hoc tympanum apprehendens successivè dentes rotæ G, eam circumagit, & cum rota perticam EH, insertumque tympanum L. Hoc rapit secum insertam sibi catenam, ex una quidem parte sursum, ex altera deorsum. Catenâ vertit rotam N, & cum ea veru CM, infixamque sibi assaturam O.

PROPOSITIO LXXXVIII.

*Aquâ supra rotam delapsâ vertere veru
facillime.*

Vidi alicubi in celebri quodam Religiosorum Monasterio, <sup>Veru aquâ
vertere.</sup> ut aqua in culinam derivata, & per admotum pro libitu canaliculum ligneum supra rotam haustris instructam præcipitata, verteret longam perticam prædictæ rotæ insertam, & sub culinæ fornice, nè coquum discurrentem impediret, ad oppositum murum usque derivatam. Huic in fine prope dictum murum inserta erat alia rota dentata, quæ innexum sibi tympanum, & cum eo perticam, rotamque aliam perticæ innexam, tandemque hac veru, tympanulo mediante, verteret.

In apposito schemate focus est A; Murus aquæ fluenti oppositus, BC; Aqua saliens, D. IHG est ferreum brachium, <sup>Vide
Iconis X.</sup> habens in G foramen; cui, & foramini E, inserta est longa ^{Fig. II.} pertica. Huic inserta est rota T haustris instructa; quæ cum aquâ implentur, pondere suo deorsum tendunt, & rotam ipsam cum pertica EG vertunt. F est rota dentata, eidem perticæ inserta: quæ dentibus suis admordet strias tympani striati K. LM est pertica, cui circumdatum est tympanum K. BL est clavus ferreus, cujus foramini L, & foramini M, inserta est pertica LM, ut faciliè verti possit. Huic perticæ circumposita est alia rota dentata N, horizontaliter prostrata, dentibus

deorsum versis. C O est veru, insertum foramini C muri, & foramini R virgæ ferreæ R S. Q est tympanulum ferreum striatum, veru circumpositum, cujus strias admordent dentes rotæ N.

Dum ergo aqua ex D præcipitatur supra rotam T; hæc cum sua pertica EG in gyrum versa vertit rotam F: hæc autem circumducit tympanum K: hoc perticam LM, cum rota N: hæc tympanum Q, cum veru OC, & assatura T.

Si vis ut motus machinæ quiescat, deriva aquam ex D fluentem aliò per subjectum canaliculum. Quando usui non est machina, auferatur veru CO, & pertica LM, ne impedimento sint.

PROPOSITIO LXXXIX.

Numerum ab alio scriptum divinare, sine prævia interrogatione.

*Divinare
numerum
ab alio scri-
ptum.*

IN Centuria II. & III. trademus praxes aliquas, conceptum, aut positum ab aliquo numerum divinandi, sed nunquam sine prævia interrogatione. Nunc modum tradimus, scriptum aliquem ab alio numerum in mensa, aut charta, divinandi sine ullo examine prævio. Fit hac ratione.

I. Jube aliquem scribere quemcunque numerum. II. Jubecum duplare. III. Jube summæ addere numerum quemcunque à te pronuntiatum. IV. Jube summam totam dividere. V. Jube à dimidio subtrahare numerum primo loco ab ipso scriptum, & residuum scribere. hoc dimidium semper & infallibiliter erit dimidium numeri, quem tu addere jussisti. Scies itaque quem ipse numerum ultimo loco scripserit.

EXEMPLVM I.

Scribat quis 12. Duplet, & habebit 24. Jube addi 10, & habebit 34. Demidiet hanc summam, & habebit 17. Subtrahat ab his 12, numerum scilicet primò scriptum, & habebis residua 5; quæ sunt dimidium numeri 10, quem iussisti addi.

EXEMPLVM II.

Scribat alius primo 20. Duplet, & habebit 40. Addat 13, habebit 53. Dividat hæc per 2, seu dimidiet, & habebit $26\frac{1}{2}$. Auferat ab his 20, numerum videlicet primo loco scriptum, & habebit pro residuo $6\frac{1}{2}$. Quæ cum sint dimidium numeri 13, quem iussisti addi; scies quem numerum ultimo loco scripserit alter.

12
12
24
10
34
2
17
12
5
20
2
40
13
53
2
$26\frac{1}{2}$
20
$6\frac{1}{2}$

Ratio operationis clara est. Quia enim numerus primò scriptus, & duplum unà cum numero à te addito dimidiatur; resultat numerus primò scriptus, & dimidium numeri à te additi. Si ergo auferatur ab hoc numerus primo loco positus, remanet necessariò dimidium numeri quem addere iussisti.

PROPOSITIO XC.

Aliter scriptum ab aliquo numerum sine prævio examine cognoscere.

I. Jube alterum scribere numerum quemcunque te non vidente, & tu quoque altero non vidente scribe quemcunque numerum. Quidquid deinde iusseris eum facere cum suo numero, tu quoque fac cum tuo. Itaque II. Jube ut suum

*Divinare
aliter num-
erum ab
alio scri-
ptum.*

numerum multiplicet per quemcunque numerum quem ipsi dicis, & per eundem tu quoque multiplica tuum numerum. III. Jube ut productam summam dividat per libitum tibi numerum, & per eundem tu etiam tuum divide. IV. Jube ut Quotientem suum per aliquem à te nominatum numerum multiplicet, & per eundem multiplica tuum Quotientem. V. Dic ut summam suam dividat per numerum quem primo loco scripsit, & tu divide summam tuam per numerum à te primo loco scriptum. His peractis, habebis tu eundem Quotientem cum ipso. Dicere ergo poteris, quem numerum ultimo loco scripserit.

Numerus alterius.

$$\begin{array}{r}
 4 \\
 2 \\
 \hline
 2 \overline{) 8} \\
 \hline
 4 \\
 10 \\
 \hline
 40 \\
 2 \\
 \hline
 4 \overline{) 80} \\
 20
 \end{array}$$

Numerus tuus.

$$\begin{array}{r}
 8 \\
 2 \\
 \hline
 2 \overline{) 16} \\
 \hline
 8 \\
 10 \\
 \hline
 80 \\
 2 \\
 \hline
 8 \overline{) 160} \\
 20
 \end{array}$$

EXEMPLUM. Scribat aliquis te nescio 4, & tu ipso nescio scribe 8. Multiplicet uterque suum numerum per 2, & habebit ipse 8, tu verò 16. Dividat uterque suam summam per 2, & habebit alter 4, tu 8. Multiplicet uterque suum Quotientem per 10, habebit alter 40, tu 80. Multiplicet uterque suam summam per 2; habebit alter 80, tu 160. Dividat alter suam ultimam summam per 4, & tu tuam per 8; habebit uterque 20. es Sciergo quòd alter ultimo loco scripserit 20.

Ratio clara est, quia ut 4 ad 8, ita 8 ad 16, & ita iterum 4 ad 8, & ita 40 ad 80, & ita 80 ad 160.

Ergo ut 4 ad 8, ita 80 ad 160.

Et ut 4 ad 80, ita 8 ad 160.

Quoties ergo 4 continentur in 80, toties 8 continentur in 160. Si ergo sciam, quoties meus primus numerus continetur in mea ultima summa; Scio etiam, quoties alterius primus numerus continetur in ipsius ultima summa.

ANNOTATIO I.

Potest abbreviari processus, & potest ulterius continuari, quousque libet. Nam si alter divideret 40 per 4, & tu divideres 80 per 8; uterque inveniret 10 in Quoto. Et si alter divideret 4 per 4, & tu 8 per 8; uterque inveniret 1.

ANNOTATIO II.

Si habitis ultimis Quotis, jubeas alterum addere suo Quoto numerum a se primo scriptum, & tibi dicere totum productum, ab eoque subtrahas tuum ultimum Quotum; scies simul numerum primo & ultimo loco ab ipso scriptum.

PROPOSITIO XCI.

De suis nummis tribuere alteri minus habenti, ut habeat tot, quot tu habebas, & retinere tot quot alter habebat.

I. **J**ube aliquem accipere clanculum quot vult hummos, nuncies, aliasque quascunque res. II. Dic ut jubeat te accipere quoruncunque vult; plures tamen quam ipse accepit. III. Jube suum numerum indicare, tuque de tuo tot appone, ut habeat eundem numerum quem tu habebas. Retinebis tu tot, quot ipse ab initio habebat.

EXEMPLUM. Accipiat quispiam clanculum 10 nummos, jubeatque te accipere 18. Dic ut exponat in mensa suos nummos, & tu de tuis adde tot, donec sint 18; retinebis 10. quot scilicet initio habebat.

Ratio clara est: si enim ego habeo plures nummos quàm alter, ergo habeo tot quot ipse, & insuper excessum: siigitur do ipsi, ut habeat tot quot ego habebam, do ipsi excessum: ergo manent mihi tot quot ipse habebat.

ANNOTATIO I.

Secretum hoc reperi inter Secreta manuscripta P. Athanasij Kircheri, quorum jam saepe mentionem feci, sed adeo obscure propositum, ut diu intelligere non posuerim. Sic enim ajunt. Si quis à me quærat, quot habeat in manu calculos absconditos; rogabo ego illum, quotum ad numerum velit illos à me perducere: & tunc mihi tot supererunt, quot ille habebat. Verbi gratiâ, ille 15 habet calculos; rogat me ut ad 20 perducam. Tum ego clanculum 20 sumo, & rogo quot habeat. Cum 15 ostenderit, tribuam illi 5, & mihi quot ille habebat supererunt. Oedipus sine dubio hic opus est. Voluit dicere: Si quis in manu habens culculos absconditos, petit à me ut divinem quot habeas; petam ego, ut indicet mihi quot velit à me accipi, ita tamen ut plures habeam quàm ipse. Quos ubi accepero; dico, me ipsi de meis daturum, ut habeat tot, quot ego habeo, & ego retineam tot, quot ipse habet. Exempli gratiâ, ille accepit clanculum 15, & jubet me accipere 20: ostendit mihi suos 15, quibus ego de meis 20 addo 5, & ipse habet 20, ego retineo 15.

ANNOTATIO II.

Si ex circumstantiis rerum colligere posses, quot circiter accipere tu debeas, ut habeas plures res quàm ipse habet (ut si quis ex cumulo aliquo exposito accipias nuges, poma, aut etiam nummos: tunc enim facile colligere posses, quot circiter acceperis, & quot tibi accipiendi, ut habeas plures quàm alter) adhuc occultior & mirabilior est divinationis. Tum enim si alter exponat suas res, & tu is adicias ex tuis, donec equeantur tuis; restentibus totidem, quot ipse exposuit.

PROPOSITIO XCII


*Et quatuor numerorum seriebus quilibet è
quatuor personis mente conceperit,
edicere.*

PRaxin docet *Schvvensterus* in Delicijs Physico-Mathem. *Divinatio
adhuc alia
arithme-
tica.*
Par. 1. quæst. 21: quæ quia facilis, ingeniosa, & jucunda est, nec parum admirationis affert ignavis modi operandi, placuit huc apponere. Quod autem fit cum quatuor seriebus numerorum, & quatuor personis, fieri potest cum tribus, quinque, sex, & quotquot volueris. Sic autem proceditur.

Ad sint quatuor personæ, quarum nomina sint A, B, C, D. Primò scribe in mensa totidem series quorumcunque numero-
rum dispositas in crucis formam, hac ratione.

	B	
	12	
	1	
	7	
	9	
A	14. 15. 11. 6.	O. 3. 5. 10. 13. C.
	8	
	13	
	4	
	2	
	D	

II. His factis, dicat persona A mente concipiat numero-
rum aliquem ex serie Ao, & B alium ex serie Bo, & C alium ex
serie Co, & D alium ex serie Do. Concipiat autem A nume-
rum 15, B numerum 12, C numerum 3, D numerum 2. III. His
etiam factis, dispone aliter dictas numerorum series, ita nimi-
rum, ut quatuor numeri inter Ao sint proxime circa O, & qua-
tuor numeri inter Bo sint circa priores quatuor, & quatuor in-
ter Do sint circa tertios quatuor, prout sequitur.



I V. Factâ hac dispositione, certum est, numerum ab A conceptum esse inter primos quatuor qui proximè o circumstant, nempe inter 6. 14. 15 11. & numerum à B conceptum esse inter secundos quatuor qui o circumstant, nempe inter 9. 12. 1. 7. & numerum à C conceptum esse inter tertios quatuor, qui o circumstant, nempe inter 5. 10. 13. 3. & numerum denique à D conceptum esse inter quartos & ultimos, qui o circumstant, nimirum inter 2. 8. 13. 4.

V. Quære jam ex singulis personis, in qua serie novæ dispositionis sit numerus ab ipsis conceptus. Respondabit A, suum esse in serie Co: unde tu colliges infallibiliter, esse 15, quia est proximus ipsi o. B respondebit, suum esse in serie Bo: unde tu iterum colliges, esse 12, quia est secundus ab o. C respondebit, suum esse in eadem serie Bo; & tu dices, esse 3, quia scis esse tertium ab o. D denique respondit, suum esse in serie Ao; & tu dices, esse 2, quia scis esse quartum ab o.

ANNOTATIO.

Idem est modus procedendi, si scribantur quicunque numeri, & quoscunque series, & quicunque obtineat locum centri; dummodo fiant tot series, quot persona sunt qua numerum aliquem concipere debent; & dummodo in qualibet serie ante centralem numerum tot scribantur, quot adsunt persona, & quot scripta sunt series.

PROPOSITIO XCIII.

*In quo digito manûs annulum quispiam gestet,
divinare.*

Problema hoc proponit ac resolvit *Gustavus Selenus* in Cryptographia pag. 487. ex quo ita idem resolvo.

I. Statue ordinem inter digitos manûs, ut pollex sit 1, ^{Divinare in quo digi-} index 2, medius 3, annularis 4, auricularis 5. ^{to quis ge-} Erit itaque uni-
cuique digito attributus unus numerus. II. Jube ut indat quis ^{stet annu-} annulum cui vult digito, te nescio; deinde numerum digiti du-
plicet, & ad duplum addat numeros reliquorum digitorum si-
mul in unam summam collectos, & aggregatum tibi significet.
III. Ab hoc aggregato subtrahe 15; residuus numerus indica-
bit tibi digitum in quo annulus est.

EXEMPLA.

Pollex.	Index.	Medius.	Annularis.	Auricularis.
1	2	3	4	5
2	2	2	2	2
2	4	6	8	10
14	13	12	11	10
—	—	—	—	—
16	17	18	19	20
15	15	15	15	15
—	—	—	—	—
1	2	3	4	5

EXEMPLUM I. Habeat quis annulum in pollice, signifi-
cato per 1. Duplicet 1, habebit 2: addat numeros reliquos
digitis attributos simul in unam summam collectos, nempe 2,
3, 4, 5, quæ simul faciunt 14; habebit 16: subtrahat ab hoc ag-
gregato 15, remanebit 1. Ergo annulus est in primo digito seu
in pollice.

EXEMPLVM II. Habeat alius annulum in annulari, seu in digito 4. Duplicet hunc numerum, habebit 8: addat summam numerorum reliquis digitis attributorum, nempe 1, 2, 3, 5, quæ simul faciunt 11; habebit 19; subtrahat ab hoc aggregato 15, remanebunt 4. Ergo in quarto digito est annulus.

Ratio facilis est. Quia enim omnes quinque numeri, quinque digitis attributi (nempe 1, 2, 3, 4, 5,) simul sumpti, efficiunt 15; si ad duplum alicujus numeri digitum significantis addo summam numerorum reliquos digitos significantium; habeo 15, & insuper numerum digiti in quo est annulus. Si ergo ab hoc aggregato subtraham 15, necessariò remanet numerus digito, in quo annulus est, attributus.

PROPOSITIO CXIV.

Qua plurimum personarum, quoto in digito, & quoto in digiti articulo, annulum gestet, divinare.

*Divinare
in quo digi-
to, & arti-
culo, unus
à pluribus
annulum
gestos.*

Sint quotcunque personæ. Constitue inter illas ordinem, ut sciatur, quæ sit prima, quæ secunda, quæ tertia, &c. Constitue item ordinem inter digitos, & articulos, sitque pollex sinistrae manus primus digitus; auricularis sinistrae, quintus; auricularis dexteræ, sextus; pollex dexteræ, decimus. Item extremus cujusque digiti articulus, sit primus, deinde sequatur secundus, demum tertius.

His constitutis, porrige personis annulum, & jube ut una ex illis clam inferat illum cui placet digito, & cui lubet articulo (quod tamen sciat unus aut plures ex omnibus) & paulisper recede. Tum reversus, operationem institue.

Proponam duos modos operandi: unum simplicissimum, & ferè apertum cuilibet; alterum compositum & artificio quodam tectum, ne modus procedendi noceatur. Primus est fundamentum secundi.

Primus Modus.

I. Jube aliquem, qui scit quota persona, quoto in digito, & articulo annulum habet, multiplicare numerum personæ per 10. II. Producto addat numerum digiti. III. Productum multiplicet per 10. IV. Addat numerum articuli in quo est annulus. V. Manifestet tibi ultimam summam. In qua, prima figura ad dexteram denotat articulum, secunda digitum, reliqua aut reliquæ personam.

Notandum tamen, quando secunda figura est zerus, signum est annulum esse in decimo digito. Et tunc ex præcedenti figura ad sinistram debet accipi mutuò unitas, & addi ad zerum, ut fiant 10, & ideo figura præcedens valet unâ unitate, minùs.

EXEMPLUM. Annulum habeat persona 5, in digito 4. in articulo 3. Jube multiplicari numerum personæ per 10, habebit 50. Jube addi numerum digiti, habebit 54. Jube hoc productum iterum multiplicari per 10, & habebit 540. Jube addi numerum articuli, & habebit 543. Horum primus numerus ad dexteram significat articulum, secundus digitum, tertius personam. Sic ergo stabit Exemplum.

$$\begin{array}{r}
 5 \\
 10 \\
 \hline
 50 \\
 4 \\
 \hline
 54 \\
 10 \\
 \hline
 540 \\
 3 \\
 \hline
 543.
 \end{array}$$

Secundus Modus.

I. Jube unum ex omnibus, qui scit quæ persona, quo in digito & articulo annulum gesserit, mentaliter duplicare numerum personæ quæ cum habet. II. Duplo addere § . III. Summam totam multiplicare per § . IV. Producto addere numerum digiti in quo est annulus. V. Constatum multiplicare per 10. VI. Multiplicato addere numerum articuli in quo annulus est. VII. Tandem totam ultimam summam tibi indicare jube. Ex qua summa si abijcias 250, residui primus à dextris numerus indicat articulum, secundus digitum, tertius (quicumque sit, sive simplex, sive compositus) personam quæ annulum habet.

Nota tamen, ut antea, si secunda à dextera incipiendo figura est zerus, annulus est in decimo digito, seu in pollice manus dexteræ; ideoque à præcedenti versus sinistram figura debet detrahi unitas, & attribui zero, & residuum versus sinistram debet multari unâ unitate.

EXEMPLVM I. Sint triginta personæ, occultetque vigesima annulum, in digito quarto (hoc est in annulari sinistræ manus) in articulo secundo seu medio. Numerus personæ est 20: hic duplicatus dat 40: his addita § , dant 45: hæc multiplicata per § , faciunt 225: his additus numerus digiti, nempe 4, facit 229. hæc rursus multiplicata per 10, producunt 2290: his additus numerus articuli, nempe 2, dat 2292. Ab hac ultima summa si subtrahas 250, remanent 2042; cujus primus ad dexteram numerus 2, significat articulum secundum; secundus 4, digitum; reliquum 20, personam quæ annulum habet.

EXEMPLVM II. Habeat annulum persona 23, in digito 10, in articulo 1. Numerus 23 duplicatus, dat 46; & § addita, faciunt 51: hæc multiplicata per § , producunt 255: additis 10, qui est numerus digitorum, fiunt 265: hæc multiplicata per 10, dant 2650; quibus addita unitas, quæ est nota primi articuli, facit 2651. Ab his ablata 250, relinquunt 2401: cujus summæ

prima figura significat primum articulum ; secunda cum unitate mutuata à 24 , significat digitum ; residuum 23 significat personam. Sic ergo stabunt Exempla.

Persona—20	23—Persona
2	2
40	46
5	5
45	51
5	5
225	255
Digitus—4	10—Digitus
229	265
10	10
2290	2650
Articulus—2	1—Articulus
2292	2651
250	250
2042	2401

ANNOTATIO I.

VT constet ratio operationis, modique procedendi, notandum est, in primo exemplo inveniri debere hunc numerum, 2042: inventa autem sunt 2292: itaque subtrahendus est aliquis numerus, ut maneant 2042: hoc fit, si subtrahantur 250 à 2292; tot ergo subtrahenda sunt.

Reperiretur porro numerus 2042, si primus numerus 20, multiplicaretur primò per 10, ut fierent 200; deinde adderentur 4, & productum multiplicaretur iterum per 10, ut fierent 2040; ac deinde adderentur 2. Hoc autem fit in presenti exemplo, quamvis artificium occultetur: nam primò duplum numeri 20, id est, 40, multiplicatur per 5, quod idem est ac si 20 multiplicarentur per 10, & fierent 200. At quia ad 40. addita sunt 5, ac proinde 45 multiplicantur per 5;

resultant ultra 200, adhuc 25, atque adeo in uniuersum 225 His quia adduntur 4, & fiunt 229, eaque multiplicantur per 10; resultant 2290. His iterum adduntur 2, & fiunt 2292. Habentur ergo 250 amplius quàm 2042; ideo subtrahi debent 250. Eadem est ratio in alijs exemplis.

Possent itaque primus numerus 20 multiplicari primò per 10, ut fierent 100; deinde addi 4, ut fierent 204, & hoc iterum multiplicari per 10, ut fierent 2040, & addi 2, ut fierent 2042. At ut celestur artificium, multiplicatur duplum primi numeri, & prater ea 5, per 5, resultantque 25 plùs quàm 200, nempe 225. Et quoniam hæc iterum multiplicantur per 10, ideoque ultra 200. multiplicata per 10, multiplicantur etiam 25 per 10; fiunt 250 plùs quàm 2000. Ideo subtrahi debent 250 in fine operationis, ut dictum.

Ratio operationis itaque est, in his, & in omnibus alijs exemplis, partim ut primus numerus, quicumque sit, per multiplicationem geminam per 10, promoveatur versus sinistram, & obtineat tertium locum; partim ut celestur artificium procedendi: nam si solum procederetur per multiplicationem per 10, & additionem numerorum digiti & articuli, ut factum in primo modo, facile notaretur artificium.

ANNOTATIO II.

VT operandi modus varietur, & artificium adhuc magis occultetur, potest ad duplicatum numerum persona habentis annulum, addi 1, vel 2, 3, 4, 6, 7, 8, 9, &c. Sed tunc si addatur 1, ex ultimo producto debent auferri solum 50; si addantur 2, auferri debent 100; si 3, 150; si 4, 200; si 6, 300; & sic consequenter, semper tot 50 amplius auferendo, quot amplius unitates fuerint addita. Ratio ex dictis colligi potest. Nam si addatur 1, id multiplicatur primò per 5, deinde per 10, & fiunt 50, amplius quàm fieri deberent. Si addantur 2, ea multiplicantur primò per 5, & fiunt 10 amplius; deinde hæc per 10, & fiunt 100 amplius.

Similis est ratio de cæteris.

ANNO TATIO III.

*S*unt qui præter personam, digⁱ tum, & articulum, docent divina-
re etiam manum, an scilicet sit annulus in manu sinistra, quam
primam constituunt; an in dextera, quam statuunt secundam. At
non est necesse: si enim ordo digitorum ab uno usque ad decem
inchoetur a manu sinistra, & finiatur in dextera; si sciatur digitus,
necessariò scitur & manus.

PROPOSITIO XCV.

*Quos numeros infra 10. conceperint plures,
divinare.*

Hæc praxis est præcedenti partim similis, partim dissimilis.
Eam sic explico.

Primò. Si duo numeri fuerint concepti: jube numerum Divinatio
arithme-
tica alia. à primo conceptum duplicari; duplicatum augeri per 5; au-
ctum multiplicari per 5; producto addi numerum à secundo
conceptum; summam augeri per 10. Si ab ultima summa aufe-
ras 35, remanebunt duo numeri à principio cogitati.

EXEMPLVM. Cogitaverit unus numerum 5, alter 9.
Duplicetur primus, fiunt 20: addantur 5, fiunt 15: multiplicen-
tur hæc per 5, fiunt 75: addatur numerus à secundo cogitatus,
fiunt 84: addantur 10; fiunt 94. Ab hac ultima summa sub-
trahantur 35, & remanent 59.

*Ratio operationis est, quia hac ratione disponuntur duo nu-
meri concepti, ut primus obtineat locum denitatum, & secundus lo-
cum unitatum, & præterea adduntur 35; quæ debent iterum subtrahi.*

Secundò, si tres numeri fuerint concepti, procedatur cum
primo et secundo ut jam diximus, ultima verò summa multipli-
cetur per 10, & producto addatur tertius numerus, atque ab
ultima summa subtrahantur 350 & remanent tres numeri cogi-
tati.

EXEM-

EXEMPLUM. Cogitaverit primus 5, secundus 9, tertius 2. Procedatur cum 5 & 9, ut in precedenti exemplo, & ultima summa 94 multiplicetur per 10, ut fiant 940, & his addatur tertius numerus, ut fiant 942. Si ab hac summa subtrahantur 350 remanent 592.

Ratio est, quia procedens summa augetur per 10, & additur tertius. Augeri ergo debet etiam numerus 25 per 10, & subtrahi à tota summa producta.

Tertio. Si quatuor numeri concipiantur; procedatur ut cum tribus, & ultima summa multiplicetur per 10, productoque addatur quartus numerus, & ab ultima summa demantur 3500. Si quinque concepti sunt; proceditur ut cum quatuor, & ultima summa multiplicetur per 10, atque ab ultima summa auferatur 3550. Simili prorsus modo procedatur, si plures numeri sunt cogitati.


PROPOSITIO XCVI.

Quam quis rem è pluribus in orbem, aut in longam seriem dispositis tetigerit, aut mente notaverit, divinare.

*Divinare
quam quis
rem ex plu-
ribus in con-
sequens*

LEve hoc est, si animus ad artificium advertatur; quod tamen causam ignorantes mirantur. Proponatur ergo.

M. L. K. I. H. G. F. E. D. C. B. A.



Sint res duodecim dispositæ in orbem, aut in longam seriem, ut sunt hic dispositæ duodecim litteræ, quarum A sit prima, B secunda, C tertia, &c. Jube aliquem tangere aut concipere

quotamcunque, & numerum rei conceptæ competentem tribuere litteræ C, & dextrorsum per B, per A, per M, &c. eundo, numerare quindecim. In quam rem cadet numerus decimus quintus, ea est quam alter concepit, aut tetigit.

EXEMPLVM. Tetigerit aut conceperit quispiam G, quæ est septima ab A sinistrorsum eundo. Tribuat litteræ C numerum 7, & pergat dextrorsum numerare 15, hoc est, incipiat à C, & dicat in C septem, in B octo, in A novem, &c. cadet numerus 15 in G. Dices ergo, ipsum concepisſe, aut tetigiſſe rem G.

Ratio eſt, quia cùm res ſint duodecim, & prima ſit A; ſi incipias numerare à C, hoc eſt, à tertia re incluſivè ante A, & pergendo dextrorsum numeres quindecim cadet numerus 15 in A, & idem erit ac ſi reſeſſent quindecim, quia ante primam, quæ eſt A, ſunt tres aliæ, includendo ipſam A. Ergo ſi C conſtituas primam, & eas dextrorſus numerando quindecim, cadet numerus decimus quintus in A: ſi C conſtituas ſecundam, cadet idem numerus 15 in B: ſi C conſtituas tertiam, cadet in ipſam C: ſi quartam, cadet in D: ſi quintam, cadet in E; ſi ſextam, in F cadet: ſi ſeptima, cadet in G, &c.

ANNOTATIO I.

Si velis ut ſupra rem tactam, aut cogitatam cadat numerus major, aut minor, quàm 15, jube initium numerationis inchoari à re remotiori aut viciniori primæ rei A. Ut ſi velis in exemplo antecedente, ut numerus decimus ſextus cadat ſupra rem tactam, hoc eſt, ſi velis 6 tactam inveniri in numero decimo ſexto; jube attribuire 7 rei D, & numerare 16 verſus C, B, A, &c. Si autem velis eam inveniri in numero decimo quarto, jube attribuire 7. rei B.

ANNOTATIO II.

Loco duodecim rerum poſſunt exponi quotlibet alia, ut 10, 12, 20, &c. Modus operandi ad divinandum rem tactam, ſemper eſt ſimilis præcedenti. Sint enim expoſitæ res decem, ut

K. I. H. G. F. E. D. C. B. A.

quarum A sit prima, B secunda C tertia, &c. tangat que aliquis rem sextam F, & velis ut numerus 20 cadat super ipsam. Dic ut à Kinchoando attribuat illi numerum rei tacta, nempe 6, & numeret versus A 20: cadet enim numerus 20 supra F. Tangat alius rem quartam, nempe D, velisque ut numerus 12 cadat supra D. Dic ut incipiat à B, & attribuas ipsi numerum 4 rei tacta, numeretque versus A 12: cadet enim hic numerus supra D.

Has ratione poteris eodem tempore variando occultare artificio, jubereque unum à re tacta numerare unum numerum, alium verò numerare alium numerum.

PROPOSITIO XCVII.

Sistere sanguinem è quavis parte corporis manantem.

*Sanguinem
Siste.*

SUPRA Proposit. 84. remedium attuli ad sanguinem è naribus aut alia corporis parte stillantem sistendum; nunc aliud ad eundem è quavis etiam corporis parte manantem cohibendum enarrare lubet ex Mizaldo, qui ait, sanguinem ex quacunque corporis parte immodicè fluentem illicò sisti, si subtili & raro bombace involutum stercus suillum adhuc calens, in nares aliamvè corporis partem sanguine manantem intrudatur. Hoc tamen, uti & aliud illud quod infra Centur. 3. Propos. 12. referam, rusticis potiùs quàm Aulicis scriptum velim cum eodem Mizaldo, ut similes habeant labra lactucas, & nasi flores.

PROPOSITIO. XCVIII.

Sanguinis fluxum è quovis vulnere erumpentis cohibere.

QVOD sequitur, docet Henricus Ranzovius apud Weckerum lib. 5. Secretor. cap. 4. circa finem, in huuc sensum.

Ineunte vere, cùm rana femina prima sive ova proijciunt, ^{Sanguinem aliter sistit.} accipe crassioris linei panni ulnas tres, vel quatuor, aut quot-^{re} quot volueris. Hunc pannum cum hujusmodi ovis ranarum bene abluito, & soli exsiccandum exponito. Exsiccatum iterum ac tertio lavato, & ad solem ut antea exsiccatum, ad usum diligenter servato. Cùm sanguinem è vulnere manantem sistere volueris, panni partem vulnere duplo majorem inde præscidito, ac instar cataplasmati vulnere imponito. Sanguinis effusio statim sistitur, ut certum experimentum in pluribus comprobavit. *Nihil hic superstitionis video.*

PROPOSITIO XCIX.

*Fætores post comestum allium axhalatum
abolere.*

Longæ experientiâ didici, quò calidiores sunt regiones, eò ^{Ally comestis fætores abolere.} magis ibi incolis allia appeti, ac pro delicijs devorari, non à pauperibus tantum, qui panem, sed à primoribus quoque, qui carnes aliosque cibos eo condiunt. Tam fætidis delicijs qui abstinere, dici vix potest quantâ molestiâ afficiantur, si mensis eorum aut colloquiis interesse contingat. Fætores ab alijs axhalatum ut non percipias, remedium nullum scio quod salvâ honestate ac erga primores reverentiâ adhibeas: nullum ut axhalent qui manducarunt, hoc reperio, si post manducatum allium cruda faba superaddatur; aut betæ radix prunis tosta supermanducetur.

ANNOTATIO.

Minus fædum, tetrum tamen odorem axhalant, qui porris vescuntur. Hunc non axhalabit, qui cuminum praguſtaverit: nam ejus esu gravis halitus extinguitur.

PROPOSITIO C.

Raucedinem facillimè ac citissimè depellere.

Claudam hanc Centuriam facili ac perutili ad raucedinem pellendam antidoto, quo non semel usus cum fructu est qui communicavit.

*Raucedi-
nem depel-
lere.*


Accipe allij capita bina aut terna, ac mundata tere, & cum porci pinguedine ad ignem liquefacta misce, donec unguentum fiat. Vesper ante quam cubitum eas, calefac pedes, & unguento prædicto unge, ac pannis circumliga. Deprehendes manè omnem recessisse raucedinem.

Novit, qui mihi narravit, concionatorem in Gallia celebrem, qui hoc quoque remedio vocem recuperavit. Inchoarat is pro more patriæ quotidianas Quadragesimales conciones; at post dies aliquot tantam contraxit raucedinem, ut vix pro suggestu dicentem perciperent propè stantes. Varia per dies aliquot, sed frustra adhibuerat remedia. Audiebat concionantem, sed voce raucâ, civis loci honestus, at pauper. Accedit dimissâ concione Oratorem, secretum prædictum pandit, vespere eodem id adhibet concionator, & die postero cum stupore omnium voce clarissimâ perorat.

Scripseram hæc, cum in idem paulò distinctus explicatum incidi apud *Alexium Pedemontanum* lib. 1. Secretor. cujus Italica verba in hunc sensum formo.

Accipe duo aut tria capita allij, & munda, ac probè contunde, ac tere. Adde proci pinguedinem, & ova, ac cum alijs misce. Vespere iturus cubitum, pedes nudos, plantas præcipuè ad ignem calefac, eosque perunge dicto ex alijs & pinguedine unguento, continuando per aliquantulum temporis unctionem, pedibus semper ad ignem admotis, & quantum tolerari potest calefactis. Hoc facto, indue soccos prius calefactos, & lecto te committe; & in ipso lecto lumbos eodem prædicto unguento unge. Hanc curam tri duo continenter adhibe, & liberaberis ab omni vel molestissima tussi.

Hæc Pedemontanus.



IOCO-SERIO- RUM NATURÆ ET ARTIS

Sive.

MAGIÆ NATURALIS MISCELLANÆ CENTURIA II.

Proœmium.

Imperscrutabiles sunt Natura recessus ;
 Artis adyta impervia. Ille magis utri-
 usque secreta penetrasse existimandus
 est, qui minùs eorum ignoraverit. Nec
 in grandibus solum, sed in parvis & multorum
 astimatione contemptilibus majestatem suam exe-
 runt. Grandia persequantur alij ; nos levia ferè

lectamur hoc Opere; nec seria tantum, sed ludicra etiam, & jocosa. Hinc ergo exordiamur secundam hanc Centuriam, & inchoatam telam pertexamus.

PROPOSITIO I.

Surdum oculus percipere sonos ac voces, mutum loqui, possibile est.

Surdi oculis percipientes loquentiam vocis.

QVAM mirabilem sæpe Natura se exhibeat in sensuum defectibus supplendis, abundè probavimus in *Physica Curiosa* lib. 3. cap. 33. ubi quamplurima enarravimus Mirabilia visus, auditus, odoratus, gustus, & tactus. Non minùs mirabile est quod refert Illustrissimus Eques *Kenelmus Digbæus* in tract. de Natura corporum cap. 28. num. 8. de nobili quodam Hispano à nativitate surdo & mutuo, qui sonos ac voces oculis percipiebat, ac perfectissimè discernebat, articulatèque loqui didicerat. Vtriusque effectus testis oculatus est ipsemet Digbæus. Erat Hispanus ille fraternatu minor Comitis stabuli Castellæ, ita à nativitate surdus, ut nè bombardam quidem auribus admotam, cum exploderetur, auditu perciperet. Erat idem (quod ad primum consequens est) omnilinguæ ad loquendum usu privatus: verborum enim sonum cum non audiret, ea intelligere ac imitari non poterat. Eximia nihilominùs oris venustas, & vivida oculorum acies, egregiæ intus latentis, optimèque dispositæ mentis argumentum erant; quam non immeritò dolebant omnes adeo incultam jacere, destitutamque auxilijs, quibus eâ rerum intelligentiâ imbueretur, cujus apprimè capax videbatur. Huic malò ut remedium afferrent, medicorum & chirurgorum artes incassum diu laboraverant. Inventus tandem est Sacerdos, qui desertam in se provinciam susciperet, pollicitus artem quâ eum doceret, tum quid alij loquerentur intelligere, tum etiam ut ab alijs intelligeretur loqui. Quod tametsi risu primum audien-

tium omnium fuerit exceptum, non seriò loqui Sacerdotem existimantium; non post multos tamen annos eventus secutus, pro miraculo fuit habitus. Inviçtâ etenim utriusque patientiâ, rarâ constantiâ, pertinaci labore tandem effectum fuit, ut nobilissimus ille juvenis perfectè verba proferret, aliosque secum colloquentes tam perfectè intelligeret, ut per integros dies, in crebro hominum consortio versatus nè verbum quidem perire pateretur. Cum hoc sæpe sermones miscuit Digbæus, dum esset in Hispania in comitatu Principis Cambriæ (Serenissimi postea Angliæ Regis) quem & ejusdem rei testem adducit. Unum inter loquendum familiare illi vitium erat, vocis nimirum inæqualitas: Sonum quippe à se editum cum non audiret, certâ lege moderari non poterat, quin modò contentiorem, modò remissiorem emitteret. Quanquam quo primum tenore sermonem cæperat, eodem etiam ferè desinebat.

Hæc de locutione dicti Hispani nobilis testatur Digbæus: de auditione sequentia. Editorum ab alijs sonorum differentias percipiebat, gravesnè essent, an acuti, vocemque ab alio prolatam, quantumvis difficilem, exactè reddebat. Cujus rei etiam Serenissimus Cambriæ Princeps haud rarò periculum fecit, non in Anglicano duntaxat idiomate, sed & jussis qui in famulatio erant Cambro-Britannis quibusdam linguæ provinciarum suarum propriâ pauca eloqui; quæ omnia tam distinctè repetebat, ut Digbæo nihil mirabilius in toto illo Naturæ miraculo videretur. Quin & Sacerdos ipse qui eum iustruxerat, ingenuè fatebatur, artis suæ præcepta eò usque non pertingere, ut id generis effectus constanti aliquâ certâque methodo producerent. Quos proinde ab alijs, quas ipse sibi attentâ observatione præscripserat, regulis nasci ajebat. Hoc verò ideo mirabilius videri meritiò debet, quòd lingua illa Cambrico-Britanna instar Hebraicæ litteris, quas gutturales vocant, crebrò utatur, organique quo formantur motus non aliâ ratione dignosci possint, quàm fortè ex motu aliarum oris partium in conspectu positarum, & ad eandem formationem quoquo modo concurrentium. Ex observato igitur vocalium organorum motu, quid alij loquerentur, intelligebat. Quare modò

*Munus dicitur
sibi loqui
perfectum*

modò non deesset lumen, quo loquentes intueretur, absque difficultate voces quantumlibet submisissè prolatas percipiebat, & loquentibus colloquebatur. Vidit Digbæus ad amplii cubi- culi spatium verba reperentem, quæ ipse nè ad motis quidem ea proferenti auribus audire poterat. Si autem in tenebris constitutus erat, aut si eum quis aversâ fronte alloquebatur, nihil penitus intelligebat.

ANNOTATIO.

QUæ porro arte, quibusvè præceptis Sacerdos ille discipulum tam ingeniosum ac docilem imbuerit, Digbæus non prodit, sed lecto- rem remittit ad librum ab eodem Sacerdote Hispanico idiomate scri- ptum de Arte, qua surdi ac muti ad loquendum instituendi sint. Hoc unum insinuat, simplicissima esse ejus artis principia. Mihi ad manum non est liber ille Hispanicus. Æstimo tamen, Nobilis illius linguam mi- nimè ligatam, sed solutam fuisse; non potuisse tamen verba formare, quia quæ & quæ ratione formanda forent, nunquam intellexerat ob surditatem. Propositâ ergo re quapiam surdo, appropriato eam voca- bulo Hispanicè appellabat, & ad labiorum ac lingue sue motum obser- vandum primo, deinde etiam paulatim imitandum compellebat dis- cipulum, donec perfectè illud pronuntiaret. Eâdem ratione cum rebus alijs procedebat, donec longâ assuetudine singularum rerum signifi- cata disceret, ac jussus pronuntiaret, & accuratè organorum voca- lium, dum alijs loquerentur, observatione, ex motu ipso prolata verba discerneret. Quæ dico, confirmant bina exempla quæ retuli in *Physica Curiosa* loc. cit § 3. de duobus è Societate Patribus surdis, qui solo labiorum motu observato colloquentes intelligebant.

PROPOSITIO II.

Cæci oculorum defectum alijs sensibus supplere possunt.

*Cæci oculo-
rum defectum
alijs sensi-
bus supple-
tur.*

Citato proximè loco *Physica Curiosa* §. 2. multa cæcorum mira- bilia enarravimus, è quibus Propositionis hujus veritas elu-

cefcit. Etenim Diodorus ſtoicus cæcus, Philoſophiam, Muſicam, ac Geometriam didicit: Dydimus Alexandrinus Dialecticam ac Geometriam & didicit, & docuit, & commentaria in Pſalmos ſcripta reliquit: Juvenis arcularius Ingolſtadij duo minutiora molendina, piperi molendo idonea, cum ſcalis, arca, rotis, radijs, dentibus, axibus, omnibus denique rebus neceſſarijs exſculpiſit: Joannes Ferdinandus, Poëta, Philoſophus & Muſicus inſignis evaſit: Nicæſius de Werda Magiſterij Philoſophiæ gradum, Theologiæ Licentiam, Juris utriuſque Doctorem obtinuit, & Coloniz publicè docuit. Alius cæcus per naſum vidit. Alius tactu colores diſcrevit. Alius ſtatuas effinxit, tactos à ſe vultus ad vivum referentes.

His addo quod refert Illuſtriſſimus *Digbeus* loco proximè citato, num. 7. de cæco quodam, quem filiorum ſuorum Pædagogum domi alebat, in quo non minùs, quàm in prædictis, mirabilis planè ſolertis Naturæ providentia, unius ſenſus defectum alterius ſagacitate compenſantis elucet. Erat ille oculis adeo captus, ut nè Solis quidem claritate moveretur; humor quippe cryſtallinus in utroque oculo penitus deperierat; perfectè nihilominùs à reliquis ſenſibus erat inſtructus in ijs, quæ ad oculorum officium pertinebant. Chartis pictis, & latrunculistam peritè ludebat, ut à paucis vinceretur. Illud ludi genus, in quo rotundæ argenti alteriuſvè metalli laminæ ſupra menſam pelluntur, aut in quo ferienda vel attingenda meta proponitur, perfectè callebat: tametiſi eorum peritia in alijs hominibus vividam oculorum aciem, exactamque manus librationem requirat. In cubiculo xyſtovè aliquo oblongo, quibus aliquàm diu aſſueverat, directè ambulabat, nullibi impingens. Menſæ accumbens tam aptè ſe ad aliorum morem componebat, ut qui eum non noverant, illi aſſidentes nullum in eo oculorum vitium ſuſpicarentur. De hoſpitis jam primò advenientis, ſtatim ac cum eo collocutus fuerat, ſtatura, totiuſque corporis habitu abſque errore judicabat. Cùm diſcipulos ſuos declamantes audiret, ac dirigeret geſtum eorum, ſitumque corporum ex voce diſcoſcebar, adeo ut ubi loqui cæperant, protinus deprehenderet ſtarent nè, an ſederent, aut aliam corporis

positionem tenerent. Quæ illius scientia efficiebat, ut non minus decenter se, dum loquerentur, componerent, quam si intentis in eos oculis gestum eorum, actionemque quamlibet, visu observaret. Luminis quoque præsentiam & absentiam admirabili modo persentiscebatur: toto enim corpore, præsertim verò in cerebro, mutationem quandam experiebatur ad luminis præsentiam. Inde Solis ortum & occasum internoscebat, & aubulum à sereno die discernebat.

ANNOTATIO.

TAmetsi ea quæ diximus, Natura potius quàm Artis sint privilegia, sedulam tamen observationem, & frequentem experientiam, à solerti ingenio factam, ad id multum conferre, dubium nulum esse potest. Vtraque ergo, Natura inquam, & Ars, in unum conspiret, necesse est. Lege etiam quæ supra docuimus ex Cardano, de modo docendi sacrum artem scribendi.

PROPOSITIO III.

Paucarum horarum spatium, linguam Hebraicam docere, ac discere.

*Hebraicam
linguam paucis
horarum spatio
docere, &
discere.*

PROdiit in lucem Anno 1633. VVilhelmo Schickardo auctore, Artificium, quod Horologium Hebræum ipse appellat, quo sancta lingua spatio 24. horarum, ab aliquot collegis sufficienter apprehendi queat, ante id temporis sæpius comprobatum, ac typis vulgatum. Testatur eo in libro Auctor, se pridem sex, non ita pridem verò duodecim Theologiæ Studiosos artificio illo adeo feliciter instituisse, ut post exactas 24. horas (quarum quotidie singulas tantum insumpserant) suâ instructione non indiguerint amplius. Idem artificium ait in pluribus Vniversitatibus benè successisse. Artificium in hoc consistebat. Omnia Hebraicæ Grammaticæ præcepta, fusè ab alijs tradita, ad pauca, & ab omni superfluitate purgata revocarat præcepta. Ijs audiscendis duodecim jubebat insumi horas, reliquas usui &

exercitio impendi. Quod priores duodecim attinet, nè multitudine obruerentur discipuli, labores distribuebat in plures, ut quod per se exiguum erat, multò minus fieret dividendo. Sex erant initio discipuli: singulis binæ cedebant horæ, quibus singulas ad signabat materias. Primo Nominis addiscendi curam dabat, secundo Verbi, tertio Anomala tribuebat, quarto Affixa, quinto Vocales, sexto Accentus. A quolibet seorsim exigebat quod didicerat, quasi solus is adesset, ceteris interim mutis assidentibus, & Pythagoreo more tantùm auscultantibus. Sic onus in tot humeros distributum, levius gestabatur, cùm quilibet sextam tantùm partem ferret. Posterioribus duodecim horis toridem selectos textus Biblicos resolvebat ipse prælegendo, discipulis respondentibus. Si quis dualis, vel pluralis occurrebat, cum cui Nomen commissum fuerat compellabat; si quod præteritum Futurumvè, cum cui Verbum; si qua punctorum mutatio, cum cui vocales commiserat, &c. Sic in memoria sex Discipulorum, vivam habebat Grammaticam. Dum autem singuli suum depositum reddebant, eandemque rem toties in medium conferebant, assuescebant & ceteri, ac vel nescientes & per lusum quasi memoriæ mandabant, ut promemodum è vultu Collegæ, & antequam os aperiret, quid prolaturus esset, agnoscerent, adeoque priùs sedidicisse, quàm discere sentirent, & quantum profecissent, ipsi mirarentur.

ANNOTATIO.

Haud dissimiliratione dictus Auctor Lexicon quoque inter sex discipulos distribuebat, & uni Radices ab Aleph, Beth, Gimel, alteri à Daleth, He, Van, &c. inchoas attribuebat, ut significata vocem, non è scripto Dictionario, sed è vivo penu suo confestim, & sine temporis jactura, depromere scirent. Compendiosa est, fateor, hæc docendi atque discendi via, & si ingeniosos ac sedulos nunciatur discipulos, successum habet. At quàm pauci sunt qui constaniam, tametsi ingenium & tempus non desint, adferant? Quod tamen Schickardus, quod alij præstitere, id alij quoque præstare poterunt. Non ergò vanum est consilium, nec inutile artificium.

PROPOSITIO IV.

*Genuinam Hebraica linguæ lectionem sex horarum
spatio docere.*

*Hebraica
linguæ le-
ctionem sex
horarum
spatio do-
cere, & di-
scere.*

Qui linguam sanctam Hebraicam discere per præcepta à Grammaticis tradita vult, primùm omnium legere ac scribere addiscat necesse est. Vtriusque notitiam supponit Schickardus in artificio suo. Cæterum non mediocris difficultas in eo sita est, ut quis rectè legat ac scribat, nec pauci qui ad illius linguæ studium accedunt, eâ deterrentur, ac pedem referunt. Viam nihilominus complanarunt multi egregij Grammaticarum Hebraicarum Scriptores. Post omnes ante biennium, Anno videlicet 1659. Excellentissimus Dominus *Ioannes Michaël Dilherrus*, vir scriptis libris à multo jam tempore clarus, & apud Noricos Philosophiæ Professor publicus, edidit *Atrium linguæ sanctæ Hebraicæ*, in quo spondet, sex horarum spatio dictam linguæ lectionem addisci posse. Et quod spondet, non semel præstitit. Atrio adjunxit sequenti Anno 1660. ejusdem *Peristylum*, quo Hebraicam Grammaticam exhibet.

Sex porrò horas ita distribuit dictus Excellentissimus Auctor. Hora I. agit de consonantibus, & absolvitur duabus Regulis. Hora II. de quarundam consonantium affectionibus. Hora III. de vocalibus. Hora IV. de quibusdam vocalium brevissimis, & Dagesch. Hora V. de quarundam consonantium quiete, & vocalium inclusione. Hora VI agit de Tono. Singulæ Horæ habent suas peculiare Regulas, adeo concinnè in expanso folio velut in Synopsi dispositas, ut unico intuitu comprehendi omnes, & brevissimo tempore perlegi queant. Synopsin ipsam dabimus in Technica nostra Curiosa.

ANNOTATIO.

Minùs promittit Dilherrus, quàm Schickardus, ideo majorem fidem invenit apud lectores, & plus præstat reipsa: quod enim

tit, non semel opere ipso prastitit, uti à viris fide dignissimis audio. Experientiam quilibet in se, & in alijs facere haud difficulter potest, si modo sedulitas & constantia non desiderentur.

PROPOSITIO V.

Omnes omnium Mundi nationum linguas, & scribendi methodos, ad unam redigere, est possibile.

IN Technica curiosa Artificium propolabo novum, quo omniū Linguas omnes Mundi ad unam redigere. totius Mundi nationum & gentium linguæ, omnesque scribendi methodi, quantumvis diversæ, ad unam redigi queunt. Qua scribendi methodo fieri potest, ut quis solum callens idioma suum vernaculum, omnia aliarum gentium idiomata, eodem scribendi genere exposita, & explicata, intelligat; & unum solum eodem genere scribendo, ab omnibus nationum hominibus, qui idem callent artificium, intelligatur.

Occasionem Artificij excogitandi Romæ mihi præbuit vir doctus è Societate nostra Hispanus natione, qui Anno 1653. cum inibi essem, eadem in urbe, ubi negotiorum causâ tum versabatur, edidit in uno solum expanso folio simile Artificium, cui præfecit Epigraphen. *Arithmeticus Nomenclator, Mundi omnes nationes ad linguarum & sermonis unitatem invitans, Auctore lingua (quod mirè) Hispano quodam verè (ut dicitur) muto.*

Artificium in eo consistit, ut quælibet natio vocabula suæ eandem rem significantia, iisdem characteribus Arithmeticis exprimat; reductis tamen prius rebus omnibus, aut præcipuis quæ frequentius sermone aut scripture exprimi solent, ad certas classes. Rem paucis insinuare quidem possem, at non pro dignitate explicare; ideo ad citatum locum tractationem reiicio.

PROPOSITIO VI.

Clavis convenientia linguarum.

Linguarū
omnium
convenientia
clavis.

HOceodem Anno 1660. quo hæc scribo, prodijt Franco furti ad Mænium libellus, cui sequentes præfixi sunt Tituli. *Clavis convenientia Linguarum. Character pro notitia linguarum universalis. Inventum Steganographicum hætenus in auditum, quo quilibet suam legendo vernaculam, diversas, imò omnes linguas, unius etiam dici informatione, explicare, & intelligere potest.* Auctor est Excellentissimus Dominus Ioannes Iacobus Becherus, Spirensis, Medicinæ Doctor. Artificium eò collimat, ut quæ libet lingua reliquarum omnium sit clavis, & ut quilibet in sua vernacula legenda intelligat cæteras. Explicatur id ab Auctore in *descriptione Operis*; & tale est. *Primo loco* ponit Tabulam æri incisam; in cuius initio character est certis ductibus formatus, & Alphabeti litteris aliquot interpunctus. Idem character frequenter & ordinatum tota in Tabula exprimitur, accertis punctis, lineolis, ac numeris distinguitur. Atque hæc est clavis, seu Character, qui Operi denominationem supra expositam tribuit. Huic annexit Tabulam aliam typis excusam, pro variationibus sensuum, ut ipse appellat. *Secundo loco* ponit Lexicon pro resolutione primæ partis Characteris, in quo tanquam in Nomenclatore disponit Alphabeti ordine quælibet latinæ linguæ vocabula, atque à primo versus ultimum progrediendo, unicuique apponit numerum aliquem Arithmeticum, naturali servatâ progressionem, ita nimirum, ut sequens numerus semper proximè antecedentem unitate superet. Hoc Lexicon vult trans ferri in alia idioma, & vocabula correspondentia signari iisdem numeris, quibus signata sunt vocabula Lexici latini. Cuiusque deinde Lexici vocabula numeris prædicto modo signata, jubet disponi ordine Alphabeti per modum Indicis, appositis iisdem numeris, qui antea erant appositæ. Itaque latino idiomate excepto, quodvis aliud idioma requirit duo Lexica, seu unum cum Indice.

Usum Clavis seu Characteris, & Lexici seu Nomenclatoris, ipse Auctor fusè explicat in dicto Libello. In Technica

curiosa specimen aliquod Art^{is} hujus dabimus, & breviter totum inventum explicabimus.

PROPOSITIO VII.

Indicantur varia Artificia Cryptographica.

P Athanasius Kircherus ante multos annos excogitavit Artificium, quod linguarum Artificium appellat, quo quilibet per varias columnellarum combinationes ac permissiones, quod vis sibi antea ignotum idioma legere & intelligere potest. Indicaverat id olim Augustissimo Imperatori Ferdinando III. & Serenissimo Guilhelmo Leopoldo Archiduci, Cæsaris Fratri. Placuerat utrique; & quia ingeniosum simul, & utile magnis Principibus, censuerant non evulgandum. Hinc nunquam triennij spatio à dicto Auctore impetrare potui, ut vel per rimulam Artificium mihi ostenderet. Idem nuper auctum misit ad Augustissimum Cæsarem Leopoldum I. eundemque Serenissimum Archiducem Guilelmum Leopoldum, & ab utroque tantâ fuit humanitate susceptum, ac tot laudibus, ob artis subtilitatem, unâ cum Inventore deprædicatum, ut sine rubore legere litteras non potuerit, ipso Kircherò in litteris ad me datis fatente. Institi iterum ac tertio, ut quod præsens non potueram, absens obtinerem, sed repulsam iterum sum passus, prætexente Auctore inter causas alias Cæsaris prohibitionem. Nihil ergo de tam subtili & utili invento habeo quod dicam.

Cryptographica artificia varia.

In Magia nostra Cryptographica, quæ est liber I. partis 4. Magiæ, diximus, Ioannem Trithemium scivisse artem steganographicam, qua verbis quibuscunque quæ absenti indicare volebat, substitueret alia quæcunque quid vis aliud significantia. Similem artem à P. Athanasio Kircherò excogitatam, evulgavimus nos loco citato Syntagm. 4. appellavimusque Cryptographiam Kircherianam Grammato Arithmeticam, sive, novum, arcanissimum, ingeniosissimumque artificium, occultos animi conceptus tegendi sub verbis & signis quibuscunque, ope Abaci numeralis, & duplicis Alphabeti. Quod quidem fieri potest

quavis linguâ , & quovis characterum aut signorum genere, adeoque securê, ut quamvis in aliorum manus Epistola veniat, nullam secreti occultati suspensionem menti eorum ingerat; aut si fortasse aliquo ex capite id suspicentur, nullâ humanâ industriâ in ejus cognitionem venire queant.

De alio Steganographico artificio , à se excogitato, ita scribit ad me Nisâ Silesiorum , die 9. Decembris præteriti anni 1660. *R. P. Georgius Behm*, omnibus Mathematicis Disciplinis excultissimus, earundemque in diversis Universitatibus Professor Publicus. *Habeopræterea*, inquit, *Steganographiam ferè paratam, sed nunquam edendam; in qua decennio laboravi. Modi mei sunt partim communicati à me Excellentissimo Domino Burgravio Pragensi, qui me elementis hujus Artis imbuir; partim Serenissimo Leopoldo Episcopo nostro, qui me dictante eos unâ horâ scripsit in suo cubiculo Olomurij; partim Augustissimo Imperatori Ferdinando III. qui paulo ante suam mortem ad me scribi curavit, nullum adhuc perfectiorem modum meo esse inventum. Credo Excellentissimum Dominum Burgravium multos meorum modorum P. Kircherò communicasse, fortassis nomine suo. Et ille modus quem Reverentia vestra impressit, vocatque Kircherianum, cum meis aliquibus connexionem habet, sed valde adhuc imperfectus est*, Haftenusille, inter alia multa, quæ in dictis litteris insinuat de novis suis inventionibus.

Magister Adamus Kochánnski è Societate nostra, Matheos in Moguntina Universitate Professor, cùm legisset Cryptographiam nostram, novum excogitavit Artificium, sub quavis oratione, quamlibet aliam totidem, quin & pauciorum characterum absque suspitione occultandi. Hoc fortassis in Tecknica curiosa propalabimus.

PROPOSITIO VIII.

Tachy-graphia, seu modus breviter ac celeriter scribendi.

Tachy-graphia.

IN Magia nostra Cryptographica, quæ habetur in parte 4. Magiæ lib. 1. Syntagm. 1. cap. 1. §. 5. diximus, receptum apud Romanos

manos morem fuisse scribendi per litterarum aut notarum compendia; ejusque artis auctorem fuisse potissimum Mecenatem, teste *Dionel* lib. 8. qui ait, invenisse eum primum quasdam litterarum notas, quibus celerrimè scribi posset; easque per *Acilium* libertum publicasse. Et has in usu fuisse suo etiamnum tempore significat *Quintilianus* lib. undec. Cap. 1. Alij tamen, ut ibidem retulimus, Tyroni Ciceronis liberto ejusmodi notarum inventum attribuunt; quod postmodum *Acilius* & alij ampliarint. Notarum Ciceronis, earum scilicet quas Tyroni ejus liberto attribui diximus, meminit *Ioan. Trithemius* in Præfat. Polygraphiæ, & lib. 6. ejusdem Operis, ubi & nonnullas affert, & explicat. Meminit & *Petrus Bembus*, ac *Iustus Lipsius* locis à nobis in dicta Cryptographia citatis. Eas notas integras, è vetustis libris ac Bibliothecis erutas, suis que notis illustratas, edidit *Ianus Gruterus*. Trithemius ait, se dictarum Notarum codicem non parvum reperisse Anno 1469. in quodam Ordinis sui (hoc est, S. Benedicti) Monasterio, vetustate neglectum: & biennio post Argentiniæ in Bibliotheca majoris Ecclesiæ reperisse Psalterium integrum, iisdem notis exaratum. Ego quoque earundem notarum codicem à Grutero editum reperi ante annos aliquot in celebri quadam Bibliotheca à libris reliquis separatum. Putarat nimirum vir bonus, qui id fecerat, Magicis Characteribus scaterere librum, ac proinde ab alijs separandum, nè in curiosorum ac minus cautorum manus incideret. Harum notarum specimen dabimus in Technica curiosa.

Nunc qui celeriter scribere volunt, utuntur certis abbreviationibus seu abbreviaturis (sic appellant) vocabulorum, sed sine ulla ferè certa regula, modoque unicuique lubito: unde contingit, ut qui in scripta eorum incidit, non nisi post multam lectionem, & diuturnam combinationem ea legere possit. Alij scribunt dimidia vocabula, alij primas tantum syllabas, aut initiales litteras. Quod quidem in scribendis rebus sæpe occurrentibus, ac ferè obvijs probo; in alijs minimè.

PROPOSITIO IX.

Tachy-graphia recentissima.

*Tachy-
graphia re-
cent.*

INventa est ante annos aliquot, & idiomate Anglicano in lucem emissâ, nunc verò recentissimè, Anno videlicet præcedenti 1660. latinitati donata, & Londini in Anglia impressâ, *Tachy-graphia nova*, sive exactissima & compendiosissima breviter scribendi methodus, Auctore *Thoma Schelton*. Exemplar unum (exiguus est libellus) misit nuper ad me, pro suo singulari erga rem litterariam affectu, Lugduno Batavorum Nobilissimus atque doctissimus Dominus *Wilhelmus Schræterus*, Germano-Francus, & Amicus sincerissimus.

Artificium exactè describam, & graphicè delineabo in Technica curiosa, nunc breviter tantum delibo.

Primò itaque pro litteris Alphabeti Latini (quo plerique Europæi utuntur, aut non multum absimili) ordinarijs, excogitavit Auctor alias quæ uno & eodem calami ductu ac tractu, pennâ nunquam è charta sublatâ, efformantur, exceptis solum litteris x & y, quas intactas relinquit. Præterea eodem characterere utitur ad scribendas litteras q & u, quod semper sibi mutuo adhæreant, nec in ullo vocabulo reperiat q, quod non immediatè sequatur u.

Secundò, Duplices consonantes, ut br, cl, er, fl, fr, &c. ita ex antecedentibus novi Alphabeti characteribus efformat, ut unico etiam ductu exarari queant.

Tercio, Simili cum cautela omnia reliqua, ut sunt vocalium usus, diphthongi, consonantes i, & u, notæ & signa, quæ ad initium finemque spectant verborum plurium syllabarum, aliaque similia, ita disponit, ut dum scribuntur, calamus quàm fieri potest rarissimè è charta tollatur.

Quarto, Non exprimit omnes litteras in quolibet vocabulo scribendo aliæ exprimi solitas, sed illas tantum, quæ ad sensum intelligendum necessariæ sunt. Nonnunquam etiam integras

sylla-

sylla-

syllabas omittit. Omitto alia, & loco citato refero. Vide etiam *Georgium Harstorfferum*, in *Delicijs Mathematic.* to. 2. par. 1. q. 9. ubi ejusdem artis meminit.

PROPOSITIO X.

Palimpsestos ac Pugillares diu integros conservare.

Palimpsestos voco membranas deletitias, è corio asinino cretato gypsatoque confectas, cujusmodi in usu sunt calculis & musicis, illis in notandis delendisque numeris, his in modulorum compositionibus. Pugillares sunt, tabellæ plicatiles è simili materia concinnatæ: hocque solum differunt à palimpsestis, quòd illi bivaluæ sint & plicatiles, hi solâ membranâ expansâ consistunt.

Pugillares conservare diu incorruptos.

Utrique diu conservantur sine attritione, si subinde pumice expoliantur. *Schreventerus* in *delicijs Mathem.* par. 14. quæst. 10.

PROPOSITIO XI.

Cretâ non facile delebiles litteras formare.

Litteræ ac lineæ nostratæ cretâ, quâ in Germania utimur, in tabula lignea aut lapidea efformatæ, minimo tactu oblitterantur, & confunduntur, cum tamen sæpe pretium sit operæ, ut perdurent etiam tactæ, difficulterque deleantur, ut cum calculatores, qui calculorum loco nummis utuntur, intra abacum linearem disponendis, eum cretâ delineant.

Cretâ formatæ litteras non facile delebiles.

Si vis ergo ut arithmeticus abacus cretâ in mensa, aliavè tabula efformatus, aut lineæ litteræ quæcunque pertinaciter hæreant, ac non temere confundantur, aut deleantur, quantumvis incautè manibus aut nummis tangantur; intinge cretam cerevisiæ rubræ, eaque scribe, aut lineas formâ; hærebit

scriptura pertinaciter: cerevisia enim ob crassitiem ac tenacitatem suam loco aquæ glutinosæ est; quæ & ipsa sine dubio eundem præstaret effectum. *Schwenkerus* lo. cit. quæst. 4.

PROPOSITIO XII.

Calamos anserinos reddere duros, & ad scribendum aptos.

*Calamos
anserinos
reddere du-
ros.*

Calamis detrahe pennas, eosque intra calidospone cineres. Post moram aliquam extrahe unum post alterum, & manu sinistrâ arreptum colloca supra genus, dexterâ verò impone calami parti vacuæ cultrum, & preme, sinistrâque calamus extrahe. Indurescet, & simul clarâ quadam lineâ notabitur. Quæ linea quibuscunque in calamis reperitur, indicat dictâ ratione fuisse aptatos.

PROPOSITIO XIII.

*Scriptam Epistolam intra ovum absconditam
absenti transmittere.*

*Epistolâ in-
tra ovum
abscondere.*

Scriptam Epistolam concide in segmenta oblonga, quorum quodlibet unam contineat lineam. Hæc segmenta à dorso signentur numeris, aut litteris Alphabeti, ut sciatur quod primum sit, quod secundum, &c. In ovi cortice fiat subtilis rimula tantæ capacitatis, ut prædicta segmenta singulatim intrudî queant. Inclusis segmentis occluderimulam calce & albumine ovi, ut ea non appareat, & ovum amico absenti transmittite.

PROPOSITIO XIV.

In tenebris scribere.

Qui noctu evigilant, & lumine destituti notare quidpiam Scribere in tenebris quod aut in somno, aut in vigilia incidit, cupiunt, plumbagine (pennâ enim & atramento minùs commodè id fit, cùm sæpè penna atramentum reddat aut nimis parcè, aut nimis copiosè) ut æquales forment lineas, nec aliâ in alias incurrant, ut fieri in obscuro affolet; hac utantur arte. Chartam complacent in frequentes & strictas plicas, quarum una alteri secundùm latitudinem incumbat: tum scribant primam lineam in prima ac suprema plica, eâque evolutâ secundum in secunda, & hac iterum evolutâ tertiam in tertia. Plicæ dirigent manum & plumbaginem, & à recta linea aberrare non permittent.

PROPOSITIO XV.

Indices rerum in libris contentarum Alphabeti ordine conficere.

Sunt qui hoc utuntur modo; quem tamen minùs approbo. Indices librorum conficere Capsam præparant in 23. aut 24. loculamenta, pro litterarum numero discriminatam. Exscribunt deinde omnia quæ in Indicem volunt conijcere, appositis paginarum numeris, ita ut quælibet res aut sententia, quas notant, peculiarem lineam, aut lineas ab alijs rerum lineis distinctas fortiantur. Demum excindunt singulas lineas scriptas; & quæ ab A inchoantur, conijciunt in loculamentum A; quæ à B, in loculamentum B, &c. His omnibus peractis, describunt iterum convenienti ordine primò omnes chartulas in loculamento A contentas, deinde reliquas in reliquis loculamentis: aut dictas chartas ordinatim adglutinant novæ chartæ.

Infans hic labor est, aut minimum ridiculus. Ego à multis jam annis ita procedo. I. In capite 23. aut 24. pagellarum noto

litteras Alphabeti. II. Ab initio libri usque ad finem evolvo librum, & prout quæque res aut sententia occurrit, noto eam in charta, quæ initialem rei scribendæ in capite gerit litteram. III. Percurro omnes sententias in charta A notatas, & ad marginem è regione cuiusque sententiæ noto litteram, quæ proximè post A sequitur in primo vocabulo. v. g. notavi hæc vocabula in pagina A: adulatio, accipiter, Abbas, afflictio, &c. noto è regione dictorum vocabulorum litteras d, c, b, ff, &c. Idem facio in omnibus alijs paginis. IV. Exscribo omnia vocabula ab A inchoata hoc ordine: Abbas, Accipiter, adulatio, afflictio, &c. notando primò omnia vocabula quæ post A habent b; tum illa quæ post A habent c, deinde d, &c. Eadem ratione noto & exscribo vocabula aut sententias inchoatas à B, à C, à D, &c. Experimentiâ deprehendi hunc esse omnium facillimum modum. Si quis faciliorem suggererit, cum gratiarum actione acceptabo.

PROPOSITIO XVI.

Experimentum novum opticum proponitur.

Experimentum opticum novum proponitur, & examinatur.

QUod olim paucis notum, ideoque magnæ admirationi erat phænomenum, quo species rerum per foramen, seu liberum, seu vitro convexo munitum, in cubiculum obscurum immittæ, & chartâ albâ, aliove plano candido ac nitido exceptæ, repræsentant res extra cubiculum positas cum suis omnibus coloribus, lineamentis, motibus, inversas tamen; vulgare jam est, & extra fere admirationem. Lis tamen, quam inter Philosophos excitavit, nondum composita est. Sunt enim qui mordicus tenent, in casu illo species rerum chartâ exceptas videri ut quod, adeoque visivæ potentiæ objectum non solum lucem esse, & colorem, sed ipsas etiam colorum species: quibus & nos assentimur. Argumenta hujus sententiæ attulimus in *Thaumaturgo nostro Optico*, seu in 1. par. Magiæ lib. 2. ubi fusè & accuratè totum phænomenum explicavimus. Alij, qui cum veneranda Philosophorum Opticorum antiquitate solam lu-

cem & colores pro potentia visiva objecto ut quod admittere decernunt, non species in prædicto casu; sed res ipsas reflexè videri asserunt.

Hoc ultimum inter alios defendit, & typo impressis, ac publica disputatione propositis Thesisbus propugnavit, in alma Cæsarea ac Episcopali Vniversitate Olomucensi R. P. Georgius Behm, è Societate nostra. Opinionem suam stabilire nititur hoc novo-phænomeno, in hunc sensum, tametsi non iisdem verbis, proposito. *Siper oclusarum fenestra valvarum foramen vel liberum, vel vitro convexo munitum, species objecti in obscurum cubiculum intrantes, in debita distantia speculo plano excipiantur, & speculum eoloci ita moveatur; vel tuus oculus ita collocetur, ut in eo speculo foramen valva, & post hoc videas objectum (quod quidem foramen in speculo dictà ratione visum, citatus Auctor vocat foramen opticum;) apparet objectum illud in speculo plane visum, & per tubum, & sine tubo, sit recto, non inverso, uti in charta contingit. Rationem adsignat, quia in eo casu, non fit decussatio radiorum extra oculum. Ita ille in Thesisbus citatis definit, 8. & phænomeno 2. Addit tamen phænom. 3. Species immixtas, seu per nudam, seu munitum vitro foramen, pingere imaginem inversam; in chartæ quidem superficie nitidam, in speculi verò obscuram: aitque rationem inversionis esse decussationem radiorum per foramen, vel vitrum. Non negat itaque, si alio loco inspiciatur speculum, quod species per foramen immixtas exceperit, imaginem objecti apparere inversam.*

Hoc tamen discrimen agnoscit inter utramque imaginem, quòd in versa sit obscura, recta verò sit nitida. Idem quòd per inversam & obscuram objectum non repræsentetur post speculum, per erectam verò & nitidam post speculum repræsentetur Sic enim ait phænomeno 5. *Obscura illa imago in speculo plana non repræsentat objectum post speculum: at si basi communem specierum cum foramine optico jungas, apparebit nitidum objectum post speculum.* Ex hac diversitate deducit Auctor citato phænomeno. 5. *nitidam illam imaginem à speculi superficie levioriri, obscuram à scabra.* Item obscuram hanc recessu speculi à foramine & basi communi augeri, nitidam verò illam eodem recessu minui.

PROPOSITIO XVII.

Aliorum doctrina ex dicto experimento deducta proponitur.

EX prædicto experimento ac phænomeno P. Behm deducit ac stabilit quatuor propositiones. Nam *Primò* ait, obscuram illam in speculo imaginem arguere, species colorum non videri ut quod. *Nam alias*, inquit, *non daretur causa, cur quò levius est speculum, eò magis obscuretur imago illa. At verò dicendo fieri hic reflexam visionem ipsius objecti, omnia perbellè salvantur.*

Secundo ait, objectum situ recto visum in foramine optico, arguere, species colorum non videri ut quod. *Nam cur*, inquit, *obscura imago speculo excepta, & optico foramini optice unita rectificatur, cum alias extra foramen opticum etiam in speculo inversa appareat?* Ex quo infert, non posse salvari hoc phænomenon, nisi per duas superficies, unam scabram, alteram lævem: ijs autem admissis, omnia posse salvari viâ reflexâ.

Tersò ait, Quòd objectum nitidum appareat post speculum, obscura in ipsa superficie speculi, arguere, species non esse objectum ut quod. *Nam cur*, inquit, *nitidum objectum apparet post speculum in foramine optico, cum obscura imago in ipsa speculi superficie conspiciatur?* Profectò aliam rationem assignare haud poteris, nisi quòd à *levi superficie speculi reflexa species eam profunditatem representans, ab aspera autem non item.* Ex quo iterum infert, omnia per reflexionem salvari posse, & debere.

Quartò ait, quòd speculo magis ad foramen opticum promoto, obscuretur inversa imago, & alia nitida oriatur, arguere idem quod antea. *Nam si species*, inquit, *excepta speculo terminans visionem, non est ratio cur suffocata illâ imagine obscurâ, alia nitida in foramine optico exoriatur.*

PROPOSITIO XVIII.

*Nostra doctrina ex prædicto phænomeno
stabilitur.*

Admittimus Experimentum ac phænomenum novum ha- ^{Speculum}
tænus expositum, videri nimirum rerum imaginem in spe- ^{in cubiculo}
culo plano nunc situ recto, nunc inverso, modò obscurè, modò ^{obscurò spe-}
nitidè : sed ex hoc mirificè stabilimus sententiam nostram. ^{cies rerum}
Quod ut manifestum fiat, ^{excipiens,}
^{representas}
^{res situ re-}
^{cto, & in-}
^{verso.}

Dico, Quando per oclularum valvarum foramen species
objecti in cubiculum obscurum admissæ, opposito speculo pla-
no excipiuntur, & ad oculum eo loco positum reflectuntur, ut
videat in speculo & foramen, & objectum situ erecto; non vi-
dentur tunc species in speculo, sed foramen & objectum per
reflexas species foraminis & objecti. Quando verò remove-
tur speculum, & apparet objectum obscurè & situ inverso, vide-
mus ipsas species, & non objectum.

Primum concedunt adversarij, & ulterius ita explicatur, & ^{Vide}
confirmatur. Sic enim objectum A B, foramen C, speculum ^{Icon. XL}
D E, radij directi per foramen in speculum trajecti A G, & B F, ^{Fig. I.}
oculus aspicientis H, radij reflexi à speculo in oculum ad angu-
los æquales angulis incidentiæ, F H & G H. Quoniam igitur
radius reflexus H G ducit oculum H in punctum A, & radius
reflexus H F ducit eundem oculum in punctum B: necesse est,
objectum videri situ erecto, ut in *Magia Catoptrica* probavi-
mus 1. par. *Magiæ* lib. 6. Confirmatur I. quia objectum A B
apparet retro speculum, ut adversarij concedunt, ergo eo modo
apparet, quo per reflexam visionem videri debet. Confirma-
tur II. quò magis appropinquat speculum foramini C, eò obje-
ctum in speculo apparet minus, ut concedunt ultrò adversarij:
cujus rei causa est, quòd tunc basis F G trianguli C F G fit sem-
per minor ac minor. Confirmatur III. quia oculus H non è
quocunq; loco videre potest foramen & objectum erectum in

Q

specu-

speculo, vel potius retrò speculum, sed tantum ex uno certo ac determinato, illo nimirum, ad quem reflectuntur radij EH & GH ad angulos æquales angulis incidentiæ; ergo dum ita videt, visione reflexâ videt.

Ex his apparet, etiam in hoc casu decussari species objecti in foramine. Falsum ergo est nullam hîc fieri decussationem, ut adversarij dicunt.

Probo I. Si manente oculo in H , remouetur speculum à foramine C , appareteadem imago objecti AB , non erecto, sed inuerso situ, nec ita nitidè ut antea, sed obscurè: Ergo non videtur visione reflexâ, ut antea, quia sola remotio speculi plani ab oculo non inuertit imaginem objecti, ut ex Catoptriciis constat. Neque obscuritas imaginis arguit visionem reflexam, sed oritur ex remotione speculi à foramine C . Si non videtur imago illa visione reflexâ, ergo vel directâ, vel refractâ: non hac; quia nulla causa refractionis adest; ergo directâ: ergo non videtur objectum, quia hoc visione directâ videri non potest positum retro videntem, sed solum id quod ante eum est positum: In casu autem nostro non nisi imago in speculo depicta, id est, species objecti, sunt ante videntem positæ.

Probo II Imago eversa in speculo videtur ab oculo posito in quocunque loco ante speculum, erecta autem non nisi ab oculo posito in determinato loco, ergo discrimen est inter ambas visiones: si ergo prima est reflexa, secunda non erit reflexa, sed directâ. Si directâ, ergo non videtur nisi objectum ante oculos positum: at objectum ipsum AB non est positum ante oculos, sed sola imago objecti in speculum recepta; ergo, &c.

Probo III. Si imago inuersa in speculo videtur visione reflexâ: ergo etiam imago inuersa in charta, alio vè plano candido, videtur reflexâ visionem; ergo non nisi ex eo loco videri poterit ab oculo, ad quem reflectuntur radij è charta ad angulos æquales angulis incidentiæ. At quis non scit hoc esse falsum, cum in quocunque situ & loco sit oculus ante chartam, imò & retro chartam transparentem constitutus, adhuc videat imaginem illam inuersam? Præterea quis unquam ausus fuit dicere, char-

Fig. I.
9





Fig. II.



chartam ordinariam, quantumvis etiam lævem, habere vim reflectendi radios incidentes tam perfectè, ut per illos distinctè videatur objectum visione reflexa? Adde quòd in charta imago appareat nitidissima & clarissima, saltem longè clarior quàm in speculo; & eò apparet clarior, ac nitidior, quò obscurius est conclave, & quò minùs luminis per foramen intrat: cur ergo nunquam apparet retro chartam, sed semper & ubique in superficie chartæ? Certè non potest hìc recurri ad obscuritatem imaginis, cùm ea longè sit clarior quàm dum in speculo etiam erecta videtur. Omitto alia argumenta quæ afferre possem: hæc enim ad convincendum non obstinatum abundè sufficiunt.

PROPOSITIO XIX.

Occurritur evasionibus adversæ sententiæ.

EX argumentis præcedenti propositione factis satis manifestè patet, imaginem inversam objecti in charta, & consequenter etiam in speculo, non videri visione reflexâ, sed directâ, atque adeo non objectum, sed species objecti videri ut quod.

Conantur tamen evadere contrarium sentientes, & argumentis à nobis factis occurrera.

Ad primum argumentum nostrum, quòd illa imago immissa-rum in conclave obscurum specierum videatur ex omni parte cubiculi, ideoque non videatur visione reflexâ, in qua angulus incidentiæ debet esse æqualis angulo reflexionis; *Respondens*, chartam in qua imago inversa apparet, esse speculum scabrum, habens in qualibet parte myriadem parvulorum speculorum. Hinc licèt (ajunt) unum speculum neget reflexionem ex illa parte, adsunt tamen alia quæ supplent, ideoque servatur æqualitas angulorum incidentiæ & reflexionis. Addunt, hoc idem efficaciter confirmari inde, quòd quò lævius est speculum, eò magis obscuretur imago illa. Quin & in charta bene lævigata idem accidere, quod obscurior nimirum imago sit, quàm in non lævigata.

Manet tamen adhuc firmum nostrum argumentum. Nam *Primò*, si charta est speculum scabrum, reflectens species objecti ad oculum in quocunque loco positum, propter multitudinem parvulorum speculorum in scabra illa superficie existentium; cur ergo apparet imago illa inversa? *Secundò*. si dicunt, apparere inversam propter multiplices & in se mutuo incurrentes reflexiones; quæro ego, cur ergo in speculo, etiam politissimo, si à foramine competentè removeatur, apparet inversa? *Tertiò*, quid facit ad rem, quòd quò lævius est speculum, & quo magis lævigata charta, eò magis obscuretur imago? Hoc nullam arguit reflexam visionem, sed arguit majus lumen in superficie lævigata: quò autem majus est lumen, eò obscurior apparet imago in plano opposito quocunque excepta.

Ad secundum argumentum nostrum, quòd si à charta fieret specularis reflexio, deberet objectum post chartam apparere, sicut fit in speculis; *Respondent*, obstare huic apparentiæ post chartam, seu retro chartam, nimiam parvitatem specillorum, quorum singula non reflectunt ad eundem locum nisi species alicujus particulæ objecti; ad eum modum quo in contusi vitri pulvisculis confusus solùm quidam splendor solis apparet, non totus sol: & hanc ajunt esse causam, quòd non appareat profunditas objecti.

Adhuc tamen manet robur argumenti nostri. Demus enim, ob dictam causam non apparere profunditatem objecti, si speculi rationem habeat charta; quæro tamen *Primò*, cur imago apparet inversa? Quæro *secundò*, cur in speculo plano, & politissimo, non apparet imago eadem inversa retro speculum? cur item apparet inversa? Quæro *tertiò*, si singula parva specula in charta scabra non reflectunt ad eundem locum nisi species particulæ objecti, uti in contusi vitri pulvisculis fit; cur tam venusta, tam integra, tam distincta apparet imago objecti, cum omnibusejus coloribus, motibus, situ, distantia, & similibus, inversa tamen?

Ad tertium argumentum nostrum, quòd oculo post chartam constituto adhuc videatur per chartam transparentem pictura seu imago objecti, cum tamen reflexio non possit retrorsum

agi; Respondent, posse reflexionem etiam retrorsum agi, quando tam immensa copia particularum specularium concurrunt, quarum una ab altera speciem excipit, & reflectit; præsertim quando sunt rotunda, & variæ figuræ specula, qualia sunt innumera in scabritie chartæ; adeoque pro illa debilitate apparentiæ, quæ post chartam sit, sufficere istam debilem reflexionem.

Hic temperare mihi non possum quin sincerè enuntiem quod sentio, responsionem scilicet hanc non coherere cum principiis Catoptricæ Philosophiæ. Nam *primò*, si oculus retro chartam constitutus, videt imaginem objecti anteriori chartæ superficiæ ab objecto radiante impressam, in superficie posteriore charta tanquam in speculo; necesse est, ut imago anterior reflectatur primùm in specula lateralìa antè posita; deinde ab his in alia specula retro chartam posita; tandem ab his reflectatur in posteriorem chartæ superficiem. At dato, quòd scabrities chartæ efficiat tot parva specula in anteriore chartæ facie, quot sunt in ea inæqualitates & tubercula; ubi sunt aut eadem parva, aut magna specula retro chartam, quæ radios reflexos anteriorum excipiant, & in posteriorem chartæ superficiem reflectant? *Secundo*, si charta circumdetur limbo aliquo cuiuscunque materiæ, figuræ, polituræ, scabritie, ut nulla sit speculorum parvorum suspicio in limbo isto; adhuc apparet imago oculo retrò posito. Ergo non videtur visione reflexâ. *Tertiò*, charta opacetur retrò, ut si imago in anteriore superficie depicta transparenere non possit, & retro adglutinetur aut applicetur alia charta ejusdem rationis cum anteriore; nulla imago apparebit in illa, non obstantibus innumeris parvis speculis in anteriore charta dispersis, ex adversarij mente. Ergo si in charta transparente apparet retrò, alia non apparet quàm illa quæ transparet. *Quartò*, sed devorentur omnia illa absurda, & in Catoptrici inaudita, quæ adversarius admittit; cur imago anteriori superficiæ chartæ imprimatur inverso situ? Omitto

alia multa quæ huic evasione apponi possent.

PROPOSITIO XX.

Satisfit argumentis contraria sententia.

UT magis appareat inanitas argumentorum contrariæ sententiæ, tametsi illa breviter proposuerim propos. 17. præcedenti, placet ea iterum iisdem eorum verbis adducere. Ita ergo pro se, & contra nos.

Arguunt primò. *Obscura phænomeni tertij imago arguit, species colorum non videri ut quod. Nam alias in hac sententia non daretur causa, cur quò lævius est speculum, eò magis obscuratur imago illa. At verò dicendo fieri hîc reflexam visionem ipsius objecti, omnia perbelle salvantur. Cùm enim imago illa ad sensum stabilis oriatur ex innumerorum specillorum scabra superficie reflexionibus, ita ut semper postulatum primum. (quòd angulus incidentiæ sit æqualis angulo reflexionis) servetur; imminutâ scabritie necesse est obscurari imaginem.* Ita illi. Tertium portò phænomenum quod citant, hoc est ex iisdem: *species immissæ seu per nudum, seu munitum vitro foramen, pingunt imaginem inversam, in charta quidem superficie nitidam, in speculi obscuram.*

Respondeo I. Obscuram illam imaginem non arguere, speciem non videri ut quod; neque arguere objectum videri reflexè. Nam reflexâ visione non apparet objectum inversum in speculo plano, sed erectum ut est. *Respondeo II.* Causam cur quò lævius est speculum, eò magis obscuratur imago, esse lumen speculi. Patet experientiâ. Nam *primò*, cæteris paribus, eò obscurius apparet imago in speculo, quò magister sum, politum, reflexivum est speculum: quò autem magis tersum, politum, reflexivum, eò magis lumen recipit, & remittit. *Secundo*, in charta lævigata obscurior est imago, cæteris paribus, quàm in scabra; lævigata autem splendidior est, quàm scabra. *Tertiò*, & præcipuè quia sive species in conclavi obscurato excipiantur speculo, sive charta, sive quocunque plano, cæteris omnibus manentibus eò redditur imago obscurior, quò plus luminis per foramen admittitur, adeo ut si radij solis feriant directè

directè foramen, imago planè evanescat. Signum ergo evidens & irrefragabile est, obscuritatem oriri à luminis maiore copia. *Respondeo III.* Ex eo quòd quòd lævius est speculum, eò magis obscuretur imago (undecunque tandem proveniat obscuritas illa) non rectè arguitur, fieri reflexam visionem quàm diu manente objecto erecto, & nullâ adhibitâ arte ad imaginem erigendam, imago apparet inversa, & sæpe jam diximus, & constat ex Catoptrici: nam reflexio facta à speculari corpore plano, sive parum sive multum lævigato, & sive clarè, sive obscurè representante objecti imaginem, non invertit situm imaginis. *Respondeo IV.* In charta debito situ collocata, apparet imago nitidissimè; si magis approximetur charta foramini, ubi majus lumen est, obscuratur imago, & tamen non minuitur scabrities chartæ; ergo obscuritas non oritur præcisè ex imminutione scabritiei, sed ex augmento luminis. Omitto alias impugnationes.

Arguunt secundo. *Objectum situ recto visum in foramine optico, arguit species colorum non videri ut quod. Nam cur illa obscura imago speculo excepta, & optico foramini optice unita rectificatur, cum alias extra foramen opticum etiam in speculo inversa appareat; Hoccine est naturam objecti ut quod induere? Non igitur hoc phenomenon salvari potest, nisi per duas superficies, unam scabram, alteram lævem. Quod si admiseris, noster es: omnia enim poteris visâ reflexâ salvare.* Ita illi.

Respondeo I. Dum objectum situ recto videtur in foramine optico, non videntur colorum species ut quod, sed ipsum objectum visione reflexâ, ut probavimus proposit. 18. *Respondeo II.* Ideo obscura imago speculo excepta rectificatur, si speculum & oculus sint alio loco aut situ quàm antea, quia species per foramen intronissæ ac decussatæ reflectuntur ad oculum efficiendo angulos reflexionis æquales angulis incidentiæ, & dirigunt oculum ad eadem puncta objecti, eodemque situ, à quibus & quo situ procedunt, ut diximus proposit. 18. *Respondeo III.* Oculo in alio situ constituto, species objecti quæ in foramine decussantur, & imaginem inversam pingunt in speculo, non reflectuntur ad oculum per angulos reflexionis æquales angulus

incidentiæ, quia hoc non in quolibet situ contingere potest, ut ex Opticis & Catoptricis patet: sed illa ipsa imago inversa radiat directis radijs in oculum, unde percipitur ab oculo eodem situ, quo in speculo depicta est. *Respondeo IV.* Illationem illam, *Non igitur hoc phænomenon salvari potest, nisi per duas superficies, unam scabram, alteram lævem*, esse omnino impertinentem. Nam sermo est de eadem superficie speculi, in qua semel apparet reflexè objectum situ recto, semel imago objecti situ inverso. Si dicat, loqui se de superficie lævi speculi, & scabra chartæ, in quarum prima apparet imago erecta, in secunda verò inversa. Respondeo primò, in speculi superficie non apparere imaginem objecti, sed ipsum objectum. Respondeo secundò, etiam in speculi supercie apparere imaginem inversam; ergo tamen admittamus duas superficies, scabram unam, lævem alteram, nihil habet adversarius.

PROPOSITIO XXI.

Imago quæ in charta est inversa, non apparet erecta, si tubo optico inspicatur.

*Species rerum in cubiculo ob-
scuro excepta charta, non appa-
rent erecta, si tubo
optico inspiciantur.*

Piget ulterius pergere, & alias duas Adversarij rationes proponit. 17. propositas minutiùs excutere & refutare, quia ex dictis facilis est responsio. Solùm noto, virum quendam doctissimum in Cursu suo Philosophico Disput. 4. de anima, sect. 2. ad probandum, species colorum per foramen in cubiculum obscurum admissas, & chartâ oppositâ exceptas, non se, sed suum objectum repræsentare, & quidem reflexè; dicere, species illas repræsentare distantias rerum inter se. Hoc ut ostendat, sequentia subiicit verba: *quia si quis per tubum eam chartam aspiciat, quia tunc omnia apparent recta, prout in se sunt (sive tubo enim ostenduntur inversa) videbit distinctissime objecta illa, unum post aliud, prout sunt in se. Quod ita evidens est, ut nemo ex his, qui con-*

trarium sentiunt, dum ei hanc observationem dicerem, ac ostenderem, debuerit fateri, omninò videri distantias objectorum inter se. Est res est tam certa, ut sola egeat experientiâ incredulus. Secundò idem ipsum ostendo. Quia si quis accedens prope valde ad chartam, eamque movens diligentius intueatur, manifestè videbit, ea objecta apparere post chartam, & dum chartam movet, novos omnes & chartam aculas apparere multò viciniore oculo, & quasi objecta illa moverentur: Atqui species illa non sunt intra chartam, sed in prima superficie; ergo non se repræsentant, sed suum objectum, cum proportionem aliqua ad visionem in speculo.

Hæc ille. Quæ cum legisset vir alius doctissimus, & in Moguntinâ Vniversitate sacre Theologiæ tunc Professor, nunc hujus Herbipolitani Collegij nostri Rector; sciretque omnino falsa esse, & experientiæ à se & alijs millies factæ prorsus contraria; jussit Matheseos Professore ejusdem Moguntinæ Vniversitatis ad virum illum, & tunc & nunc etiamnum superstitem, plurimisq; libris scriptis clarissimum, scribere, & mentem ejus exquirere, aut modum quo aspiciendum foret phænomenum tubo optico, ut erectum appareret, & quasi retro chartam. Respondit vir ille, id sibi dictum ab alijs qui experimento se deprehendisse asseruerant.

Crediderim ego, qui experimentum fecerat, & viro illi docto exposuerat, ac monstraverat, habuisse tubulum ex eorum genere, qui objecta invertunt, ut in Dioptricis nostris explicavimus. Cum ergo imago in charta inversa esset situ, visa per tubulum illum apparebat erecta. Quod aut non adverterat, aut oblitus fuerat vir ille doctus, dum Cursum suum scriberet.

Ad objectorum distantiam quod attinet, apparet quidem illa, quia si plura objecta simul in eadem charta pinguntur, apparent alia retro alia, adeo ut distinctè discernatur quænam illorum sint remotiora, quæ viciniora: at nullâ ratione apparent retro chartam, ut in speculis fit, sed in eadem superficie

chartæ. Provoco ad experientiam, quam quilibet facere potest.

PROPOSITIO XXII.

Ridicula sententia circa pracedens phenomenon refellitur.

*Ridicula
sententia
circa pha-
nomenum
opticum in
cubiculo
obscur.*

INCIDI ante annos aliquot in Philosophiam manuscriptam, & ab optimo alioquin Philosopho, at qui experientias omnes ridebat, & Mathematicorum ac maleficatorum Philosophorum somnia appellabat, conscriptam, suisque in Vniversitate quadam celebri Discipulis dictatam, & explicatam. In ea cum retulisset phænomenum specierum per foramen in obscurum conclave admissarum, & in opposita charta objectorum extrâ existentium imaginem depingentium; & proposuisset, ac sanis excepiſſe recentiorum Opticorum Philosophorum sententiam, dicentium nihil aliud tunc videri ab oculo quàm objectorum imaginem à speciebus depictam, hoc est, quàm ipsas species in charta terminatas; ut facilem, & uti rebatur, verissimam iniret viam, dicebat, in charta nihil apparere aliud quàm umbras objectorum extrâ existentium.

Nunquam viderat vir bonæ experientiam, ac fortassis nè videre quidem dignatus fuerat, ut pote figmentum Mathematicorum. Sed ô bone vir, si non credis Mathematicis, si non tot aliis oculatis testibus, Philosophis, Theologicis, Principibus; crede saltem oculis tuis, & tute ipse, nullius interventu, empiriâ institue: Videbis ipsissimos objectorum colores, distinctissimos, ac vivissimos; numerabis eorum regulas, horologiorum lineas, picturarum lineamenta. Vidisti nè unquam umbras rerum ostendere earum colores? Vidisti nè aliquando umbras objectorum inversas? Quæro deinde, an scias versus quam plagam projiciantur umbræ rerum Soli oppositarum? Respondebis utique (nec enim tam ignarus) versus plagam Soli oppositam, hoc est, si Sol existit in plaga Orientis, Meridiei, Occidentis, umbras projici versus Occidentem, Septentrionem, Orientem. Rectè. Fac jam foramen in valva respiciente Septentrionē, & videbis Sole existente in meridie, ædium facies

*Imago re-
rum in cu-
biculo ob-
scuræ, non
sunt umbræ
rerum.*

quæ meridiem respiciunt, depictas in charta foramini opposita. Fac aliud in valva respiciente Ortum, videbis res Occasum respicientes apparere in charta. Si Occasum respicit valva foraminis, repræsentabuntur in charta res respicientes Ortum. Si ergo umbræ rerum in charta apparent, umbræ rerum plagam Solis respicient, non plagam Soli contrariam, ut tu asserebas, aut asserere debebas.

Legerat fortassis vir ille bonus, & non malus, ut dicebam, Philosophus, quod scribit vir doctus loco in præcedenti proposito. citato, his verbis: *Respondeo ergò primò, hanc experientiam (de qua nobis sermo est) aliquando contingere, quando lux reflexa ex aliquo corpore, vel radij ipsi solares per foramen ingrediuntur: tunc autem intra cubiculum non videntur aves, neque homines, eorum vè species, sed illorum umbra: dum enim illa corpora interponuntur inter ipsum foramen & radios solis, vel lucis reflectentis; impediunt ingressum per illud foramen; ideoque causant intra cubiculum umbram sui, quæ apparet ac si essent ipsi homines & aves, propter similitudinem umbræ in figura cum corpore, cujus est; quod observavi sæpè. Ecce ergo in hoc casu umbra sola intus apparet, non species, aut objecta ipsa.*

Si hæc legerat, non debebat tam temerè universaliter pronuntiare, in omni casu umbras rerum in cubiculo apparere. Deinde debebat cautiùs legere, & ad examen vocare, quod vir ille doctus in casu aliquo particulari fieri asserit. Examine-

mus.

Afferit I. *Experientiam aliquando contingere, quando lux reflexa ex aliquo corpore, vel radij ipsi solares, per foramen ingrediuntur; & tunc videri intra cubiculum umbras corporum. Certus sum ego, eum nunquam vidisse imaginem, de qua loquimur in cubiculo, quando radij solis per foramen ingrediuntur: tunc enim ob nimiam luminis affluentiam dissipatur omnis imago. Tunc ergo experimentum sumi debet, quando Solis radij non feriunt directè foramen.*

Afferit II. *Eandem experientiam aliquando contingere quando lux reflexa ex aliquo corpore, per foramen ingreditur; & tunc simul videri umbras in cubiculo. Certum est, & experientia quotidiana docet, si Sol existens in meridie, v. g. illuminet*

parietem perpendiculariter erectum qui ipsum Solem respicit, lumen reflecti versus Solem, id est, versus Meridiem: & si tunc è regione parietis illuminati fiat foramen, ingreditur fortassis lumen reflexum, at umbra parietis illuminati in æternum non ingreditur, quia nullam umbram projicit versus foramen, quoniam nec versus Solem eam projicit. Quod autem dicitur de hoc lumine reflexo, de omnibus alijs intelligi debet. Vides ergo quæ absurda asserat vir doctus.

Asserit III. Dum inter Solem & foramen interponuntur corpora, impediri ingressum radiorum intra foramen, & ideo solas umbras ingredi, & apparere in cubiculis, similes ipsis corporibus quoad figuram. Addit, se hoc sæpius observasse. Si observavit, erat utique tota fenestra aut porta aperta, & sic experientiam non videbat de qua loquimur. Vidisse autem eum umbras corporum positorum inter Solem & foramen exiguum, præsertim vitro munitum; nunquam persuadebit.

PROPOSITIO XXIII.

Aliud experimentum opticum novum.

*Experimentum
sum opticum
novum.*

*Vide
Iconis XI.
Fig. II.*

Aliud experimentum opticum, antea mihi invisum, vidi quondam Romæ apud Dn. Eustachium Divini insignem Opticum, & in terendis tubospicillorum vitris egregiè versatum, ac jam dudum celebrem. Hebebat is lamellam æream, longitudine ac latitudine ferè qualem apposita Figura ABC præsentat; ad cujus utramque extremitatem erecta erant perpendiculariter pinnacidia, ut vocant, B & C; quorum illud, exiguum habebat in medio foraminulum D; hoc verò, foramen granolentis æquale, cum inserto aciculæ capitatae extremo, ita ut capitellum corresponderet medio foraminis, collum verò seu pedunculus insisteret inferiori foraminis orbitæ, prout in figura apparet.

Qui oculum admovebat foraminulo D, & visum dirigebat in foramen E, videbat aciculam capitatam non jam in fora-

mine E, sed infer E & D. Aliaphænomena notavit *P. Nicolau* *Zucchi*, refertque in *Philosophia optica* par. 2. tract. 3. cap. 6 sect. 2. Parergo. Ego solum hoc quod retuli, notavi.

Quæritur causa hujus phænomeni. Citatus Auctor exponere conatur & hujus, & aliorum à se notatorum causas; quas ego ramen, ut verum fatear, non intelligo. Apparentiæ à me notatæ hanc causam refero, quòd aciculæ capitatæ radij in foramine D decussantur, & oculum penetrantes refringuntur, ac magis divaricantur: quia igitur oculus videt aciculam per radios illos refractos ac divaricatos, videt illam sub majori angulo quàm faciant radij ejus directi ad foramen D; ideo apparere debet propiùs quàm revera sit, ibi nimirum, ubi radii refracti tantum distant à se invicem, quantum directi distant prope ipsam aciculam. Explicare rem non possum, nisi multa ex Opticis ac Dioptricis desumpta huc congeram. Vide itaque quæ dixi in 1. par. Magiæ lib. 2. & 9.

PROPOSITIO XXIV.

Fenestram papyraceam, ut vitrea appareat, efficere.

A Theoricis ad practica, à seriis ad ioco-seria seriis admixta revertimur. Solent in Italia & Hispania fenestræ non ex vitro, sed ex papyro transparente, aut etiam ex tela candida ac translucente confici, idque non in domibus tantum tenuioris fortunæ hominum, sed divitum quoque ac potentum: quæ res Germanis nostris eas regiones adeuntibus, ac vitreis nostris fenestris assuetis, adeo apparet insolens, ut splendidissima palatia istiusmodi fenestris instructa non minus rideant, quàm alii vestibis splendidis è vilissimo panno assuras lacinias riderent.

Si vis ergo ut papyraceæ ejusmodi fenestræ appareant procul aspectantibus vitreæ, sic operare. Sume papyrum ex officina ubi præparatur, quæ nullo adhuc glutine est imbuta; quali

nimirum plerùmque Typographi utuntur. Misce deinde terebinthinæ partes sex, & mastice partes duas: liquefac, & papyrum extensam inunge, & resicari sine. Habebis quod quærebas. *Ex Secretis Kircherianis.* Orbiculos aut quadratula exprimere poteris lineis atramento, aliove colore antea in charta ductis.

PROPOSITIO XXV.

Vitreæ fenestram fingere è charta.

*Fenestram
vitream è
charta finge-
re.*

Pictorum vernicem in aqua, quantum scutella capiat, coque ut ferveat, assiduè movendo, donec aqua evanescat. Cùm autem fuerit semicoctum, vitrum bene tritum injice. Papyrum deinde ad modum fenestræ vitræ depinge, effingendo orbiculorum circulos, aut quadratulorum cancellos. Demum bitumine antea præparato inunge papyrum, & siccat sine. *Ex Secretis Kircherianis.*

PROPOSITIO XXVI.

Aliter vitreæ fenestram fingere in ligno.

*Fenestram
vitream in
ligno finge-
re.*

Chartam pergamenam hædinam sume, quæ sine calce sit præparata. Hanc subtiliter rade, donec satis sit pellucida & tenuis. Deinde in vas aliquod aquâ plenum illam immitte, ita ut pellis cooperta maneat aquis. In vas illud injice paulum mellis ad ignem despumati, ovorumque octo albumina, omniaque cum pelle intus revolve. Tandem, antequam arescat hæc mixtura, illine lignis in quibus est mansura. Cùm verò aruerit, pinge super eam quæ volueris, & pictorum vernice perunge. *Ex Secretis Kircherianis.*

PROPOSITIO XXVII.

Vitrum deaurare.

Album unius ovi in scutella subige. Quo subacto, rejectâque spumâ, cum eo quod subsidit, vitrum deline, & siccare permitte: dein verò animæ halitu fove: post aurum foliatum superpone. Tandem his peractis, vernice pictorum madefac, & Solis radijs expone. Loco albuminis aliqui salivam jejuni hominis adhibent. *Ex Secretis Kircherianis.*

Vitrum deaurare.

PROPOSITIO XXVIII.

Lineam meridianam lucente Sole invenire.

Communi ac pænè vulgari modo meridianam lineam inveniendi, praxin non contemnendam adjunxit vir doctus, & insignis Opticus, D. *Wilhelmus Hagen*, Clivensis civitatis Secretarius, uti nuper ad me scribit his verbis: *In plano immobili beneficio libellæ horizonti parallelo, gnomonem ad angulos rectos varijs ex eodem centro circulis circumductis erexi: dum verò more consueto, tempore ante meridianum extremitatem termini umbra ex gnomone projecta circum quendam tangentem cum summa cura observarem; ex principijs opticis mihi incidit, umbra finem vix dari aut notari posse; ideoque pro abundanti cautela filum tenue, vel setam equinam ipsi stylo alligatam, per medietullium umbrae tangentis, ad circumferentiam exteriorem, ad minus per diametrum pedalem distantem, protraxi, simulque eo momento Astrolabio vel Quadrante altitudinem Solis exactissime indagavi; punctoque in prædicta circumferentia notato, eâdem prorsus methodo tempore pomeridiano. Sole in eadem altitudine constituto, secundum punctum investigavi, & in peripheria extrema notavi. His ita peractis, arcus interceptus per filum ex dicto stylo ductum bifariam divisus, indubitatam lineam meridianam monstrabat.*

Lineam meridianam lucente Sole invenire.

PROPOSITIO XXIX.

*Ut statua lapidea flatu oris candelam extinctam
accendere videatur.*

*Satis ut
candelam
accendas.*

ORi statuae sulphur inde, & candelam extinctam, atque adhuc fumigantem, ori statuae admove. Confestim reaccendetur, putabiturque flatu oris resuscitatam flammam Meminit hujus praxis à non nemine exhibitæ Galenus, aitque tunc miram videri dissiisse, cum sulphure contactum murum, aut lapidem reperêre spectantes.

PROPOSITIO XXX.

*Idea Macrocosmi, sive Radius superioris
sphaera.*

Macrocosmi idea.

Effode terram pinguem juxta rivos ad radices montium, ubi sunt fodinae ☉ & ☿ (auri & argenti) decurrentes. Ex illa fac ☿ (salpetrae) quod bene sit ♁ (stanno) mistum hermetice calcinato. Postea immitte in retortam, cujus receptaculum sit vitreum in formam ovalem conflatum; in cujus fundo collocabis folia ☉ (auri.) Deinde subter retortam in fundo positam ignem accende, donec fumi seu vapores exeant; qui dicto ☉ (auro) adhærebunt; ignemque in eodem gradu serva tamdiu, nè retrocedant. Tandem vas recipiens ablatum hermetice obtura, & in furnum huic negotio destinatum repone, supposito Δ (igne) lampadis, donec videatur repræsentatum quod Natura in eo conspiciendum operatur, puta flores, arbores, fructus, frondes, solem, lunam, planetas, & reliquas stellas.

Ex secretis Kircherianis, & Schruentero in Delicijs

par. 16. q. 1.

PROPOSITIO XXXI.

*Serpentes, lacertas, aliaque similia animalia,
incompacta servare.*

VAs vitreum amplum ac forte imple aquâ ardente, seu vino *Serpentes
mortuos
servare in-
compactos.*
adusto, aut aceto fortissimo, & in vas iniice vivos serpentes,
lacertas, aliaque similia reptilia, obturaque vas nè elabantur.
Mortua apparebunt viva, & manebunt perpetuò incompacta.
Vidi Romæ in Galerijs (ut vocant) Principum.

PROPOSITIO XXXII.

Mobile perpetuum Alchymisticum.

ACcipe amalgamatis ☿ (æris) drachmas v. aut vi. & amal- *Mobile per-
petuum
Alchymi-
sticum.*
gamatis ♁ (stanni) tantundem. Tere omnia cum ☿ (Mer-
curij) sublimati drachmis x. aut xii. & pone supra marmor in
cella. Intra spatium quatuor horarum fiet instar olei oliva-
rum. Hoc distilla, & in fine da ignem fortissimum: tunc sub-
limabitur substantia sicca. Aqua distillata vicissim reaffunda-
tur terræ in fundo alembici residuæ: & solve quod solvi potest;
solum filtra, deinde distilla: & apparebunt subtilissimi atomi,
qui in vitro benè clauso in sicco asserventur: Et ecce mirabilia
videbis.

*Ex Secretis Kircherianis, ubi appellatur mobile perpetuum,
quod hætenus neque per aquam, neque per ignem, aut instru-
menta inveniri potuit. Habetur etiam apud Schruentherum in
delicijs par. 16. quæst. 3. ut tradidimus in Mechanica
Hydro-pneumatica par. 2. Classe 2.
Machina 14.*

PROPOSITIO XXXIII.

*Arbor Philosophica ad oculum crescens.**Arbor philosophica in phiala vitrea.*

Accipe \mathfrak{D} (argenti) puri seu cupellati drachmam dimidiam, & solve in aquæ fortis drachma 1. Accipe item \mathfrak{Q} (argenti vivi) drachmas 2. & solve in aquæ fortis drachma 1. Has duas materias commisce, & immitte intra vas vitreum, atque affunde aquæ communis libram unam, ac bene obtura. Videbis arborem quotidie ad oculum & notabiliter crescere, tam in trunco, quàm in ramis. *Ex Secretis Kircherianis.* Habet & *Schwenckerus* in *Delicijs* par. 16. Quæst. 4. sed vitiosè. Non nemo Norinbergæ talem arborem arte chymicâ produxit, ut ad me scripsit D. Harstofferus.

PROPOSITIO XXXIV.

*Arbor metallica in Phiala vitrea.**Arbor metallica in phiala vitrea.*

Argentum pro magnitudine vasis vitrei, in quo arborem comparere & asservari cupis, dissolve in aqua regia; vaporeque abeunte, in fundo sedimentum quoddam unguenti ad instar residere comperies. Huic sedimento super affunde aquam ab omnibus facibus bene depuratam, vasque vehementi motu circumduc, ut sedimentum aqua, quàm optimè fieri potest, circummisceatur. Hanc postea aquam in aliud vas vitreum infunde leniter, nè impurior aqua nitorem vitri inficiat. Huic adde argentum vivum, æquâ portione argenti; & statim argentum vivum attrahet argentum, coituque isto figura nascetur veluti arboris cujusdam infinitis ramis ornata, & magnâ admiratione visendæ *P. Athanasius Kircherus* lib. 3. *Artis Magn.* par. 2. cap. 4. quæst. 1. Experim. 2. ubi testatur se ejusmodi arborem vidisse Lugduni in Gallia apud eximium Chymicum, non sine stupore.

PROPOSITIO XXXV.

*Arbores, cruces, statua, aliaque similia,
ex alumine.*

CUM *P. Athanasius Kircherus* (ut ipsemet scribit loco proxime citato, *Experim. 3.*) fodinas & officinas aluminarias Tolsæ lustraret, inter alia multa admiratione dignissima, arborem quoque vidit prorsus, ut apparebat, crystallinam, ab officinæ præfectis confectam, hac arte. Lapides fodinâ aluminiserutos, coctosque in calce, resolvunt aquâ frigidâ: calcem hanc conijciunt in fornacem, prægrandis cacabi figurâ efformatam, cuius fundus ex ære campano sit; validissimoque igne supposito, aquam in quam calx resolvitur, per canales in vasâ quædam ex asseribus quernis, aut ilicinis (aliud enim lignum huic operi ineptum est) ruditer compacta diducunt; & ecce, lignum mox aquam attractam in alumen convertit, ita ut latera vasorum tota crystallina, seu adamantina, singulis particulis frustulisque aluminis in hexagona, figuras abeuntibus, esse videantur. Huic aquæ si lignum aut ramusculum quernum, cortice prius exutum, unâ necesse imponant; postero die impositum ramum aluminariâ incrustaturâ totum in crystallinam seu adamantinam arborem conversum reperiunt. Hoc eodem artificio cruces, & omnis generis figuras, ex querno prius ligno effiguratas, alumine ita vestiunt, ut crystallinæ videantur. Crucem hujusmodi vidi apud dictum Auctorem in Museo suo asservatam. Hæc omnia in quovis fornaculo, fundo æneo constante, confici possunt.

*Arbor ex
alumine.*

PROPOSITIO XXXVI.

Arbor instar cypressi intra Phialam vitream.

HO inter cætera etiam mirabile prorsus se venisse ait *P. Athanasius Kircherus* loco proxime citato, arboris videlicet cypressi ad instar productionem. Ita autem faciunt Chymici.

*Arbor instar cypressi
in phiala
vitrea.*

Mercurium præcipitatum per amalgamationes intra tres aut quatuor menses, forti igne adhibito, dum conficiunt; inveniunt, totam materiam in ipso vitro in pulchras quasdam excrementas cypressi instar excrecere: quas ita foliatis, non sine intuituum admiratione, spectandas proponunt.

PROPOSITIO XXXVII.

Elementarem mundum in globo aut ampulla vitrea exhibere:



Vel

Quatuor humores intra sphaeram vitream ita librare, ut mundum elementarem referant.

*Vide
Icon. XII.
Fig. I.
Idea Elementaris
mundi in
phiala vitrea.*

PRaxin dedimus in 3. par. *Magia lib. 5. synsagm. 2. Pragmat. 18.* & consistit in eo, ut quatuor diversæ gravitatis & coloris liquores, qui quatuor Elementorum naturalem situm ac ordinem in Vniverso æmulentur, includantur intrasphaeram vitream, aut ampullam oblongam; qui licet inter se motu & agitatione confundantur, ac veluti in chaos redigantur, unusquisque tamen sponte mox propriam sedem ac veluti sphaeram sibi debitam replet. Humores possunt esse sequentes.

Pro terra accipiantur antimonium crudum, vel etiam color ille cæruleus, quem smaltum in Italia vocant, exactè depuratus, & loco infimo ampullæ infundatur. Supra hunc, pro aqua. spiritus tartari infundatur. Supra hunc pro aëre spiritus vini tertio rectificatus, qui & colore aërem refert. Supremo denique loco, pro igne seu æthere affundatur oleum de Been, ut vocant Chymici, quod colore, levitate, ac subtilitate dictum elementum refert. Hi quatuor liquores ejus sunt naturæ, ut quomodo cunque permisceantur & confundantur inter se, singuli tamen ad proprias & à principio sibi assignatas sedes redeant.



ANNOTATIO I.

Ampullam cum quatuor liquoribus inclusis vidi Roma in Galeria Eminentissimi Cardinalis Vrsini, eâ formâ constructam, quam apposta figura monstrat. P. Athanasius Kircherus in *Arte Magnet.* lib. 3. par. 2. cap. 3. *Experim.* 5. ubi eandem praxin tradit, ait posse similes quatuor liquores, quatuor Elementis quodammodo similes, extrahi chymico magisterio ex una & eadem simplici substantia; & se aliquando octo diversos liquores, quorum unus alterum continuâ serie transcenderet, ex diversis oleis & spiritibus fieri curasse, ijsque octocolorum orbis representasse, in iisdemque planetarum & fixarum stellarum corpora in orbem rotasse, magneticâ arte, ad Naturæ exemplar.

Idea Orbium calidissimum in vitro sphæratum.

ANNOTATIO II.

Citato loco Magia inquisivimus, utrum quatuor liquores preparari queant, qui sphaera vitrea inclusi se mutuo spericè circumdent, ut unus medium obtineat, alter hunc sphaericè circumdet, tertius secundum, & quartus tertium. Cornelius Drebellius in *Epistola de perpetui mobilis inventione*, ad Angliæ Regem, posse se id facere asserit. Athanasius verò Kircherus ait, si de unico humore in medio alterius conglobato sermo est, se non negare id fieri posse; & se certum quoddam olei genus scire, quod cuidam aqua superaffusum, in globum sese contrahat, ut talisitu singula olei partes à violenta corrosione aqua melius se defendant. Difficile tamen esse arbitratur, plures humores ita constituere, ut unus alterum spericè circumdet: In centro tamen terra & universi id fieri posse; imò necessario ita fieri debere existimat. Vnde ex Kircheri mente, si quis supradictos quatuor liquores circum mundi centrum ita disponeret, ut in ipso centro collocaret antimonium, deinde affunderet spiritum tartari, tum spiritum vini, ac tandem oleum de Been; antimonium conflueret in globulum mundo concentricum, & circa hunc reliqui liquores conglobarentur, tum quia ad loca decliviora sublati impedimentis (qua ibi nulla fore supponitur) confluerent, tum quia secundum omnes suas partes equaliter à centro mundi distare affectarent, prout humidorum natura requirit. Atque hac ipsa humidorum natura est causa, cur idem extra mundi cen-

Liquores varii vitrea phiala inclusi, an possint se mutuo circumdare sphaericè.

trum in terra quei globi superficie apud nos fieri non posse existimet Kircherus, ut loco cit. ostendi. Quid ego sentiam, vide loco citato.

ANNOTATIO III.

*Liquores
varios sibi
mixto su-
perhatan-
tes eidem
vitro in-
cludere.*

Similem praxin diversos liquores eidem vitro infundendi, ut unus supernaset alteri, sed oppido simplicem ac materialem, docet Schwenterus in Delicis par. 13. Quæst 49. ut la. cit. etiam retuli: lubet enim accipi vas vitreum cylindricum, qualipassim Germani nostri, ut largiore hiansu vini aut cerevisie se proluant, utuntur; eique infundi primo loco lac ad altitudinem duorum circiter digitorum: supra lac oleum aut butyrum liquefactum (hoc nimis simpliciter est dictum; putat enim butyrum mansurum liquidum ac fluidum, postquam refrigerit) supra hoc poni segmentum parvi instar orbiculi rotundum, aequalis cum vitro cylindrico diametri: supraque panem infundi cerevisiam (& quare non vinum, quod levius?) supra hanc iterum oleum, aut butyrum liquefactum ac panis segmentum; supra hoc segmentum, vinum album, rubrum, spiritum vini, aut alios liquores, ita tamen, ut semper oleum & butyrum liquefactum cum panis orbiculo intercedat. Res est non magnarum sumptuum, nec magni laboris, & ex temporaneo apparatu inter campatandum exhiberi potest.

PROPOSITIO XXXVIII.

Regionem aliquam in phiala representare.

*Regionem
aliquam in
phiala re-
presentare.*

Sicilicet oppida, castella, arbores, & similia. Praxin inveni inter Secreta Kircheriana, quamisdem verbis refero; erit fortassis cui placebit opere exequi. Loco aliquorum characterum Chymicorum, quibus Typographi mei carent, pono ipsa nomina ex Oswaldi Crollij Basilica desumpta. Sic ergo ait.

Recipe aquam fortem seu separatoriam, in qua solve D, Q, O, Q, id est, argentum, Mercurium seu argentum vivum, aurum, & æs seu cuprum. Postea seorsim solve in aqua separatoria salpetram. Tandem solutiones confunde in phiala, pone

que

que in digestionem, vel ad Solem, donec crescant: que si creverint, extenuetur aqua. Deinde affunde aquam, & manebit. Aquæ separatoriæ sint ex auro, salpetra, & vitriolo; octo mensuræ.

PROPOSITIO XXXIX.

Antidotum ad pellendas febres.

Recipe dimidiam drachmam salis cardui benedicti, & pone Febres de-
 intra vitrum plenum aquâ distillatâ cardui benedicti. Da pellere.
 infirmo manè dum jejunus est, & bene eum cooperi in lecto, ut Antido-
 possit eò melius sudare, relinquendo eum sic opertum spatio tum contra
 duarum aut trium horarum. Necessarium autem est, ut ante febres.
 quàm potus ille accipiat, emittatur sanguis prius; & si fieri
 potest, ut vena secetur durante paroxysmo. Hoc facto, eijcietur
 venenum, & febris. *Ex Secretis Kircherianis.*

PROPOSITIO XL.

Aliud Antidotum ad idem.

Recipe scrupulum unum florum sulphuris in aqua rosarum Antidoti
 albarum. *Ex Secretis Kircherianis.* aliud contra
febris.

PROPOSITIO XLI.

Contra morsum viperarum.

Recipe cor, & linguam, & si vis, etiam caput viperæ, & pulve- Antido-
 riza, & comede. Morsus viperarum non nocbit tibi, quàm tum contra
 diu non sumpseris aliud venenum, ut theriacam; tunc enim morsum
 debes iterum uti eodem antidoto. *Ex iisdem* viperarum.
Secretis.

PROPOSITIO XLII.

Antidotum contra dysenteriam, & omnem sanguinis fluxum per nares, anum, &c. & contra cholicam.

Antidotum contra omnem sanguinis fluxum.

Recipe croci Martis grana decem usque ad 12, aut 14, secundum naturam & temperamentum ægrotantis, & fume in aqua plantaginis. *Ex ysdem Secretis.*

PROPOSITIO XLIII.

Crocum Martis præparare.

Crocum Martis præparare.

CRocum autem Martis sic præparabis. Accipe limaturam ferri, benè mundatam, poneque in vase fictili intra furnum reverberationis sine ulla additione, & relinque ibi per spatium 24. horarum: & si diutius ibidem manserit, melius erit. Deinde accipe dictam limaturam, & pone intra fitulam aquæ, miscens bene baculo aliquo; & cum turbata fuerit aqua, pone illam sic turbatam intra aliud vas aut ollam cretaceam, ad coquendum, & sine ira coqui supra ignem, usque ad omnimodam expirationem aquæ; & habebis crocum Martis perfectissimum, quo uteris, ut dictum proposuit. antecedente.

Idem crocus est excellentissimum remedium contra hydroposin. *Ex Secretis Kircherianis.*

PROPOSITIO XLIV.

Podagra remedium.

Antidotum contra podagram.

AGrippa lib. 2. Philosophiæ occultæ cap. 15. ait, pedes testudinis conferre podagricis, ad alligatos ita, ut pes pedi, manus manui, dextro dexter, sinistro sinister alligetur.

PROPOSITIO XLV.

Calculus in arenulas solvere.

QUod hîc subijcio antidotum, accepi Romæ à quodam Germano, fuitque sæpè cum successu optimo probatum. Dabo priùs Germanico idiomate, deinde Latine reddam.

*Antidotum
contra calculum.*

Kerffelsamen / Anis / Coriander / Fenchelsamen / ein jedes ein Loth ; Petersilien Samen ein halb Loth ; Süßholz zwey Loth ; Stein-brechen Samen ein viertel Loth. Dieses alles mit einem viertelpfundt weissen Zuckers pulverisirt / und vermischet / bey wachsendem Mohn / fünff Morgen nüchtern ein $\frac{1}{2}$ Loth mit warmem Wein oder Bier eingenommen / und ein Stundt darauff gefast. Zerbricht und zermahlt den Stein / treibt denselbigen wie Sand ohne Schmerzen ab / und verhindert / daß solcher nicht wider ansehen kan.

Recipe semen chærofolij, anisum, coriandrum, semen fæniculi, uniuscujusque lotonem 1, semen apij seu petroselinij loton. $\frac{1}{2}$, glycerizæ lotones 2, semen saxifragiæ loton. $\frac{1}{2}$. Hæc omnia cum quadrante libræ sacchari candidi pulveriza, & misce; ac crescente lunâ diebus quinque manè jejunos sume lotonis $\frac{1}{2}$ in vino calido, aut cerevisia, & unâ horâ jejuna. Rumpit & comminuit calculus, depellit instar arenæ sine dolore, & nè iterum crescat, impedit.

PROPOSITIO XLVI.

Emplastrum & oleum contra pestem & febres pestilentes.

AUctor sequentis antidoti dicitur esse D. Schilderer. multis passim, in Belgio præsertim, cum fructu usurpari audio. Romæ à Germano quodam, quiè Belgio tulerat, didici. Emplastrum febrifugum appellant, & sic conficitur.

*Antidotum
contra pestem, & febres pestilentes.*

Recipe terebinthinæ Cypriæ unciam 1½. Liquefcat in vase cupreo super igne moderato. Huic injice araneorum vivarum, in locis mundis captarum, num. 20. Misceantur & agitentur cum pistillo ligneo, usque dum color terebinthinæ fiat cinereus, & vix aliquid de araneis deprehendatur. Tum iterum tepefactæ mixturæ adde telarum araneorum mundarum, quantum prædictæ aranearum texere; vel harum loco adhuc 19. araneas mediocres. Iterum fortiter agitentur, interea etiam immiscendo gummi Asphalti optimi pulverizati, salis armoniaci ana unciam unam & dimidiam. Terantur usque dum refrigescat materia, & acquirat consistentiam emplastri nigerrimi. Reponatur per dies 14. Tandem rursus ad ignem mollescat, & manibus oleo febrifugo malaxetur modicè.

Oleum febrifugum sic preparatur.

Recipe oleum nymphaeæ, lumbricorum, rosarum hypericon, amygdalarum amararum, ana unciam unam. Mixtis impone Scorpiones vivos num. 20. Exponentur Soli donec moriantur Scorpiones. Tum etiam adde Theriacæ Venetæ optimæ unciam dimidiam. Relinquatur in solari per dies 14. Parentur autem hæc, si fieri potest, in ingressu Solis in signum m, vel ♊.

Usus emplastri febrifugi hic est.

Formentur inde emplastra magnitudinis quartæ partis thaleri, seu quantus est regalis Hispanicus: quæ auro obducta, corioque testæ, imponantur pulsibus utriusque carpi horâ unâ ante paroxysmum, relinquendo per novem dies: tunc eadem horâ in profluentem aquam projiciantur.

ANNOTATIO.

OB hoc quod ultimo loco additur, videri posset alicui supersticiosum antidotum. At ego existimo, additum, non quod faciat ad sanitatem inducendam, malum vè auferendum, sed tantum ut nè emplastrum, quod venenatas traxit ad se qualitates, in propatulo maneat.

PROPOSITIO XLVII.

Herbas ac flores intra vitream phialam artificiosè producere.

D iacobus Dobrzenski de nigroponte, amicus & fautor sincerus, *Herbas ac flores producere intra phialam vitream.* par. 3. Philosophiæ de fontibus Propof. 1. refert, se in itinere suo apud eximium quendam chymicum vidisse *flosculorum diversorum veram & non imaginariam, intra vitreas phialas productionem, qui ex liquida quadam & quasi uliginosa materia intra vitreas phialas hermeticè clausas contenta, modico adhibito calore illicò erigebantur, & in formalem plantam folijs & floribus onustam desinebant, tamque diu perdurabant, quàm diu à calore fovebantur.* Quà autem id arte prædictus Chymicus effecisset, ait se rescire non potuisse. Tandem amicum quendam sibi charissimum pro ingenuitate sua secretum, sed non nisi sub secreti sigillo, sibi pandisse. Longo pòst tempore idem se reperisse in libro quodam Germanico, ideoque à fide obligata liber id proponit locit. Propof. 2. estque illud idem quod nos proposuimus in Mechanica Hydro-pneumat par. 2. classe 1. cap. 6. Machina 8. & vocavimus *καλλιγενεσίαν cesaream*, seu *Regenerationem plantarum in aquis phialæ inclusis ex cujuscunque planta semine*.

Germanici libri, cujus meminit *D. de nigroponte*, Auctor est fortasse *D. Georgius Harstorfferus*, Patricius & Consul Norimbergensis, magnus olim amicus, nunc vita functus, qui secretum enarrat to. 2. Deliciarum Mathemat par. 9. q. 26. aitque ejusdem meminisse Quercetanum, & Gaffarellum in Curiosit. inauditis. Cirato Mechanicæ nostræ loco diximus, secretum fuisse *P. Athanasio Kircher*o transmissum à Cæsare FERDINANDO III. ideo Cæsareum vocavimus. At cum Auctores alij diu antea ejusdem meminerint, ut vidimus; Cæsari imposuit, quicunque id pro suo, ac recens invento, ut apparet, vendidit.

Experientiam, ut ibidem diximus, *P. Kircherus* non fecit, quia multum temporis requirit. Tentavit tamen *P. Balthasar*

Conradus, cùm viveret, Vratislaviæque Mathesin publicè doceret; at nullo successu. Fortassis quia non omnes in operando circumstantias, quæ multæ sunt, servaverat. Certè D. de nigro ponte non omnes enarrat quas nos & Harstofferus habemus. Nostra verò & Harstofferi descriptio in omnibus partibus conveniunt; quàm & huc reponere non piget, addito solum uno aut altero vocabulo.

Primò, Accipe seminis plantæ cuiusvis maturrimi, tempore & coelo serenis, libras quatuor; quæ in mortario (vitreo ait Harstofferus) contusa, phialæ mundæ, & *juxta plantæ futuræ altitudinem capaci*, & quàm optimè clausæ impones; & nè vel minimùm expiret, caveto, asservatâ quoque phialâ in loco munito ac calido.

Secundò, Hoc peracto, observabis tempus vespertinum coeli serenissimi, ut sequente nocte rorem decidentem colligas.

Tertiò, Phialam asservatam aperi, semen contusum comminutumque exime, & super tabulam vitream extende. Hanc verò tabulam cum semine in horto aliquo, aut prato, sub dio libero expositam relinque; & nè aliquid roris abundantioris è tabula defluendo pereat, tabulam unâ cum semine in patina latiuscula collocabis. Sic fiet, ut ros copiosè supra semen decedens, ipsi commodiùs naturam suam nocturnis hisce macerationibus conferat.

Quartò, Eodem tempore ad rorem commodiùs excipiendum, quatuor palis affixum linreamen subtile & purissimum extendatur; quod madore nocturno imbutum, deinde in vitrum mundissimum ad octo circiter mensuras exprimatur.

Quintò, Porro semen imbutum rore nocturno, iterum phialæ suæ inclusum, nè quid inde expiret, aut calore solis extrahatur, ante solis ortum pristino loco reponatur.

Sextò, Ros ex linreamine expressus, sapissimè percoletur; colatus aliquoties distilletur, donec omnibus facibus, & terrestri immunditie immunis evadat. Facès verò relictas calcinabis, & salem dabunt pulchrum visu; qui mox in rore distillato dissolvatur.

Septimò, Ros hoc sale imbutus semini in phiala asservato ad altitudinem trium digitorum affundatur : Deinde phiala hermeticè cum vitro confuso & borace signata, in loco calido & humido asservetur; aut etiam sub fimo equino menstruo spatio condatur. Deinde exemptam phialam considera, & videbis semen adinstar gelatinæ transmutatum; spiritum cuticulæ instar varijs coloribus variegatæ supernatantem; & intra cuticulam & terram limosam, rorem de natura seminis existentem instar segetis viridis.

Octavò, Phialam hanc ita sigillatam, per totam æstatem suspende in loco solis interdiu, noctu lunæ reliquorumq; siderum radijs pervio. Cœlo verò turbido, aut pluvioso, in loco sicco & calido asserva, donec pulsus nubibus serenitas demum affulserit; cui denique denuo eam expones.

Accidit nonnunquam, ut opus hoc mensibus sexè duobus, aut citiùs; aliquando post annum, juxta temporum constitutionem, absolvatur.

Cæterùm signa perfectionis operis hæc sunt. Limosa materia in fundo in altum contumescit; spiritus & cuticula in dies decrescunt; totaque materia demum inspissatur: In vitro verò à reflexione solis subtiles nascuntur exhalationes & nebulae, plantæ excrecentis prima quædam rudimenta.

Nonò, Tandem ex tota illa in fundo subsistente materia, spirituque, cinis fit albo cærulea, & tunc successu temporis caulibus, herba, & flores producuntur in forma & specie seminis. Quæ species præsentè calore comparet, eodem absente evanescens in chaos suum revertitur. Sed quoties ignem applicaveris, toties calore suscitata materia plantæ formam exhibet. Durabitque hac ratione, si vas bene obturatum fuerit, perpetuò.

ANNOTATIO.

*V*ides quanti temporis ac laboris sit hac empyrissis, quamque accuratum ac sedulum requirat empiricum. Memini Roma Eminen-
tissimum quendam Principem diu sollicitasse P. Athanasium Kircherum, ut hanc sibi in phiala exhibita palingenesiam concinnaret: at

maluit ille suâ se, quam in Museo asservabat, spoliare, ac dicto Principi dono dare, quam pro nova concinnanda tam pertinacem laborans subire.

PROPOSITIO XLVIII.

Integram abietum silvam repente intra vitream phialam enatam exhibere.

Silvâ abietum intra phialam exhibere.

MOdum docet suprâ laudatus D. de nigroponte lo. cit. his verbis: *Recipe terebinthina vulgaris albissima libram $\frac{1}{2}$. Ponatur in retortam, ad moto recipiente amplissimo, juncturis non lutatis, pro diversitate oleorum emanantium; & fiat distillatio ex arena. Ex libra una & semis terebinthina elicere poteris libram semis spiritus & olei. Postea mutato recipiente, immotâ retortâ auctiore igne elice uncias duas olei flavi. Tum vas adhuc calens mediocriter, ita ut materia in fundo retortæ restibilis adhuc sit fusa, ex abrupto auferatur, cavendo ruptionis ex frigore subito appellente periculum. Tum eo in loco, ubi materia in fundo retortæ restat, palma manus hinc inde leniter leviterque deducatur sursum & deorsum; & tandem refrigeratâ plenè materiâ, videbis innumeras abietum formas non sine strepitu erumpere, cum varijs fissuris per totam vas circumferentiam, eâ proportionem & modulo, ut fissura illa abietum silvam præseferant, tantâ elegantia, ut magna fissura truncos, minores fissura ramos, minima folia & fructus denotent: solida autem & fissuris non intercepta materia occupat interstitium, quod pro aëre existimatur. Hactenus ille.*

PROPOSITIO XLIX.

Aqua mineralis mirabilis.

Aqua mineralis mirabilis.

Idem qui antea laudatus D. de nigroponte lo. cit. mentionem facit aquæ cujusdam mineralis, diversas in se virtutes continentis, eamque describit his verbis.

Recipe de minera bismuti libras novem, priusquam ullum ignem experta sit. Ponatur in retorta competente: magnoq; & capaci appposito recipiente, distilletur secundum gradus ignis per horas duodecim: ascendetque aqua quadam tota candida & dulcis. Hac iterum ac tertio rectificatur, magis que dulcescit.

Hujus porro aquæ assignat sequentes, sanè mirabiles, virtutes & operationes.

Primò. Recipe hujus aqua libram unam, & in vitro competente reponere, ita tamen, ut tertia pars vitri vacua sit, clausoque probe vitro relinque in loco quieto, videbisque hujus aqua quantitatem semper in plenilunijs augeri, in novilunijs autem præter partem illam, quæ accreverat, amitti insuper aliam de prima sui quantitate, idque Lunæ cursum suum iterante semper continget. Hoc autem notabile, quòd aqua illa sub parva aquæ ac magna mole pondus primum nunquam immutet. Ex quo colligas, augmentum fieri per rarefactionem ob lunæ crescentis teporem; decrementum verò per condensationem ob decrescientis lunæ frigus.

Secundò. In hanc aquam si quamcunque plantam, unà cum radice sua totaliter arefactam, ita ut in pulverem teri posses, solum quo ad radicem immittas ibidemque relinquant horis tribus, aut quatuor; planta illa de novo virescet quasi nunc primum de terra esset orta. Unde iterum colligas, quantam humectant divim, Lunæ similem, habeat illa aqua.

Tertiò Hujus item aqua quantitatem infunde in vitrum, & eidem adde aquam distillatam ex herba, aut flore quocunque; deinde residuum aquæ priori impleatur ad summam: & videbis non sine miraculo, intra duas aut tres dies crescentem inter medias aquas plantam ei similem, ex qua sal & aqua principio accepta erant. Et illa plantula moto vitro dissipatur, eodemque denique quiescente restituitur in præteritum statum.

PROPOSITIO L.

*Ut Lactuca semen intra breve tempus
germinet.*

*Lactucam
ex tempore
producere.*

PRæcedentes praxes revocant in memoriam quod aliquando legi in libello quodam Germanico Secretorum selectorum, quâ nimirum ratione quis intra tempus brevissimum è Lactucæ semine in terram projecto, Lactucam producere queat.

I. Accipe, inquit, terram nigram & oppidò pinguem, eâque imple scutellum, aut aliud vas largum & amplum altitudine pollicis circiter. II. Accipe deinde semen Lactucæ, alteriusvè quod placuerit germinis, quantum satis est pro vasis capacitae, & macera per horas 24. in vino adusto, aut aceto fortissimo. III. Hoc semen maceratum sparge in prædictam terram. Intra horæ spatium germinabit Lactucam, quæ paulatim & notabiliter crescet, ac intra horarum quatuor spatium adeo perficietur, ut possiterui, lavari, & ad comedendum præparari. Succedit tam in hyeme, quàm in æstate.

PROPOSITIO LI.

Ut faba, cucumeres, aliaque semina intra quatuor horas è terra germinent.

Similem praxin docet *Harstorfferus* to. I. Deliciarum Mathem. par. 16. q. 6.

Accipe, inquit, fabas, aliudvè semen, pone intra oleum calidum, relinque per dies novem in eo, semina intra terram tempore meridiano. Intra paucas horas germinabunt, & crescent in non mediocrem altitudinem.

Simili arte intra quatuor horarum spatium cucumeres ac pepones florebut, si semen ponatur intra sanguinem adoles-

centis aut juvenis ruffi, & in loco munito acbenè clauso relinquatur spatio dierum quatuordecim; deindè ad solem exsicce-
tur, terra inspergatur aquâ calidâ, & seminetur. Intra qua-
tuor horas producentur folia & flores. Operatio tamen insti-
tui debet tempore æstivo, & calido.

ANNOTATIO.

MEmini me legisse in quadam Epistola, quæ Fasciculo temporum
Werneri antiquissimo charactere adjuncta erat, cum Imperator
Treviris ad S. Maximinum cum multis Germaniæ proceribus degeret,
Trithemium in mensa derepentè, spectantibus omnibus, plantulam
quandam produxisse. Magnus quoque Albertus Colonia coram Im-
peratore & Principibus alijs produxit ex tempore herbas & flores, &
ob id opulentum prædium pro Monasterio suo accepit dono.

PROPOSITIO LII.

*Pluvias & nives artificiosè ad imitationem
Naturæ producere.*

MOdum præscribit P. Athanasius Kircherus lib. 3. de Arte Ma-
gnet. par. 2. cap. 3. Experim. 1. in hunc sensum. Fiat ex la-
minis ferreis hemisphærium concavum duplicatum, unum sci-
licet supra alterum, ita ut inter utrumque sit spatium vacuum:
& utrumque simul binis aut quaternis columnis innitatur, ut
aliquo modo in apposita figuræ patet: in qua A I B est tholus in-
ferior, C G D superior, E F vacuum inter utrumque, G ostiolum
in superiori tholo. His peractis, fiat ex ære vas H cum collò
oblongo; quod humore ad medietatem ferè implebis: tholo
verò duplicato, seu vacuo E F intra utrumque, per foramen seu
ostiolum F, injicies nives, aut fragmenta glaciæ, unà cum vitro,
aut vitriolo, aut etiam aquam frigidissimam, & habebis machi-
nam ad prædicta metecora exhibenda præparatam.

Tempore igitur quo amicis experimentum pluyæ exhi-
bere vis, suppone ignem vasi H; & rarefiet aqua vasi inclusa, &

vapores è colli orificio erumpentes, in cavitatem hemisphærij seu tholi A B impingent, atque à frigore ob superpositas nives & glaciem condensabuntur in aquam, guttatimque cum spectantium admiratione decident.

Ad hujus machinulæ exemplar fieri posset in ampliori aliquo loco rectum aut tabulatum ex laminis ferreis, aut cupreis, illudque nivibus & glacie insterni, in pavimento verò collocari vas aliud plenum ferventibus cineribus, aut silicibus prius candefactis. Huic enim vasi si aquam infuderis frigidam; resolve-tur ea in vapores, qui tabulato ferreo adhærentes, & à nivibus superstratis frigefacti ac resoluti in aquas, guttatim in pavimentum descendunt.

Sanguineam in utroque casu pluviam exhibebis, si aquam minio, aut cinnabari dilues.

Si tholo folles apponas, quorum flatus per mæandros cavitatis glacie aut nivibus repletæ procedat; reddet ejuscemodi flatus in dicta cavitare aërem adeo frigidum, ut omnia statim in glaciem convertat. Vapor igitur in concavum tholia ascendens, eique adhærescens, & ad resolutionem dispositus, à flatu illo gelidissimo in nives convertetur, & floccorum instar decidet.

PROPOSITIO LIII.

Lapidem durum & crassum solo pugno frangere.

*Lapidem
durum &
crassum pugno
frangere.*

CArdanus lib. 17. de Variet. ait, lapidem palmi crassitudine, quem malleo frustra quis frangere tentet, solo pugni ictu frangi posse, si supra planum ligneum, aut lapideum erigatur ita, ut solus stet, nullo extrinseco sustentante adjutus, sive angulum cum plano subjecto faciat rectum, sive acutum: deinde pugno elevata pars percutiatur celeriter, ac fortiter, ut cum impetu plano illidatur. Rationem assignat, quod aër inter planum & lapidem erectum non possit tam celeriter elabi, quàm celeriter erectus lapis planum tangit. Quoniam igitur duo corpora, aër

videlicet & lapis, se mutuò penetrare non possunt, nec simul esse in eodem loco; ut aër elabatur, necesse est lapidem frangi, ut elabendi locum habeat.

ANNOTATIO I.

Simili modo, & simili de causa, ingentes etiam lapides malleis frangi possunt, si extremitatibus duabus fulcra subyciantur, & medio malleus cum impetu illidatur. Vidi ingentes & crassissimas columnas marmoreas per medium fractas, dum è lapidina ad destinatum templum deveherentur, non alia de causa, quàm quòd scyialis imposita, & vehementiùs ob via inaequalitatem concussa, medium inter duas scythalas vehementi nisu deorsum tenderet.

ANNOTATIO. II.

Meminime alibi scripsisse, cum Romani Artifices quidam trabes areas ingentes è Pantheo sublatas confringere niterentur, ut frustra furno fusorio inderent, & liquarent, nec tamen validissimis ac sæpè reperitis ictibus quicquam effecissent; P. Reimbardum Zieglerum, eximium Societatis nostrae in Germania Mathematicum, qui tunc Roma negotiorum causâ morabatur, transeuntem casu, & inutilem artificum laborem miseratum, jussisse ut infra trabem fulcris impositam excitarent ignem, & jam calefacta aquam frigidam affunderent, & tunc demum ictus infligerent; eoque factò, confestim trabem diffractam. Causam eodem loco adsignavi, metum scilicet vacui, quod Natura abhorret.

ANNOTATIO III.

Non alio artificio utuntur, qui ingentes trium aut quatuor centenariorum lapides pectoribus suis impositos diffringi malleorum ictibus sinunt: jacent nimirum supini in terra, brachio à ventre versus faciem extenta pectori utrimque apprimunt, saxum oblongum brachijs superponi transversim jubent, & validissimis malleorum ictibus à duobus fortissimis socijs infligi, halitum interim continentes, & prophiolo vultum regentes, ne frustulis dissilientibus ledantur.

PROPOSITIO LIV.

Silicem reddere mollem, ac instar ceræ tractabilem.

*Silicem
reddere
mollem.*

Varij varias præscribunt praxes. Est qui silicem igni injectum impensè jubet calefacere, & quasi ignire: Deinde misceri inter se aquam separatoriam, acetum, & sanguinem hircinum, affundique silici ut totus cooperiatur. Molliri tunc ait, adeo ut instar ceræ tractari queat, intraque abscondi litteræ, aut pecuniæ, atque aliò deferri. Indurescere denuò, si lacti caprino imponatur.

Alius silicem ignitum ut antea jubet immergi intra aquam tartari ferventem, & extractum denuò injici eidem aquæ, & relinqui per horæ dimidiæ spatium. Ait non solum reddi mollem, sed ductilem etiam, ut instar corij extendi queat.

ANNOTATIO.

Infrà Propositione 60. Centuria 3. mentionem faciemus cujusdam Galli hydropota, Ioannis Royer nomine, qui variorum colorum ac saporum aquas epotas ex ore depromebat. Is famulum habebat Germanum natione, annorum circiter octodecim Adolescentem, qui antequam Dominus artem suam adhibere inchoaret, in theatrum prodibat, vini lagenam unâ, scutellam durissimis silicibus plenam alterâ manu tenens. Silices ostendebat palam omnibus, & miscendo conturbabat ut sonum ederent; vinum deinde affundebat, & singulatim omnes devorabat. Absumptis omnibus descendebat, ventrem concutiebat, ut lapidum sonus clare exaudiretur, tangi se ab omnibus, qui vellent, sinebat, nec ullus erat qui dubitaret, quin revera absumpsisset, atque in stomachum trajecisset silices. Erant qui existimabant, adolescentem talis temperamenti sibi peculiaris stomachum habuisse, ut lapides digereret: alij indigestos reddere per secessum putabant.

PROPOSITIO LV.

Ut characteres, aut verba quaecunque, in charta scripta, & combusta, in manuscribentis appareant.

Pennâ recenter temperatâ, urinæq; tuæ recenti intinctâ, scribē in cava aut convexa manu sinistra quosvis characteres, aut verba, clām alijs, attendendo diligenter ut ductus & verba bene omnia exprimantur, nec deinde sudando aut aliâ ratione deletantur. Cū jam amicis spectaculum exhibere cupis, scribe atramento in charta candida eosdem characteres, aut verba; & postquā exsiccata fuerint, accende chartam, & projectam in mensam penitus comburre. Residuum carbonem aut cinerem colloca supra cum locum manūs, ubi scripsisti antea characteres aut verba, ac tere: adhærebit pulvis urinæ, & verba antea in charta descripta apparebunt in manu, non sine spectantium stupore; præsertim si varias cruces & signa alia, in speciem superstitiosa, præmiseris.

Verba scripta in charta combusta ut in manu apparent.

PROPOSITIO LVI.

Ut vas stanneum in hypocausto calido supra mensam positum, statim glacie constrictum mensæ adhæreat.

Fundo vasis stannei iniice salem communem, aut salpetram comminutam, & vasis reliquum replenive: deinde in hypocausto calido madefac partem aliquam mensæ, & supra eam sparge nivem, ac nivi apprime fundum vasis. Deprehendes paulò post fundum vasis adhærere mensæ, constrictum glacie.

Vasis bypocausto calido ut supra frigore nives adhærent.

PROPOSITIO LVII.

*Ut aqua in hypocausto calido, aut æstate
congelascet.*

*Aqua in
hypocausto
calido ne
congelat.*

Vas vitreum ventricosum, & angusti colli ac oris, reple aquâ tepidâ, & diligenter obtura. Aliud deinde vas reple nivibus, sale communi, & salpetrâ mistis. Hisce nivibus sepeli vas vitreum aquâ plenum, ut undique sit tectum, idque vel in hypocausto calido hyemali tempore, vel in summis etiam æstatis caloribus. Post breve tempus invenies aquam penitus congelatam. Idem contingit, si vas stanneum, aut cupreum, aut cretaceum adhibeatur: facilius tamen & manifestè in vase vitreo.

PROPOSITIO LVIII.

*Ut canes pratererentes urinam in aliquem
mittant.*

*Canes ne
mingant in
aliquem.*

Panno aliquo absterge & frica genitalia canis foeminae, eo maximè tempore, quo masculorum consortium appetit; coque panno terge & frica similiter, sed clanculum, alterius calceos, aut tibialia. Quotquot canes masculi occurrent, odore allesti accedent, & elevato pede contra calceos mingent.

PROPOSITIO LIX.

Lepores in unum congregare locum.

*Lepores in
unum con-
gregare.*

Accepe Leporem foeminam Prægnantem, & excissam matricem unâ cum catulis impone ollæ novæ, nè humor diffluat. Quotiescunque jam Lepores in unum vis congregare locum, & retibus capere; ollæ impone pedem Leporinum; hunc exemptum alliga calceo ita, ut dum ambulas, terram pes Leporinus contingat. Perambula deinde locum in quo Lepores esse nosti; dispone retia, suspende è palo aut stipite prædi-

Etiam matriçem cum catulis, altiori tamen loco, quàm ut ab accedentibus Leporibus attingi queat. His factis, quotquot Lepores in vicinis absconditi sunt locis, odorem vestigiorum tuorum sequentes, & ad suspensam matriçem properantes, retia incurrent, & præda fient.

PROPOSITIO LX.

Venatorum, aliorumque jaculatorum secretum examinatur.

Venatores, alique qui jaculandi arte delectantur, varijs utuntur praxibus & secretis (ut ipsi appellant) ad ictus certitudinem procurandam, ictque cò confidentius, & sine divinæ offensæ suspitione, quòd eadem libris typo evulgatis circumferuntur, & viris, ut apparet, doctis, approbantur. Vnum hîc examinare lubet.

*Venatorum
secretum
examina-
tur.*

Martinus Schmucken in *Theauriolo Secretorum* par. I. Secreto Naturali XI. modum docet præparandi sclopetum, quò avium quarumvis, in quas collineatur, colla glande plumbea, ictu in fallibili traijciuntur, & nullâ aliâ parte lædantur. Petere nimirum jubet à carnifice clavum, quo malefactoris rotæ impositi caput fuit rotæ affixum; & ex parte anteriore atque acuta, quæ caput transfixerat, fieri dioptram ac nodulum, & sclopeti dorso antè & retrò, ut fieri assolet, imponi, ad visum dirigendum. Præparari autem debent dicta dioptra & nodulus horâ Martis, ac sine igne. Hoc sclopeto, ait, quarumvis avium colla certo ictu traijciens. Si tamen eodem sclopeto quis utatur in finem alium, ut ad metam attingendam, aut Lepores configendos; vim priorem perdet.

ANNOTATIO.

Citatus Auctor vocat se *Medicina Licentiatum*, prædictumq; Secretum numerat inter naturalia. Sed qualis qualis fuerit Medicus, malus certe aut nullus fuit Philosophus. Non nego, clavum malefactoris sanguine tinctum astrahere ac retinere qualitates aliquas aut noxias, aut salutiferas: vim tamen illâ de qua agimus, habere nullâ ratione posse. Neque enim dirigere potest sclopetum in avis collum, cum in venatoris

potestate sit, quò libuerit, eam dirigere; alioquin illo etiam nō coope-
rante avis collumpseret. Neq̃, etiam avis collum in advolantem glo-
bum dirigere potest; alioquin similiter id faceret venatore in aris
collum non collineante. Nec denique venatoris aut manus, aut oculos,
aut imaginationem in avem dirigit, alioquin ratio nulla esset, cur
adhibito sclopeto in alium usum, vis illa continuò amitteretur. Malus
ergo Genius est, qui aut sclopetum dirigit, aut glandem emissam ad
collum avis defert, aut avem ad glandem advolantem. Primus qui
opem à damone petiuit ad certos ictus, ex dicto clavo dioptram confi-
cere est iussus. Illicitum ergo est remedium, ut postea cum pacto impli-
cito cum damone implicitum.

PROPOSITIO LXI.

*Venatorum & jaculatorum incantatio
examinatur.*

*Venatorum
incantatio
examina-
tur.*

Idem Martinus Schmucken lo. cit. Secret. 12. ait, si quis pannum,
quo venator aut jaculator sclopetum eluit, foramini in quer-
custrunco Orientem respiciente facto indat, foramenque cu-
neo. ē spina acuta (ausß Hagendorn) obturet; venatorem illum
ac jaculatorem dicto sclopeto nullum unquam certum ictum,
quamdiu pannus ille absconditus manserit, facturum. Ad hanc
incantationem evitandam, jubet pannos post eluta sclopeti
abijci in profluentem, aut comburi, aut in cloacas proijci.

ANNOTATIO.

Simile iudicium de hāc incantatione formo. Pannus ille nidorem
pulveris nitrati attrahit, ac retinet; sed nec sclopetum in metam
aut bestiam directum avertere potest, nec bestiam aut metam aliò di-
vertere, nec jaculantis manum, visum, phantasiā perturbare; alio-
quin idem efficeret, quocunque loco foret, maximè si non procul abes-
set. Cur enim foramini debet indi? cur foramini quercus? cur orientem
respicientis lateris? certè haec causa cum relato effectu conne-
xionem naturalem nullam habent.

PROPOSITIO LXII.

*Ut barba aut capitis pili, qua vis parte, & quantâ
vis mensurâ, cuidam excident.*

Multa circumferuntur apud Pedemontium, Portam, We- <sup>Pili in de-
cidam,</sup>ckerum, Mizaldum, & alios, quæ pilis è quavis corporis parte eradicandis utilia esse dicuntur. Quod hîc subijcimus ex lib. 3. Physicæ nostræ Curiosæ cap. 23. ubi id quoque retulimus, lepidum, & verissimum est, experientiâque comprobatum.

Vir mihi notissimus, è cujus ore historiam habeo, cùm Romæ biumali tempore sub vesperum domum ex Urbe reverrisset, & clausis ad primum ingressum cubiculi fenestris ac valvis, illatoque lumine, ad studendum se composuisset; videt ingentem soricem ad valvas interiores cubiculi oberrantem, & quærentem exitum: ingressus enim absente Viro illo per fenestram apertam, inclusus manserat. Arripit ergo baculum qui fortè ad manum erat & sorici ad parietem arreptanti tam validum infligit ictum, ut sanguis per baculum ad manum usque momento temporis, percutiente id minimè advertente, magnâ copiâ deflueret, ac manum commacularet. Quo factò, abiicit per fenestram apertam soricem, & studia prosequitur, mentum cum maxilla dextera sustentans manu, cubito mensæ innixò, ut facere consueverunt, qui libros meditabundi legunt. Die sequenti, cùm primùm in conspectum venit Collegarum suorum, risu excipitur & cachinnis: erat enim (quod ipse non adverterat) menti pars dextera, dexteraque maxilla penitus depilis, pars verò reliqua hirsutie pænè oblecta. Subitò igitur è conspectu hominum se subducit, & partem quoque alteram barbæ abradi novaculâ curat, antidotumque ad pilos recuperandos adhibet. At cùm pili jam crescerent, non minori quàm antea risu excipiebatur: erant enim qui de novo erumpebant, mollissimi instar lanæ, reliqui verò setarum in modum duri; nec parum expectandum fuit, donec ad æqualem utrique duri-
tiem reducerentur.

Si ergo jocum alicui facere, & risui exponere vis, depilando ex parte tantum aut barbam, aut caput; soricum sanguine occultè cum illine.

ANNOTATIO.

Mizaldus ait, urinam murium, soricum vè, pilosum locum reddere depilem: restitui verò pilos talparum sanguine, aut earundem pelle, si ei loco affricentur.

Weckerus lib. 5. *Secretor. Cap. de Capillis minuendis*, refert experimentum à rustico, & ait, ut pilici cadant ex quocunque loco, nec amplius renascantur, efficere sterco felis siccum, tritum, & forti aceto ita mixtum, ut fiat veluti spissamentum, si illo locus pilosus sapius in die defricetur, & inungatur.

Idem efficere ait Alexius Pedemontius, si formicarum ova terantur cum hyoscyami & cicuta succo, vel vespertilionis & testudinis sanguine, eoque linimento locus inungatur.

PROPOSITIO LXIII.

Vt manus lavans ac tergens, eas denigret.

*Manus &
faciem la-
vando aqua
ut quis de-
nigret.*

Si ad convivij initium hospiti benè noto ac familiari, aut parafito jocum facere, reliquis risum movere cupis; hoc utere ludicro. Chalcantum seu vitriolum dissolve in aqua, qua manus lavandæ sunt ad mensæ initium; mantili verò quo detergendæ, insperge gallas in pulverem comminutas, & furfure mistas. Cui jocum facturus es, præbe ad lavandas manus prædictam aquam, & ad tergendas mantile. Quas quò magis absterget, eò apparebunt nigriores, non sine tergentis admiratione & indignatione, astantiumque risu.

Hoc idem ludicrum præscribit *Porta* lib. 14. *Magiæ Natur.* cap. 13. ad arcendos à mensis magnatum parasitos: jubet enim chalcantum & gallæ pilas conteri; arctiori cribro excerni, quò faciliùs tenuissimus pulvis excidat; inspergi eo pulvere mantile, ac deinde agitari, seu leniter ventilari, quò faciliùs quod hæsit,

hæsit, excidat, ac demum manibus teri, & fricari, usque dum optimè existimetur adhæsisse; deterfo demum, atque excusso quod non infedit, cum cœnipeta seu parasitus manus & faciem jam madefactas habet, mantile quo abstergat, proijcere. Quod ubi aquam sentit, manus & faciem nigerrimo colore inficit, qui ægrè multis etiam lotionibus elui potest.

PROPOSITIO LXIV.

*Vt assumptos in os cibos deglutire quis
nequeat.*

QUæ huic effectui producendo præscribunt nonnulli, aut su-
perstitiones sunt, aut mendacia: quæ ex *Porta* subijcio, natu-
ralia, ac vera.

Porta igitur lo. cit. ait, scriptum se reperisse, si acu, quâ mor-
tui sæpè linteis obvoluti confarcinantur, clâm cœnæ initio sub
mensa figas, prohibere eam convivis esum, ut accumbentes
potiùs tædeat cœnæ, quàm edendi voluntas sit. At hoc falsum
esse, & experientiæ repugnare, testatur idem; & meritò, cum
nulla in ejusmodi acu vis naturalis ad prædictum effectum pro-
ducendum appareat.

Eodem *Portæ* teste scribit Florentinus, & alij passim libel-
lis Germanico idiomate impressis qui circumferuntur de secre-
tis, Ocimum (Basilicam aliqui appellant, Itali Basilicò, Ger-
mani *Basilienfraut*) foeminis adeò adversari, tantâque cum eis
discordiâ pugnare, ut si pultario, muliere inciâ, subjectum sit,
nunquam manus ad cibum sumendum admoveat, priusquàm
subductum sit. Sed hoc, ut benè advertit *Porta*, insigne est
mendacium: nam cum eo & foemina intercedit tanta familia-
ritas, ut non solum pensilibus in hortulis maximâ serant & ex-
colant diligentîâ, etiam ad illorum conclavium fenestras, quæ
diu noctuque incolunt, sed frequentissimo etiam usu in obso-
nijs, & acetarijs, in Italia præsertim, & Sicilia, adhibeant.

Porta autem ad prædictum effectum hoc utitur remedio. Herba, *bella donna* vocata, radice drachmam unam leniter contusam vini phialæ immergit, ac intermissis duodecim horis, aut paulò pluribus, ejusmodi vinum manè cyathi mensurâ secum pransuro propinat, ac post tres circiter horas ad mensam vocat. Tunc enim vel primum assumptum bolum nullo conatu aut labore deglutire potest, sine faucium læsione, aut dolore, ac vix potum admittere. Cùm cachionatum satis ab assidentibus, si vult ut prandeat, bibatque; lactis aut aceti plussculum, & gar-garizathum absorbere jubet, restituiturque in integrum, ac si nihil passus fuisset.

PROPOSITIO LXV.

Ut cibi omnes amarescant comedenti.

*Edi in
ore ama-
rescant.*

Scultri aciem, mantilia quibus os abstergitur, orbes & cochle-ar colocynthidis carne sive medullâ perlina, & hospiti cui illudere seu seriò, seu joco vis, apponas; quidquid cultro secuerit, quidquid imposuerit orbibus, quidquid cochleari hauserit, amarissimum evadet: & si mantili os absterferit, adhuc vehementiori amarore inficietur, nec quicquam amplius sumere volet. Res est nota multis.

PROPOSITIO LXVI.

Ut bibenti cyathus ori adhæreat.

*Bibenti
cyathus os
ori adha-
reat.*

LAste ficus, & gummi tragacanthæ dissolutis, perline in circuitu supremum cyathi labrum, intus & extrâ, & sine rescari. Huic cyathos si vinum infundas, & alteri ebibendum præbeas; adglutinabitur labijs bibentis tam fortiter, ut non nisi cum difficultate divellatur. *Porta lib. 14. Magiæ Natural. cap. ult.*

PROPOSITIO LXVII.

Carnes calida mensis apposita ut sanguinosæ appareant.

SUprà Centur. I. Proposit. 40. docuimus, quâ ratione ^{*Carnes mensis appositæ ut appareant sanguinosæ.*} carnes appareant verminosæ, ut cum nausea à nescio secreti repudientur. Nunc qua ratione sanguinosæ apparere incipiant, docebimus cum *Porta* loco cit.. Ita nempe:

Sanguinem leporinum coctum, atque exsiccatum, & in pulverem crassiusculum redactum, sparge super carnes calidas mensæ recenter illatas, seu elixæ sint, seu assæ. Hic calore & humiditate carnis eliquefcet, & carnes apparebunt sanguinolentæ, & cum nausea ab alijs reiicientur, aut repudiabuntur; à te autem, qui secretum nosti, comedentur.

PROPOSITIO LXVIII.

Avem assuefacere, ut quoties avolavit, ad te redeat.

AVi cuicumque adhuc involucri partem rostri superioris abscinde, ut sponte suâ cibum sumere nequeat, illamque ciba, ^{*Avem assuefacere ut avolet, & redeat.*} quoties opus fuerit; assuefcetque ut à te cibum petat, &umat. Volucris jam factæ permitte ut libere in loco clauso circumvolitet; & quoties fame stimulante à te cibum petit, porrige. Tandem ita assuefactam, post toleratam aliquandiu inediam, è fenestra dimitte. Avolabit quidem; sed brevi stimulante fame ad te redibit. Redeunti ergò prompte cibum porrige, iterumque dimitte. Quotiescunque famebit, ad te redibit, quoniam sola sine rostro superiori integro cibum sumere nequit.

ANNOTATIO.

Martinus Schmuckenpraxin hanc refert in suo thesauriolo par.
 I. atque se novisse qui sturnum eâ ratione instructum habebat,
 persuadebatque simplicioribus spiritum esse familiarem. Mahometis
 columba fuit alio modo assuefacta, nempe à tenera etate cibum ex
 impostoris aure sumpserat; unde quoties famebat, in noto sibi loco
 cibum quarebat.

PROPOSITIO LXIX.

*Ut chartacea icuncula sponte supra mensam
 ambulare videatur.*

*icuncula
 chartacea
 ut sponte
 supra men-
 sam ambu-
 let.*

Vidi sæpe statuas, aut res alias, automato quodam artificio,
 occultoque dentatarum rotarum implexu ac motu, supra
 mensam deambulare, & varios huc illucque gyros efficere.
 Simile quid potest simplicissimo, ac facillimè parabili artificio
 exhiberi. Si enim è levi charta effingas icunculam intus ca-
 vam, & foris in pisciculum, aviculam, virunculum, aliamvè
 effigiem efformatam, intus verò abscondas scarabæum, cujus
 dorso icuncula sit leviter adglutinata; Durret scarabæus per
 mensam, variosque huc illuc gyros exercebit, & cùm ad mensæ
 crepidinem venerit, ut casura videatur icuncula, sponte rever-
 tetur, & inchoatos discursus continuabit, magnâ eorum,
 quibus artificium in mentem non venit, admiratione ac dele-
 ctatione.

Simili artificio exhiberi possunt lacertulæ, aut testudines,
 per muros discurrentes. Loco scarabæorum adhiberi possunt

et alia animalcula, ut lacertulæ, muscæ
 majores, &c.

PROPOSITIO LXX.

Ut pisciculus exiguus scutellam aqua ebibere videatur.

SOL æstivus rorem Majalem in vapores resolutum trahit sursum, & absumit. Si ergo noctibus Majalibus, linteis sub dio expansis, aut per gramina rore madefacta volutatis, rorem excipias, & in scutellam exprimas, scutellæque pisciculum vivum imponas, ac soli exponas; resolvetur aqua in vapores, & magna ex parte brevi tempore deficiet: unde ignari mysterij, & scutellam aquâ communi plenam existimantes, à pisciculo eam absorberi credent.

*Pisciculus
ut scutel-
lam aqua
ebibat.*

PROPOSITIO LXXI.

*Ut quis ovum recens è cubiculi fenestella diffi-
cultius projiciat.*

NOTUM est omnibus, ovum recens difficulter, & non nisi casu projici intra parietis foramen, à quo paucis passibus distas, posse. Æquè difficile est, idem ovum è cubiculo aut hypocausto per fenestellam apertam, à qua vix tribus passibus distes, projicere, si cubiculi ostium sit clausum. Causa est vitelli & albuminis fluidi inter projiciendum tremor, & aëris moti huc illucque agitatio, quæ ovum projectum à via, per quam ab impetu dirigitur, abripit. At si ostium sit apertum, facilius ejicitur, quoniam aër commotus per fenestellam cum impetu expellitur, & ovum secum abripit.

*Ovum in
guis diffi-
cultius ex
fenestella
projiciat.*

PROPOSITIO LXXII.

Vt ovum ex orbe excussum, in vitreum scyphum cadat.

*Ovum ex
orbe in scy-
phum ex-
cussum.*

Non illepidum experimentum proponit *Schwenkerus* in *Delicijis Mathem. par. 10. quæst. 18.* Quod tamen existimemus si decies tentetur, vix semel succedere. Quia tamen nunquam sine adstantium risu ac delectatione fit, proponere lubet tanquam ludicrum experimentum. Sic ergo fiat.

I. Mensæ limbo superpone orbem mensalem omnino planum, ut medietas una mensæ incumbat, altera extra mensæ limbum promineat. II. Supra hunc orbem colloca scyphum vitreum, ut orbis centro, seu medio insit. III. Scypho superpone alium similem ac planum orbem, qui osejus patulum operiat; & orbi impone ovum, quod medio seu centro ipsius incumbat. IV. Accipe scopas baculo longiori instructas, (aut baculum viridem, & flexilem) stansque directè ante orbem scyphum, & ovum, pone pedem unum supra scoparum ramos (aut supra unam baculi flexilis extremitatem) alterâ verò manu apprehensum baculum ad te violenter trahe, ac velut inflecte, ut si liber dimittatur, cum impetu versus orbem nitatur. V. His factis, laxa manum, & dimitte baculum: qui à statu violento, in quo antea detinebatur, liber, cum impetu, ac velocissimè impingit in utrumque orbem: hi percussi, resiliunt versus mensæ medium, scyphus verò insit mensæ, & ovum cadit intra scyphum.

Ratio, quam etiam *Schwenkerus* insinuat, est, quia dum orbis uterque cum impetu & celeritate maximâ percutitur, tam scyphus, quàm ovum, non nihil subsultat; interim tam scypho, quàm ovo subtrahitur basis cui innitebantur, nempe orbem, qui versus mensæ medium resiliunt; unde cum mox gravitate naturali deorsum tendant, ac cadant, necesse est scyphum supra mensam, ovum intra scyphum cadere. Experiatur qui volet: damnum aliud non patietur, quàm vitrorum aliquot

jacturam.

PROPOSITIO LXXIII.

Ut quis gladium neque è vagina extrahere, neque extractum intra vaginam reponere queat.

SI gladij longiusculi, intra vaginam conditi, manubrium apprehendas manu dexterâ, vagina verò extremum seu apicem manu sinistra; neque extrahere totum poteris gladium, neque extractum reponere: quoniam gladius & vagina simul indirectum positi, longiorem efficiunt lineam, quàm utrumque brachium extensum. Gladium
vagina ad
quis extra-
here non
possunt.

PROPOSITIO LXXIV.

Lineam meridianam sine Sole, & sine acu magnetica invenire.

VARIjs modis id fieri potest. *Primò.* Imple scutellam aquâ, & acum communem, etiam magnete non illitam, longam tamē & subtilem, transversim dexterè colloca supra aquam, ut non mergatur. Natabit huc illucque, & in gyrum vertetur tam diu, donec una ejus extremitas versus polum arcticum, altera versus antarcticum sit directâ. Si acus ob gravitatem, aquæ non supernatat, sed subsidit, insige eam exiguo suberis frustillo; & natabit. Meridia-
nam lineam
sine Sole
reperire.

Secundò. Filum ferreum, aliuvè æqualiter rotundum & chalybe aut ferro stylum, in ignem projice donec excandescat. Extractum, & refrigeratum insige suberis frusto, & transversum colloca supra aquam vase aliquo sufficientis amplitudinis exceptam, aut aliam quamcunque consistentem & quietam. Vertet se, ut acus antea, in gyrum, disponetque extremitatem unam versus Boream, alteram versus Austrum.

Tertiò. Veru, aut ferrum aliud longum, & æqualiter crassum, suspende per medium è filo, aut funiculo, & æquilibra.

Hærens in æquilibrio, post multos nunc ad dexteram, nunc ad sinistram repetitos gyros, tandem quiescet, & meridianæ loci tui lineæ congruet.

Quarè. Serrâ arboris truncum seca, ita ut sectio sit horizonti parallela. Videbis in suprema superficie multos circulos, sed excentricos, qui una ex parte magis, altera & opposita ex parte minùs sunt sibi vicini. Pars illa in qua laxiores sunt circuli, Austrum; pars altera, in qua arctiores sunt, Boream respicit: quoniam Australis aura, utpote calidior, circulos sibi obversos dilatat; Borealis verò aura, utpote frigidior, oppositos semicirculos constringit. Si igitur tam hos, quàm illos semicirculos divides bifariam, & divisionum puncta conjungas lineâ rectâ; erit hæc, linea meridiana quæsitâ. Debet autem eligi arbor, quæ ordinariè à Sole fuerit liberè collustrata.

PROPOSITIO LXXV.

Doliolum fabricare, quod tres diversos liquores impermixtos, per idem foramen infundendos, & ex eodem epistomio depromendos, contineat.

*Doliolum
res liquo-
res ex eo-
dem episto-
mio effun-
dens.*

*Vide
con. XIII,
fig. I.*

INventum hoc pulcherrimum proponit *P. Ioannes Leureschon* Gallico, & ex ipso *Gaspar Ens* latino idiomate, ille in Recreationibus Mathem. Proposit. 81. hic in Thaumaturgo Mathemat. Probl 87. Quod propterea paulò distinctiùs explicatum huc transferre lubuit.

Fiat doliolum *AB*, in tres cellulas *C, D, E*, suis diaphragmatibus seu interstitijs discriminatum, destinatas totidem liquoribus infundendis, v. g. vino rubro, vino albo, cerevisiæ aut aquæ. Hi omnes ut impermixti infundatur per idem superius foramen, ut in alijs dolijs fieri assolet, & quilibet in sibi destinatam cellulam derivetur; inædificetur dicto foramini obturamentum *FG* intuscavum, & tribus tubulis *HI, KL, & MN* in-

stru-

Fig. II.




Fig. III.





Fig. I.



structum, quorum primus derivetur in cellulam D, secundus in cellulam C, tertius in cellulam E. Et hi tubuli sint ab utraque parte aperti, osculaque H, K, & M, desinant intra cavum & clausum obturamentum F G. Huic intrudatur infundibulum O, tribus instructum lateralibus foraminibus, quæ dictis tribus tubulorum osculis H, K, & M exactè respondeant; ita tamen, ut si unum foramen uni osculo obvertitur, illudque apertum relinquit, reliqua duo à reliquis duobus sint averfa, eaque claudant. Hac enim ratione fiet, ut si admoveas infundibuli foramen osculo H, & liquorem infundas per tubulum H I, influat in cellulam D, in reliquas vorò cellulas nihil influat, quia oscula tubulorum in ipsas desinentium sunt clausa. Si verò admoveas foramen osculo K, liquor per K L influet in C. Si denique admoveas foramen osculo M, liquor per M N in E influet. Hac ergo ratione tres cellulae, per idem foramen superius dolioli, nempe per infundibulum O, tribus liquoribus impermixtis sunt repletæ.

Ut eosdem impermixtos depromas ex eodem epistomio X, inferedoliolo, in loco epistomii ordinarij, aliud obturamentum P T, intus cavum, & retro clausum, tribusque tubulis Q R, R S, T V, utrimque apertis instructum, quorum oscula Q, R, & T desinant in ipsam cavitatem obturamenti. Huic intrudatur epistomium X, per foratum per medium, habens tria lateralialia foramina, respondentia tribus tubulorum osculis Q, R, & T; ita tamen, ut si unum foramen uni osculo admovetur, reliqua duo à reliquis duobus removeantur, ideoque hæc oscula claudantur. Si jam unum epistomij osculum admoveas uni tubulo, v. g. Q R; effluet liquor cellulae C. Si alterum admoveas tubulo R S, reliqui duo tubuli erunt clausi, & liquor cellulae D effluet. Si denique tertium foramen admoveas tertio tubulo T V; effluet ex X liquor cellulae E.

ANNOTATIO.

Hoc artificium viam monstrat ingenioso ad multas alias huic similes inventiones excogitandas, poteritque fabricare cujuscunque formæ vasa, quocunque libueris liquores continentia ac depromentia eodem ex foramine.

PROPOSITIO LXXVI.

Speculum planum ita situare, ut intuens nec se, nec objecta visui exposita videat, sed alia quæ non videntur sine speculo.

*Speculum
planum ut
ostendas res
non visas.*

Speculorum naturam, proprietates, mira ac prodigiosa phaenomena a fusè & ex fundamentis explicavimus, in *Magia Caroptica*, hoc est, in lib. 6. 7. & 8. primæ partis *Magiæ Universalis Naturæ & Artis*. Ex ijs brevissimè nonnulla huc transcribam, in eorum gratiam qui aut dicto Opere carent, aut fusiùs scripta legere detestantur; aut quia theoricæ sunt praxibus immixtæ, à lectione abhorrent, quam putant (falsò tamen) se sine Mathematica frustra tentare. Incipio à speculis planis, & à phænomeno in propositione exposito.

Multis ergo modis contingere potest, ut quis in speculo plano nec suam videat imaginem, nec eam quæ coram speculo est, & ab adstantibus videtur, aliam verò ab adstantibus non visam intueatur. Primò sic.

I. Speculum planum parieti aliquantulum supra intuentium oculos appende, eique objectum aliquod, v. g. statuam tabulato insistentem, perpendiculariter oppone. Hæc ab intuentibus speculum non videtur, quia radij eius in speculum perpendiculariter cadentes, non reflectuntur in oculos intuentium, sed revertuntur in ipsam statuam. Extra speculum tamen ab omnibus adstantibus videtur. Ipse quoque intuens speculum non videt in eo imaginem suam, quia radij ejus in speculum obliquè incidentes, reflectuntur sursum, non verò in oculos suos.

II. Retro dictam statuam, & retro tabulatum, paulò altiori loco quàm statua sit, dispone alia objecta; aut picturas, quæ tabulati & statuæ interpolatione non appareant, radient tamen obliquè in speculum, cum sint altiora speculo. Hæc oculis certo loco constitutis, & speculum intuentibus a, parebunt in speculo, quoniam radij deorsum in oculos reflectentur.

ANNOTATIO I.

HAc arte exhiberi possunt pulchra ac jucundissima spectacula. Nam si supra tabulatum colloces picturam aut statuam quamcunque, retro verò colloces illius qui speculum intuetur, picturam aut statuam cornibus deformem, aut aliter deformatam; aspiciet is se ipsum in speculo cornutum, aut aliter deformatum. Si supra tabulatum ponas circulum sculptum, aut pictum, retro verò quadratum sculptum aut pictum, exhibebis in speculo quadraturam circuli. Si statua supra tabulatum posita adscribas nomen Alexandri, statua verò retro posita nomen Caesaris; apparebit hujus nomen in speculo, non illius. Si denique horologiū supra tabulatum collati index monstret horam 12. horologiū verò retro depicti index horam 4. videbis hanc: & non illam.

ANNOTATIO II.

Si latente machinulā per funes & trochleolas, sublati priorib⁹ objectis retro tabulatum dispositis, alia atque alia substituas poteris eodem tempore varia exhibere phasmata, qua loco objecti supra tabulatum immobilis appareant intuentibus. Ingeniosus & industrius Catoptricus, imò & non Catoptricus, solā observatione & experientiā multa alia inveniet.

PROPOSITIO LXXVII.

Aliter speculum planum ita situare, ut intuens speculum, nec se ipsum videat, nec objectum à se visum, sed aliud à se non visum.

Prima par. Magiæ univers. lib. 6. Syntagm. 1. cap. 2. Proposit. 4. *Speculum planū aliter situare, ut repræsentet non res,*
accumus hanc praxin.

I. Speculum planum appendatur muro, longè altiori locotatuā ita ut pars inferior muro adhærescat, superior verò à muro removeatur, ac deorsum spectet, possitque per funiculum & trochleolam magis aut minus removeri.

II. Arte murum & ante speculum statuatur tabula (aut aliquid simile) & retro inter murum & tabulam, collocentur duo aut tria objecta, unum altiori loco quàm alterum; quæ tamen à stante ante tabulam videri nequeant.

III. Supra tabulam colloca quodvis objectum, diversum ab ijs quæ retro sunt: & stans ante tabulam & speculum, in loco quem experientia docebit, jube alium speculum attractâ aut remissâ chordâ tam diu elevare ac deprimere parte suâ superiore, hoc est, eam tam diu muro admove, aut remove ab eodem, donec nec te, nec objectum supra tabulam collocatum videas, cernas tamen objecta retro tabulam collocata, in uno quidem loco unum, in altero alterum.

IV. Quicumque ergo stabunt in locis à te repertis (dummodò non sint notabiliter te longioris aut brevioris staturæ) nec se videbunt in speculo, objectum supra tabulam positum, sed alia à se extra speculum non visa.

PROPOSITIO LXXVIII.

Adhuc aliter speculum planum situare, in intuens nec se, nec imaginem expositam videat, non vero expositam videat.

*Speculum
planum ad-
huc aliter
statuerunt
non visa
demonstrat.*

Hanc etiam praxin docuimus lo. cit. Propos. 6. & in hoc consistit.

I. In pariete, loco paulùm altiore quàm statura hominis sit, affigatur speculum planum, non inclinatum, sed parieti parallelum.

II. In pariete altero è regione speculi fiat fenestella, humiliori loco quàm speculum sit, quæ tamen coronide adstructâ, aut aliâ ratione ita occultetur, ut à stantibus in cubiculo videri nequeat.

III. Intra dictam fenestellam colloca picturam aliquam, aut quodcunque objectum, quod per ipsam in speculum radiare queat: in ipso verò cubiculo è regione speculi pone ob-

jectum aliud, æquè altum ac speculum, aut etiam minùs altum.

IV. His factis, stans ante speculum, non videbit se ipsum in speculo, quia radij ipsius non reflectuntur ex speculo in oculum ejus; sed sursum: nec etiam videbit objectum è regione aut à latere speculi positum, propter eandem causam: sed videbit objectum intra fenestellam positum, ob contrariam rationem.

ANNOTATIO.

Posset tamen speculum etiam inclinari ad murum, & ita disponi, ut ad quemcunque angulum, seu ad quamcunque inclinationem accommodari posset. Et tunc posset ita elevari ac deprimi funiculo ac trochleolâ, ut insuens speculum, & eodem loco manens, nunc videret in speculo se, sed non imaginem retro fenestellam; nunc verò hanc imaginem, & non se ipsum. Hoc pacto exhiberi posset illusio illa Catoptrica, de qua lo. cit. qua Italus Florentinus quibusdam adstantium exhibebat eorum propriam imaginem, alijs verò imaginem retro fenestellam, a verso vultu, & nigris capillis; dicebatque legitimos esse quibus sua, illegitimos quibus hac apparebat imago.

PROPOSITIO LXXIX.

In speculis planis representare, quæ extrâ non apparent.

I **F**lat imago striata, seu lignea, seu chartacea, eo artificio, quod docui in 1. par. Magiz univers. lib. 1. par. 1. cap. 7. pragmat. 1. 2. & 3. in qua videlicet pictura non apparet, nisi planum striatum aspicias à latere.

Speculo plano res extrâ non apparentes representantur.

II. Appende speculum planum parieti, ita ut sit inclinaturn ad parietem, & caput speculi deorsum pendeat, pedes verò parieti hæreant. Pendeat verò loco paulò altiori quàm hominis statura sit.

III. Ante speculum colloca striatam imaginem, ita ut pictura strijs adpicta respiciat planum speculi, & in ipsum perfecte radiet, exactèque in ipso exprimatur.

Hoc facto intuens speculum, videbit in eo imaginem, quæ extrà non apparet. In aliquo etiam situ nec se ipsum videbit.

Aliter.

Speculum planum colloca horizonti parallelum, supra mensam, aut scammum, ut planum speculari sursum spectet. In tabulato cubiculi fac foramen, quod ab adstantibus mensæ & speculo non facile videatur. Intra foramen dispone objectum illustre, quod per foramen radiet intra speculum.

PROPOSITIO LXXX.

Impudens mendacium, aut superstitio non-nemini.

*Mendacium
aut super-
stitio non-
genu.*

QVidam, cujus nomini parco, inter alia impudentissima mendacia, aut superstitiones à se in libello quodam edito pro-
palatas, præmissâ magnâ verborum pompâ ad fidem sibi apud
simpliciores conciliandam, secretum proponit, ut ipse ait, pul-
cherrimum, ad experiendum naturaliter, si quis è familia aliqua,
ut pater, mater, filius, aut alius quivis ejusdem familiæ hæres
(hæres enim debet esse, non alius) abiisset in regionem longin-
quam, num adhuc vivat, aut mortuus sit.

Accipe, inquit, herbam à Botanicis telephium, & crassu-
lam dictam, Germanicè *Wundtkraut*/ *Fettehenne*/ & aliquibus
in locis *Knäbleinskraut*; non est tamen orchis, seu species satyrii,
quod similiter à Botanicis appellatur *Knabenkraut*. Habet folia
crassâ & pingua, in radice multos nodos, & crescit ad altitudi-
nem duarum spirituum. *Von diesem Kraut brich ein Sten-
gel ab/und stecke ihn vnter den Hauß Dach/eâ animi intentione,
an einen Orth hin;* hoc est Hujus herbæ accipe caulem seu scapū
unum, & eâ animi intentione (ut scilicet scias, num persona ab-
sens vivat, aut mortua sit) colloca quodam in loco infra rectura
domus.

domus. Si vivit persona, pergit caulis ille crescere ad manus longitudinem, manet viridis per aliquod tempus, acquirit nova folia in parte superiore, tametsi inferiora paulatim marcescant. Sin mortua est persona, hæc non contingunt, sed statim incipit herba flaccescere, & sicari.

Hoc verissimum esse, ait Auctor, & jam aliquoties experimentâ comprobatum. Ego autem dico, aut impudentissimum esse mendacium, aut aniles fabulas; aut si contingit, quod ait Auctor, casu id evenit, quia nimirum cum viveret adhuc persona, herba ea fuit illo tempore abscissa, eoque loco abscondita, ut ob humorum abundantiam antea habitam, & ab aëre humido attractam, virere & crescere per aliquod tempus potuerit. Potuit etiam dæmonis ope id contingere. Hæc omnia si absint, nulli naturali causæ ejusmodi effectus, stando in Philosophiæ communis principiis, subesse potest, ideoque miraculosus foret, ac soli Deo præter Naturæ leges operanti adscribendus. At quis credat, Deum ad quorumvis curiosorum hujusmodi hominum signa posita, miraculum edere?

ANNOTATIO.

Majorem veri similitudinem habet, quod idem Auctor affert experimentum, ad experiendum, quinam eodem in loco, eandemq; ad mensam discumbentium, occultam contra se foveant inimiciâ. Accipi nimirum jubet linguam vulturis, alligariq; nuda planta pedis sinistri: dexterâ, verò, manu gestari radicem verbenæ, seu verbenacæ (*Rissenkrautwurzel*) effossam die Solis mane horâ ante Solis ortum, qua est hora Maris. Hisce rebus instructus, ait, si mensa accumbas cum aliis, non multo post illi qui occulto erga te odio flagrant, eadem in mensâ & loco manere nequeunt, sed abscedere coguntur. Hoc in quâ majorem similitudinem veri habet: quoniam nudâ & calidâ pedis plantâ, nudâq; ac calidâ manûs volâ, dictarum rerum effluvia virtutum excitantur, & undiquaq; sparguntur, corporaq; disidentium penetrantia, antiphaticum effectum mirifice augent. Nihil tamen affirmo, nisi certius quid mihi de prædicto effectu constet: Auctori enim aliis in rebus superstitiosis tam credulo, minimè credo.

PROPOSITIO LXXXI.

*Vt aqua in vinum converti videatur,
efficere.*

*Aquam in
vinum con-
vertere.*

Phialam vitream, alteriusvè materiæ, habentem collum oblongum ac gracile, osculumque angustum, reple aquâ fontanâ, & osculo pollice obturato invertè phialam, nè aqua effluat: collum deinde immerge vino per foramen superius dolij plenî, & post aliquod temporis spatium extrahe. Invenies phialam plenam vino, putabitque ignarus secreti, aquam in vinum conversam. Ita docuimus *par. 3. Magia nostra lib. 5. Syn- tagm. 2. Pragmat. 21. ex Porta lib. 18. Magia cap. 3.* Ratio ex Hydrostaticis patet: quia enim aqua gravior est quàm vinum, sit, ut ex inversa phiala effluat, & pondere suo infra vinum descendat, vinumque levitate suâ ascendat intra ipsam, & aquæ effluenti succedat, ad vacuum impediendum; nec cessetur, donec tota descenderit aqua, & tandem ascenderit vini. Et hoc adeo sit manifestè, ut si vinum sit rubrum, videas id per mediam aquam ascendere, usque ad fundum phialæ inversæ, & aquam descendere vicissim ad fundum vasis vinum continentis.

ANNOTATIO.

Schwenkerus in *Deliciis Physico-Mathem. Par. 13. quest. 34. ait,*
idem tentari posse vino rubro & albo. Sed nisi vinum alterutrum
fit, altero notabiliter levius, nullus sequetur effectus. Sequetur tamen,
si vinum fit album, & aqua colore aliquo luculenter
incta.

PRO-

PROPOSITIO LXXXII.

Tres ova numero inæqualia æquè carè vendere, & tamen eandem pecunia summam referre possunt.

Mulieres rusticæ tres ova venalia ad forum conferunt, numero inæqualia, una nimirum 10, altera 30, tertia 50; & quælibet illarum ova singula æquali vendit pretio, nec unâ plus minusvè refert pecuniæ, quàm altera; hoc modo. Primò quælibet vendit 7 ova pro eadem certa pecunia, v.g. pro uno bacio, *Ova inæqualia numero æquè carè vendere, & idem pretium reportare.*

albo, solido, nummo, &c. ergo quæ habuit 10. ova, vendit 7. accipitq; nummum unum, & retinet 3. ova:

Ova venalia.	Ova vendita.	Num. mī.	Ova residua.	Num. mī.
10.	7.	1.	3.	9.
30.	28.	4.	2.	6.
50.	49.	7.	1.	3.

quæ habuit 30, vendit 28, accipit nummos 4, retinet 2. ova; & quæ habuit 50. ova, vendit 49, accipit nummos 7, & retinet 1. ovum, prout in apposito laterculo apparet. Augent deinde pretium, & unanimi consensu exigunt, & accipiunt pro singulis ovis tres nummos. Prima ergo pro tribus ovis residuis accipit 9. nummos, secunda pro 2. ovis residuis accipit 6. nummos, tertia pro 1. residuo accipit 3. nummos. Habebit ergo prima nummos 10, & totidem secunda, nec plures tertia. *Huius praxi similis est qua sequitur.*

PROPOSITIO LXXXIII.

Ex diverso numero margaritarum eodem pretio distractarum à tribus, reportari potest à singulis eadem pecunie summa.

Primus habet 10. margaritas, secundus 20, tertius 30. Primò convenit inter illos, ut singuli vendant 6. pro uno auro. *Margaritæ numero inæquales æquè carè vendere, & idem pretium reportare.*

Primus igitur pro 6. venditis habebit unum aureum, & retinebit

Marga: venal.	marga: venditæ	aurei	marga: residuæ	au- rei
10.	6.	1.	4.	4
20.	18.	3.	2.	2
30.	30.	5.	0.	0

4. margaritas. Secundus pro 18. venditis habebit 3. aureos, & retinebit 2. margaritas. Tertius pro venditis omnibus 30. habebit 5. aureos, & nihil retinebit. Postea conveniunt inter se primus ac secundus, ut quilibet vendat singulas margaritas residuas pro singulis aureis. Itaque primus pro 4. residuis accipiet adhuc 4. aureos, & secundus pro 2. residuis adhuc aureos 2, sicq; singuli habebunt 5. aureos.

PROPOSITIO LXXXIV.

De famulo misso ad colligenda poma ex horto certâ conditione.

*Poma certâ
conditione à
famulo col-
lecta.*

Dominus quidam mittit famulum ad viridarium, ut poma colligat hac lege. Debet famulus transire per tres portas, & ad primam dare telonario medietatem pomorum collectorum, ac insuper unum; ad secundam verò medietatem residuorum, & unum; ad tertiam deniq; medietatem residuorum, & unum; tandemque retinere debet unum solum pomum, & domino adferre. Quæritur, quot colligere debeat? *Respondet*, 22: si enim si ad primam portam relinquat 11. & unum, retinebit 10; si ad secundam relinquat 5, & 1, retinebit 4; si denique ad tertiam relinquat 2, & 1. retinebit 1. Inspice appositum exemplum, in quo A est prima porta, B secunda, C tertia, D Dominus famuli. Ratio est, quia 1. pomum quod Domino defert, unà cum illo uno quod ultra medietatem relinquit ad tertiam portam, debet esse ni medietas illo

A.	B.	C.	D.
22.	10.	4.	1.
11.1.	5.1.	2.1.	

rum quæ habuit ad portam prædictam, ac proinde ibidem habere debet 4: hæc 4 iterum cum illo 1. quod reliquit ad secundam portam, debet medietas esse illorum quæ habuit ad dictam portam

portam secundam; ergo ibidem habere debuit 10: hæc iterum cum 1. illo quod reliquit ad primam portam, debent esse medietas illorum quæ ad primam portam habuit; ergo ibidem habere debuit 22.

ANNOTATIO.

SI Domino adferenda essent quatuor poma, deberes colligere 46: si quinque, 94, &c. Hinc patet, quid faciendum, si ad singulas portas relinquenda esset medietas & duo, vel tria, vel quatuor, &c. Item si relinquere deberet tertiam partem & unum, vel duo, &c.

PROPOSITIO LXXXV.

De septem portis urbis à septem capitaneis occupandis certâ conditione.

Sunt octo portæ alicujus urbis, nempe A, B, C, D, E, F, G, H: ex singulis ad alias duas sunt duæ viæ, nimirum ex A in D & F, ex B in E & G, ex C in H & F, ex D in A & G, ex E in B & H, ex F in A & D, ex G in B & D, ex H denique in C & E. Omnes autem viæ sunt rectæ. Harum portarum septem occupandæ sunt à septem Capitaneis, hæc observatâ conditione, ut nullus ingrediatur per portam jam occupatam ab altero; nec ullus occupet portam per quam ipse ingreditur, sed per unam duarum viarum pergat directè ad aliquam occupandam. Quæritur, quomodo, & quo ordine ingredi debeant?

Respondeo, si primus ingrediatur per quamcunque, & occupet unam duarum ad quas binæ viæducunt; Secundus verò ingressus per alteram præcedentium duarum, occupet illam per quam ingressus est primus, & tertius illam per quam ingressus est secundus, & sic deinceps; fiet quod petitur. Ponamus igitur primum intrare per A, & occupare D; ingredietur ergo secundus per F, & occupabit A; tertius per C occupabit F, quartus per H occupabit C, quintus per E occupabit H, sextus per B occupabit E, septimus per G occupabit B; octava porta G manebit libera.

PROPOSITIO LXXXVI.

Novem nummos certâ conditione in Pentagono disponere.

*Vide
Icon. XIII.
Fig. III.
Nummos
certâ lege in
Pentagono
disponere.*

IN pentagono lineis descripto sunt decem loca, nempe (ut in apposita figura apparet) quinque anguli, A, B, C, D, E, & quinque puncta intersectionis F, G, H, I, K. Supra novem ex his decem locis collocare debes novem nummos, aut lapillos, hac conditione, ut incipias ab uno angulo aut puncto, & per lineam rectam procedendo numeres tria loca in eadem linea occurrentia, nummumque relinques in tertio loco proximè occurrente, & tamen nunquam incipias numerare à loco in quo jam collocatus est nummus, nec unquam inter numerandum transilias plùs quàm unum locum in quo jam est nummus. *Quæritur*, qua methodo instituenda sit operatio?

Respondeo, id in æternum non futurum, nisi servetur hæc cautela, ut post relictum primum nummum in aliquo loco, relinques secundum nummum in eo loco, à quo cum primo inchoasti numerare; & tertium in eo, à quo cum secundo inchoasti numerare, & sic deinceps. Ponamus itaque te inchoasse cum primo nummò ab A, & reliquisse illum in I; inchoabis cum secundo ab H, & relinques in A; cum tertio à D, & relinques in H; cum quarto à G, & relinques in D; cum quinto à B, & relinques in G; cum sexto à K, & relinques in B; cum septimo ab E, & relinques in K; cum octavo ab F, & relinques in E; cum nono à C, & relinques in F. Locus ergo C manet vacuus.

ANNOTATIO.

Inchoari primâ vice potest à quocunque angulo, aut puncto intersectionis.

PRO-

PROPOSITIO LXXXVII.

*De Judæo suffurante margaritas è cruce
oppignorata.*

JUDæo oppignorata fuit crux, ornata 25 margaritis, ita dispositis, ut in capite & pede sinr 9, in brachio dextero & pede item 9, in brachio sinistro & pede similiter 9 margaritæ. Judæus confirmavit scripto, accepisse se crucem cum margaritis dicto modo dispositis, sed non addidit numerum margaritarum simul. Vult suffurari 2, imò 4, aut 6, aut 8, aut 10, aut 12, aut 14, & restituere crucem cum margaritis dicto modo dispositis. Quæritur quomodo illas debeat disponere?

*Margaritas
è cruce oppi-
gnorata suffu-
rari.*

A	B	C	D	E	F	G	H
8	7	6	5	4	3	2	1
8†8	7†7	6†6	5†5	4†4	3†3	2†2	1†1
1	2	3	4	5	6	7	8

Ponamus margaritas in cruce oppignorata fuisse dispositas ut apparet in A, ita ut in universum fuerint 25; qui tamen numerus in scripto non fuit expressus, ut dixi. Si velit suffurari duas, disponat ut in B; si quatuor, disponat ut in C; si sex, ut in D; si octo, ut in E; si decem, ut in F; si duodecim, ut in G; si quatuordecim velut suffurari, disponat illas, ut in H.

PROPOSITIO LXXXVIII.

*Novem rebus in quadratum dispositis, ita ut in
singulis lateribus & diametris sint tres, adijcere tres
alias ita dispositas, ut in singulis lateribus ac dia-
metris sint quatuor, ac etiam
plures.*

Novem

*Novem num-
mos certâ lege
disponere.*

NOVEM res disponantur ut apparet in prima figura; erunt in singulis lateribus A B, B C, C D, D A, & in diametris A C, B D, tres res. Adjiciantur tres aliæ, prout in secunda figura apparet; erunt in singulis lateribus, & in diametro A C quatuor res, in diametro verò B D erunt sex.

Prima figura.

A		B
○	○	○
○	○	○
○	○	○
D		C

secunda fig.

A		B
○	○	○○
○	○○	○
○○	○	○
D		C

PROPOSITIO LXXXIX.

Quam quis rem ex multis tetigerit, aut mente conceperit, divinare.

*Divinare
quam quis
rem ex mul-
tis attingit.*

ALij, sed nullo pænè artificio, certè exiguo ingenio, sic procedunt. Res propositas disponunt in figuram quadratam, aut parallelogrammam, prout in appositâ figurâ apparet; & quærunt primò, in quo ordine transversali; secundò in quo ordine perpendiculari res tacta inveniatur. Res, in qua duo illi ordines concurrunt, est illa quæ fuit tacta. Tetigerit exempli gratiâ, aut conceperit alius quispiam L. Quærunt primò, in quo ordine transversali sit res tacta; & respondetur in tertio. Quæritur iterum, in quo ordine perpendiculari sit eadem res; & respondetur in tertio. Hinc colligunt, L esse rem illam, quia L est in communi concursu duorum prædictorum ordinum. *Sed, ut dixi, simplicissimus est hic modus; qui sequitur, est ingeniosior, & magis occultus.*

A.	B.	C.	D.
E.	F.	G.	H.
I.	K.	L.	M.
N.	O.	P.	Q.

Nomina personarum, aut aliarum rerum propositarum, quarum unam alius quispiam tetigit, aut mente concepit, scribantur in tabellis, aut chartis; aut loco nominum notentur litteræ Alphabeti; & chartæ disponantur in figuram quadratam, aut parallelogrammam, prout in prima figura apparet. Quare jam, in qua serie

Prima Figura.

A.	B.	C.	D.
E.	F.	G.	H.
I.	K.	L.	M.
N.	O.	P.	Q.

transversali, sit res tacta, aut cogitata. Sit tacta res *f*. Respon-
debitur itaque esse in secunda serie. Colli-
ge omnes chartas, incipiendo ab *A*, & supra
A pone *B*, supra *B* pone *C*, supra *C* pone *D*,
deinde *E*, *F*, *G*, &c. ita ut suprema & ultima
charta sit *Q*. Deinde explica iterum char-
tas, & pone primo loco *Q*, secundo *P*. tertio
O, &c. prout in secunda Figura apparet. Quare jam iterum,
in qua serie perpendiculari sit res tacta, aut cogitata. Respon-
debitur esse in tertia. Signum est igitur rem tactam esse *f*, quo-
niam illa est in communi concursu duarum serierum: nam quæ
antea erat secunda series transversalis à capite, nunc est secunda
transversalis à calce; ergo illa res, in quam concurrunt series ter-
tia perpendicularis, nempe *f*, est res tacta, vel cogitata.

Secunda Figura.

<i>Q</i> .	<i>P</i> .	<i>O</i> .	<i>N</i> .
<i>M</i> .	<i>L</i> .	<i>K</i> .	<i>I</i> .
<i>H</i> .	<i>G</i> .	<i>F</i> .	<i>E</i> .
<i>D</i> .	<i>C</i> .	<i>B</i> .	<i>A</i> .

ANNOTATIO.

His modis in utraque praxi explicatis divinabis, quam quis char-
tam lusoriam ex toto cumulo tetigerit, aut mente conceperit.

PROPOSITIO XC.

*Quam quis rem, aut chartam lusoriam, ex 15. teti-
gerit, aut mente conceperit, divi-
nare.*

HAnc Propositionem apud alios etiam Auctores invenies, *Divinare
quam quis
chartam
lusoriam
tetigerit.*
sed malè solutam; nec enim juxta ipsorum praxin in omni
casu ac dispositione invenitur quod quæritur, ut consideranti
patebit. Nostra solutio est universalis, infallibilis, & facilis, fun-
daturque in ratione præcedenti Propos. assignata de communi
concursu, &c.

Ex 15. igitur chartis, aut rebus in charta notatis, cogitave-
rit quispiam *E*. Dispone *I*. chartas omnes in tres series, quarum

Aa

quæ-

quælibet contineat quinque chartas, prout apparet in prima figura : & quære, in quam serie transversa reperiatur charta notata; respondebitur, esse in prima serie. Collige igitur omnes chartas, incipiendo vel à secunda, vel à tertia serie, ut prima series sit in medio inter secundam & tertiam. Nos hic incepimus à secunda. II. His factis, dispone iterum chartas omnes in tres series, prout in Secunda Figura apparet; & quære, in quam serie perpendiculari sit charta notata; respondebitur, esse in prima. Et licet jam sciatur quænam sit res de qua quæritur (nempe E, in qua sit concursus duarum ferierum) tamen ad occultandum magis artificium, collige iterum omnes series perpendiculares, incipiendo vel à secunda, vel à tertia, &c. prima autem series, in qua reperitur charta notata, sit in medio inter tertiam & quartam. Nos hic incepimus à secunda serie perpendiculari. III. His etiam factis, dispone iterum omnes chartas in tres series perpendiculares, prout in Tertia Figura apparet. Eritque semper ac infallibiliter octava res, hoc est, media in secunda ac media serie, illa quæ quæritur.

Prima Figura.

A.	B.	C.	D.	E.
F.	G.	H.	I.	K.
L.	M.	N.	O.	P.

Secunda Figura.

P.	O.	N.	M.	L.
E.	D.	C.	B.	A.
K.	I.	H.	G.	F.

Tertia Figura.

O.	N.	P.	M.	L.
D.	C.	E.	B.	A.
I.	H.	K.	G.	F.

ANNOTATIO.

Non est necessarium, factâ collectione chartarum post secundam dispositionem in Secunda Figura factam, disponere illas iterum in Tertiam Figuram quia infallibiliter octava ex toto cumulo post secundam collectionem facta, est res qua quæritur, sive incipias à prima illius cumuli, sive ab ultima.

PRO-

PROPOSITIO XCI.

De modo reddendi equum claudum, figendo clavos in terram ab ipso calcatam, an sit naturalis.

Quidam in *Theſauriolo Secretorum Par 1. q. 3.* modum præſcribit efficiendi ut equus, etiam procul diſtans, & non tactus, reddatur claudus, quando & quàm diu placuerit operanti. Jubeſt tres clavos è ſolea ferrea, ſeu integra, ſeu fracta, alicubi reperiâ, aut ubicunque accepta, extrahere, & alium clavum ex ſarcophago in quo cadaver humanum corruptum fuit. Hos clavos jubet figere in terra, ubi veſtigium relinquit equus qui claudus eſt reddendus; aitque conſeſtim equum incipere claudicare illo pede, quo veſtigium impreſſit; & tam diu durare claudicationem, donec clavi è terra extahantur; his verò extractis, ſtatim ceſſare. Ita *Martinus Schmück Lipſienſis, Medicina Liſcentiatus loco citato.*

Equus reddendi claudum mox ſuperſiſſioſus.

Ajo tamen hoc minimè naturaliter fieri, ſi fiat, ſed ope Diaboli, qui poſita clavorum iſtorum infixione tanquam ſigno ex pacto, alio occulto modo equum reddit claudum; qui tamen modus à Diabolo occultè adhibitus naturalis eſt. Itaque dum dico, priorem modum non eſſe naturalem, non aſſero affectum claudicationis eſſe ſupra vires Naturæ, ſed non fieri ex vi & virtute remedij adhibiti occultè à dæmone. Ratio eſt, quia clavi iſti in terram deſixi, nullum influxum phyſicum habent in equum, utpote diſtantes, & extra ſphæram activitatis clavorum conſtitutum. Adde quòd etiam ſi equus ſit præſens, nil tamen clavus in eum influere poteſt.

PROPOSITIO XCII.

Super aquas lacuum ac fluminum ambulare.

Fit hoc arte hydroſtaticâ, ope cingulorum pneumaticorum, eo modo, quem explicavi *Par. 3. Magia lib. 5. Syntagm. 2. Pragmat. 13.* in hunc ſeculum. Ex corio bubalmo, aut taurino

Ambulare ſupra aquas.

fiat cingulum duplicatum, & instar intestini confutum, latum sesquipalmo circiter, aut amplius; longitudinis tantæ, ut lumbos circumdare, & claudi arctè suis fibulis queat. Hinc & inde ab utraque lumborum parte assuantur cingulo duo ex canina pelle utres in vesicarum modum efformati, eâ arte, ut nec aqua penetrare intrò, nec aër intus conclusus exire possit. Utrique utri infigatur fistula lignea, cujus interius orificium platismatio seu ventili, ut vocant, instruatur, exterius verò orificium cuneolo, seu alio obthuramento exemptili. Hæ fistulæ sint tantæ longitudinis, ut cingulo præcincti os ad orificia exteriora applicari, & inspirato aëre vesicæ unà cum cingulo inflari queant. Hisce ita constitutis, qui pneumatici cinguli ope supra aquas, vel potius infra aquas ambulare desiderat, eo lumbos præcingat, utres seu vesicas assutas inflet per fistulas, fistularumque ora obthuret, pedum soleis plumbea pondera certâ proportionem alliget, ut erectum in aquis corpus perseveret, nec depronetur in latus prævalente extantis corporis, ac capitis pondere; & ut quancunque in partem se vertere possit, talos pinnulis quibusdam ceu remis obarmet, sicque instructus flumina, lacus, aliasque quascunque aquas consistentes, & à fluctibus liberas ingrediatur; ambulabit in illis sine submersionis periculo, tranabitque instar anseris, anatis, cygni, mergi, alteriusvè aquaticæ avis, adeò ut caput galeâ, pectus ferreo thorace munire, tormentarium pulverem, sclopetum, hastam gestare queat.

Ratio est, quia tota moles ex corpore humano & cingulo inflato composita, levior est quàm æqualis moles aquæ, ac proinde mergi intra aquam non potest nisi tanta pars corporis, quanta est moles aquæ æqualem habens gravitatem cum tota prædicta mole ex humano corpore & inflato cingulo composita, ut ex Archimede docuimus lo. cit. Syntagm. 1. Hypothesi 7. Mergetur itaque ad summum usque ad cingulum: quare crura muniri possunt ocreis ad umbilicum usque pertinentibus, contra aquæ humiditatem. Hujusmodi armatus apparatus nescio qui Daniæ Rex, unà cum aulico quodam ad milliare integrum per lacum ambulavit. *Schwenkera teste in Deliciis Physico-Mathem. Par. 13. q. 16.*

ANNO TATIO.

Possunt pneumatica hæc cingula fieri tanta latitudinis, & utres tanta capacitatis, tantâque aëris inspirati mole onerari, ut aquea moles totum hominis hujusmodi cingulo obarmati pondus longè superet gravitate, ac proinde non solum hominem aqua aliquòdusque immersum, ac veluti sedentem, sed etiam erectum, & toto ferè corpore extra aquas extantem teneat, seu jacere lubeat, seu sedere, seu ambulare. Possunt præterea eadem cingula cum utribus eorum obarmari laminis ferreis, ut sagittis vel sclopetis resistent.

PROPOSITIO CIII.

*Quot quis nummos in marsupio habeat,
divinare.*

Multis modis id fieri potest; omnium facillimus ac simplicissimus hic est. I. Jube numerum nummorum triplicare. II. Triplum dividere in duas partes æquales sine fractione, si fieri potest; sin minùs, addere unitatem, ac dividere. III. Dimidium iterum triplicare. IV. A triplo hoc ultimo abjicere 9. quoties fieri potest. Pro singulis novenariis, computa 2. pro unitate addita computa I. & habebis numerum nummorum.

*Divinare
quot quis
habeat
nummos in
marsupio.*

EXEMPLUM. Habeat quis 4. aureos. Jube triplicare numerum aureorum; habebit 12: jube triplum dimidiare; habebit 6: jube dimidium iterum triplicare; habebit 18: jube abjicere 9: quoties potest; abjiciet bis novem. Computa ergo pro quolibet novenario 2. & dic ipsum habere 4. aureos.

ALIUD. Habeat 7. nummos: triplicet nummos; habebit 21: dividat triplum in duas partes æquales; dicet non posse fieri: addat ergo unitatem, & habebit 22; cujus dimidium sunt 11; hoc dimidium iterum triplicet; habebit 33: abjiciat novenarios, dividendo 33 per 9; abjiciet tres novenarios. Pro singulis ergo novenariis computabis 2. & pro unitate addita computabis I. & dices, eum habere 7. nummos.

ALIVD. Habeat 2 nummos: triplum sunt 6, dimidium 3, triplum hujus dimidij sunt 9: habet ergo duos nummos.

ALIVD. Habeat 1. nummum: triplum sunt 3; quod quia dividi in duas partes æquales nequit, addatur unum, fiunt 4; cujus dimidium sunt 2, & hujus triplum 6. Quoniam igitur à sex non possunt abijci 9, & aatea fuit addita unitas ad triplum; dic illum habere 1. nummum.

ANNOTATIO.

Ratio hujus praxis clara est: quia dum numerus primò acceptus, multiplicatur per 3, & productum iterum per 3; idem est si numerus primò acceptus multiplicatur per 9. Si ergo ultimum productum dividatur per 9, redit in Quoto numerus primò acceptus. At quoniam primum productum dimidiatur, & dimidiatum multiplicatur per 3; ideo duplicari debet ultimus Quotus.

PROPOSITIO XCIV.

Ut surdus instrumenti musici sonum percipiat, efficere.

Surdus instrumenti sonum ut percipiat.

Accipe chelym, aut testudinem, aliudvè sonorum instrumentum musicum, quod longum habeat collum; & extremam colli partem jube surdum dentibus apprehendere, ac stringere, tu verò instrumentū in sonum incita, chordas pleatro aut arcu setaceo percurrento. Percipiet surdus sonum, & harmoniam, mirificèque se delectari ostendet, ac præ gaudio exultabit, ut non semel experientia docuit. Rationem adsignavi in *Parte 2. Magia lib. 3. Syntagm. 4. pragm 4.* quòd in oris palato foramen est, per quod externus aër cum interno ac implantato intra acusticum Organum aëre communicat: sonus igitur per instrumentum excitatus, vel ejus species, tum per commotum externum cum sono aërem, tum per instrumenti collū porosum, aut cavum, delatæ intra os surdi, & dictum foramen palati subintran-tes, internum aërem, nervumque acusticum afficiunt, & in eo sensationem causant.

PRO-

PROPOSITIO XCV.

Face noctu absentibus, facem tamen videntibus, loqui.

Multi sunt modi absentibus, qui tamen signa aliqua videre, aut audire possunt, loquendi. Aliquos indicabo.

Loqui absentibus noctu facem.

Face noctu fieri potest in hunc modum.

Litteras Alphabeti distribue in binis tabulis, aut chartis, & numeros appone, prout in apposito diagrammate apparet. Unam illarum trade amico abeunti, alteram retine. Cùm loqui noctu visabsenti, facem ostende, ut advertat amicus, te velle loqui, & attendat. Sint itaque significanda hæc verba : *Cavete*. Quære in tabula tua litteram c; quæ quia adscriptum habet numerum 3, eleva ter facem, aut à dextera versus sinistram move, ac deinde parumper quiesce, aut facem absconde : interim amicus quæret in tabula sua numerum 3. & scribet c. Iterum quære in tabula tua litteram a, & eleva semel facem, ac quiesce, aut facem absconde : amicus interim quæret in sua i, & scribet a. Rursus quære in tabula v, & eleva vigesies facem : amicus interim quæret 20. & notabit v. Eodem modo procedes usque ad ultimam litteram verbi *Cavete*. Nec aliter respondebit tibi amicus.

1.	2.	3.	4.	5.	6.
A.	B.	C.	D.	E.	F.
7.	8.	9.	10.	11.	12.
G.	H.	I.	K.	L.	M.
13.	14.	15.	16.	17.	18.
N.	O.	P.	Q.	R.	S.
19.	20.	21.	22.	23.	24.
T.	V.	X.	Y.	Z.	W.

ANNOTATIO.

Hic modus vulgaris est. Alphabetum potest aliter in utraque tabula, tua videlicet & amici, disponi, non servato ordine naturali litterarum, nè alii videntes motum facile veniant in cognitionem litterarum quas significas. Possunt omitti aliqua littera, ut x, y; nam pro x potest servire c, & pro y littera i. Modus hic usus esse potest tempore obsidionis.

PROPOSITIO XCVI.

*Idem faciliùs efficere pluribus facibus.**Loqui ab-
sentibus no-
ctu pluri-
bus facibus.*

FAc duas tabulas ejusmodi, quo hîc vides; unam pro te, alte-
ram pro absente amico. Cùm significare vis litteram colu-
mnæ primæ perpendicularis; elevatam a-
liquandiu tene unam facem: cùm litte-
ram in secunda, in tertia, in quarta colu-
mna perpendiculari significare vis; ele-
vatam tene duas, aut tres, aut quatuor fa-
ces. His factis, cùm significare vis litte-
ram contentam in transversali columna
prima, aut secunda, aut tertia, quarta,
quinta, sexta; move facem à dextera ver-
sus sinistram semel, aut bis, aut ter, aut
quater, aut quinquies, aut sexies.

	I.	II.	III.	IV.
1.	A	G	N	T
2.	B	H	O	V
3.	C	I	P	X
4.	D	K	Q	Y
5.	E	L	R	Z
6.	F	M	S	W

EXEMPLUM. Vis significare hæc verba: *Cras erumpemus.*
Quia prima littera c, est in prima columna perpendiculari, ele-
va unam facem; & quia est in tertia columna transversali, mo-
ve eam ter à dextera ad sinistram. Iterum quia secunda littera r,
est in tertia columna perpendiculari, oleva tres faces; & quia
est in quinta columna transversali, quinquies move unam, aut
omnes tres, à dextera ad sinistram. Eodem modo procede in re-
liquis litteris significandis.

ANNOTATIO.

LOco duarum, trium quatuor facium, posset elevari ac deprimi u-
na, bis, ter, quater. Ratio operationis est concursus ductus perpen-
dicularis & transversalis in eadem littera.

PRO-

PROPOSITIO XCVII.

*Sono seu noctu, seu interdiu, absentibus ali-
quid significare.*

MUltis modis id fieri potest. *Primò*, unico instrumento, v. g. campanâ, tubâ, percussione mallei, &c. Si enim tabula Alphabetaria disponatur prout apparet in Propos. 95. & pro a detur unum signum, pro b duo, pro c tria, &c. & postquam libet litteram indicatam aliquam diu quiescat; cognoscet absens ex numero signorum litteras. *Secundò*, pluribus instrumentis, v. g. campanâ, tubâ, malleo, & aliis simul. Si enim disponatur tabula Alphabeti prout apparet in Propos. 96. & ad significandas litteras columnæ primæ perpendicularis adhibeatur campana, ad secundæ columnæ litteras tuba, ad tertiæ columnæ lituus, ad quartæ aliud; ac deinde ad indicandum c edantur tres ictus campanæ, ad indicandum i quinque soni tubæ, ad indicandum o duo soni litui, &c. intelliget absens quod indicatum fuerit. *Non immoror diutius, quia res faciliè intelligitur.*

Loqui absentibus sono diversarum rerum,

PROPOSITIO XCVIII.

Trium rerum quam quilibet ex tribus hominibus tetigerit, aut acceperit, divinare.

SInt tres quæcunque res, A, E, I; quarum A tu vocabis primam, E secundam, I tertiam. Sint item tres homines, Andreas, Joannes, Petrus; quorum Andream vocabis primum, Joannem vocabis secundum, Petrum denique tertium. Expone in mensa 24. res quascunque, v. g. nummos, nuces, lapillos, &c. & ex illis da primo unum, secundo duos, tertio tres nummos. Deinde recede, & jube unumquemque accipere clàm rem unam ex tribus; & dic, ut qui accepit

Divinare quâ trium rerum quilibet ex tribus tetigerit.

rem primam A , sumat tot nummos ex residuis, quot ei dedisti; qui verò secundam rem B accepit, sumat duplum eorum quos dedisti; qui denique tertiam rem C accepit, sumat quadruplum eorum quos dedisti ipsi. His factis, accede, & vide quot nummi sint in mensa residui; qui quidem non possunt esse plures, quàm aut 1, aut 2, aut 3, aut 4, aut 5, aut 6. Ex his colliges quis primam rem acceperit, quis secundam, quis tertiam, si vocabula & syllabas sequentis versus consideres.

Salve	certa	animæ	semita	vita	quies
1	2	3	4	5	6

Primum hujus versus vocabulum servit, si ex nummis remansit unus in mensa; secundum, si duo; tertium, si tres, &c. prima syllaba unius cujusque vocabuli significat primam personam, secunda secundam, tertia (si adest) tertiam. Vocalis A in quolibet vocabulo significat primam rem, B secundam, C tertiam. Itaque si remansit in mensa unus nummus; considera primum vocabulum *Salve*, & dic, primum hominem accepisse primam rem A , secundum secundam B , tertium tertiam C , & sic consequenter. Si remanserunt septem nummi, primus homo accepit tertiam C , secundus secundam B , tertius primam A . Si quinque nummi remanserunt; primus accepit secundam rem B , secundus tertiam C , tertius primam A .

PROPOSITIO XCIX.

Aliter tres res apud tres homines absconditas reperire.

Divinare aliter quantum res ex tribus quilibet trium hominum accipietur.

Res sint A prima, B secunda, C tertia. Personæ sint I. II. III. Personæ I. dentur 12. nummi, personæ II. 24, personæ III. 36. Porro res possunt abscondi sex modis, & inveniri, ut apparet in apposita tabella. Is qui abscondit A , subtrahat ex suo numero $\frac{1}{2}$, seu medietatem; qui abscondit B , subtrahat $\frac{2}{3}$, seu

A	B	C
I.	II.	III.
12.	24.	36.

seu duas terrias, qui abscondit c, subtrahat $\frac{1}{4}$, seu tres quartas; Residuorum summæ proferantur, aut indicentur tibi; quæ summæ non possunt esse aliæ, quàm aut 23, aut 24, aut 25, aut 27, aut 28, aut 29; quibus hîc adscriptæ sunt res, prout à prima, vel secunda, vel tertia personæ fuerint absconditæ.

I.	II.	III.	Summæ
A.	B.	C.	23.
A.	C.	B.	24.
B.	A.	C.	25.
B.	C.	A.	27.
C.	A.	B.	28.
C.	B.	A.	29.

Itaque si remanent 23; primus accipit rem primam A, secundus rem secundam B, tertius rem tertiam C. Si remanent 27; primus accipit rem tertiam C, secundus primam A, tertius secundam B.

PROPOSITIO C.

Aliter divinare quis ex tribus personis trium rerum quamlibet acceperit.

Res sint ut antea A prima, B secunda, C tertia. Personæ item sint I. II. III. Cuilibet personæ detur unus ex novem sequentibus numeris digitis, 1. 2. 3. 4. 5. 6. 7. 8. 9. quicumque ille sit, ad libitum: & quælibet persona accipiat atque abscondat unam ex tribus rebus, A, B, C, quamcunque voluerit. Absconditis rebus, dic ut is qui accipit A, duplicet suum numerum digitum quem accipit; duplicato addat 5; summam multiplicet per 5, producto addat 10, & insuper numerum ejus qui accipit B; denique hanc summam multiplicet per 10, & producto addat numerum ejus qui accipit C, & revelet hoc ultimum productum; ex quo tu aufer seceretò 350, & remanebunt ordine tres numeri digiti, quos tribus personis antea dedisti; quorum primus seu sinister est illius personæ, quæ accipit A, secundus illius quæ accipit B, tertius illius quæ accipit C.

EXEMPLUM. Prima persona acceperit à te 5. secunda 7, tertia 9; acceperitque prima persona rem A,

A. B. C.
I. II. III.


*Divinare
idem ad
huc aliter.*

5.	9.
B.	A. C.
10	
5	
15	
5	
75	
10	
85	
7	
92	
10	
920	
9	
920	
350	
570	
A. B. C.	

secunda rem b, tertia rem c. Qui accepit rem a, duplicet suum numerum, & habebit 10; huic addat 5. & habebit 15; hoc multiplicet per 5. & habebit 75; huic addat 10. & habebit 85; huic addat numerum illius qui accepit rem b, nempe 7. & habebit 92; hoc multiplicet per 10. habebit 920; addat huic numerum ejus qui accepit rem c, nimirum 9. & habebit 929. Hunc ultimum numerum tibi revelet, & tu subtrahe ex illo 350. remanebuntque 579. Hunc numerum resolve in tres digitos, significabitque primus ad sinistram, primam personam accepisse rem a; secundus secundam accepisse rem b; tertius tertiam accepisse rem c.

ANNOTATIO.

D*Ecuplatio ultima posset omitti cum additione ultimi digiti; & tunc ex summa ultimò promulgata deberent subtrahi 35. & remanerent duo numeri digiti pro duabus rebus & personis; quibus habitis habetur etiam tertiæ, & persona.*





IOCO-SERIO-
RUM NATURÆ
ET ARTIS,

Sive

MAGIÆ NATURALIS
MISCELLANÆ
CENTURIA III.

Proœmium.

Divinationes Arithmetica per numeros,
rerumque ingeniosa ac mirabiles dispo-
sitiones, combinationesque per eosdem,
adeo visæ sunt quovis tempore omni-
bus, doctis æquè ac indoctis, jucundæ, & solida volu-
ptatis plenæ, ut gravissimi Scriptores, perfectissimi-
que Philosophi ac Mathematici in iis versari non
fuerint dedignati. Hos inter sunt Venerabilis Bedæ,
Hieronymus Cardanus, Joannes Buteo, Gemma

Bb 3

Fri-

*Frisius, Christophorus Clavius, Christophorus Rudolphus, Jacobus Coburgius, Henricus Gramma-
teus, Marius Beltinus, aliique; & quotquot Phy-
sica ac Mathematica Ludicra ac Recreationes vel ad
propriam, vel ad aliorum delectationem scripsere,
cum P. Joanne Leureschon è Societate nostra, Da-
niele Schuventero, Georgio Philippo Harstorffero,
Caspere Ens, & si qui sunt alii. Nec ergo alienum
ab instituto nostro esse, nec ingratum Lectori Curioso
existimamus, quòd ex innumerabilibus quæ eo in ge-
nere occurrunt, faciliora, ac jucundiora, & quæ fa-
cillimè vel ex memoria, vel sine molesta calculatione,
quo vis tempore & loco, in honesta doctorum etiam ho-
minum conversatione exhiberi reipsa possunt, inter
alia multa, in præcedenti Centuria paulò antè in me-
dium attulimus, & in hac præsentì afferimus. Ne
verò tedium Lectori crearemus, non omnia simul
eundem in locum ordine congesimus, sed variis aliis,
seu seriis, seu ludicris, quæ inter meditandum, ac scri-
bendum occurrerunt, interseruimus. Idem
porrò servabimus. Hinc er-
go ordimur.*

PRO-

Fig. I.




Fig. II.





Fig. III.



PROPOSITIO I.

Numerum punctorum duarum alcarum singulatim pronuntiare.

Alii aliter & per multas ambages quæstionem hanc solvunt; ego brevissimè, ac facillimè sic procedo. Duplicetur prioris alcaræ numerus punctorum, quæ eminent; adjunctisq; 5. multiplicetur summa proveniens per 5. ac summæ productæ addatur numerus punctorum secundæ alcaræ. Ex hac ultima summa tibi manifestata, si auferas 25. remanent duo numeri digiti, quorum sinister numerat puncta prioris alcaræ, dexter verò puncta posterioris.

*Alcarum
puncta pro-
puncta divi-
nare.*

EXEMPLUM. Puncta primæ alcaræ sint 3. secundæ 4. Duplicentur 3. fiunt 6; addantur 5. fiunt 11; multiplicentur hæc per 5. fiunt 55; addantur puncta posterioris alcaræ, nempe 4. fiunt 59; subtrahantur ab his 25. remanent 34; horum sinister numerus 3. dat puncta primæ alcaræ, dexter 4. dat puncta secundæ alcaræ. Eodem modo procede in omnibus aliis exemplis. Ratio patet ex dictis præcedenti Centuriâ.

* * * *	
6	
5	
11	
55	
4	
59	
25	
34	

PROPOSITIO II.

Horas Astronomicas quovis tempore, sole lucente, è manibus discere.

Natura, quæ nihil imperfectum, aut otiosum, præsertim in homine fecit, voluit & ejus sinistrae manui horologium inesse. Rem varii variè explicant, & aliam praxin pro æstate, aliam pro hyeme præscribunt; sed, ut consideranti patet, aut malè, aut inutiliter. Ego facillimam ac universalem praxin trado, sed pro horis Astronomicis, seu à meridie & media nocte, quibus

*Horas à ma-
nibus discere.*

Hisp.

Hispani, Galli, Germani, aliique plerique Europæi utuntur, Italis exceptis. Praxis hæc est. Quovis anni tempore, ac die, dieique horâ, sole lucente extendè manum sinistram, ita ut palma in dexteram partem spectet. Deinde inter pollicem, & indicem digitum directè supra lineam vitæ constitue stipulam rectam, cujus pars prominens versùs palmam adæquet indicis longitudinem, & angulos rectos ex omni parte cum manu constituat. His factis, averfus à sole tam diu corpus totum cum manu extenta flecte huc atque illuc, donec extremitas umbræ, quam tuberculus pollicis in volam manûs projicit, coæquetur penitus lineæ vitæ, ac veluti ab ea absumatur. His etiam factis, vide in quem digitum cadat umbra stipulæ, & habebis horam quæsitam, dummodò scias quâ horâ circiter Sol illo die exoriatur. Nam si cadat in extremitatem indicis, est hora ortus Solis, v. g. hora sexta; si in extremitatem medii digiti, est hora proxima ab ortu Solis, v. g. septima; si in extremitatem annularis, est octava; si in extremitatem minimi digiti, est nona; si in primam juncturam ejusdem minimi (inchoando ab ejus extremitate) est decima; si in secundam juncturam, est undecima; si in tertiam est duodecima, seu meridies. Post meridiem, si iterum cadit umbra in secundam minimi digiti juncturam, est hora prima; si in primam, est secunda; si in extremitatem minimi digiti, est tertia; si in extremitatem annularis, est quarta, &c. Si horâ quintâ Sol oritur, aut horâ septimâ, eodem modo horæ numerantur; sed tunc meridies seu hora duodecima cadit, in primo casu in primam lineam quæ occurrit in vola post minimum digitum; in secundo verò casu in tertiam juncturam prædicti digiti.

PROPOSITIO III.

Horas Astronomicas circa æquinoctium è manibus discere.

Horas aliter è manibus discere.

A Liter, sed solum circa æquinoctiū, horas Astronomicas ex manibus disces, si contractis reliquis digitis erigas perpendicu-

diculariter duos indices, duos verò pollices extentos conjungas. *Vide*
Icon. XIV.
Fig. II. in unam lineam rectam horizonti parallelam, prout aliquo modo in apposito schemate apparet, in quo *A B*, & *D C* sunt indices erecti, at *B E*, & *C E* sunt pollices extenti atque conjuncti. extremitatibus suis *E*. Stantibus hoc situ digitis, si unum; v. g. *D C*, obvertas soli, ut umbra ejus cadat in *A B*, aut in *B C*; disces horam quæsitam. Nam si umbræ extremitas cadit in *A*, nimirum in extremitatem alterius digiti, est hora sexta matutina; si in primam juncturam indicis *A B*, est hora septima; si in secundam, est octava; si in tertiam, est nona; si in lineam vitæ, est decima; si in junctorum pollicis cum palma, est undecima; si in alteram juncturam pollicis, est duodecima: postquam inverso ordine reditur iisdem vestigijs ad primam, secundam, &c.

PROPOSITIO IV.

Horologium hydraulicum exiguis impensis conficere.

Accipe vas cujuscunq; materiæ & formæ, quod aquam continere queat; in ejusque fundo epistomium seu claviculam versatilem infige, atque ita tempera, ut aqua infusa effluere possit spatio 24 horarum. In vasis summitate ad apta rotam versatilem, cujus axis ex altera parte manum habeat cum digito indice extenso, qui vasis latus externum, aut tabulam vasi affixam radat. Rotæ circumduc funiculum in gyrum, & funiculi extremitati alliga corticem, cortique impone plumbum, ita ut aquæ superficies suprema sustineat corticem cum plumbo. His factis, audito pulsu horæ duodecimæ alicujus horologii, aperi foramen aut clavem versatilem vasis: mox effluet aqua; cum aqua subsidente subsidet cortex cum plumbo, trahetque funiculum, & verret rotam cum manu axis extremitati infixam: tu interim elapsis singulis horis nota in vasis latere aut tabula affixa totidem spatia horaria quæ manûs index percurrit, donec totum circulum compleveris; & habebis horologium præparatum. Quotiescunque enim vas aquâ impleveris, & rotâ con-

*Horologium
hydraulicum
exiguis im-
pensis fac-
re.*
Vide
Icon. XIV.
Fig. III.

volutâ manûs indicem horæ duodecimæ in tabula signatâ adaptaveris, moxque epistomium aperueris; toties aquæ fluxus 24 horarum spatio perdurabit, & index singulas horas in tabula percurrent.

ANNOTATIO.

Notandum tamen, spatia horarum in vasis latere aut tabula signata, non posse esse inter se equalia, quia aquæ fluxus equalis non est, sed eò plûs aquæ effluit horario spatio, quò plenius fuerit vas; eò minùs, quo inanius. Itaque horarum spatia omnia erunt in equalia, ac paulatim decrescent, prioraq; erunt maxima, posteriora verò minima. Similita horologia construere docimus in Mechanica Hydraulico pneumatica Par. II. Classe 1. cap. 4. ubi egimus de Machinis hydraulicis quæ aquæ lapsu naturali fiunt. Loco aquæ posset adhiberi arena exigua, quæ è fundo vasis efflueret spatio 24. (aut quolibet aliarum) horarum: sed tunc index non percurreret ordinatè ac regulariter spatia horaria distributa in tabula, quia suprema arena superficies non subsideret ordinatè, secumq; traheret corticem cum plumbo, aut plumbum sine cortice.

PROPOSITIO V.

Horologium hydraulico-magneticum construere.

*Horologium
hydraulico-
magneticum.*

Horologium aliud aquæ & magnetis ope, quod magnam in admirationem spectatores rapiat, facillimè, & nullis ferè impensis, conficies in hunc modum. Fac ex quavis materia quæ aquam continere queat (chalybe & ferro excepto) receptaculum concavum oblongum in formam columnæ quadrangulæ; & uni ejus lateri secundùm longitudinem exciso inferere laminam subtilissimam ex ebeno, aut ære, seu orichalco confectam. Fundo receptaculi adapta epistomium seu versatilem claviculam ut antea, quam ita temperare queas, ut aqua infusa spatio 24 horarum effluat. Repleto receptaculo impone aquæ corticem cum frusto magnetis validi, cujus polus robustior

radat laminam receptaculi lateri insertam; exterius verò è regione magnetis applica manum ex levi charta effigiatam ac pictam, aut lacertulam, aliudvè simile animalculum, cui infixæ sit acus chalybea ad magnetem prius adstricta. Chartacea hæc manus cum acu à magnete attracta, adhærebit laminæ nemine sustentante, sequeturque magnetis motum sursum ac deorsum. Si itaque repleto aquâ receptaculo, magnetéque cortici imposito, ac manu exterius applicatâ, aperueris epistomium; effluet sensim aqua, cortexque cum magnete subsidet, & secum trahet deorsum chartaceam manum, quæ singulis horariis spatii temporis certa laminæ spatia percurrent. Quare si, ut antea dictum, notaveris, ac numeros apposueris; habebis horologium hydraulico-magneticum perfectum. Quod si intra murum absconderis, ut nihil præter laminam cum chartaceo indice appareat; magnam in admirationem rapiet spectatores, uti millies ipsemet vidi Romæ in Musæo Kircheriano, ubi simile horologium spectantibus exhibebam.

ANNOTATIO.

Vide qua scribimus loco proxime citato *Machina XV*. Hic etiam spatia horaria, in lamina notata, in æqualia sunt, propter causam in præcedenti Propositione dictam.

PROPOSITIO VI.

*Aliud hydraulicum horologium facillimè
conficere.*

Accipe vas oblongum cujuscunque formæ, aquâ plenum, quod in fundo foramen habeat, aut epistomium, è quo aqua spatio 12, aut 24 horarum effluat tota. Aquæ superficiei supremæ impone corticem, & cortici impone virgam ligneam perpendiculariter erectam, quæ dum aquâ effluente, & cortice subsidente subsidit, vasis latus interius radat. Audito igitur horo-

*Horologium
hydraulicum
cum aliud.*

logij cujusdam campanarij pulsū, aut inversā clepsydrā, laxa foramen seu epistomium vasis; & ubi virga erecta vasis labrum supremum attingit, designa in ea circulum, aut lineam, & horæ numerum adscribe. Idem fac elapsis singulis horis, designando toties in virga subsidente circulum, aut lineam ibi, ubi ea supremum vasis labrum attingit, quoties horæ pulsū audieris, donec tora effluerit è vase aqua; & habebis in virgæ longitudine designata 12 aut 24 horaria spatia, inter se inæqualia. Quacunque igitur horā vas impleveris, & epistomium laxaveris; monstrabit vasis labrum post singulas horas elapsas alium, atque alium in virga subsidente circulum ac numerum; unde scies quot à primo fluxu horæ transiverint.

ANNOTATIO.

SI virga erecta perpendiculariter intra vas, radat parietem proximum, aut tabulam longam vasis lateri affixam; poteris notare horaria spatia, qua virga descendens summits percurrit, in pariete, aut in affixa tabula. Iucundius autem spectaculum exhibebis, si cortici aqua innatanti imponas levem statnam nautæ stantis aut sedentis velut in naviculâ, cum virgâ protensâ qua murum aut tabulam vasi affixam radat: tunc enim aquâ effluente, aut virgâ subsidente, nauta monstrabit horas. Talem Machinam dedimus in Mechanica Hydraulicopneumatica loco suprâ cit. & appellavimus Nautam Hydro-Horologum.

PROPOSITIO VII.

Lacti an aqua sit immixta, deprehendere.

*Aqua an
lacti sit im-
mixta, de-
prehendere.*

Iuncum, aut stylum acutum lacti infige, & extrahe, ac lac adhærens super unguem distilla. Si citò ab ungue defluerit, aquam immixtam habet; si aliquandiu persisterit in ungue, purum est. Causa cuius patet.

PROPOSITIO VIII.

Utrum vino admista sit aqua, cognoscere.

MOdum tradidimus *Par. 3. Magia lib. 5. Syntagm. 2. Pragmat. 23. Mex Porta lib. 18. Magia cap. 6.* ubi jubet vino, de quo dubitatur an aquam habeat admistam, imponi malum, aut pyrum: *si mergitur pomum, vinum est impermixtum; si vino superfluitabit, vinum permixtum erit, quia vino aqua densior est.* Citato loco Magiæ nostræ, typographi errore, pro *densior*, habetur *levior*. Malè ergo docent Democritus, Pedemontius, & Weckerus, quos cit. loco adduximus, purum esse vinum, si pyrum supernatet; impurum, si mergatur.

*Aqua an
vino sit im-
mixta, co-
gnoscere.*

ANNOTATIO.

Musto an admista sit aqua, cognoscere.

Contrario modo deprehenditur, an musto admista sit aqua: quia *Cenim mustum recens, & nondum defacatum, crassum est ac viscosum, ideoq; ponderosius quàm si admistam habeat aquam; ideo puro injectum pyrum supernatat, in impuro mergitur. Eundem effectum in musto prastari docet Weckerus ex Georgio Valla, si ovum imponatur: si enim hoc statim descendit, aquosum est mustum; sin contra, purum. Ad utrumque effectum alij requirunt pyra sylvestria.*

*Aqua an
musto sit
admista,
cognoscere.*

PROPOSITIO IX.

Aquam à vino separare multis modis.

Primus modus. Panni linei, vel potiùs lanei, aut gossopini laciniam seu fasciam strictam dolio aut vasi immerge, quod vinum aquâ mixtum continet, ita ut una fasciæ pars vino supernatet, altera extra vas prominens pendeat deorsum, & longior sit quàm pars altera. Quoniam igitur vinum, utpote levius aquâ, superiorem vasis locum occupat, ascendet id per fasciam, &

*Aquam à
vino sepa-
rare.*

foras exstillabit, nec cessabit stillatio, quàm diu pars interior fasciæ humorem attingit, & nihilominus brevior remanet quàm exterior. Ubi ex colore, aut sapore deprehenderis vinum effluxisse, & aquam remansisse aut solam, aut modico adhuc vino permixtam; extrahe fasciam, alioquin & aquam extrahet. Ita docuimus *par. 3. Magia lib. 5. Synsagm. 2. Pragmate 22. ex Porta lib. 18. Magiæ Natural. cap. 4. Cardanus lib. 5. subtilit. & alii, quos sequitur Weckerus, docent primo loco aquam extrahi: sed errant, ob rationem insinuatam.*

Secundus modus. Vasculo ex materia foraminulenta seu porosa, cujusmodi est hedera, confecto infunde vinum aquâ permixtum. Exstillabit post tempus aliquod aqua, vino remanente: nam aqua subtilior est vino, idè óque illi, non huic, transitum concedunt pori vasis. Eundem effectum præstat olla nova vitro non obducta. Ita docuimus ibidem ex eodem Porta. *Plinius lib. 16. Natural. Histor. cap. 35. & Cato apud Portam, ajunt vinum è vase hederaceo exstillare, aquam verò remanere, idq; naturæ hederæ adscribunt, quæ vinum continere nequeat. Sed contrarium decet & ratio, & experientia.*

Tertius modus. Porta loco citato refert ex Democrito, quosdam spongiâ novâ, oleo imbutâ, osculum vasis vinum aquâ permixtum continentis obturare, & vas inclinare; & tunc solam aquam effluere. Rationem assignat, quòd sponsia foraminosa sit, & satis aperta, oleo autem imbuta impediatur nè liquor tam facilè exstillet foras. Quoniam igitur aqua subtilior est vino, illa primò exstillat. Idem *Porta* loc. cit. ex Africano jubet alumen liquidum in dolium vini mittere, & spongiâ oleo imbutâ osculum obturare, ac inclinare ut effluat; atq; solam aquam effluere, eò quòd alumen constringat liquores, ut modicè permeent. *Alios modos lege in Magiâ nostrâ, vel apud*

Portam, locis citatis.

PROPOSITIO X.

Annulum à tumefacto digito avellere.

Docet id Cardanus lib. 13. de varietate rerum cap. 63. his verbis. *Si cui annulus in digito intrusus, digito tumente ita hareat, ut avelli non possit, filum acui indito; sub annulo acum aut filum ducito; parte alterâ filum digito circumvolvito, atq; toties, & adeo diligenter, ut totus nodus ac pars digiti nodum & annulum interjacens filo circumdetur, nec pars ulla videri possit; demum acu subductâ, reliquâ parte circumages filum velociter; ita annulus super filum sensim translatus, nodum superabis, exhibitque. Sed cave nè moram interponas; nam facile digitus adeo intumescet, ut dolore excitato annulus educi nequeat. Filum itaque & longum esse debet, ut parti digiti inter annulum ac nodum circumvolutum, eam totam tegat; & fortè, nè dum inter annulum & digitum circumagitur velociter, rumpatur; & nihilominus subtile, ut per acus subtilis foramen transeat. Præstat itaque ut duplicetur filum, & factâ circa digitum complicatione abscindatur acus; sic enim duplicatum circumagi poterit inter digitum & annulum. Acus cum filo ita duci debet sub annulo, ut foramen acus respiciat digiti initium, cuspis finem.*

Annulum à digito tumefacto avellere.

PROPOSITIO XI.

Vitrum in gyrum à summo ad imum circulariter secare.

Vitrei vasis labrum prius carbone aliquo tange, ac deinde salivâ intinge. Tum qua parte vitrum scissuram aliquam ostendit, incipe sectionem ferro ardente mucronato, aut palmite incenso, qua parte velis secare procedendo.

Vitrum circulariter secare.

Cardanus lib. 13. Varietat. cap. 63. hunc docet modum. Vitrum divides, filum sulphure & oleo imbue, locum circumda, accende, repete, donec locus optimè incaluerit: inde statim filo alio aquâ frigidâ madefacto rursus circumdabis: frangitur enim eo loco, ac si divisum fuerit adamantem. Namq; & adamante certius & exactius dividitur, sed longiore tempore opus est. Et rursus rotâ ancâ & sm. ride.

PROPOSITIO XII.

*Sanguinis fluxum è naribus aut vulneribus
sistere.*

*Sanguinis
fluxum si-
stere,*

Multa sunt quæ sanguinem sistere dicuntur, quæ tamen adhibita sæpe effectu carent. Inter alia est os hippodami, seu equi marini, manu compressum donec incalasciat. Hæmatites item, qui lapis est ferrugineus exteriùs, intus colorem ferri refert, & à sanguine nomen duxit; quem refert *Cardanus lib. de gemmis & coloribus*, sistere sanguinem, etiam ex pulmonibus manantem. Præterea Chrysolithus, qui aurei coloris, gemma est, unde & nomen duxit; quem idem Cardanus ibidem refert sanguinem è vulnere fluentem sistere, si superalligitur. Mirabilem virtutem ad sanguinem sistendum, quam habere dicitur os animalculi in Java Insula, quod sionium vocat Maphæus, Cabim incolæ, deprædicavimus *Par. 4. Magia lib. 4. Syntagm. 2. cap. 7.* Sed his omisissis, accipe non minùs ridiculam, quam facilem sanguinis è naribus fluentis sistendi rationem.

Cum essem Panormi Siciliae urbe primario, vir quidam magni nominis tantam sanguinis copiam, & tam continuò è naribus emittebat, ut nullis artibus, ac remediis, quæ terni, quaternivè præstantissimi Medici à Principe, cui charus erat pateriens, submissi adhibebant, posset sisti. Audiit hoc agricola qui in domo eadem tunc commorabatur, petijtque sibi ut liceret remedium adhibere facile, & prorsus infallibile. Obtento consensu, stabulum ingreditur, & asini stercus calidum strophio involutum, ad patientem defert, nasoque applicat; qui mox ut foetorem inspiravit, fluxus omnis momento temporis cessavit.

ANNOTATIO.

Aliæ alia adhibent remedia, sed profus superstitiosa. Antonius Mizaldus Centuria I. Mirabilium Naturæ Num. 14. ait, *sanguinem è naribus fluentem sisti, si eodem sanguine in fronte illius qui*

qui sanguinem stillat, scribantur hac verba: Consummatum est. Addit id à multis probatum esse. Cardanus lib. 18. Subtilit. narrat sibi contigisse, cum aliquando vulnerato labio sanguis nullâ arte posset cohiberi, pronuntiassè se ter hac verba: Sanguis, mane in me, sicut fecit Christus in se: Sanguis, mane in mea vena, sicut Christus in sua pœna: Sanguis mane fixus, sicut Christus quando fuit crucifixus. His prolatis verbis, ait illic se admirante cessasse Sanguinis effluvium, nescireq; se an verba, an fides profuerint. Causam examinat in libro 2. Contradicientium tract. 2. Nos in Magia nostra Phono-Jatria Par. 2. Magiæ lib. 5. & in Magia Medica Par. 4. Magiæ lib. 4. diximus, verba nudè sumpta nullam vim naturalem habere, ad similes effectus producendos. Superstitiosa ergo est, ut diximus, hæc curatio.

PROPOSITIO XIII.

Argenti vivi mirabiles motus exhibere.

Argentum vivum vitreo, aut lapideo vasculo inclusum, ut non possit respirare, si igni admoveatur, vas disrumpit, & non secus ac pyrius pulvis crepitum edit: immissum verò intra aquam ferventem, mirum in modum huc atque illuc agitur, non sine spectantium, & causam ignorantium admiratione. Experimentum fecit Romæ P. Kircherus in cubiculo domestico, ubi cum intra vasculum incaluisset Mercurius, ad fornicem usque vasculum sustulit, & post librationes aliquot cum fragore diffregit.

Argenti vivi mirabiles motus exhibere.

ANNOTATIO.

Argentum vivum (ut hic illud adducam, licet ad propositionem non spectet) coagulatur succo limonis aut salivâ motisatum; dissolvitur vero iterum, si in aceto elixetur.

Argentum vivum coagulare.

Dd

PRO-

PROPOSITIO XIV.

Candelam in aqua ardentem, aut aquâ inextinguibilem conficere.

*Candelam
in aqua ar-
dentem fac-
ere.*

PLurimas praxes tradidimus in *Magia Pyrotechnica* Par. 4. *Magia nostre*. His unam aut alteram addere lubet. Candelam itaque quæ in aquâ ardeat hoc modo facies. In amphorâ superius stricta, & inferius latâ, pone sextarium vini veteris, & adde uncias duas utriusque sulphuris, hoc est, vivi & mortui, & tantundem aluminis, & salis crassi tantundem. Decoquantur simul, donec parstertia consumatur. Hoc liquore illita candelâ, ardebit in aquâ.

Quod si capillum, vel pannum eodem liquore aspergas, admotâ flammâ ardebit sine detrimento. Idem efficies aquâ vitæ, & aliis modis in *Pyrotechnica* explicatis.

Aliter aquâ inextinguibilem candelam sic efformabis. Li-quet fac terebinthiam simul cum sulphure, & aquâ vitæ, & oleo sulphuris vivi. Misce hæc omnia, & liquore illine candelam, ardebit, nec extingui poterit, donec consumatur.

PROPOSITIO XV.

Pedis & colli humani mensuram è manu conjicere.

*Mensuram
pedis & col-
li humani
è manu con-
jicere.*

Pedis mensuram dat filum, quod à carpo manus incipit, (quo nimirum manus brachio committitur) & digitum medium à radice circumdat, reditque ad eum, unde digressum est, locum. Colli mensuram ostendit filum duplex brachio circumductum in ea parte, quâ manus conjungitur brachio.

PRO.

PROPOSITIO XVI.

De famulo portante poma ad amicum Domini sui.

Duo loca, A & B, distant inter se 30 stadiis. Petrus in A existens, mittit ad Paulum amicum suum, existentem in B, 90 poma, per famulum suum, his conditionibus. 1. ut famulus distribuat poma in tria canistra, ita ut in singulis sint 30: 2. ut per vices eundo ac redeundo canistra ferat, nec plus tamen quam unum canistrum una vice portet: ut in singulis stadiis absumat unum pomum, & ab amico accipiat tot aureos, quot poma ipsi defert. Quæritur, an possibile sit, ut non absumat omnia; & quo ordine sint ferenda, ut ad amicum deferat quam plurima.

Poma condicione de loco in locum portante.

Ferat primò ab A usque ad C, per stadia 20, unum canistrum: Absumet igitur 20 poma, & in C remanebunt 10. Ferat secundò ab A usque ad C, alterum canistrum: Absumet iterum 20, & in C relinquet 10. Ferat tertio ab A ad C tertium canistrum: absumetque denovo 20 & remanebunt 10. Residua ergo erunt in C poma 30. Ferat quarto in C usque ad B, per stadia 10, poma 30: absumet igitur 10, & amico in B dabit 20, ab eoque accipiet totidem aureos.

	10.	10.	10.
A		C	B
30.		10.	20.
30.		10.	
30.		10.	
90.		30.	

Vel aliter sic. Ferat tribus vicibus tres sportulas ab A usque ad C per 10 stadia: absumet ergo singulis vicibus 10, & totidem vicibus relinquet in C 20, ac proinde in universum 60. Hæc 60

<hr/>				
	10.	15.	1.	
	<hr/>	<hr/>	<hr/>	
A		C	D	B
30.	20.	15.		25
<hr/>	<hr/>	<hr/>		
30.	20.	15.		
<hr/>	<hr/>	<hr/>		
90.	60.	30.		
<hr/>				

ferat duabus vicibus ex C in D, per 15 stadia: absumet igitur bis 15, id est, 30; & in D relinquet bis 15, seu 30. Hæc 30. ferat una

vice ex D in B per 5 stadia; absumptis igitur 5. pomis, deferet 25 ad amicū in B.

PROPOSITIO XVII.

De 90. modis frumenti in tribus navibus per 30. telonia deportandis.

*Frumentum
certa condi-
tione de loco
in locum de-
portatum.*

EX præcedenti solutione patet solutio præsentis Propositionis. Nonaginta modi frumenti, distributi æqualiter in tres naves, deportandi sunt per 30 telonia, & in singulis teloniis pro naulo solvendus est unus modius. Quæritur, quomodo instituenda sit navigatio, ut quàm minimùm solvatur? Tribus vicibus ducat tres naves ad decimum telonium. Ibi ergo absumpserit modios ter 10, id est 30, & remanebunt ter 20, id est 60. Hos 60 modios impositos duabus navibus, devehat duabus navigationibus, per alia quindecim telonia, usque ad 25 telonium: absumet igitur bis 15, seu 30, & remanebunt 30 modii. Hos 30 modios uni navi impositos devehat unicâ navigatione per quinque residua telonia; absumet igitur 5, & retinebit 25.

PROPOSITIO XVIII.

De portante 100. margaritas decem vicibus per 10. milliaria.

*Margaritæ
certa condi-
tione de loco
in locum
portare.*

Margaritæ 100 deportandæ sunt 10 vicibus per 10 milliaria, & in singulis solvenda est una pro vectigali. Quomodo procedendum, ut supersint aliquæ? Primò portet decem vicibus 10 margaritas ad 2 milliaria, nim. ab A usque ad B: perdet igitur in B 20 margaritas, & retinebit 80. Has ferat aliis octo vicibus ad 8 milliaria, nempe à B in C: perdet igitur in C 64 margaritas, & remanebunt 16.

A	2	B	8	C
A	8	B	5	C

Aliter

Aliter cum majori lucro. Deportet illas dicto modo primò per 5 milliaria, & postea per alia 5: remanebunt post prima itinera margaritæ 50; post secunda verò itinera remanebunt 25.

PROPOSITIO XIX.

Dividere equaliter doliolum octo amphorarum vini, ope duorum doliolum vacuum, quorum unum capax est quinque, alterum trium amphorarum.

Sunt tria dolia, A, B, C, quorum primum A continet ampho-
rarum vini 8, secundum B 5, tertium C 3. Primum est plenum, duo reliqua sunt vacua. Dividendæ sunt octo illæ amphoræ in duas æquales partes, ita ut tam in A, quam in B, sint quatuor amphoræ, idque ope duorum doliolum B & C. I. Ex A impleatur C, & C evacuetur in B; eruntque in B tres amphoræ. II. Ex A impleatur iterum C, & C evacuetur in B; eruntque in B quinque amphoræ, & una in C. III. Evacuetur B in A; & C in B, eritque in B una amphora. IV. Ex A repleatur C, & C evacuetur in B; eruntque in B quatuor amphoræ (nam antea continebat unam,) & in A remanebunt totidem.

*Doliolum octo ampho-
rarum æ-
qualiter
certâ condi-
tione divi-
dere.*

A.	B.	C.
8.	5.	3.

PROPOSITIO XX.

*Dividere dolium 12. amphorarum equaliter, ope duorum, quorum unum 5, alterum 7 ampho-
rarum est capax.*

Doliolum A sit plenum, & contineat 12 ampho-
ras: B & C sint vacua, & B contineat 7, C 5 am-
phoras. Divisio facienda est, ut in A remaneant 6, &
in B totidem amphoræ.

A.	B.	C.
12.	7.	5.

*Dolium
duodecim
amphorarum
certâ condi-
tione divi-
dere.*

I. Ex A impleatur c, & effundatur in B; iterumque ex A impleatur c, & effundatur ex c in B quod potest, eruntque in A amphoræ 2, in B 7, in C 3. II. Refundatur B in A, & c in B; eruntque in A 9, in B 3 amphoræ. III. Iterum ex A repleatur c, & ex c effundatur in B quod potest; eruntque in A 4 amphoræ, in B 7, in C 1; IV. Refundatur B in A, & c in B; eruntque in B 1 amphora, in A vero II. V. Tandem ex A repleatur c, & effundatur in B; eruntque tam in A, quam in B 6 amphoræ.

PROPOSITIO XXI.

*Res triginta tali ordine disponere, ut nonam quamq;
rejiciendo sola maneant quæ placent.*

*Res aliquas
tali ordine
disponere, ut
fortissime e-
jiciantur
quæ volun-
t.*

Sunt in navi aliquâ nimis onustâ, & ob marinos fluctus periclitante, 30 vectores, quorum 15, sunt Christiani, reliqui Turcæ; vultque navarchus Christianus, ad navim exonerandam, partem dimidiam in mare projicere, cupitque ita illos disponere, ut nonum quemque in ordine ejiciendo, soli Turcæ præcipitentur, & Christiani remaneant. Fiet id, si à Christianis incipiendo, tot collocet in ordine alternatim Christianos ac Turcas, quorum inter quinque vocales locum tenet quælibet vocalis hujus versus: *Populeam virgam mater regina tenebat.* In quo versu prima vocalis o tenet quartum locum, secunda u quintum, tertia e secundum, quarta a primum, &c. Collocabit igitur primo loco quatuor Christianos, secundo quinque Turcas, tertio duos Christianos, quarto unum Turcam, &c. Dispositi ergo erunt, prout in sequenti serie apparet, in qua c significat Christianos, t Turcas, cccc ttttt cc t ccc t c tt cc ttt c tt cc t. Si itaque incipiat à primo c numerare novem, finietur numeratio in quinto t; post quod si pergat numerare iterum novem, cadet finis numerationis in octa-

vam t, &c.

ANNO.

ANNOTATIO.

Silicet sit numerus rerum, & lubeat rejicere quoscunque quotopla-
 cet loco, v. g. ex rebus 24 octavam quamque, donec remaneant
 sex; dispone in una serie 24 calculos, aut scribe 24 virgulas, & inci-
 piendo numerare à primâ dele semper octavam, donec sex tandem su-
 persint; & videbis quo ordine disponenda sint res: nam eo loco quo
 reperiuntur virgula deleta, collocari debent res rejicienda. Sic si es-
 sent in navis 30 Judæi, & 2 Christiani, vellesq; ejicere septimum
 quemque, donec 16 fuissent precipitati; scies quo loco Christiani sint
 collocandi, si dicto modo scripseris 32 virgulas, & septimam quamque
 deleveris, donec deletæ fuerint 16.

PROPOSITIO XXII.

Cæcum docere ut scribat.

Tabula ænea cavis litteris ordine Alphabeti cæletur: in eâ
 cæcus stylum per singula deducat elementa, memoriâ te-
 nens illorum ordinem, donec longâ edoctus consuetudine cala-
 mo discat eadem exarare. Ita Cardanus lib. 17. *Subtilis*. ubi refert
 ex Erasmo, aliquot, etsi magno labore, rectè tamen sic scribere
 didicisse. Indiget res hæc assiduo primùm monitore, longâque
 consuetudine. Et quantò stylus acutior fuerit, & littura seu cæla-
 tura tenuior, eò facilius & melius discunt.

*Cæcum do-
 cere scribere.*

ANNOTATIO I.

Citato loco refert Cardanus, vidisse se quempiam, qui cum bra-
 chiiis omnino careret, dextro pede hastam vibrabat, & ad scopum
 collimabat, suebat vestem, edebat, scribebat, & in acum filum immi-
 tebat. Olavus Wormius etiam in Museo Wormiano lib. 4. cap.
 12. testatur, fuisse Hafnia Danorum feminam quandam Anglam, bra-
 chiiis destitutam, qua calamo scriptorio ore apprehenso, se vidente, his
 litteris nomen suum in charta expressit: ELISABETH SIMSON. Anno
 1620. Ore prætereane vixisse eleganter, filum linguâ acui intrussisse, alia-
 que multa ore præstitisse, qua aliis manibus solent. Idem Wormius:

*Scribentes
 sine mani-
 bus.*

ibidem

ibidem refert, habere se in Musæo suo membranam, in qua totus Catechismus Germanico idiomate, Anno M. DC. XLVI. exaratus fuit à quodam Ioanne Kuhn, ætatis Anno XLI. qui in quavis manu unicum tantum habebat digitum, litteris satis eleganter depictis, tam minio, quam atramento. Vide plura exempla in Physica Curiosa lib. 3.

ANNOTATIO II.

Qua ratione surdus monochordo exhibere possit omnes consonantias, aliæque, quævis intervalla musica: item qua ratione mutus, imò surdus & mutus docere possit musicas consonantias, si nimirum monochordum successivè attemperet in omnes consonantias, & chorda pulsata sonum imitari jubeat discipulum; docuimus ex Bettino Pat. 2. Magiæ lib. 6. Syntagm. 2. Pragmat. 1.

PROPOSITIO XXIII.

*Metiri altitudines perpendiculariter erectas,
ex umbra ipsarum.*

*Vide
Icon. XV.
Fig. I.
Metiri alti-
tudines um-
bræ.*

Sit mensuranda altitudo perpendicularis AB , v. g. turris, columna, arbor, domus, &c. I. Sole lucente erige perpendiculariter baculum DE cujuscunque longitudinis, divisum in decem æquales partes, & vide quot alium partium sit umbra ejus EF ; sitque v. g. octo partium. II. Metire umbram BC turris in pedibus, quæ sit 40. pedum v. g. III. Dic per regulam Proportionum, quam regulam Trium Arithmetici vocant: Umbra EF 8 partium, dat altitudinem ED 10 partium; quid dat umbra BC 40 pedum? Factâ operatione, quotus dabit 50 pro altitudine AB . Ratio est, quia duo triangula ABC , DEF , sunt æquiangularia, ut considerantipaset, ac proinde habent latera circa æquales angulos proportionalia, ideoque, per Proposit. 4. lib. 6. Element.

Euclid. ut FE ad ED , ita est CB
ad BA .

ANNO-

Fig. I





Fig. II.



ANNOTATIO.

PRO baculopotes uti filio in 10 æquales partes diviso, annexum habente pondus: sic enim filum manu teneas, ut pondus leviser terram contingat & videas quot partium sit umbra fili, & quot pedum umbra altitudinis erectæ; idem invenies per Regulam Trium. Potes etiam in asserculo describere ex uno eodemque centro multos circulos, æqualiter inter se distantes, & in dicto centro erigere perpendiculariter stylum in 10. æquales partes divisum,

Aliter idem efficere sine arithmetica. Sit ut antea altitudo AB , quæ projiciat umbram BC . I. Erige perpendiculariter baculum DE longum præcisè uno pede; qui projiciat umbram EF . II. Accipe alium baculum æqualem umbræ EF , illoque metire umbram BC turris. Dico, quoties hic secundus baculus EF continetur in umbra BC , toties primum baculum DE contineri in altitudine AB . *Ratio est eadem qua antea.*

PROPOSITIO XXIV.

Metiri latitudinem fluvii, aut fossæ, sine instrumentis geometricis.

Primò pileo. Sit mensuranda latitudo AE fluvii. I. Stans erectus ad A ripam fluvii, respice ad alteram E , & pileum capiti impositum tam diu deprime, donec radius visualis ex oculo tuo egrediens, & ad ripam alteram E terminatus, radat extremum limbum pilei. II. Manente eodem corporis erecti situ, vertete, & in planitie nota signum D in quod terminatur idem radius visualis. III. Metire spatium inter A & signum D notatum; huic enim æqualis erit latitudo fluvii. *Rem melius intelliges ex sequenti praxi.*

Vide
Icon. XV.
Fig. II.

Secundò, baculo & bacillo. Sit, ut antea, mensuranda latitudo AE . I. Ad ripam A fluminis erige perpendiculariter baculum AB ; & fissura factâ in B , impone ei bacillum BC . II. Applicato oculo ad F , respice supra dorsum bacilli, cumque tam

Vide
Icon. XV.
Fig. III.

$E c$

diu

diu intra fissuram eleva ac deprime, donec radius visualis cadat in alteram ripam ϵ . III. Immo to manente angulo cba , verte baculum, & per bacilli dorsum fc respice in d . Distantia a d erit æqualis latitudini a ϵ fluminis.

Vide
Icon. XV.
Fig. IV.

Tertiò *umbrâ*. I. Stans ad ripam a , erige perticam ac deprime tam diu, donec extrema umbra ipsius cadat in ϵ . II. Recede versus d cum pertica ut antea erecta; donec extrema umbra ipsius cadat in a . Spatium da , erit æquale spatio a ϵ .

PROPOSITIO XXV.

*Utrum annus propositus sit Bissextilis,
invenire.*

*Annus bis-
sextile in-
venire.*

NUMERUM anni propositi à Christi Nativitate divide per 4, si nihil remanet, annus est Bissextilis: si remanent 1, est primus annus post Bissextilem: si 2, est secundus: si 3, est tertius. Quotus indicat numerum annorum Bissextilium post Christi Nativitatem elapsorum. **EXEMPLUM.** Annum Christi 1660, divide per 4; reperies in Quoto 415, & nihil remanet; est ergo annus prædictus Bissextilis. Si annum 1661 divides per 4, remanet 1; quod signum est eum esse annum primum post proximè elapsum Bissextilem. Si præsentem annum 1662, per 4, divides, remanent 2; Igitur est secundus post ultimum Bissextilem. *Ratio hujus praxis est, quia annus primus aë Christiana fuit primus post Bissextilem. Vide quæ diximus in Cursu Mathem. lib. 10. par. 4. reg. 1. & 2. Regula hac servit pro utroque Calendario.*

PROPOSITIO XXVI.

*Aureum numerum quovis anno proposito
invenire.*

*Aureum
numerus
invenire.*

ANNIS Christi propositis addatur 1, & summa dividatur per 19; residuum erit aureus numerus anni propositi. Si nihil rema-

remanet, erit aureus numerus 19. Quotus ostendit numerum cyclorum integrorum ab anno æram Christi proximè præcedente usque ad propositum elapsum. **EXEMPLUM.** Sit propositus annus Christi 1659 : Adde 1, fiunt 1660 : hæc divide per 19, habebis pro residuo 7, pro Quoto verò 87. Aureus ergo numerus anni Christi 1659, est 7; & elapsi sunt à Christo nato 87 integri cycli Lûnares. *Vide qua diximus loc. cit. Reg. 3. Regula servit pro utraque Calendario.*

PROPOSITIO XXVII.

Epaetam veterem quovis anno invenire.

Aureus numerus anni dati ducatur in 11 ; productum dividatur per 30 ; residuum divisionis indicat Epaetam quaesitam ; si nihil residuum est, Epaeta erit 30. **EXEMPLUM.** Cupio scire Epaetam veterem anni 1659. Aureus numerus est 7, ut vidimus ; quo ducto in 11, producuntur 77 ; his per 30 divisus, restant 17 pro Epaeta dicti anni. *Vide qua diximus loc. cit. Regula 10.*

*Epaetam
veterem in-
venire.*

PROPOSITIO XXVIII.

Epaetam novam quovis anno reperire.

AB Epaeta veteri detrahantur dies quibus Calendarium vetus superat novum (qui sunt toto hoc sæculo 1600, usque ad sequens sæculum 1700, dies decem ; deinceps verò erunt plures, ut diximus loc. cit. Reg. 4.) additis 30, quando subtractio fieri nequit ; quod remanet, erit Epaeta nova quaesita. **EXEMPLUM.** Volo scire Epaetam novam anni 1659. Epaeta vetus est 17, ut vidimus ; dies quibus Calendarium novum à veteri discrebat, sunt 10 : his subtractis ab 17, remanent 7 pro Epaeta nova prædicti anni. *Vide qua diximus loc.*

cit. Reg. 11.

*Epaetam
novam in-
venire.*

PROPOSITIO XXIX.

*Ætatem Lunæ quovis die mensis invenire.**Lunæ ætatem invenire.*

Numerus Epactæ currentis anni, numerus dierum currentis mensis, & numerus mensium à Martio inclusivè elapsorum, addantur in unam summam; si summa resultans est minor quàm 30, indicat ætatem Lunæ illo die; si major, abjiciantur 30, & residuum indicat ætatem Lunæ. In Januario tamen, & Februario, aut non addendus est numerus mensium à Martio elapsorum, aut assumenda Epacta anni præcedentis. **EXEMPLUM.** Volo scire ætatem Lunæ diei 25 Aprilis anni 1659. Epacta est 7, & Aprilis est mensis secundus à Martio. Addantur igitur 7, 25, & 2, fiunt 34; & abjectis 30, remanent 4: Igitur die 25 Aprilis erat dies quartus Lunæ, id est, quartus dies à Novilunio. *Vide qua diximus loc. cit. Reg. 21. Hæc regula indicat diem ætatis Lunæ præter propter, & quidem semper diem completum.*

PROPOSITIO XXX.

*Novilunium quovis mense invenire.**Novilunium invenire.*

Adi ætatis Lunæ numerum retrò usque ad unitatem, aut possè usque ad triginta; & habebis diem novilunii antecedentis, aut subsequenteris.

Aliter. In Januario subtrahæ Epactam anni currentis ex 30, in Februario & Martio adde Epactæ eidem 1, in Aprili 2, in Maio 3, in Junio 4, &c. & summam subtrahæ ex 30; si summa subtrahenda major est quàm 30, subtrahæ illam ex 60: residuus numerus indicat diem novilunii mensis currentis.

Monitio ad Lectorem.

Dum hæc scribo, moneor de errore enormi deprehensum in Cursu Mathematico Lib. II. Par. 4. Regula 19. ubi habetur, proximam se-

riam quartam post Dominicam Septuagesima esse Diem Cinerum. Erroris causa est Typotheta, qui lineam integram in ea Regula omisit; quod dum imprimeretur, non fuit à Correctore notatum. Sic ergo debet corrigi.

A termino Paschali, seu à XIV. Luna in Calendario inventa, descendatur usq; ad proximam Litteram Dominicalem, & incidetur in diem Pascha. Ab hoc si numerentur retro in antecedentia hebdomata 9, incidetur in Dominicam Septuagesima; quam sequitur Dominica Septuagesima; tum Quinquagesima; post quam proxima feria quarta est dies Cinerum, &c.

PROPOSITIO XXXI.

*Numerum Indictionis quolibet anno
regerire.*

ANnis Christi addantur, & summa dividatur per 15, eritque residuum numerus Indictionis currentis. Si nihil remanet, Indictio est 15. **EXEMPLUM.** Cupio scire numerum Indictionis anni 1659: addo 3, & confio 1662; quibus divisus per 15, restant 12, pro numero quaesito. *Vide qua diximus loc. cit. Regula 7.*

*Indictionem
invenire.*

PROPOSITIO XXXII.

Qui menses habeant dies 30, aut 31, invenire.

Pollicem, medium, & auricularem manus sinistrae erige, reliquos duos digitos deprime. Deinde pollicis attribue Martium, indici Aprilem, medio Majum, annulari Junium, auriculari Julium, iterumque pollicis Augustum, indici Septembrem, medio Octobrem, annulari Novembrem, auriculari Decembrem, tandemque pollicis iterum Januarium, indici Februarium. Menses qui cadunt supra digitos erectos, habent dies 31; qui verò cadunt supra digitos depressos, habent dies 30, ex-

*Mensis quilibet quos
dies habeat,
invenire.*

Ec 3:

cepto

cepto Februario, qui in anno communi habet dies 28, in anno Bissextili dies 29.

PROPOSITIO XXXIII.

Litteram Dominicalem veterem invenire.

*Litteram
Dominica-
lem veterem
invenire.*

A Nnis Christi propositis addantur 5, & numerus Bissextorum præteritorum per Propositionem 25 repertus; summa dividatur per 7; residuum subtrahatur ex 8; vel si nihil restet, subtrahantur 7 ex 8; reliquum indicabit litteram Dominicalem quaesitam: nam 1 significat litteram A, 2 litteram B, 3 C, 4 D, 5 E, 6 F, 7 G. **EXEMPLUM.** Cupio scire litteram Dominicalem veterem anni 1659: addantur 5, & numerus Bissextorum præteritorum 414; eritque summa 2078; quâ per 7 divisâ, restant 6: subtractis ergo 6 ex 8, remanent 2; quod signum est, litteram B esse Dominicalem anni dati.

ANNOTATIO.

I N anno Bissextili littera Dominicalis per hanc Regulam inventa indicat diem Dominicam solum usq, ad 25 Februarij, post quem assumenda est proximè præcedens, nempe in casu proposito littera A. Vide quæ diximus loc. cit. Reg. 12.

PROPOSITIO XXXIV.

Litteram Dominicalem novam invenire.

*Litteram
Dominica-
lem novam
invenire.*

E X summa annorum Christi, Bissextorum, & quinque, tollantur dies quibus Calendarium vetus superat novum; reliquum dividatur per 7; quod restat, subtrahatur ex 8; vel si nihil restat, subtrahantur 7 ex 8; eritque residuum index litteræ Dominicalis novæ. **EXEMPLUM.** Cupio scire litteram Dominicalem novam anni 1659: addantur ipsi 414, & 5; & ex summa 2078. tollantur 10, remanent 2068; quibus per 6 divisus, restant 3; his ab 8 subtractis, remanent 5. Ergo littera Dominicalis nova est E. Vide quæ diximus loc. cit. Reg. 13.

PRO.

PROPOSITIO XXXV.

Calendas Nonas, & Idus in diebus ordinariis mensium memoriter exhibere; & è contra hos ab illis denominare.

SCiendum quot quilibet mensis habeat dies, quot Nonas, & quot Idus: item quibus diebus mensium sit initium Calendarum, Nonarum, ac Iduum. Antiqui Romani, quos etiam nunc sequuntur docti, primum ejusque mensis diem vocant Calendas, dein quintum, aut septimum Nonas, demum decimum tertium, aut decimum quintum Idus; reliquos verò dies retrogrado ordine à Nonis, Idibus, & Calendis denominant. Nonæ in Martio, Majo, Julio, & Octobri incipiunt die septimo, in reliquis mensibus die quinto; unde quatuor prædicti menses habent 6 dies ante Nonas, reliqui verò habent quatuor dies. Initium Iduum in omnibus mensibus est de octo diebus post initium Nonarum. Post Idus reliqui dies à Calendis sequentis mensis denominantur. His suppositis.

*Calendas
Nonas, &
Idus memo-
riter scire.*

I. Si dies propositos in illis mensibus, qui quatuor Nonas habent, subtraxeris ex 6, in illis verò, qui sex Nonas habent, ex 8; relinquuntur Nonæ quæsitæ. Si contrâ Nonas propositas ex 6 aut 8 subtraxeris, relinquuntur dies quæsitæ. Sic quartus dies Octobris est 4 Nonas Octobris, quia 4 ex 8 subtractis relinquuntur 4: contrâ verò quintus Nonas Octobris est dies tertius Octobris, quia 5 ex 8 subtractis relinquuntur 3.

II. Si dies propositos in illis mensibus, qui quatuor Nonas habent, subtraxeris ex 14, in reliquis ex 16; relinquuntur Idus quæsitæ: contra verò si Idus propositas subtraxeris ex 14, vel ex 16, relinquuntur dies quæsitæ. Sic nonus dies Octobris est 7 Idus Octobris, quia 9 ex 16 subtractis relinquuntur 7; contra verò sextus Idus Octobris cadit in diem decimum Octobris, quia subtractis 6 ex 16, relinquuntur 10.

m si

III. Si dies propositos subtraxeris ex summa facta ex numero dierum mensis dati, & 2, relinquuntur Calendæ mensis sequentis : si contrā Calendas propositas subtraxeris ex eadem summa, relinquuntur dies mensis præcedentis. Sic dies 24. Octobris cadit in 9 Calendas Novembris, quia 24 subtractis ex 33, hoc est, ex summa dierum Octobris & binario, remanent 9 : contrā verò 9 Calendas Novembris cadit in 24 Octobris, quia 9 subtractis ex 33, restant 24. *Vide quæ diximus loc. cit. Reg. 20.*

PROPOSITIO XXXVI.

Quo die cujuslibet mensis Sol in signa Zodiaci ingreditur, agnoscere.

Solis ingressum in signa Zodiaci agnoscere.

ORdo signorum duodecim Zodiaci his duobus antiquis etiam usitatis versibus exprimitur :

*Sunt Aries, Taurus, Gemini, Cancer, Leo, Virgo,
Libra, Scorpius, Arcitenens, Capre, Amphora, Pisces.*

In Arietem Sol ingreditur in Martio, in Taurum in Aprili, in Geminos in Majo, &c. Quo autem cujuslibet mensis die id fiat, docent sequentes versus :

Inclita Laus Iustis Impenditur : Hæresis Horret :

Grandia Gesta Gerens Felici Gaudet Honore.

In his versibus sunt 12 dictiones, quarum prima deputatur Januario, secunda Februario, tertia Martio, &c. & ratione habetur tantum primæ cujuslibet dictionis litteræ : si enim numerus, quem prima littera in Alphabeto habet, subtrahatur ex 30, restat dies quo Sol signum ingreditur. Sic quia tertia dictio primi versus præcedentis deputatur Martio, & in Martio Sol ingreditur in Arietem, primaque littera tertiæ illius dictionis est I, quæ nonum locum in Alphabeto obtinebit ; si subtrahantur 9 ex 30, remanent 21 : Sol ergo ingreditur in Arietem 21. Martii.

PROPOSITIO XXXVII.

Locum Solis in Zodiaco invenire quolibet die.

SI scire cupis in quo loco Zodiaci, hoc est, in quo signo, & in quoto gradu signi sit Sol quolibet die mensis; discce primò ex præcedenti Proposit. quo mense, & quo die mensis, Sol quolibet signum Zodiaci ingreditur. Deinde adde numerum illum, quem prima littera posteriorum versuum in Alphabeto habet, diebus propositis mensis dati, & dabit summa gradum signi quæsitum. Quòd si summa superet 30, abjiciantur 30, & residuum indicabit gradum. **EXEMPLUM.** Cupio scire, ubi Sol versetur die 29 Septembris. Mense Septembris respondet vox, *Gerens*, estque ejus prima littera G septima in Alphabeto. Addo ergo 7 ad 29, & habeo 36; abjectis 30, restant 6; igitur Sol 29 Septembris est in sexto gradu Libræ. Die verò tertio Septembris Sol est in decimo gradu Virginis, &c.

*Solis locum
in Zodiaco
invenire*

PROPOSITIO XXXVIII.

Locum Lunæ in Zodiaco invenire quovis die.

Duplicetur ætas Lunæ, hoc est, dies à novilunio præcedente usque ad diem, pro quo locus Lunæ quæritur, elapsi; duplicatum dividatur per 5, & dabit quotus signa, residui verò sextuplum gradus quibus Luna à Sole distat. **EXEMPLUM.** Cupio scire in quo loco fuerit Luna die 18 Octobris anni 1618. Sol die 18 Octobr. est in 24 gradu libræ; novilunium præcedens cadit in primum Octobris, ergo ætas Lunæ fuit tunc dierum 17, nam à primo Octobris usque ad 18, sunt dies 17; duplum 17 est 34; quod per 5 divisum, reddit 6, & restant 4; quorum sextuplum facit 24 : si ergo à loco Solis secundum signorum seriem

*Lunæ lo-
cum in Zo-
diaco inve-
nire*

F f

nume-

numeravero sex signa, & 24 gradus, incidam in 18 gradum Tauri, in quo Luna dicto die versabitur.

PROPOSITIO XXXIX.

Aquam ex uno montis latere, per verticem, in alterum latus deducere.

*Vide
Icon. XVI.
Fig. I.
Aquam per
montis ver-
ticem dedu-
cere.*

SIt mons $A B C$, & fons in A , cujus aquam per verticem B velis deducere in locum C , qui sit humilior quàm A . Fac tubum, qui à fonte A per verticem B pertingat usque ad C , cujus unum orificium sit immersum fonti A , alterum desinat in C , & in vertice habeat epistomium B . Obtura utrumque orificium, & per B imple tubum aquâ, ac diligenter claude B . Aperi deinde simul utrumque orificium; defluetque aqua ex C ; & nè detur vacuum in tubo, sequetur aqua ex A , nec cessabit fluxus, quàm diu orificium A immersum fueris aquâ.

ANNOTATIO.

SCiendum tamen, praxin hanc non succedere nisi in exigua aliqua machina. Unde si per montem aliquem verum deducere ex uno in alterum latus aquam prædicto modo tentabis, oleum & operam perdes. Causa est, quia aqua propter metum vacui, vel potius propter pressionem aeris incumbentis, non potest elevari nisi ad certam ac determinatam altitudinem, ut in *Mechanica Hydraulico pneumatica* insinuvimus, & dicemus in *Technica Curiosa* lib 4. Scrivit hoc Excellentissimus Dominus, & in *Mathematicis* insigniter versatus, Dn. Baro Würtz, Suedica Corona Generalis, & Pomerania Gubernator, cum Stockholm in Suecia nescio quis Ingeniarius afferisset, velle se prædicto officio aquam ex uno montis, in dicta Urbe siti latere, per verticem, ad latus alterum deducere. Negavit dictus Excellentissimus Dominus id fieri posse. Deposuit uterque coram Serenissima Regina Christina mille ducatos, qui victori cederent. Tentata res fuit ab altero, & omni studio procurata, sed vano labore. Vicit ergo Excellentissimus Baro, & manifestum omnibus fecit, quid discriminis inter verum ac solidum mathe-


Fig. II.



Fig. I.



Fig. III.



Mathematicum, interq; nudum Mechanicum intercedat. Hac ex ore Excellentissimi Domini Habai, Sueciae Corona Consilarii, & per Franciam. Tractumq; Rheni Legati. Cum hac limitatione intelligenda sunt quae scripsimus in Mechanica Par. I. Protheor. 4. cap. 2. Propositione. II.

PROPOSITIO XL.

Dolium per os inferius, ubi epistomium est, implere.

Sit dolium A , implendum per os B . Infige ori B tubum curvum $B C D$, cujus crus $C D$ altius sit quàm dolium. Si per D vinum infundas, replebis dolium. Si rubus $B C D$ vitreus ac transparenterit, poteris deprehendere quò usque præcisè dolium sit exinanitum: nam vinum effluens ex B , ad tantam altitudinem ascendet in crure $C D$, ad quantam ascenderit in dolio.

*Vide
Icon. XVI,
Fig. II.
Dolium per
os inferius
implere.*

PROPOSITIO XLI.

Fontem Herois construere.

Fiat vas vitreum aut stanneum $A B C D$, diaphragmate seu interstitio $E F$ discriminatum in duas partes, cujus operculum $A B$ sit instar pelvis nonnihil concavum. Fiant deinde tres tubi angustii ex cupro, aut stanno, plumbovè, utrimque aperti; nempe primò tubus $G H$, qui transeat per operculum $A B$, & per diaphragma $E F$, ac fundum $C D$ non attingat: secundò tubus $I K$, transiens per diaphragma $E F$, & operculum $A B$ suprà non attingens: tertio tubus $L M$, transiens per operculum $A B$, & desinens in angustissimum osculum M , ac diaphragma $E F$ non attingens. Vas $A B E F$ impleatur aquà per foramen N operculi, quod deinde diligenter claudatur. His factis, si vis ut saliat fons, infunde scyphum aquæ supra operculum; quæ per tubum $G H$ descendens expellet aërem ex vase $E F C D$, per tubum $K I$, in vas $A B E F$; aër verò premens aquam dicti vasis $A B E F$, expellet ipsam per tubum $L M$ in altum; hæc relabens in operculum, descendet per $G H$, & tam diu animabit fontem in saltum, quàm diu fuerit aqua in vase $A B E F$.

*Vide
Icon. XVI,
Fig. III.
Fontem Herois
construere.*

ANNOTATIO.

Tubus *GH* debet esse longior quam *LM*. *Cessante saltu, & vase* *BCD* impleto, potest de promi aqua per epistomium *D*, & iterum impleri vas *ABEF* per foramen *N*. Potest ita inverteri fons, ut aqua vasis *BCD* defluat per tubum *KI* in vas *ABFE*. Vocatur fons Heronis ab auctore, qui fuit Hero Alexandrinus.

PROPOSITIO XLII.

*Quem quis numerum, abjectis aliis, retine-
rit, divinare.*

*Divinare
quem quis
numerum,
abjectis ali-
is, retine-
rit.*

UT facilis ac brevius rem explicem, eam per modum dialo-
gi inter Magistrum ac Discipulum proponam. *Magister.*
Accipe tibi secretò numerum quem libuerit. *Discipulus.* Accepi.
M. Totidem tibi dat Cicero. *D.* Accepto. *M.* Ego tibi do
quantum jam habes. *D.* Accepto etiam. *M.* Junge omnes nu-
meros in summam. *D.* Junxi, & habeo 20. *M.* Dimidium abji-
ce. *D.* Abjeci. *M.* Redde suum Ciceroni. *D.* Reddidi. *M.*
Remanent tibi quinque. *D.* Ita est; sed quomodo id scire po-
tuisti? *M.* Quia servato hoc ordine, semper remanet tibi dimi-
dium illius quod ego tibi dedi, quodcumque illud sit, sive 10, sive
12, &c. quia itaque acceperas 5, & acceptis à Cicerone totidem,
habebas 10; & acceptis 10 à me, habebas 20: si auferas dimidium
remanet tibi id quod ego dedi tibi: cujus dimidium acceperas à
Cicerone, & alterum à te.

ANNOTATIO.

Hanc regulam inveni inter secreta manuscripta P. Kircheri. Non
est tamen univ ersalis. Talem sic ego reddo. Accipe numerum
quemcumque, ut 6: adde totidem, habes 12: quantum habes, tibi do;
habes 24. Quid cum mihi manifestus, ego abjicio dimidium, &
dimidium dimidiis, & habeo numerum à te
acceptum.

PROPOSITIO XLIII.

Animalium quorundam speciales proprietates, & ex ijs Secreta varia.

I. SI juvenum naribus & ore obstructis fuste percussum occideris, & in umbra ramis coopertum posueris; apium examina nascentur eximia.

*Animalium
speciales
proprietates.*

II. Si chelas demas cancro, & corpus reliquum terræ mandes; exibat scorpheus.

III. Pili è caudis equorum in aquam pluviam fossis ac scrobibus exceptam decedentes, animantur, & in graciles ac longos vermes convertuntur. Ipsemet vidi non semel Panormi in Sicilia.

IV. Ex equorum cadaveribus nascuntur crabrones; & ex asinis vespæ.

V. Lupi si hominem vident, raucedinem inducere creduntur, ita ut clamare homo nequeat. Causam adsignant hanc, quòd lupo voracissimus est, & tantum cibi, si copia suppetat, sumit, quantum tribus diebus sufficit; cumque os aperit, aërem proximum inficit halitu suo indigesto & crasso, insectus autem aëralium inficit, donec ad hominem perveniat, eumque raucum reddat, juxta illud Virgilianum: *Lupi Merim videre priores*. Cardanus lib. 18. de Subtilit. ait, Causam hujus rei esse in oculis Lupi, qui habeant quid homini aversum, quo spiritus cohibetur, nec potest fieri violenta illa spiritus exsufflatio quæ ad vocem necessaria est. Hic tamen effectus raucedinis non semper in homine viso à lupo contingit, uti experientia constat; ideo fortassis, quia aut non semper indigestum halitum efflat lupo; aut quia non semper homo est intra activitatis sphaeram constitutus. Et hæc fortassis causa est, cur vulgò credatur, hominem prius à lupo visum reddi raucum, non verò si ipse prius lupo videatur.

VI. Lupum ajunt maximè lapides extimescere. Quare si quando per lapidosa saxa cogatur ire, suspensio incedit gradu: & si lupo viso lapides complodas, fugit. Causa fortassis est natu-

ralis antipathia, inde orta, quòd læsus lapidis ictu, vermes gignit
gæthales. Plura dedimus in Physica Curiosa lib. 7.

PROPOSITIO XLIV.

Muscas & culices arcere, aut capere.

*Muscas &
culices arce-
re.*

Muscæ non lædunt equum, si equi pilos madefeceris succo
foliorum cucurbitæ.

Reticulis è filo ferreo aut lineo fenestræ oppansis arcentur
muscæ & culices; timent enim nè alas implicant. Hoc remedio
passim Siculi utuntur in æstate.

Spongia aceto imbuta, si ex fastigio domus suspendatur, omnes
culices allicit, ut congregati demergi queant.

PROPOSITIO XLV.

*Apum examen in montibus aut sylvis invenire, aut
ex arborum cavitatibus elicere.*

*Apum exa-
mina in syl-
vis inveni-
re.*

Si apum examina in montibus aut sylvis invenire cupis, vade
ad vicinos rivulos aut lacunas, è quibus apes bibunt; cape
nonnullas, & intra fistulam conclude; dimitte unam, eamque
avolantem sequere, volat enim versus cavitatem suam; si eam
perdideris antequam cavitatem deprehendas, dimitte alteram,
tum tertiam, ac reliquas, donec unam ad cavitatem suam se re-
cipientem videas.

Examen apum ex arboris cavitare citra ullum arboris detri-
mentum sic elicies. Fistulam ex canna, aliavè materia elabora-
tam accipito, tantæ capacitatis, ut uni api ingressum facilem
præbeat: in altera ejus extremitate setas aliquot uno aut duo-
bus digitis longas intus adglutinato, candemque extremitatem
intra cavitatem immittito, curatoque nè aliundè quàm per fi-
stulam apes exire è cavea queant: sic enim exeuntes singulatim
apes, eò unde egressæ fuerunt, redire non poterunt, impediante
scilicet regressum setarum asperitate. Longè tamen melius erit,
leve aliquid foramini oppandere, quod exeunte apiculâ a-
periat, & egressâ claudatur, nè redi-
re queat,

PROPOSITIO XLVI.

Serpentes capere, aut fugare.

Serpentes vini incontinentes sunt, ideo aliqui vino in fistillis ad sepes deposito venantur; ebrii enim capiuntur.

Serpentes capere, aut fugare.

Serpentes fugiunt e loco, ubi absinthium, aut artemisiā, aut abrotinum circa cum plantaveris, aut melius fraxini cineribus locum consperferis.

Succo etiam radiculae seu raphani perunctis manibus, tuto tractari posse serpentes ajunt. Vide Proposit. ultimam hujus Centuriae.

PROPOSITIO XLVII.

Pulices, Cimices, Pediculos perimere, aut fugare.

Calcem vivam cribrato, & locum pulicibus infestum aspergito; necabuntur pulices. Item sub lecto scrobem facito, & sanguine caprino aut hircino repleto; pulices omnes qui in lecto & vestibis sunt, eò congregabuntur.

Pulices, cimices, pediculos fugare.

Pinguedo herinacii, si per dies novem ad solem eam posueris, cimices omnes in se congregare dicitur. Thymus etiam (Germanis *Immenkraut*) odiosus est illis.

Ad encandos pediculos recipe unciam unam & semis saponis nigri, & drachmam sulphuris, & tantundem staphysagriae; misce & fac unguentum, coque unge loca pediculosa in vestibus, aut corpore.

ANNOTATIO.

Staphysagria, seu staphys, quae latinis *pituitaria*, & *pedicularis*, Germanis *Läusekraut* dicitur, visus est calceulus niger, ac rectus, foliis labrusca, folliculos verius quam acinos ferens, virides, similes ciceri.

Argentum vivum mixtum cum butyro, aut sapone nigro, aut malo tosto, pediculos, lendes, pulices, muscas, & omnia similia tollit.

Axungia porcina, argentum vivum, & salvia, mixta simul, & ad unguentum redacta, pediculos tollunt, si partes obfessæ illo inungantur. *Item* unguentum ex sapone Veneto, & argento vivo mortificato. *Item* Amaranthi flores in lixivio decocti, si cum illo caput abluatur. *Item* unguentum ex pomo ad molliem cocto, & mundato à corticibus ac seminibus, & ex argento vivo. *Item* unguentum ex oleo communi unc. 3. ceræ unc. 1. staphysagriæ drachm. 1. argenti vivi extincti cum saliva jejuni drachm. 3. *Item* unguentum ex Sandaracha drachm. 1. staphysagria drachm. 2. confectum cum aceto & oleo.

PROPOSITIO XLVIII.

Quoties res quæcunq; mutari inter se queant ostendere, si omnes sint diversa.

*Combinari
quoties in-
ter se possint
res.*

PERmutari res inter se (prout hoc loco de permutatione rerum loquimur) dicantur, quando dato rerum numero quocunque, accipiuntur omnes simul, ac ita miscentur, & variè disponuntur inter se, ut semper habeant alium ordinem, idque toties, quoties fieri potest. Ut si sint quatuor litteræ, a, b, c, d, & ita permisceantur ac disponantur, ut semper alio ordine se mutuò sequantur, prout in apposito schemate apparet, in quo alius est ordo, a, b, c, d, & alius a, b, d, c, &c. Et res quidem permutandæ dicto modo, vel sunt omnes inter se diversæ, ut in apposito exemplo; vel aliquæ ex illis sunt similes, hoc est bis, ter, aut sæpius sumuntur in eodem numero aut serie rerum. Nos hæc solum in primo casu loquimur.

A, B, C, D.	C, A, B, D.
A, B, C, D.	C, A, D, B.
A, C, B, D.	C, B, A, D.
A, C, D, B.	C, B, D, A.
A, D, B, C.	C, D, A, B.
A, D, C, B.	C, D, B, A.
B, A, C, D.	D, A, B, C.
B, A, D, C.	D, A, C, B.
B, C, A, D.	D, B, A, C.
B, C, D, A.	D, B, C, A.
B, D, A, C.	D, C, A, B.
B, D, C, A.	D, C, B, A.

Regula igitur ad cognoscendas quotcunque inter se diversarum rerum permutationes, hæc est. *Dato quocunque numero rerum permutandarum, scribantur in serie naturali tot numeri, ab unitate incipiendo, quot res sunt propositæ, & inter se invicem multiplicentur (hoc est, primus multiplicetur per secundum, & summa producta, per tertium, & summa producta iterum per quartum, &c.) ultima summa producta est numerus omnium permutationum possibilem. Sint permutandæ inter se res viginti quatuor: scribantur in serie naturali viginti quatuor numeri, prout apparet in columna A B*

A	
1	1
2	2
6	3
24	4
120	5
720	6
5040	7
40320	8
362880	9
3628800	10
39916800	11
479001600	12
6227020800	13
87278191200	14
1307674368000	15
20922782888000	16
355687428096000	17
6402373705728000	18
121645100408832000	19
2432902008176640000	20
51090942071709440000	21
1124000727771607680000	22
25852016738849766400000	23
6200448401743239439360000	24
B	

appositæ tabellæ: deinde multiplicetur 1 per 2, fiunt 2; iterum multiplicentur 2 per 3, fiunt 6; iterum multiplicentur 6 per 4, fiunt 24, iterum multiplicentur 24 per 5, fiunt 120; hæc per 6, fiunt 720; hæc per 7, fiunt 5040: & sic ulterius progredere usque ad 24, & habebis numerum positum è regione numeri 24. Tot ergo vicibus permutari possunt res viginti quatuor, quot exprimit dictus numerus.

Ex eadem tabella apparet, res

G g

duas

duas permutari posse solum duabus vicibus ut *ab, ba*; restres sex vicibus, ut *aai, aie, eai, eia, iac, ica*. Quatuor autem res possunt permutari viginti quatuor vicibus; & quinque res centum viginti vicibus, &c.

PROPOSITIO XLIX.

Paradoxa varia circa rerum permutationes.

Combinatio-
nes parado-
xæ rerum.

EX tradita regula, uti & ex apposita tabella, solvi possunt quæ sita varia, quorum solutiones meritò paradoxæ videri queant, verissima tamen sunt. Nonnulla indico.

I. Si dominus aliquis, sex habens satellites, procedere vellet in publicum uno die toties, quoties mutare possent satellites ordinem inter se; procedere deberet 720 vicibus, hoc est, spatio 24 horarum intra bina quælibet minuta horaria semel. Nam 24 horæ multiplicatæ per 60 minuta horaria, faciunt minuta 1440; quæ divisa per 2, dant 720.

II. Si idem dominus haberet decem satellites, velletque tot diebus prodire in publicum, quot vicibus possent ordinem inter se permutare; vivere deberet diebus 3628800, seu annis 9941, & diebus 335, computando dies 365 pro uno anno.

III. Si quis hospites duodecim excipere vellet convivio tot diebus, quoties alio atque alio ordine possent accumbere mensæ, ita ut nunquam eodem ordine federent; mille sæcula, hoc est, centies annorum millia non sufficerent; requirerentur enim dies & convivio 479001600, hoc est, quadringenti & septuaginta novem milliones dierum & conviviorum, ac insuper mille & sexcenta; anni verò plusquam 1311434, hoc est, plus quam annorum millena millia, trecenta & undecim millia, quadringenta, & triginta quatuor.

IV. Litteræ viginti quatuor Alphabeti Græci aut Germanici, toties mutari inter se possunt (ita ut omnes series seu ordines permutationum sint inter se diversæ, & in nulla serie plus quam semel ponatur eadem littera) ut mille milliones

Scriptorum, mille annorum millionibus non possent scribere omnes permutationes prædictas, licet singuli quotidie absolvent 40 paginas quarum unaquæque contineret 40 diversos ordines seu series 24 litterarum. Nam quia unus Scriptor uno die scribit 40 paginas, quarum singulæ continent 40 ordines diversos litterarum viginti quatuor; si ducantur 40 in 40, fiunt diversi ordines 1600, quos uno die scribet unus Scriptor. Ergo si demus anno dies 366 (hoc est, plures quàm ei debeantur) scribet Scriptor unus anno uno ordines seu permutationes dictarum litterarum 585600; fit enim hic numerus ex 1600 ductis in 366. Annis igitur 1000000000, hoc est, mille millionibus annorum, scribet unus permutationes 585600000000000; hic enim numerus oritur ex 585600 ductis in 1000000000. Quare si mille annorum millionibus Scriptor unus scribat permutationes seu ordines diversos prædictos, Scriptorum mille miliones eodem tempore, videlicet mille annorum millionibus, scribent mutationes diversas 585600000000000000000000; hic enim numerus resultat. si præcedens permutationum numerus multiplicetur per 1000000000, hoc est, per mille miliones. Hic autem ultimus numerus est minor quàm numerus vigesimo quarto loco collocatus in præcedenti tabula.

V. Si viginti tres litteræ Alphabeti Latini sumantur primò singulæ, deinde binæ, tum ternæ, post quaternæ, quinæ, senæ, septenæ, & sic deinceps, usque ad numerum vigesimum tertium, & fiant tot dictiones, quoties dictis modis combinari ac permutari possunt; habebis combinationes ac permutationes, ac proinde dictiones (sive utiles, sive inutiles) 7027306733033009809155, hoc est, septuaginta millium, ducentorum, & septuaginta trium millionum millionum millionum, sexaginta septem millium, trecentorum, & triginta millionum millionum; trecentorum, triginta millium, nonaginta octo millionum; nonaginta unius millium, centum, & quinquaginta quinque dictionum, quarum nulla sibi similem habeat, nullaque littera in eadem dictione reperatur. Nam quando singulæ sumuntur litteræ, fiunt dictiones seu acceptiones diversæ 23; cum verò binæ pro una dictione conjunguntur,

sunt combinationes ac dictiones vicies bis viginti tres, hoc est 506; cum ternæ conjunguntur pro una dictione, sunt dictiones 10626, &c. Litterarum porro summa, quæ in supradictis combinationibus seu dictionibus continentur, est 154600749126726-2147905433, hoc est, mille quadrimillionum; quingentarum, quadraginta sex millium, & septemtrillionum; quadringentarum & nonaginta unius millium bimillionum; ducentarum & sexaginta septem bimillionum; ducentarum & sexaginta duarum nullium millionum; centum & quadraginta septem millionum; nonagintarum & quinque millium; quadringentarum & triginta trium.

Hujus tam inexplicabilis ferè numeri litterarum omnes si in codices colligantur; quorum quilibet contineat quingentas paginas, seu mille facies, in qualibet verò facie sint centum versus seu lineæ, & in quavis linea sint sexaginta litteræ; continebit quælibet facies centies sexaginta litteras, hoc est, 6000; quæ ductæ in 1000 facies, producant 6000000, id est, sex miliones litterarum unius codicis: per hunc numerum si numerum litterarum antea positum dividerimus, exibat numerus codicum illis litteris complendorum, videlicet 257667915211210357, id est, ducentorum quinquaginta septem millium, sexcentorum sexaginta septem millionum millionum; nonagintorum quindecim millium, ducentorum undecim millionum; ducentorum decem millium, trecentorum quinquaginta septem; & ultra quinque miliones litterarum adhuc supersunt, quæ pauciores sunt quàm ut unum librum compleant. Si jam hos libros distribuere vellemus in Bibliothecas, & cujuslibet libri crassitie demus quadrantem pedis Romani antiqui, latitudini tres quadrantes, longitudini sesquipedem; bibliothecas verò statuamus esse quadratas undique, id est, cubicas, quarum singula latera sint, quadringentorum, triginta duorum pedum; tot hujusmodi bibliothecæ requirerentur, quot non caperet tota in Orbe superficies Terræ, ut in *Magia Arithmetica par. 3. lib. 8.* demonstravimus ex Guldino; ubi etiam multa alia paradoxa arithmetica circa permutationes & combinationes rerum reperies, uti & Regulas combinationum quarumcunque inveniendarum.

PROPOSITIO L.

Dato quovis vocabulo, aut vocabulis, anagramma facere.

Vel omnes litteræ in dato vocabulo vel vocabulis sunt inter se diversæ, & nulla plùs quàm semel ponitur; vel aliquæ sunt inter se similes, hoc est, sæpius quàm semel ponuntur.

Anagrammata facere per combinationes litterarum.

I. Quando omnes litteræ sunt inter se diversæ. *Quare omnes permutationes possibiles illarum, per Regulam Proposit. 48. præced. & in una aut pluribus illarum reperies anagramma, si apta sunt vocabula ad id pariendum.*

II. Quando non omnes litteræ sunt inter se similes, sed una aut plures sæpius ponuntur quàm semel. *Numerus permutationum omnium litterarum dividatur per numerum permutationum quas subire possunt litteræ inter se similes inter illas contentæ; quotiens dabit numerum permutationum quasitum: quas si scripseris, in una aut pluribus illarum reperies anagramma, si apta sunt vocabula quæ anagramma pariant.* Quinque igitur litteræ hujus vocabuli, JESUS, permutari possunt sexagies: nam quia quinque litteræ dicti vocabuli, juxta præcedentis Proposit. 48. Regulam, permutari possunt 120 vicibus, & inter illas quinque sunt duæ similes, nempe SS, numerus autem permutationis duarum rerum est 2, quia duæ res permutari possunt bis; ideo si dividantur 120 per 2, quotiens 60 indicat, dictas quinque litteras permutari posse sexagies. Aliæ exempla, unà cum tabula pro permutatione rerum non omnino diversarum, vide in *Magia nostra Arithmetica* lo. cit.

Faciliùs tamen fiunt anagrammata, si dati vocabuli litteræ singulæ scribantur in separatis chartulis, & hæ toties combinentur aliter atque aliter, donec congruum aliud vocabulum emergat.

PROPOSITIO LI.

Clavem sere mathematica reperire, & seram aperire.

*Seram Mathematicam
aperire.*

*Vide
Iconis
XVII. Fig.
I II, III, &
IV.*

Solent artifices ex orichalco seras quasdam eâ arte ac subtilitate concinnare, ut clave aliâ non sit opus ad illas vel claudendas, vel referandas, quàm certâ litterarum combinatione. Fiunt hoc modo. Circa cylindrum solidum ex orichalco, in medio à basi una usq; ad alteram secundum longitudinem perforatum, sunt ex eadem materia tres quatuorvè, aut plures annuli versatiles, incisuram tenuem habentes singuli, æqualem incisuræ a basi a b Figuræ secundæ; inter quas ordine recto dispositas inditur clavis d c Figuræ tertiæ, foramini & incisuræ a b congruens, habens denticulos quatuor, aut plures, pro numero annulorum, ita crassos & extantes, ut incisurarum ordinem rectum facile pertranseant. Intrusa clava, in convexa basis utriusq; & singulorum annulorum intermediorum superficie insculpunt litteras, certum aliquod nomen, v. g. Petrus, Albert, &c. exprimentes. In iisdem superficiebus alias deinde litteras ad libitum insculpunt. His factis, si vel unus annulus eorum dimoveatur ab eo situ, quo nomen *Petrus* exprimitur; clauditur sera, nec unquam referari potest, nisi à conscio artificii & tesseræ, omnes annuli restituantur in eum situm, ut litteræ singulorum unâ cum duarum extremarum basium litteris, nomen Petrus recto ordine expriment. Has placet appellare seras Mathematicas, quoniam non sine mathematico artificio construi, claudi, & aperiri possunt.

Ut igitur perditâ aut ignoratâ tesserâ, eam reperias, faciendæ sunt omnes omnium litterarum combinationes, & quâlibet factâ tentanda est clavis extractio, donec veniatur ad unam, quæ tesserales litteras, & consequenter annulorum incisuras, recto ordine restituat. Combinationes porro ita institui debent. Videatur quot in qualibet basi, & in quolibet annulo sint litteræ. Sint v. g. sex. Combinetur igitur primò quâlibet primi annuli littera cum omnibus sex litteris primæ basis, & habebis sexies sex combinationes, hoc est, 36; quæ scribantur. Combinentur




Fig. I.

Fig. II.



Fig. III.





Fig. IV.



secundò quolibet secundi annuli litteræ cum omnibus 36 combinationibus notatis, & habebis sexies triginta sex combinationes, hoc est, 216; quæ etiam notentur. Combinentur tertio quolibet tertii annuli litteræ cum omnibus 216 combinationibus notatis, & habebis sexies 216 combinationes, hoc est, 1296; quæ similiter notentur. Tandem cum his omnibus combinentur singulæ quinti annuli litteræ, & necessariò emerget combinatio illa quæ nomen tesserale exprimat. *Ratio hujus rei per se patet ex ipso modo operandi.*

PROPOSITIO LII.

Maculas è vestibus, pannis, libris, aliisque rebus abolere.

OLei maculas è vestibus, pannis, & libris abolebis, si supra macularum locum calcem vivam in pulverem comminutam, aut ossa combusta ac in pulverè contusa, sparseris; nam post non longum temporis spatium ita oleum exugitur, ut nè vestigium ampliùs appareat. *Iter faciebam die quodam per Siciliam hyberno tempore, & noctu ad Collegium Sicilianum Societatis nostræ diverteram; cùm venis ad me quidam ex domesticis qui eodem tempore, dum ad mensam in cubiculo studeret, lucernam olei casu supra libræ novum, & elegantissimè compactum (erat is Tomus in folio P. Stephani Fagundæ in præcepta Ecclesiæ) effuderat, totumque ferè librum interius atq; exterius commaculaverat; quævisq; remedium ad eluendas maculas. Suadeo, confestim ut calcem vivam inspergeres. Ait, nullam ejus copiam in Collegio esse, nec extra inquiri per urbem posse, nocte prohibente. Suadeo iterum, ossa ut comburatur, & in pulverem contundas, eaq; pulvere loca omnia macularum inspergat, & per noctem relinquat. Fit quod jusseram, & manè nullum appareat macularum vestigium, nisi quòd olei odor adhuc percipiebat nr, quò tamen paulatim deinde evanuit*

Alio in loco dum supplicanti in oratio per templum Collegii nostri duceretur, qui vexillum præferebat ex ferreo affabrè contextum, impetgit incautus in lampadem è templi tholo suspensam, & oleo effuso totum commaculavit vexillum. Sed vivà calce, ut jusseram, inspersa macula evanuit.

*Maculas
abolere è
vestibus, libris, &c.*

Nonnemo hæc præscribit remedia ad varias maculas è variis rebus eluendas. Si maculas è vestibus abolere vis (*inquit*) unge eam masâ gypsi recentis, & solis radiis ad siccandum gypsum expone, post verò aquâ communi ablue. Si autem macula picea sit, veterem caseum mandito, quo locum fricato probè, post verò illâ aquâ abluito. Vestium vel pileorum pingue aufertur, si pane calido fricabis. Si ex panno rubro maculam detergere vis; lotio humano lavabis, post aquâ purâ communi. Si ex auro textis vestibus; lotio humano non recenti, sed per dies aliquot servato locum lavabis optimè, & panno melle uncto illines; post spatium verò unius horæ aquâ modicè calfactâ & sapone locum abluito. Si è panno aut bombice evellere cupis maculas; decoque metretas tres aquæ, cum cinere excribrato, & felle bovino, in ipsoque fervoris initio iniice unciam aluminis, & totidem tartari vivi albi, & hac lotionem elue macularum locum. Si vini macula panno lino infederit (rubri videlicet vini) eam tepidâ aquâ & sapone lavato, aut omphaciâ; antè verò quàm linteam exsicceetur, sulphuris fumo locum suffumiga.

Atramenti maculas in linteo elues, si melle puro maculam unges, & solis radiis paululùm exponas, post verò succo limonium abluas. Si ceram fericeis vestibus instillatam auferre vis, igni admoveto, & cultello sensim radito, post verò panno nigro amygdalarum amararum oleo tincto locum detergito. *Ex Secretis Kircherianis.*

PROPOSITIO LIII.

Tapetes emundare, ac renovare.

*Tapetes re-
novare.*

AD tapetes emundandos sume aluminis libram dimidiam optimè pulverizati, & in libras sexdecim lotii merge, ac igni expone, ut modicè ferveat: deinde libræ tartari semissem accipe, eique salis pugillos duos immisce, simul contunde, papyro involve, igni prunisq; superpone, donec formam unam recipiant: optimè combusta iterum contunde, & pulverem cum lotio prædicto misce, optimè agitando, ac deinde quiescere permittito.

mittito. Hoc liquore panno rubro madefacto tapetes absterge, cum parietibus pendent; post verò plicatos in arctum locum, inter tabulas scilicet, reponere per naturalis diei spatium; tandem siccari permitte, & quod cupis, jam eris adeptus. Idem efficies album vinum inspergendo, & plicatos per aliquot dierum spatium relinquendo, & hoc iterum vini munus tribuendo. *Ita Secreta manuscripta, quæ Roma apud P. Kircherum reperi.*

PROPOSITIO LIV.

Maculas omnis generis è rebus diversis eluere.

PLacet his subungere modos alios, quos *Alexius Pedemontanus* locis variis suorum Secretorum, & *Weckerus* ex ipso lib. 2. cap. 3. proponit.

Maculas omnis generis è diversis rebus eluere.

Globulos conficere ad eluendas maculas olei, & pinguedinis. Accipe saponem nigrum seu mollem, & cineres vitium subtiliter cribratos, & misce optimè: adde deinde pulverem aluminis adusti, & tartari vivi, iterumque misce, & globulos confice. His maculas inunge, & eluentur. *Alexius lib. 2.*

Ad omnis generis maculas eluendas è pannis quibuscunq. Accipe salem communem optimè tritum, & saponem nigrum; misce inter se quàm optimè. Hac misturâ inunge maculas, & cum siccatae fuerint, lava eas primùm lixivio, deinde aquâ tepidâ, & evanescent maculae. *Alexius ibid.*

Ad maculas è pannis sericis, auro intertextis, laneis, lineis, aliisq. è rebus eluendas. Ossâ pedum anteriorum vervecis combure, & in pulverem redige, & serva. Deinde cum eluenda est macula, pannum extende, locum maculae aquâ limpidâ paulùm madefac, ac pulverem prædictum insperge, & soli expone: ubi siccatus fuerit pannus, iterum aquâ humecta, & pulverem ut prius insperge, ac soli expone ut exsiccetur. Eâdem operatione sæpius repetitâ, elue locum maculae aquâ clarâ, ac pulverem omnem absterge, & evanescet macula. Idem eveniet, si maculae locum felle bovino inficias, ac deinde aquâ eluas. *Alexius ibid.* in fine libri. Plura lege apud prædictos Auctores,

PROPOSITIO LV.

Maculas è vestibus, pannis, linteis aliter eluere.

*Maculas è
vestibus ali-
ter eluere.*

SEquentes praxes proponit *Ioannes Iacobus Weckerus*, lib. 12. Secretor. cap. 3. ex libro quodam Germanico, & aliis.

Ad maculas panni eluendas. R. Cineris fagi quantum satis; cum aqua frigida fiat lixivium, cui adde parum amurcæ vini, & parum luti usti ex clibano: misce, fiatque lixivium, quo panni maculati laventur.

Ad maculato linteo candido colorem restituumdum. R. Aluminis sæcum unc. 4. pelvículas aquæ num. 2. ebulliant ad quartæ partis consumptionem; cui deinde adde smegmatis albi frustulatim secti, nec non aluminis, unc. 1. relinquantur per duos dies, utere tandem.

Ad vinum ex panno quovis tollendum. R. Lixivii ex cineribus fagi parati, & sæcum vini albi, ana q. s. (*hoc est, tantum ex uno, quantum ex altero, & utriusq. simul quantum satis est.*) His immerge pannum, & per noctem relinque. Tandem ablue, & soli sicandum exponere.

Ad maculas atramenti è panno tollendas. Pannum prius aceto acerrimo lava, exprimendo benè cum manibus, & fricando: deinde cum aqua & saponè.


PROPOSITIO LVI.

Rotam vitæ & mortis construere.

*Rotam vitæ
& mortis
construere.
Vide
Leonismū
XVIII.*

P*Athanasius Kircherus* to. 2. Oedipi Ægyptiaci, Classe IX. cap. 9. Rotam quandam depingit, & explicat, quam alii Rotam Vitæ & Mortis, alii Sphæram Biantis appellant. Rotam constructam exhibet appositum schema. Explicatio hæc est:

Intra duos extremos circulos, seu duas circulares fascias, spectatur Alphabetum onomatomanticum cum numeris singulis litteris correspondentibus. Intra duos reliquos ac intimos circulos continentur characteres septem Planetarum cum numeris, singu-



singulis planetis appropriatis. Intimum circulare ac centrale spatium continet tres columnas perpendiculares, transversali diametro *A B* interstructas, numerisque refertas: quorum ij, qui supra diametrum *A B* sunt, vocantur felices; reliqui qui infra *A B* diametrum sunt, infelices, & numeri mortis nuncupantur. Distinctionis gratiâ illi colore rubro, hi nigro scribi solent.

Ufus Rota hic est. De vita aut morte felici aut infelici eventu alicujus consultaturi, quærunt litteras nominis illius in extimo ac primo circulo; & numeros singulis litteris adscriptos colligunt in unam summam. huic addunt numerum mensis, diei, & horæ: summam totam dividunt per 30. & residuum quærunt in columnis perpendicularibus Rotæ. Et si quidem residuum reperiatur supra diametrum *A B* inter numeros rubros, vitam, aut prosperum successum promittunt; sin infra diametrum reperiatur, mortem, aut infelicem denuntiant successum.

EXEMPLUM I. Volunt scire, utrum quis in regione longinqua vivens sit, an mortuus. Eruunt absentis nomen, & numerum nominis ex duobus ultimis circulis; huic addunt numerum mensis, & numerum dierum mensis, quibus discessit: totam summam dividunt per 30. & residuum quærunt in columnis Rotæ. Et si quidem supra diametrum *A B* reperitur, pronuntiant absentem vivere; si vero infra diametrum reperitur, dicunt esse mortuum. Aliqui etiam addunt ad summam numerum anni currentis.

EXEMPLUM II. Volunt scire utrum captivus sit è carcere liberandus. Accipiunt numerum nominis captivi, & anni, mensis, ac diei quo captus fuit: quibus collectis in unam summam, addunt numerum nominis civitatis & patriæ: summam totalem dividunt per 30. Residuum repertum supra diametrum *A B*, denotat liberationem; infra repertum, significat contrarium.

ANNOTATIO.

Vanissima est hac Rota, ejusque usus. Vanitatem offendemus in Technica Curiosa.

PROPOSITIO LVII.

*Rotam aliam divinationis vitæ & mortis
construere.*

*Rota alia
vitæ &
mortis.*


*Vide
Iconismū
XX.*

CItatus præcedenti propositione P. Kircherus ait, Rotam ibi descriptam irrepsisse inter operæ Venerabilis Bedæ to. 2. ptg. 348. Ego planè aliam invenio inter dicti Auctoris Opera Tomo 2. circa finem, unà cum Epistola Petrosyris ad Necepsum Regem Aegypti de divinatione mortis & vitæ. Rotam exprimit appositum schema *Usus* constat ex citata Epistola, quam subjicio.

De his quæ à me ad humane vitæ cautelam inventa sunt, unumquodque me tibi mittere non piguit. Superest ut tu in his per inspiratam tibi divinitus prudentiam operando, laborem impendas, certus quòd decumbentium, vel fugitivorum, vel monomachorum, vel aliorum similium eventibus non fallacem poteris capere præscientiam, si argumentum regulare, quod scriptura subjeci, diligenter inspexeris.

Consulturus igitur, sic facito. Sume nomen vel decumbentis, vel in fugam lapsi, vel depugnaturi, vel alterius cujuslibet, de quo inquiris, & collige numerum ejus. Deinde Lunam considera, quata fuerit eà die, qua vel eger decubuit, vel fugitivus elapsus est, & quata futura sit, cum monomachus pugnaturus est, & cetera hujusmodi: numerumque regularem, qui ei Luna adscriptus est, numero nominis adjunge. Tum summam quæ ex his conficitur, per 29. divide; & numerum, qui superfuereit, collige; inspectâque Figurâ, qua in loco idem numerus sit positus, inquire.

Si cum inveneris in ζωή μίαν, & de agro agitur, citò convalescet; si de fugitivo, citò revertetur; si de gladiatore, vincet. Si autem in μίαν ζωή; omnia hac difficiliter evenient. Si autem in ζωή μίαν, licet prosperum, difficilem tamen exitum habitura sunt. Quod si in loco



loco fuerit, in quo $\Theta\delta\upsilon\alpha$ & $\mu\epsilon\gamma\acute{\alpha}\lambda\eta$ inscriptus est; ager post longam infirmitatem morietur, fugitivus diu quasitus non invenietur, gladiator tamen difficile superabitur. Eadem in $\mu\iota\sigma\theta$ $\delta\alpha\upsilon\acute{\alpha}\tau\eta$ celeriora fient; & in $\mu\iota\kappa\rho$ $\delta\alpha\upsilon\acute{\alpha}\tau\eta$ celerrima.

Ponatur exempli gratiâ pugna Hectoris & Achillis. Luna erit decima septima, qua habet numerum regularem DCCCXCIII. Achillei nomen habet M. CCLXXVI; qui simul juncti faciunt M. C. LXIX. Hos partire per XXIX.; & quod superfuit, id est, triginta tria, quare in forma regulari, & invenies illud in eo loco, ubi scribitur $\zeta\omega\iota$ $\mu\epsilon\gamma\acute{\alpha}\lambda\eta$. Si idem de Hectore feceris, invenies residuum numerum in $\mu\iota\kappa\rho$ $\delta\alpha\upsilon\acute{\alpha}\tau\eta$; qua positio numerorum, Victorem Achillem, & Hectorem victum significat absque ambiguitate. Est & alius modus. Si numerus Luna fuerit in $\iota\pi\omicron\gamma\epsilon\iota\omega$, & numerus hominis in $\upsilon\pi\epsilon\gamma\epsilon\iota\omega$, periclitabitur quidem homo, evadet tamen. E contrario, si hominis numerus in $\iota\pi\omicron\gamma\epsilon\iota\omega$; sub specie prosperorum adversa contingens. At vero si uterque numerus, hominis videlicet ac Luna, supra Horizontem fuerit repertus, procul dubio prospera pollicentur: sed si ambos infra Horizontem esse constiterit, adversa omnia provenient.

ANNOTATIO.

HAllenus Epistola: cui apud Bedam subijcitur ordo naturalis dierum Luna 1, usque ad 29.; & cuilibet diei adijciuntur ad latus correspondentes certi numeri, qui debent servari ac dividi per 29; & hisce ad latus adijciuntur residua, si dividantur per 29.

Est hac *Rota* aque vana ac præcedens, uti ostendimus in *Technica Curiosa*.

PROPOSITIO LVIII.

Ut quis natandi ignarus, diu supra aquas sustentetur, sine periculo submersionis.

IN præcedenti Centuria, Propos. 92. docuimus modum supra aquas lacuum aut fluminum ambulandi; nunc modum damus ut quis, si natare nesciat, sustentare se tamen sine submersionis periculo queat.

*Natandi
ignarus:
quemodo
supra aquã
se sustentet.*

Fac utrem coriaceum qui aëre inflato extendi queat instar pilæ luforiæ; & adfue cingulum quod totum corpus à dorso ad pectus circumdet. Infla deinde utrem prædictum, & cingulo te præcinge, ut pila inflata dorso superincumbat inter humeros; & aquiste committe. Extabit caput cum pila extra aquas, nec submergêris.

ANNOTATIO.

HAc industriâ utuntur qui primùm natandi artem addiscere cupiunt. In Sicilia, qui in mari natare discunt, utuntur duabus cucurbitis exsiccatis, intus vacuis, & benè obduratis, quas alligant utrique brachio propè humeros.

PROPOSITIO LIX.

Quæ hora sit ubi vis terrarum, ex globo aut mappa geographica universalis cognoscere.

Horam ubi vis terrarum eodem momento scire.

IN globo, aut in mappa seu charta Geographica universalis, Iquære locum, in quo operationem instituis. Omnia loca quæ sunt in eodem semimeridiano supero (hoc est, supra horizontem tui loci existente) habent eandem horam, quam tu numeras in tuo loco: ut si in tuo loco est hora duodecima, in omnibus similiter est hora duodecima. Omnia verò loca quæ sunt in semimeridiano remoto à tuo versus Ortum 15 gradibus, numerant unam horam plùs; & quæ sunt in semimeridiano remoto 30 gradibus versus Ortum, numerant duas horas plùs; & quæ in semimeridiano 45 gradibus remoto sunt, tres horas plùs numerant, &c, verbo, quot quindenis gradibus aliquis semimeridianus à tuo distat versus Ortum, tot horas plùs numerant loca sub aut in illo existentia. Itaque si in tuo loco est hora 12, in aliis locis sub semimeridiano 15 gradibus versus Ortum remoto erit hora 1; & in iis quæ sunt sub semimeridiano 30 gradibus remoto, erit hora 2, &c.

E contrario omnia loca quæ sunt sub semimeridiano 15, 30, 45, &c. gradibus versus Occasum remoto, numerant unam, duas, tres, &c. horas minùs quàm tu in tuo loco : ut si apud te est hora 1, apud illosest hora 12, 11, 10, &c.

Ratio est, quia Sol singulis horis ascendit supra horizontem, & descendit infra, 15 gradibus in Equatore numeratis. Hinc omnibus locis quæ sunt 15 gradibus orientalia quàm tuus locus, oritur & occidit Sol unà horâ citiùs quàm tuo; & ijs quæ sunt 15 gradibus occidentalia, tardius unà horâ oritur & occidit.

ANNOTATIO I.

Loquor primò de horis aequalibus, in quarum 24 quilibet dies naturalis dividitur; non de inaequalibus, in quarum 12 quilibet dies artificialis, & qualibet nox artificialis olim ab antiquis, præsertim Iudeis dividebantur, unde & hora antiqua, ac Iudaica appellantur. Nec loquor de Chinenſibus horis, quarum qualibet duabus aequalibus nostris æquatur. Loquor secundo tantùm de horis Astronomicis, inchoatis à Meridie, aut Medianoctē; non verò de Italicis, quæ ab occasu Solis, nec de Babylonis, quæ ab ortu Solis inchoantur.

Ex dictis in Propositione patet, quæ loca habeant citiùs aut tardius ortum & occasum Solis, ac Meridiem, quàm tuus locus, horâ dimidiâ, horâ quadrante, &c. nempe quorum Meridianus distat à tuo gradibus $7\frac{1}{2}$, gradibus $3\frac{1}{4}$, seu gradibus 3, & 45 minutis, &c.

ANNOTATIO II.

Sicis quæ sit quolibet in loco hora, seu diei, seu noctis, datâ horâ loci tui, scire potes quibus in locis Catholici Sacerdotes, aut Religiosi per totum orbem dispersi celebrent, cantent in choro, prandeant, meditentur divina, aliæque exercitia Religiosi status propria obeant.

PROPOSITIO LX.

Diverforum colorum ac saporum aquas ex ore depromere.

*Aquas di-
verforum
colorum ac
saporum ex
ore depromo-
re.*

IN Mechanica Hydraulico-pneumatica par. 2. cap. 6. Machi-
na 7. mentionem feci variorum Hydroporatarum, qui instar
agyrtarum ac circumforaneorum vagantes per orbem, quæstus
causâ, ingentem aquæ copiam inspectante populo ebibunt, &
paulò post epotam aquam exspuunt, spectatoribusque porri-
gunt vinum, cerevisiam, acetum (in speciem) & omnis generis
aquas odoríferas; cùm tamen revera nihil aliud ejiciant ex ore,
quàm illam ipsam aquam quam ebiberunt, in varios colores at-
que odores mutata. Qua autem id arte aliqui efficiant, ibidem
explicavi.

Inter alios Hydropotas mentionem ibidem feci cujusdam
Galli, nomine Joannis Royer, qui omnes alios, quotquot ante
se fuerant, superare videbatur. Nam arte ab aliis prorsus diversâ
depromebat è stomacho, post epotam magnâ quantitate aquam
duodecim aut quatuordecim diverforum colorum aquas, quæ
vina ac cerevisias repræsentabant: item aquas odoríferas diver-
sissimas, vinum adustum, aliosque liquores, lactucas, flores o-
mnis generis, & similia. Fontem præterea salientem exhibebat,
proijciendo aquam ex ore in altum per non mediocrem temporis
spatium. Exhibuerat quoque Ratisbonæ in Comitibus Imperiali-
bus, coram S. C. Majestate FERDINANDO III. fontem igneum.

Hæc, & plura alia loco citato de dicto Joanne Royer, ejus-
que artificio dixi; modum tamen quo id perficit, non manife-
stavi, quoniam secreti fide obstrictus eram: Secreti enim fide
petitâ, & datâ, rem P. Athanasio Kircherò & mihi Romæ, in
Musæo Kircheriano, manifestaverat, & artem privatim coram
solis duobus nobis exercuerat. Causa cur secretum postularer,
fuit, nè alii in cognitionem ejusdem artis venirent, ipseque quæ-
stu quem inde colligebat, defraudaretur. At quoniam multi

ab eo

ab eo tempore anni sunt elapsi, & probabile est eum vitâ excessisse: (non enim diuturnæ possunt esse vitæ qui ejusmodi artem exercent, ut ex dicendis patebit:) solum merces secreti obligatione. Itaque in Curiosorum Naturæ & Artis scrutatorum gratiam cum bono Deo, rem totam hîc pandam; quæ ita se habet.

Coquebat in aqua fontana ac pura lignum brasilicum, sandalum citrinum (santalo di citro vocabat ipse Italico idiomate) & lignum Campêsi (ut vocabat). Hæc omnia reddunt aquam ruberrimi coloris, vel potius instar sanguinis draconum subnigram, faciuntq; aptissimam ad tingendos quosvis liquores quibus affunditur. Aqua autem cui ista sunt incocta, si potetur, præsertim in copia, provocat ad vomitum, solvit alvum, & tingit etiam urinam, si potetur à jejuno, & deinde cibus sumatur. Huius eidem aquæ si affundatur aqua communis limpida; tingitur hæc mox in ruberrimum & quasi subnigrum colorem, ipsimet aquæ coctæ similem, & refert vinum illud quod Lacrymas Neapolitanas appellant Itali: est enim hoc vinum quasi subnigri coloris, ut draconum sanguis. Si eidem aquæ coctæ, cui affusum est jam aliquid aquæ communis, plûs affundatur; tingitur totum in colorem minùs nigrum, & magis rubrum. Si adhuc plûs affunditur; redditur totum clarius, & minùs rubrum. Si adhuc plûs; adhuc magis clarum, minùsque rubrum redditur. Si copiosissima affundatur aqua; induit colorem cerevisiæ. Si addatur acetum, & succus limonum, & spiritus vini; aqua tincta acquirit saporem vini.

Dictam hanc aquam ruberrimam semper habebat paratam, & in lagenis circumferebat; aliquanto enim tempore conservatur. Eo die quo spectaculum exhibere volebat, comedebat aliquot horis antè quàm inchoaret, cibos faciliè digestibiles, ut horâ constitutâ digestio esset facta. Tempore destinato deferebat in theatrum vas aquâ frigidâ, aliudque aquâ calicâ plenum, multosque cyathos vitreos. Deinde regressus intrò, immediatè antè quàm spectaculum exhibendum erat, ebibebat duos aut tres circiter scyphos mediocres prædictæ aquæ coctæ, in loco secreto, & clàm aliis. Tum procedebat in publicum,

temperabat aquam frigida cum calida, ebibebat aliquot scyphos aquæ temperatæ communis, v. g. sex, septem, octo, &c. quæ aquæ rubræ in stomacho addita ac mista, statim tingebatur in colorem magis vel minùs rubrum, prout majori vel minori copiâ biberat aquam temperatam communem. Epotam aquam, & jam tinctam in stomacho, exspuebat in scyphum summâ facilitate, & referebat colorem vini desiderati. Si deinde volebat exspuere vinum alterius coloris, & minùs rubrum, ebibebat unum adhuc alterumvè scyphum aquæ temperatæ communis, eamque paulò pòst ut antea exspuebat, tinctam jam in stomacho. Hoc toties repetebat, bibendo novam aquam, iterumque in colorem alium tinctam exspuendo, donec duodecim aut quatuordecim diversorum colorum vina exspuisset: quæ omnia in separatis scyphis asservabat. Omnes scyphos hisce coloratis diversimode aquis plenos evacuabat usque ad medietatem, & exspuendo denuò replebat omnes ordine dispositos, ita ut singuli eosdem quas antea colores exhiberent. Faciebat autem hoc, exspuendo non diversi, sed ejusdem coloris aquam, quia modica illa aqua tincta quæ in scyphis usque ad medietatem evacuatæ remanserat, tam est effixas ad tingendum, ut aquam modicè tinctam superaffusam convertat in suum colorem.

Ut aquas odoríferas exspueret, ita procedebat. Frustulum spongiæ madefaciebat in quinta essentia (ut vocant) rei odoratæ, cujus odorem volebat exhibere, illudque dexterè spectatori- bus non advertentibus imponebat ori; & hauſto uno aut altero scypho aquæ, antequam deglutiret, dentibus comprimebat, & aquam reddebat odoríferam in ipso ore; ac deinde tractam in stomachum, iterum paulò pòst exspuebat.

Aliquando etiam deglutiebat illud frustulum, maximè si alii volebant explorare num aliquid in ore absconditum foret; & tunc aqua in ipso stomacho reddebatur odorifera.

Flores, & lactucarum folia tenuissimo filo ligabat, & deglutiebat integra, ac deinde exspuebat in patinam, dexterè sol-
vebat

vebat filum, explicabat flores & folia, & porrigebat spectatori-
bus.

Tandem ebibebat ingentem copiam aquæ tepidæ, & ejacu-
labatur illam in altum instar fontis, unâ cum floribus & foliis
adhuc in stomacho delitescantibus.

Antequam autem flores & lactucas ejiceret, discedebat è
theatro, & in loco secreto herbas illas jam antea paratas deglu-
tiebat integras, ac revertebatur.

Qua arte ignem evomuerit coram S. C. Majestate Ratisbo-
næ, aperuit quidem nobis; ac mente excidit. Addidit tamen,
se os egregiè ambussisse, ideoque ab illo tempore experimen-
tum nunquam iterasse. Hæc sunt quæ circa hydropotæ artifi-
cium dicenda occurrebant.

PROPOSITIO LXI.

*Luem Veneream curare remedio Tartari
usitato.*

QUàm difficilis simul & pretiosæ curationis sit Venerea lues,
sciunt Medici. Certè *Hieronymus Capivaccius* lib. de Lue
Venerea cap. 12. in fine (teste *Heinrico Salmuth* par. 2. memo-
rabil. tit. 1. pag. mihi 45.) gloriatur, se ultra octodecim millia
Coronatorum è dicti morbi curatione lucratum. Multi multa
præscribunt remedia: Tartari Præcopenses, apud quos etiam lo-
cum invenit morbus ille, hoc simplicissimo, quod subijciam,
utuntur.

Remedium communicavit, qui olim morbo illo, non vitio
suo, sed contagione contracto laboraverat, & à Tartaro Medi-
co curatus fuerat. Labet propalare, quoniam nonnullis for-
tasse prodesse poterit, quibus sumptus non suppetunt ad pretio-
siora adhibenda. Ita autem se habet,

*Annotatum
Tartaro-
rium contra
Luem Vene-
ream.*

I. Æger in indusio proximus lecto assideat, gausape tectus à vertice adusque terram defluente.

II. Infra illum ponatur vivis cum carbonibus focus, cui contusum minutim, non tamen ad pulveres usque, cinnabari, quantitatem duorum aut trium grannorum piperis non excedens, injiciatur. Moveantur quandoque carbones, ut facilius totum cinnabari in exhalationem abeat.

III. Nè dentibus noceat exhalatio, teneatur frustum panis aliquantum indurati intra dentes anteriores, pressis firmiter labris.

IV. Post sesqui horæ quadrantem sese ad lectum proximum, gausape semper tectus, deponi curet; ibique accipiat haustum vini cremati ex aniso, aut ex frumento solo.

Hæc cura per dies duodecim circiter continetur. Quibus elapsis, non cinnabari, sed vas supponatur pedibus ægri modo suprâ dicto tecti, aquâ calidâ plenum, eique lateres igniti ingerantur, cum foliis herbæ quæ Polonis Koziel, Latinis Caper dicitur, ut sudor provocetur. Quo tempore adhibetur herba, eodem inungatur æger humano adipe calido, semel indies; quod potissimum fieri potest vespere.

V. Potus ægri erit calidus, ita ut teporem superet; uti etiam hypocaustum, in quo curandus. Nihil autem præter cerevisiam bibat.

Huic morbo pellendo sufficit tempus duarum, aut ad summum trium septimanarum; ac proinde curationem ultra tres septimanas prolongari non est necesse.

VI. Intra & post tempus curationis ægro cerevisiâ contento, abstinendum erit duodecim vel amplius septimanis quàm diligenter à lacte, caseo, melle, cæpis, allio, uvis, nucibus, aliisque fructibus (non tamen prunis) aromatibus, earne porcinâ, & ovinâ, anseribus, anatibus, hordeo, cicere, brassicâ, pis, piscibus omnis generis præter Iquateas, qui hîc terrarum ægrè reperiuntur. Cibos salubres noverit esse pullos, gallinarum, gallos, capones, carnem bubulam, & vitulinam, aliaque id genus.

Notandum quoque est *Primò*, quæ dicta sunt de cibis veritis, intelligenda etiam de ferculis ab illis derivatis, ut dum dico ab-

stinere

stinendum esse à melle & aromatibus, intelligo esse quoq; temperandum ægro à mulso, ferculis aromatibus conditis. In butyro tamen, licet à lacte desumatur, æger nullum habeat scrupulum.

Notandum Secundo, post tempus curationis non necessitari ægrum ad hypocaustum calidum, uti nec ad cerevisiam calidam; intra tempus tamen strictè necessitari.

Notandum Tertio, ægro necessarium vini cremati ex aniso, vel ex iolo frumento haustum, ad minimum uno bimestri, semel indies, aut bis, manè nimirum, & vesperi.

Notandum Quarto, ægro abstinendum à speculationibus ingeniosis ad minimum uno bimestri.

Notandum Quinto, nisi æger in præscriptis sit accuratus, & vel unicum non impleat præceptum; oleum & operam perdere. Non tamen desperet, sed iterum recrudescenti morbo eadem medelâ prudentiùs occurrat.

ANNOTATIO.

Medici dispiciant, utrum aliqua ex præscriptis apud Tartaros servandus, commutari queant in alia in aliis extra Tartariam regionibus. Equidem credo, si Tartari vina haberent generosa, loco vini cremati adhibituros.

PROPOSITIO LXII.

Dentium dolores facillimo remedio sanare.

Accipe allii caput dimidium, aut minus, & tere in mortario, aut cultro supra lapidem. Adde croci pulverizati quantum satis est; (sufficit autem quantum capi potest supra cultri apicem) & misce. Confice inde emplastrum, & liga supra pulsum brachii partis affectæ. Intra viginti quatuor horarum spatium cessabit omnis dolor, nec redibit. Si pustulæ aut vesiculæ

orientur in brachio; acum cum filo transadige, & exprime, ac butyro inunge; sanabuntur.

*Amidotum
contra den-
tium dolo-
rem.*

PROPOSITIO LXIV.

Adhuc alio facili remedio dentium dolore mederi.

*Antidotum
ad huc aliud
contra den-
tium dolo-
rem.*

Mixaldus apud Weckerum loco proximè citato, provocans ad experientiam in se ipso factam, ait in *adortale* seu dentium dolore, nullum præsentius remedium inveniri emplastro, facto ex pice vulgari, aut resina liquefacta, cum pulvere aluminis, & nucis quam gallam nuncupant, si arteriæ temporali paulò supra dentem excruciatum, calidum apponatur, & ibidem pernoctare sinatur, vel dies aliquot gesterur. Addit tamen, hoc remedium maximè locum habere in scarificatione dentium maxillarium, & superioris ordinis.

PROPOSITIO LXV.

Dentium stuporem abigere.

*Dentium
stuporem do-
peller.*

Dentium stuporem, quem Græci *aijudias* vocant, portulaca mansa dissolvit, teste Aphrodisæo, inquit *Weckerus* lib. 5. Secretor. Idem asserit *Porta* lib. 8. Magiæ Natur. cap. 5. dicens, ad dentium *aijudias* tollendam expertum se esse portulacā prodesse.

Eundem stuporem tollit salis defricatio, vel quidpiam recentis casei ovilli dentibus stupefactis atritum.

PROPOSITIO XLVI.

Aër etiam intra aërem ponderari potest.

§. I. Proponitur nostra sententia.

Sæpe jam alibi dixi (ut in *Mechanica pneumatica* par. 1. *Protheoria* 4. cap. 6. propos. 1. & in *Magia* par. 3. lib. 4. *Syntag.* 3. *Pragmatia* 10. aërem esse simpliciter gravem, & tantum secundum quid levem, nimirum respectu corporis gravioris infra se.

lisdem locis asserui, explorari posse pondus aëris, & multis experimentis fuisse exploratum ab aliquibus. Nam *primò*, vesica aëre plena, aut uter plenus aëre, gravior est, quàm vesica & uter aëre vacuus, & flaccidus, ut deprehendit P. Joannes Baptista Ricciolus Galilæus Galilæi, Joannes Chrysostomus Magnenus, & alii. *Secundò*, *Æolopila* aëre in suo statu naturali plena, plus ponderat, quàm aëre per calefactionem rarefacto repleta, ut deprehendit Marinus Mercennus. *Tertiò*, & luculentissimè id deprehensum fuit sæpissimè per Experimentum Magdeburgicum, quod describo & examino in fine Mechanicæ Hydro-pneumaticæ, iterumque in Magia par. 2. citata, lib. 7. Syntagm. 1. cap. 6. Nam recipiens seu vas vitreum aëre plenum, est ante exantlationem, quando vel solum exiguum ac vehementer rarefactum aërem continet, ut ego existimo; vel rarissimum æthera, ut putant alii. Omitto alia plurima Experimenta, locis citatis adducta; &

Dico, aërem rectè ponderari posse, si vas quodcunque aëre in suo naturali statu consistente plenum, expendatur primùm bilance, staterâ, aliove quocunque ponderatorio instrumento, & pondus repertum notetur: deinde aëre extracto iterum ponderetur, & pondus notetur. Erit enim pondus secundo loco repertum, minus, quàm pondus primo loco repertum. Differentia igitur inter utrumque pondus, erit pondus aëris, qui antea in vase erat.

S. II. Imprimatur à Clarissimo Deusingio sententia nostra de aëris ponderatione.

Hanc sententiam de aëris gravitate prædictis praxibus deprehensa, quæ stetit huc usq; inconcussa, evertere conatur Vir Clarissimus D. *Antonius Deusingius*, Medicinæ ac Philosophiæ Doctor, illiusq; in Academia Gröningæ & Omlandiæ Professor primarius ac meritißimus, Celsissimiq; Principis Gubernatoris, ac Provinciæ, Archiater, in *Disquisitione Physico-Mathe-*

Kk

matica

matica Gemina de Vacuo, hoc ipso anno 1661. in lucem edita, & Nobilissimo Viro Domino Philippo Ernesto Vegelin de Claerbergen, Celsissimi Principis Guilielmi Friderici, Principis Nassovix, &c. Gubernatoris & Capitanei Generalis Frisix, Gröningæ, Ommelandix, Drentix, &c. Aulæ-Præfecto & Consiliario primario dedicata; qui eam vix editam pro suo singulari erga Litteras ac Litteratos affectu mihi transmittere est dignatus.

In Disquisitione ergo secunda, sect. 2. cùm cap. 1. 2. & 3. Clarissimus Deusingius Magdeburgense experimentum ex citata Mechanica nostra proposuisset; ait cap. 4. in Epicrisi F. aëris pondus prædicto Experimento explorari non posse, etiamsi, ut ego asserueram, Recipiens post evacuatum aërem levior sit, quàm erat antequàm evacuaretur. Nec enim existimat Recipientem ideo leviozem deprehendi, quòd aëre evacuatus sit; nec aëre plenum ideo graviozem existere, quòd contentus in ipso aër pondus adaugeat; sed rationem ejus rei aliunde petendam esse putat. Causam suæ assertionis assignat, quòd aër *in aëre non gravitet, nec levitet; nec propter aërem contentum gravior sit* Recipiens triginta amphoras continens, quàm continens amphoram unam, dum in aëre pondus exploratur: quin imò (addit) facilius forte feretur deorsum (veluti item facilius movebitur tum sursum, tum ad latera) vas continens unam duntaxat aëris amphoram, quàm continens plures. Pergit, & rationem assignans cur Recipiens evacuatus minùs ponderet, quàm plenus, ait:

Ratio cur minùs ponderet Recipiens evacuatus, petenda ex abitudine circumstantis aëris mutata: quo enim is compactior seu densior redditus est, eò minùs gravitat pondus idem. quàm antè, dum esset aër rarior seu minùs compactus: veluti navis onusta minùs altè mergitur in aqua marina, quàm in fluviali. Dum ergo circa Recipientem aëre evacuatum, aër ambiens densior compactiorque existit (secundùm antè demonstrata) idem Recipientis pondus, lanci impostum, aërem densiorem sibi circumstantem minùs deprimat, quàm ante exantlationem deprimeret rariorem: at interim lanx altera ad bilancem opposita in aëre versatur non aequè compacta atque is est
qui

qui proximè Recipientem circumstat ; quare validius aequali pondere deprimitur. Non autem duntaxat deorsum difficilius movetur Recipiens aëre evacuatus , ut ita levior videatur ; sed etiam revera difficilius sursum potest moveri, propter eandem rationem, nempe ob aërem compactiorem, unde & idem Recipiens post aërem evacuatum gravior factus posset videri. Sic & difficilius movetur ad latera, propter eandem causam eandem.

Aërem autem qui circumstat Recipientem evacuatum, mutatum esse, ac densiorem factum, magisque compressum, inde probat, quòd dum è Recipiente per antliam pneumaticam extrahitur aër, in ejus locum per vitri poros subingrediuntur partes ætheris quæ circumstanti aëri erant admixtæ ; æthere autem recedente, aëris partes coeunt, & constipantur, atque adeo aër condensatur, efficitque ut eadem Recipientis gravitas cum jam difficilius ac minùs deprimat, quàm antea. Clarissimi Viri verba Epicurii hæc sunt : *Condensatur autem imprimis aër, ubi proximè, coarctatione facta, vim patitur, reliquo quantum fieri potest statum suum naturalem servante; sicque aër qui undique vitro vicinissimus existit, præ reliquo distantiore per corporis intra vitrum consenti exantlationem, atque ætheris in spatium illius ingressum, quàm maximè condensatur. Dumque vitrum exantlatum de loco in locum transferitur, is qui derelicto spatio vicinus est aër, in naturalem statum per expansionis vim se demò vindicat (veluti nave pro vectâ assurgunt illicò aquæ partes paulò antè pondere navis pressa) æthere aliunde, quò nempe vitrum transferitur, inter ejus particulas vicinissimè subeunte; sicque perpetuò circa vitrum ipsum quòcunque translatum condensatio corporis proximè ambientis major contingit, remotiores interim à violenta compactione, per insitum quasi elaterem se ipsum vindicante.*

S. III. *Impugnatur sententia Clarissimi Deusingii,
& nostra stabilitur.*

IN hoc discursu duo præcipuè agit Vir Clarissimus, ut sententiam nostram de aëris ponderatione oppugnet. *Primò*, negat Recipientem aëre plenum esse graviolem, quàm eundem aëre evacuatum, eò quòd aër intra aërem non gravitat. Quia tamen experientia constat, sitam plenus, quàm evacuatus Recipiens expandantur ad bilancem, illum magis deprimere suam lancem, ad descendere in aëre, quàm hunc; ait *Secundò*, id evenire, quòd in secundo casu densior sit aër circumstans, quàm antea erat. Utrumque examino, &

Dico I. Etiam aër intra aërem gravitat, si vasi includatur, & à reliquo aëre circumstante discontinuetur; dummodò aër inclusus, & aër in quo ponderatio sit, sint ejusdem densitatis, aut raritatis. Probo à pari. Tamen si aqua intra aquam non gravitet, nec partes superiores premant inferiores sibi subjectas, ut bene probat *Stevinus* lib. 4. Staticæ Proposit. 1. & nos fusè stabilivimus in *Magia* par. 3. lib. 5. Syntag. 3. Erom. 3. tamen si vasi includatur pars aquæ, gravitat intra ipsam. Ergo & aër tamen si intra aërem non gravitet, tamen si pars aëris includatur vasi, gravitat intra aërem. Consequentia clara est, quia eodem modo de utroque elemento discurrendum est, ipso etiam Deusingio fatente. Antecedens ergo probatur. Dolium aquâ plenum, & aquæ impositum, magis mergitur, quàm dolium aëre plenum, ut quotidiana experientia docet; ergò dolium cum aqua gravius est, quàm dolium cum aëre, ergo non solum dolium gravat, sed etiam aqua quæ in dolio est. Item si vas cretaceum aut cupreum subtus in fundo perforatum, supra verò apertum, imponatur aqua ita erectum, ut fundus perforatus aquæ superficiem contingat, demergitur vas aliquantulum; deinde ingrediente paulatim aquâ, magis ac magis demergitur; tandem cum plenum est aquâ, penitus submergitur & subsidit: hoc autem non fit, nisi quia pondus vasis accedit pondus aquæ; ergo aqua intra aquâ

gravi-

gravitat. Omitto alias probationes, quoniam has sufficere existimo; & concludo, etiam aërem vasi inclusum gravitare unâ cum vase in aëre; quod probare volebam. Corruit ergo fundamentum contrariæ sententiæ.

Dico II. Quòd Recipiens aëre plenus, & bilanci impositus, magis descendat in aëre, quàm idem Recipiens aëre evacuatus, sive ex toto (si fieri potest) sive ex parte; non evonit, inde, quòd in primo casu aër circumstans sit rarior, in secundo verò densior. Probatur I. quia revera Recipiens aëre plenus, est gravior, quàm non plenus, ut jam probavi. II. Quia gratis adstruitur illa densitas aëris circa Recipientem, cùm nec antea adfuerint, nec postea absint ætheris particulae, quarum absentia densitatem illam inducat, ut alibi probabo. III. Dato etiam quòd aër ubique interspersas habeat ætheris particulas, & quòd in casu nostro illæ, quæ aëri Recipientem circumstanti immixtæ erant, per vitri poros fuerint ingressæ, atque ob id circumstantis aëris partes fuerint constipatæ, & condensatæ, ideoq; Recipientem prohibeant descendere quantum antea descendebat; tamen aër illæ qui semel Recipientem circumstat, non semper eum circumstat, sed continuò fluctuat ac recedit, accedente alio atque alio, quàm diu aër in conclavi eodem, in quo Experimentum capitur, ventilatur ab intrantibus, egredientibus, huc illuc commeantibus. Ergo etiamsi in principio, antequam constipatus aër depellitur, non descendat ut antea; tamen abscedente illo descendere debet, & redeunte ascendere, & quidem satis sensibiliter, quantum scilicet 32 lotones bilanciæ deprimere possunt. Nunquam autem notatum fuit, Recipientem evacuatum aliquando descendisse, & aliquando non.

*S. IV. Occurritur evasioni contra nos
sentientium.*

Dicet quispiam, recedente aëre condensato, & adveniente novo aëre rariore, hunc statim condensari circa Recipientem, quia ille qui recessit, nititur se reducere ad statum suum naturalem, & ideo partes ætheris quæ sunt id aëre novo adveniente

niente, sequuntur aërem condensatum qui recessit, sicque novus Recipientem circumstans condensatur. Sed quis hoc credit? aër condensatus, & in statu violento constitutus, dum Recipientem circumstabat, non minùs nitebatur se reducere ad suum nativum statum, quàm dum depulsus est: cur ergo partes ætheris in aëre vicino antea non confluebant ad ipsum, & nunc confluunt?

Pergo, & quæro, si Recipiens evacuatus transvertitur de loco in locum, hoc est, recedit ab aëre condensato ad aërem non condensatum, gravitatnè, hoc est, descenditnè magis in aëre novo, quàm antea? respondet Vir clarissimus, non descendere, quia (ut §. præced. 2. vidimus ex ipso) aër circumstans à Recipiente relictus, vindicat se in naturalem statum per expansionis nisum, æthere aliunde adveniente, nempe à loco in quem Recipiens translatus fuit. Sed quæro ut antea, cur aër ille condensatus qui Recipientem circumstabat, antea non vindicavit se ad naturalem statum per expansionis nisum, æthere ab eodem loco, aut aliunde adveniente? erat enim aër in statu violento, & aderat expansionis nisus, & æther in vicino aëre, poteratque æther ad condensatum aërem commeare. Quare ergo antea non commeabat eò, & nunc post translationem Recipientis commeat?

Mihi profectò longè probabilius videtur, aërem Recipienti inclusum, gravitare in aëre, propter rationes à me §. 3. allatas, quàm aërem qui Recipientem circumstat, etiam translato Recipiente de loco in locum, esse condensatum, & ideo Recipientem non degravare tantum, quantum antea aëre plenus degravabat.

PROPOSITIO LXVII.

Pisces ut ad aquæ superficiem ascendant, & manibus capiantur.

Pisces ut ad aquæ superficiem ascendant.

MULTA præscribunt. Siculos vidi hac simplicissimâ uti arte. Tanti fasciculum injiciunt intra aquam piscium feracem,

racem, & non diu pòst pisces omnes qui aquam illam degustarunt ascendunt ad aquæ superficiem, velut stupidi, aut ebrii, ut manibus capi queant.

ANNOTATIO I.

Sed cavendum nè major quàm par est, taxi copia injiciatur, nè pisces non solum obstupefiant, sed intoxicentur, & comedentibus lethum adferant, ut illis contigit quos in *Physica Curiosa* lib. 3. cap. 28. retuli. Sicli habitabam, urbe quatuor passuum millibus à mari, quod Siciliam & Melitam Insulam interfluit, distante. In hoc mare fluvioleus exiguus qui Collegis nostri pradia interluit, & ad ejusdem Collegis Patres spectat, sese exonerat, ideoque piscis è vicino mari, aquarum dulcedine illecti, agminatim quovis tempore eò confluunt. Die quodam viri tres primarii urbis, quos novi, unà cum famulo piscandi gratià, nobis ignorantibus, eò se conferunt; injectàq. in aquam majori copià taxi, aquam & pisces per imprudentiam intoxicant, & captos, variisq. modis in suburbano pradio praparatatos absumunt. Sed mox domum reversi, & ardentissimâ febre correpti, ad unum omnes intra triduum, excepto famulo (qui mirabiliter evasit, ut citato loco narraui) è vita excedunt.

ANNOTATIO II.

Taxus, Græcis σκῆλαξ, Italiis Tasso, Germaniis Eybenbaum dicta, arbor est abieti similis, baccasq. ferens quibus lethale venenum inest. Vide Plinium lib. 16. *Histor. Natur.* cap. 10. Sunt qui putent, venena ob id olim taxica dicta, qua nunc toxicum vocamus.

PROPOSITIO LXVIII.

Aliis modis pisces allicere, & capere.

Pisces allicere & capere.

Lubet & alios nonnullos modos, è Cardano & aliis descriptos, apponere.

Cardanus lib. 14 Subtilit. in fine, in hunc sensum scribit. Pisces quoque cibo capiuntur. Cibus igitur quatuor debet habere conditiones. *Primò*, sit odoratus, ut procul alliciat eos. Talia sunt anisum, panacis succus, & omnibus melius cyminum. *Secundo*, sit jucundi saporis, ut edentes invitet, & fallat. Talia sunt sanguis, præsertim suillus; caseus, præcipue caprinus; panis, maximè triticeus; papiliones, melioresque inter eos fulvi. *Tertio*, sit caput feriens, ut cleriter vim veneni ad illud ferat. Talia sunt aqua ardens, seu vinum adustum, & fæx vini. *Quartò*, sit veneficus, qui attonitos reddat. Talis est flos nalthæ, quam calendulam vocant, quòd singulo mense floreat: nam herba hæc, cujus lutei sunt flores, in frusta concisa prægrandes etiam horæ spatium reddit attonitos. Est præterea calx, quæ & si aquam corrigat, occidit tamen pisces. Est tithymali cujuscunque succus. Est utraque nux, vomica, & quæ methel seu somnifera dicitur. Sed nihil præstantius co fructu, qui ex Oriente vehitur, & cogolum vocant, estque nigra bacca, persimilis laurina, sed minor ac rotundior.

Idem *Cardanus* ibidem: *Compositio nostra*, inquit, *ad pisces capiendos experta*; *Baccarum Orientalium quadrans uncia, cymini & aqua ardenti singulorum sextans, casei uncia, farina uncia tres, digerantur confusa in pastillos.* Eandem compositionem præscribit *Mizaldus* apud *Weckerum* lib. 7. *Secretor.* cap. 1. dicens: *Si ex cocculis ab Oriente allatis, cum cymino, caseo vetustissimo, farina tritici, & vino, in spissamentum coactis, formentur spherula magnitudinis pisces, & piscosis amnisbus quietâ aquâ injiciantur; quotquot pisces degustabunt ex illis, illico stupefacti, & velut inebriati, ad ripas disilient, & ita manibus capi facile poterunt.* *Experientiâ multoties probatum est.* Præscribit & *Porta* lib. 15. *Magiæ Naturæ*, cap. 10. eundem hunc.

hunc modum, sed paulò accuratiùs; aitque eo pilces citiùs, quàm aliis modis, in mari enecari: *Sed hoc modo, inquit, citiùs enecabimus in mari. Gallarum orientalium quarta uncia pars, cascii uncia, farina fabacea uncia tres: misceantur hac omnia aqua vita; ex ea mixtura fiant globuli ut ciceres. Mandè antequam aurora illucescat, in mare projiciantur; mox tribus horis elapsis redi ad locum: nam omnes quiescam acceperint, aut mortuos, aut ebrios reperies, vel in sublimi, vel in mari resplendere; quos hamato conto accipies. Aqua vita additur, quia celeriter ad caput fertur: Galla orientales venescum, eos stupidos reddens: fabacea farina illex esca suo sapore inuolat: censeus odore longè congregat.*

PROPOSITIO LXIX.

Nè quis ex largo vini potu inebrietur, efficere.

LArga vini compositio, & bibendi certamina, quæ apud antiquos in usu erant, necdum abolita sunt. Minus tamen nunc apud Germanos nostros, quàm ante hac in usu esse audio. Hoc constat, è multis Principum Germanorum aulis exulare penitus ebrietatem. Si qua tamen occasione largiùs cuiquam in convivio, aut extemporali comotatione aliqua bibendum foret, his se remediis contra ebrietatem munire poterit, quæ collegit ex variis *Porta, Cardanus, Weckerus, & alii.*

*Ebrietatem
prohibentia.*

Cato apud *Portam* jubet convivii initio, ac fine, crudæ brassicæ quatuor vel quinque cymas comedere; dicens hoc & crapulam sedare, & vini noxam restringere, & quasi nihil comedere ac biberis, efficere. Addit, *Ægyptios* ante omnem cibum brassicam elixam comedisse, itaque se ad comotationes præparasse. *Sybaritæ* quoque, quorum mensæ & convivia in proverbium abierunt, antequàm potitarent, brassicarum esu se muniabant, teste *Timæo* apud *Portam* lib. 14. *Magiæ Natur.* cap. 12. Idem remedium præscribunt alii multi.

Africanus apud eundem *Portam* jubet convivio & comotationi præmittere tres vel quatuor uncias salis ad præparandum.

niam exsiccant, & humiditates absumunt, & vinolentiam propulsant. Narrat *Plutarchus*, Medicum fuisse apud Drusum, qui cum prius quinas senasvè amygdalas esitasset, in bibendi certamine semper victor evaserit.

Eundem exsiccationis, & ab ebrietate præservationis effectum ait *Porta* ex Theophrasto præstare pumicis farinam, si eam potator initio præsumat. Sic Eudemum in vigesimas secundas vices durasse, demum balneum ingressum nihil rejecisse, ac ita cænasse, ut si non bibisset. Hinc ajunt si ejusmodi farina, aliavè exsiccativa, in cadum musti bullientem injiciantur, statim vini fervorem sedari.

Prisci ad pellendam ebrietatem apponebant in fine mensarum lactucas, quoniam insitam frigiditatem maximam habent. Hunc morem adhuc vigere audio in conviviiis Germanorum.

Porta lo. cit. ait, porrum discutere ebrietatem. Et crocum qui præsumperit, non sentire ebrietatem. Et violas, rosas, ac hederam, si in corollas concinrentur, & capitibus imponantur, sedare ebrietatem.

Hirundinis quoque rostri cinis, cum myrrha tritus, & vino quod bibitur, inspersus, securos præstat temulentos, teste eodem *Porta* ex Plinio.

Cardanus lib. 8. varietat. cap. 44. ait, ebrietati resistere absinthium, amygdalas, & caules præmanfos.

PROPOSITIO LXX.

Alia contra ebrietatem antidota.

*Ebrietatis
vitande
alii reme-
dia.*

Alexius Pedemontanus par. I. lib. I. Secretor. circa finem, Italico idiomate, aliud contra ebrietatem antidotum proponit his verbis: *Primieramente avanti che uno mangi, cio è quando si hà da mettere à tavola, per un quarto d'hora inanzi mangiare pigli due o tre mandole d' ossa di persiche, & altre mandole amare communi. Poi beva un mezzo bicchiero, & meno, d' oglio d' oliva, & ancora di mandole dolci. Et poi mangi quanto vuole, e beva à suo piacere; che*

non.

non si potrà imbracciare. Et se poi che hà mangiato, si sentisse molto gravato della testa, e di stomaco; beva un poco di succo di cavoli, d' uverze, con un poco di Zucchero, se ve lo vuol mettere; è stara benissimo, come se non haveffe bevuto nulla. Che è secreto per il quale molti si han conservato l' honore, e la sanità.

Aliud adhuc antidotum refert ex eodem Alexio (quod tamen in meo Italico exemplari non invenio) Weckerus his verbis: *Recipe succi caulium alborum, succi granatorum acrium, singul. unc. 2. aceti unc. 1. Bulliant simul aliquamdiu, & fiat syrupus, de quo sumatur uncia una antequam bibatur.*

Omitto multa alia quæ citatus Weckerus habet. Omitto & quæ in Germanicis quibusdam libellis circumferuntur, sunt enim vitiosè ex prædicto, aliisque Auctoribus exscripta.

PROPOSITIO LXXI.

Ope fasciculi chartarum lusoriarum occultè scribere.

I. **F**asciculi chartarum lusoriarum folia dispone certo ordine, qui tibi & amico absenti notus sit, ita ut ambo sciatis quod primo, quod secundo, tertio, &c. loco collocandum sit folium. II. Collocatas chartas, & in fasciculum iterum collectas, mensæ tam diu allide (ut à lusoribus fieri solet) donec omnia folia invicem undiquaque adæquentur. III. In circuitu fasciculi scribe atramento aut rubricâ secretum quod alteri communicare vis; iterumque misce inter se folia, ut alio ordine à priori diverso collocentur, iterumque in fasciculum collige, & amico absenti trans mitte. Hoc facto, cùm omnia folia sint inter se diverso ordine permista, necesse est ut etiam verba omnia quæ per circuitum scripta erant, variè dissipentur, adeo ut à nullo mortalium legi queant. IV. Si amicus absens accepto fasciculo folia omnia collocet denuo eo ordine, quo ab alio collocata fuerant, antequam in circuitu scriberet; redintegrabuntur omnia vocabula antea scripta, ut perfectè legi queant. *Ita Gu-*

Cryptographicum artificium.

stavus Selenas in sua Cryptographia.

PROPOSITIO LXXII.

Ocrea nè aquam transmittant.

Halinitrum ceræ liquefactæ mixtum, prohibet nè omnino Hoceræ transmittant aquam, si ad ignem eâ mixturâ diligenter imbuantur. Oportet autem halinitrum esse tenuissimè contritum. Si ceræ pingue quidpiam admiscueris, adhuc melius erit. *Ex Secretis Kircherianis manuscriptis.*

PROPOSITIO LXXIII.

*Lectum pneumaticum conficere.**Lectus pneumaticus.*

EX corio consue cervicalia, & culcitrae eâ industriâ, ut inspirarum ventum seu aërem contineant. Hæc aëre syringe pneumaticâ inspirato imple, spiracula diligenter claude, lintheaminibus operi. Habebis lectum stratum, mollem æquè, ac pro æstivo tempore frigidiusculum. Iter facturus exprime aërem inflatum, & saccos vacuos faciliè vehes, ac pro data oportunitate iterum inflabis.

ANNOTATIO.

Sunt hujusmodi lecti apud multas in usu, præsertim in regionibus calidioribus. In navibus majoribus utuntur lectis pensilibus è crassiore tela. Alicubi in America funibus alligant retia quatuor suis extremitatibus ad totidem arbores, aut stipites, ut à venatarum animalium moribus sese defendant.

PROPOSITIO LXXIV.

*Depictas imagines renovare.**Pictura renovata.*

Misce cum ovi unius albumine vinum album, & panno lano unge depictam tabulam, aut telam, eritque imago illustrior quàm antea. *Ex Secretis Kircherianis manuscriptis.*

PROPOSITIO LXXV.

Aliter picturas illustrare.

A *Lexius Pedemontanus* hanc aliam præscripsit rationem. *Picturas illustrare.*
 Recipe resinæ crassæ & albæ libram unam, gummi uncias duas, terebinthinæ Venetæ unciam unam, olei lini uncias duas. Resina primò ad ignem liquefeat, & coletur; gummi in oleo communi sinatur, donec mollescat: quod cum fuerit percolatum, misceantur omnia simul, & coquantur igne lento, miscendo continuè, quòtisque ritè omnia fuerint permixta; & serventur ad usum. Hac misturâ si pictura aliqua munda fuerit illita, splendida ac pulcherrima evadet.

PROPOSITIO LXXVI.

Adhuc aliter picturas renovare, ac illustrare.

Recipe olibani masculi, & gummi juniperi, singulorum quantum satis. Misce, & fiat pulvis: cui addatur terebinthinæ Venetæ quantum satis esse videtur, & misceantur omnia bene ad ignem; deinde colentur, ac servantur. Cum uti volueris hac misturâ, priùs calefiat, deinde pictura leviter illinatur; evadet nitida, & citò siccabitur. *Weckerus lib. 16. Secretor. ubi plurima alia ad picturam spectantia.* *Picturas aliter renovare, & illustrare.*

PROPOSITIO LXXVII.

Arma nè rubigine obducantur.

Acceperamenta plumbi, & pone ea in oleo per dies novem ad Solem & aërem, & hac misturâ inunge arma, eruntque à rubige immunia. *Ex Secretis Kircherianis manuscriptis.* *Rubiginem à ferro prohibere.*

PROPOSITIO LXXVIII.

*Rubiginem ferro eximere.**Rubiginem
ferro eximo-
re.***F**erro rubiginem è vestigio adimit, illique splendorem conciliat, oleum tartari. *Alexius Pedemontanus.*

ANNOTATIO.

Idem oleum tartari lentigines emaculat in facie; omnesq; postulas facias, qua frontem mentumq; deformant, abolet vi abstersoria. Idem Alexius.

PROPOSITIO LXXIX.

*Parietes incrustatos eximiè dealbare, ac splendidos reddere.**Parietes de-
albare.***S**parietes cupis novo & admirando modo dealbare, chartam Pergamenam albam in minutissima frustula diffecato, in aqua per dies duos macerato, ad ignem coquito, donec fiat gluten. Hoc parietem perline spongiâ; & cum exsiccatus fuerit, lævi quodam saxo levigato.

ANNOTATIO.

Novi in Sicilia virum Religiosum, qui statuas è communi & arenaceo lapide gypso obducebat, ac deinde reddebat splendidas, ut marmorea apparerent. Secretum nemini communicare volebat. Fortassis ab hoc diversum non erat. Similibus secretis nonnulli magnas acquirunt opes. Novi ibidem virum alium secularem qui statuas omnis generis, & formæ, & magnitudinis è gypso conficiebat, ac ita nescio quo artificio levigabat, ut similiter marmorea apparerent, magno suo loco.

PROPOSITIO LXXX.

Moribundi, ac sensu auditus destituti, ut audiant.

Virum novi Religiosissimum, ac magnum Dei gloriæ, salu-
tisque animarum zelatorem. Hic cum moribundis (quos
frequens adibat) adlisteret, notaretq; auditu jam destitutos, nul-
lam ut per aures vocem amplius admitterent, os eorum vertici
admovebat, verbaque quæ audiri ab ægris cupiebat, non con-
tentiore quàm antea voce enuntiabat. Percipiebantur ea, di-
stinctè ab ægris omnia, ut ex nutu & signis aliis colligebatur.

*Moribundi
auditu de-
stituti ut au-
diant.*

Causam hujus rei subministrat auditivæ potentia œcono-
mia, quam diligenter proposuimus in *Magia par. 2. lib. 1. Syn-
tagm. 1.* In moribundis enim auris internæ meatus ac ductus,
quibus sonus externus per tympanum ad aërem usque implan-
tatum deferri deberet, morbo vitati sunt, atque obstructi, ideo-
que sono transitum non concedunt. Concedit tamen capitis
cutis porosa, & cranium itidem porosum: unde is ad aërem im-
plantatum, & acustici nervi extremum defertur, & ab anima vi-
taliter percipitur.

PROPOSITIO LXXXI.

Telum sine vinculis pendens in aëre.

Cardanus lib. 12. Variet. cap. 58. ait, litteris mandatum se in-
venire, in *Diana Ephesia templo Cupidinis telum nullis reten-
tum laqueis pependisse.* Addit modum quo id factum fuisse putet,
& quo ab aliis etiam effici queat, dicens: *Quod si cui ingenium
amulari libuerit, facile id assequetur. Leni ferro arundinem pro
hasta adjicito, lapidemq; Herculeum cubiti magnitudine excavatum
eximia bonitatis inserito testudini templi; appositumq; spiculum per
plura sacula sponte pendere videbitur, neque id magno miraculo.*
Hæc Cardanus. Quæ tamen Scaliger, Cardani exagitator,
sine censura non sineret abire. Si enim eximiæ bonitatis esse

*Telum sine
vinculis
pendens in
aëre.*

opor-

oporteat magnetem, cur cubiti magnitudinem habeat? Non molis magnitudo, sed virium attractivarum præstantia magnetem commendat. Præterea cur excavatum esse oportet magnetem? hoc tamen fortasse non fuerit absonum. Excavatum requirit, ut testudinis seu fornicis templi, quem excavatum supponit, cavæ formæ cogruat, nè artificium notetur, si protuberet.

ANNOTATIO.

Statua an ope magnetis in aëre possit suspendi.

IN Magia par. 4. lib. 3 Syntagm. 6. cap. 4. Pragmat. 2. varias retulimus historias ex Plinio, Ruffino, Beda, & aliis, de statuis & simulacris in aëre pendulis ope magnetis; quas tamen, aliasq; omnes qua circumferuntur, falsas esse putat P Kircherus, omninoq; impossibile existimat, statuas dictâ arte suspendi possi in aëre. Egocitato loco existimavi, & etiamnum existimo, levem aliquam statuam ferro vestitam, in aëre suspendi à magnete desuper imminente, non esse quidem impossibile quoniam vis magnetis sursum trahens ac tenens ferrum, potest esse tanta, quanta est vis gravitatis statua deorsum trahens idem ferrum: esse tamen difficillimum, quia virtutis illius utriusq; contemplatio consistit ferè in indivisibili, & minimâ aëris agitatione, aut etiam alteratione, dissolvitur. Idem iudicium esto de telo in aëre suspendendo.

PROPOSITIO LXXXII.

Secretum Cryptographicum.

Cryptographicum secretum.

IN Cryptographia nostra, quæ habetur lib. 1. partis 4. Magiæ, Iquamplurimas præscripsimus Cryptographicas praxes. Lubet his adungere sequentem ex Cardano lib. 12 variet. cap. 61. dicentem amicum quendam suum eâ usum. Sic autem instituitur.

Diluitur tantum atramenti scriptoris in aqua, ut vix a scriptâ epistolâ vestigium nigredinis appareat. Quasi siccatâ, super eadem verba, iisdemq; lituris alia, ex carbone salicis & aqua pluvialispissata, scribitur, qua verum atramentum refert. Vbi siccata fuerit, transmissaque, libeatq; legere; galla aqua incoquitur, impositâque spongia, ac expres-

expressâ mediocriter, detergitur epistola nuper conscripta, quòd carbo nec lacrymâ, nec gallâ adhareat, reliqua prior emergit, cùm galla colore & tenacitate affigatur charta, & obumbretur.

PROPOSITIO LXXXIII.

Oculus hominis, & aliorum animalium reparari potest.

PAtet hoc ex nuperrimo experimento Pragæ factò, quod inde scripsit Excellentissimus Dominus Doctor Marcus Marci Viennam Austriæ, ad Reverendissimum Dominum Aloysium Kinnerum, & hic Viennâ Suerinum in Ducatu Megapolitano, ad Clarissimum atque Doctissimum Virum Dn. Joannem Chrysofomum Egenfeldt, Serenissimi Ducis Megapolitani Confiliarium; qui id ipsum nuper admodum, nempe ad 4. Idus Januarii præsentis anni 1662. inde ad me, inter alia, scripsit in hæc verba.

Oculus destructus reparari potest.

Sed ad alia scribenda me converto. Litteris proximè ad me datis Dn. Kinner de Löwenthurn ad me perscribit; quod ut Rever. Vestra nuntiem, opera pretium est. Contigit hoc Praga apud Dominum Doctorem Marcum Marci, Virum à doctrina celebrem, Rev. Vestra procul dubio notum. Adpono ejusdem verba quibus ad Kinnerum usus. Ante dies octo invisus me quadam persona nobilis ex terris peregrinis Angliam repetens, honoris gratiâ: atq; inter ceteros discursus incidit mentio de oculis restituendis. Affirmabat verò, oculum erutum posse restitui; & si vellem, mox demonstraturum in quovis animali. Justè adferri anserem, qui occidi debuit. Ille verò lancetâ oculum discidit, ut humor aqueus totus efflueret: mox humorem crystallinum, unâ cum vitreo digitis expressit ut loco oculi nihil nisi foramen adesset: in quod de aliqua aqua, quam secum habebat, modicum insillavit; & ecce oculus subito impleri capis, & intra quadrantem horæ fuit perfectus, qualis antè fuit, quem anserem in hodiernum diem servo, & aliis ostendo. Quid ad hæc? hæc Marcus. Rescripsit Dominus Kinner. se dubitare utrum anser videat; & opinari oculum quo ad speciem solummodo exteriorem restitutum esse, partibus internis etiam annuam destructis Mar-

verò respondit, anserem quidem videre, sed minùs perfectè, ob cicatricem in pelliculis non sat aqualiter coalitam, quod futurum ipse Artifex prädixisset, qui inter operandum fassus fuit suum errorem. Hac ille. Quidquid sit, si visus ita restitutus sit, rem summâ admiratione dignam censeo. De qua Rev. Vestra judicium expecto.

Haëtenus Dominus Egenfeldt. Ad quæ *Respondeo I.* humorem aqueum ex oculo expressum restitui medicaminè, nihil esse novi: nam, ut dixi in *Magia Natur.* 1. par. lib. 2. qui est de Præfusionibus Opticis, Præluf. 1. art. 7. probavit id experientiâ P. Nicolaus Cabeus, è Societate nostra, in agno, cujus utrumque oculum acutâ lanceolâ perforavit, totumque humorem aqueum expressit, & vulnere deinde applicavit vittam madefactam succo chelidonii majoris (celidonium ipse vocat cum Italis) ac posttridie deprehendit, agnum habere oculos sanos, & aquâ turgentés, videreque ut priùs. Ex quo confirmatur opinio, dictum humorem generari ac nutriri seu restaurari à spiritibus animalibus, dum concreſcunt in parte anteriori oculi. Si ergo chelidonii succo adhibito, aqueus humor, salvis adhuc oculi tunicis, restaurari potest; poterit & eodem, aut alio, restaurari vitreus, & crystallinus.

Respondeo II. ut omnes tres humores ex oculo expressi restaurarentur medicamine applicato, probabilius mihi videri, tunicas seu pelliculas, quibus involuti sunt, deberi manere illæſas; & ita contigisse in anſere. Et de Retina quidem clara res est, cum ex communi & certa ſententiâ visio in illa fiat per modum picturæ, ut citato Libro *Magiæ* ſusè probavi. De Aranea quoque, cui crystallinus involutus inatæ cæteris humoribus, non videtur dubitari poſſe, quoniam ad amplitudinem & formam dictæ Araneæ restaurari ac formari debet dictus humor destructus.

Respondeo III. non poſſe verè aſſeri, erutum oculum poſſe restitui; ſed tantùm, oculum vulnere aliquo ita destructum, ut humores effluerint, poſſe ſanari. Hoc ultimum tantùm, non primum, probat allata experientia Pragæ facta.

PROPOSITIO LXXXIV.

*Possibile est, ut duo eodem anno, die, & horâ nati,
post unum aut plures annos moriantur eâdem horâ
& tamen inequali dierum numero
vixerint.*

NAscantur hîc duo gemelli, Anno 1661, die 15. Novemb. hora 10. ante meridiem, dum hæc scribo. Proficiscatur post annos aliquot unus illorum versus orientales plagas, circum-eatque totum terraqueum globum, ac post unum aut plures annos huc revertatur, & eâdem horâ moriatur uterque. Primus qui abiverat, unum diem vitæ plûs numerabit, quàm alter qui hîc mansit. Ratio est, quia dum distat hinc versus Orientales regiones gradibus 15, inchoat diem eundem unâ horâ citiùs quàm alter hîc; dum distat 30. gradibus, duabus horis citiùs; dum 180. gradibus, seu semicirculo distat, duodecim horis citiùs; dum pergit, donec distet 360. gradibus, hoc est, quando huc revertitur, peracto circuitu, horis viginti quatuor citiùs diem eundem inchoat. Si ergo qui hîc substitit, numerat annos, v. g. 30, dies 4 vitæ suæ, alter qui abiverat, & rediit, numerat annos 30, dies 5 vitæ suæ.

*Chronologi-
cum parado-
xum.*

ANNOTATIO.

Quod contingere posse diximus, contigit non semel ijs, qui è Lusitania aut Anglia solventes, Orientales Indias petiverunt & transmissi mari Pacifico, fretoque Magellanico, eò, unde discesserant, redierunt. Anno 1519, die 20. Septemb. discessit ex Hispania navis una, quæ postea à tam celebri eventu Victoria fuit vocata, navarcho atque ductore Ioanne Sebastiano Cano Nicola, Guetaria Provincia Guipuzcoa, reversaque est anno 1522, die 6. Septemb. numerarunt vectores qui in navî redierunt, unum diem plûs, quàm in Hispania numerabatur.

Qui discedunt versus plagas Occidentales, & terroqueo globo circumnavigato revertuntur, numerant unum diem minus, idque ob contrariam rationem, quia videlicet ii, qui 15. gradibus distant versus Occidentem, unâ horâ tardius inchoant diem, quàm hic existentes, &c.

Cardanus. l. 12. Variet. cap. 62. longam & operosam hujus rei demonstrationem adornat. Sed non est opus tanto malimine, cum ratio satis sit clara.

PROPOSITIO LXXXV.

Iter equestre celeriter conficere.

*Iter equestre
celeriter con-
ficere.*

C*ardanus lib. 13. Variet. cap. 63. modum præscribit, quo quis celeriter fugere, aut fugientem insequi queat, aitque in septem præceptis consistere. Primò, eligat equum levem, laboribusque assuetum, & super omnia mitem: multis enim equi insolentia exitio fuit. Secundò, singulis equi soleis, loco octo clavorum, affigat quatuordecim, nè per montes, quibus atteri solent clavi, euntibus, aut per tenacius lutum, excidant soleæ. Tertiò, qui equitat, secum deferat carnes pavonum, aut corvorum, modicè salitas, siccatasque ac tritas, proprii usus causâ. Quartò panem quoque aridum, non solum sibi, sed equo utilem. Quintò machinam igneam, quæ rotâ exonerari soleat, multiplicemque, ut commodum ususque postulaverit. Sextò, cingulum quoque coriaceum, quale descripsimus supra Centur. 2. Propos. 92. si contingat non vadisum flumen transire. Septimò denique nôrit optimè iter.*

ANNOTATIO.

I*N Physica curiosâ lib. 8. cap. 34. quod est de Equo, diximus, Sarmatas longinqua itinera aobituros celeriter, equis cibum adimere pridie, & ita per centena passuum millia continuo cursu eis insidere. Turcas quoq; iter agentes interdum equos non pascere, sed solum potare, quoties aquam inveniunt. Ex Saxone quoque Grammatico retulimus, Valdemarum eâ nocte, quam bellum inscuta est dies, quâ Sueonem III.*

Danorum regem vicit, præcepisse franatos stare equos sine pastu, ne satietate graves, minus ad cursum essent apti. Inedia ergo velocitas em addebat hisce equis; nostris auferi: inde major ferè apud nos equorum, quàm equitantium cura. Tartarorum tamen militum equi, macilentii ac leves, exiguo, & ferè ubi vis obvio pastu contenti etiamnum sunt; nec carnem, etiam crudam, aut semicoctam, aut semiaflatam recusant. Isdem, Paulo Veneto teste, ut loco citato quoque retulimus, cum prandandi causâ excurrunt in regiones illas Septentrionales, quibus Sol mensibus aliquot non apparet in hyeme, equas adhibent ad iter, quas pulli sequuntur. Cum ad regionis inimica ingressum perveniunt, pullos sub custodia commilitonum relinquunt, ipsi cum equabus pergunt, & praeda onusti laxant habenas: hæ pullorum desiderio per tenebras rectâ ad pullos, & celerrimè revertuntur: amant etenim equa matres impensè pullos. Hoc sciens olim Darius Persarum Rex, equas à partu recenter ad pugnas periculosas ducebat, domi relictis pullis, ut cum fugere necessarium foret, equa pullorum amore quàm celerrimè domum properarent.

PROPOSITIO LXXXVI.

In itineribus per vias incognitas ad locum destinatum sine duce pervenire, ope pyxidulae magneticae.

CUM anno 1633, juvenis è Belgio per Picardiam, Campaniam, Burgundiam, Helvetiam, Æmiliam, aliasque Italiæ regiones Romam, indeque Neapolim, ac in Siciliam, cum aliis duobus è Societate nostra Religiosus juvenibus proficisceretur, plerùmque sine viarum duce; hac ratione per vias antea incognitas ad destinatum quotidie locum perveniebam. Acum habebam magneticam, pyxidulæ, cui sciathericum adpictum erat horologium, inclusam. Cum discedendum erat de loco uno ad alterum; ex aliis viarum expertis, aut è tabulis Geographicis quas in Collegiis nostris reperiebam, cognoscebam loci ad quem tendendum erat, situm respectu loci è quo discede-

Iter per loca incognita ope pyxidulae magneticae perficere.

bam, num Meridiem Ortumvè respiceret, num inter utramque plagam medius esset, aut unam magis quàm alteram accederet. Exponebam deinde pyxidulam meam, videbamq; quem angulum linea ex loco ad locum mente ducta efficeret præter præter. Hunc observabam, & toto in itinere observare inter eundem statuebam. Quotiescunque igitur in itinere bivium occurrebat, aut dubium de recta via oriebatur, decrantque quos interrogarem; pyxidulam depromebam, acum supra meridianam fundo pyxididis adpictam lineam librabam, angulum antea notatum observabam, & ex illo observato, quorsum eundem, determinabam, felici successu: nec enim unquam errasse me memini, nisi cum Vefontione digressi, per sylvam nescio ad quem locum versum Meridiem pergebamus. Causa erroris fuit via, quam ad sylvæ ingressum elegeramus, quæ per circuitum ad urbem, unde digressi fueramus, nos reduxisset, nisi errorem paulò post deprehensum correxissemus.

ANNOTATIO.

Simile praxin præscribit Cardan^o lib. 13. Variet. cap. 63. Imbet enim Slocum, è quo disceditur, pro centro statuere, & circulo descripto, aut mente concepto, constituere situm loci ad quem tenditur, & Meridiei lineam; quam ex Solis ortu occasuque jubet venari, saltem præter præter: error enim trium aut quatuor graduum (ac etiam plurimum) hoc in negotio nihil obest, ut bene monet Cardanus. Quod si pro his omnibus tabellam regionis illius, per quam transcendendum, depictam quis habet, longè facilius ac melius res succedet. His statutis, si iter de die agitur, jubet oculo Solus locum observare in cælo, & diei horam mente aut horologio cōncere, iterque illius ratione habitâ ad locum dirigere. Est autem, si Meridiem quis respicit, Ortus à lava, Occasus à dextra: si autem Orientem respicit, Meridies à dextra est, Septentrio à sinistra. Nocturno si iter agitur, Lunam, aut stellam aliquam cognitam oportet habere ducem. Hac Cardanus, addens quid faciendum, si de via quis declinare cogitur.

PRO-

PROPOSITIO LXXXVII.

Escharoticum præparare, quod celerrimè cutem perforat.

EScharotica medicamenta, quæ Græci *ἰχθαροειδὴ φάρμακα* ap-
pellant, sunt caustica quæ vim habent escharam, hoc est,
crustam inducendi: Eschara enim, *ἰχθαρά*, Græcis dicitur crusta
sive durities illa, quæ vulneribus per cauteria quædam induci
solet, cùm sanguis aliter sisti non potest. Prodest autem non ra-
rò, ejusmodi escharotica habere præparata, quoniam cutem
subinde aut carnem celeriter erodere ac perforare volumus, nec
tamen satis sectioni fidimus. Quod sequitur, præscribit *Cardanus*
lib. 13. Variet. cap. 63. dicens esse efficacissimum: *ex aqua enim*
saponu, aut lixivio tinctorum, quod ex cineribus roboris fit, conficitur
hoc modo.

*Escharoti-
cum quod
cutem celo-
rior perforat.*

*Libra duodecim lixivii acerrimi super calcem vivam, & roboris
cinerem superfunduntur, permittunturq; destillare; inde super aliam
calcem & cinerem denuò infunditur, repetiturq; donec ovum sustineat
aqua. Inde adduntur calcanti unciæ singule in singulas libras, aut
dimidium, & in anco lebece sensim spissatur, donec extractum cogatur
in pastillos: cochlearè enim sensim extrahitur. Hoc in octava pars a ho-
ra, si rectè præparatum fuerit, perforat. Hactenus Cardanus.*

ANNOTATIO.

NOvi Italum, qui quolibet ferè semestri novum sibi ipsi facillimè,
ac sine dolore ferè, cauterium aperiebat, antiquis claudi ac sana-
ri permittis: unde tibias, coxendices, brachia habebat undiq; causeria-
ta. Quæ autem adhiberes medicamenta, aut instrumenta, præ-
ter virgas sarmentorum vitæ accensas,
nescio.

PROPOSITIO LXXXVIII.

Pelles, & Coria à corruptione servare.

Pelles & coria à corruptione servare.

PLacet & hoc addere ex Cardano, loco proximè citato, quoniam multis non parum utilitatis afferre potest, aut à damno non leviliberare.

Pelles siccas, aut in Sole diligenter siccatas, excusso pulvere in arcis loco sicco collocabis. Sufficiet semel in anno aëri sereno exposuisse. Melius servantur sibi similibus: nam laneis immixtæ eroduntur à tineis, à lineis humectantur. Hæc Cardanus. Proderit & subinde bacillis excutere pelles.

Coria loco mundo & altiore à terra servari debent, ut nè udo, nec pulvere tangantur, præsertim quæ tincta sunt: hæc enim duo corrumpere omnia solent, velut & laneos pannos. Pulvis enim erodit, & blattas procreat: udum autem affert situm, & ex situ putredinem. Ventus ergo qui refrigerat & siccatur, utilis; qui pulverulentus est (qualis Ecnephas, ac Typhon) aut humidus (qualis Auster, & à mari) corrumpit omnia, ut etiam laneos pannos. Quod si validus sit, assiduusque, nec expertus a cris qualitatis; etiam ferrum exterit. Drepani in Sicilia vidi plerosque ferreos fenestrarum clathros erosos, ob salinas urbi vicinas.

PROPOSITIO LXXXIX.

Murem ad alios mures devorandos assuefacere.

Mus ut alios mures devoret.

Pellium, & coriorum, omnisque generis vestium pestes sunt mures, & blattæ. Ad mures pellendos, aut capiendos, præres multæ passim notæ sunt. Hic unam præscribo, jucundam simul, & utilem: juvat enim miscere utili dulci, & ludicra seriis.

Ollam, aut cacabum, aliudvè simile vas lubitæ magnitudinis accipe, ejusque orificium patulum pergamenâ aut com-

muni chartâ operi, ac liga quàm strictissimè. In medio chartæ in crucis formam duas fac incisuras tantum hiantes, ut mus incidere per eas in ollam queat. Edicta charta suspende intra ollam frustum lardi affati, eamque expone in loco muribus frequentato. Qui percepto lardi odore, agminatim accurrent, & consensâ properè ollâ, per hiantes rimas incident, nec regredi poterunt, laevi vasis cavitatem ascensum prohibente. Post captos nonnullos claude vas, aut à loco remove, nè pluribus aditus pateat. Non multò post, fame stimulatî mures devorabunt se mutuo, donec absumptis omnibus unicus tantum supersit, nempe omnium robustissimus ac valentissimus. Hunc dimitte liberum. Et quoniam muribus devorandis aduetus est, undique illos, tanquam gratissimum sibi pabulum, conquirit, ac devorabit, nec permittet eodem secum loco aut domo stabulari.

ANNOTATIO.

Quoniam mures necare conantur venenatis escis, caveant nè hominibus exitium creent. Quodam in Collegio nostro Sicilia, ut mures qui pistrinum infestabant, necaret Pistor, uva passa grana non parca arsenico repleta, iterumque clausa, alicubi in pistrino exposuerat, non pramonito socio. Absente pistore intrat pro more socius, & inventa grana (qua quòd lota prius, splendebant, & quòd veneno infarcta, turgidiora solito erant, tantoq; magis orexin excitabant) abligurit ad unum omnia. Vix absumpserat, cum insolito symptomate corripitur, ac prostermitur, ac paulo post à pistore superveniente cum morte ferè luctari deprehenditur. Cognito igitur, quod contigerat, quoniam exposita paulò antè venenata grana nullibi viscebantur amplius, theriacam aliq; alexipharmaca contra venenum adhibet, & socium servat.

PROPOSITIO XC.

*Aliis modis ac remediis mures aut necare,
aut fugare.*

Quoniam de murium nece sermonem institui, lubet adhuc unum aut alterum ex aliis significare antidotum.

Mures necare, aut fugare.

Paxamus apud Weckerum lib. 6. Secretor. cap. 17. ait, mures necari veratro cum polenta objecto, aut silvestris cucumeris semine cum veratro nigro, & colocynthide, & polenta.

Eosdem fugari ait, si calchantus, & origanum, & apii semen & nigella suffumigetur.

Si verò cinerem quercinum cavernæ apposueris, incineratos scabie infestari, & necari.

Si ferri limaturam (hoc est, ramenta ferri limâ detrita) fermento immixto posueris, eâ gustatâ mori.

Idem *Paxamus* apud eundem Weckerum testatur, si unico mure apprehenso caput ipsius excoriaveris, & dimiseris, reliquos fugari.

Novi virum doctum, & etiamnum vivum, dum hæc scribo, qui hac ratione mures fugavit. Infestabant frequentes Collegii nostri Erfordensis partem unam mures, nec ullo remedio abigi aut extirpari poterant. Cæpit is unum, & vivum affatum in locum à muribus infestato exposuit; confestimque reliqui ita disparuerunt, ut nè unus remanserit.

ANNOTATIO.

Veratrū est elleborum; quod duplex est, album quod vomitione, & nigrum quod ventris exoneratione, noxia detrahit, si modicè sumatur. Colocynthus est sylvestris cucurbitæ genus, mediocris pilæ magnitudine fructum ferens, purgationibus alvi accommodatum. Origanum herba illa est, quam Germani nostri *Wolgemut* vocant. Apium, agreste videlicet, quod cicuta foliis est, nostris *wilder Epiph* dicitur. Nigella frutex est, à Græcis *paxanthos* dictus.

PROPOSITIO XCI.

Chartam pergamenam reddere translucidam instar vitæ.

*Pergamena
charta reddere trans-
lucidam.*

Charta pergamena translucida fit ut vitrum, nec tamen fragilis redditur, si super ferrum læve calidum, usculum sensim lacrymâ

crymâ abietis aut laricis imbuatur. *Item aliter*, candidis ovorum, la crymâque Arabicâ, & melle despumato. *Cardanus lib. 13. Variet. cap. 63.*

PROPOSITIO XCII.

Colorem rubrum ad scribendum efficere.

EXpertus est Cardanus, brasiliûm lignum in scobem redactum, & oleo tartari immissum, statim efficere atramentum rubrum pro scribendo, & quod fuci vim obtineat. Id contingere ait, quoniam id oleum acre est, & tenuissimum, mediâ quadam substantiâ inter oleum & aquam ardentem. Ita citatus Auctor. loc. cit.

Colorem rubrum ad scribendum efficere.

PROPOSITIO XCIII.

Catoptrica experimenta varia.

DE Catoptrica fusè egimus in 1. par. Magiæ, ubi innumera panè experimenta, jucunda æquè ac mira, attulimus in medium. Hic alia nonnulla, ibidem omissa, addemus.

Catoptrica experimenta.

I. Fiunt specula quæ repræsentant homines juniores quàm sunt, dum videlicet rugas faciei non ostendunt, & ejusdem colorem reddunt rubicundum ac vividum. Rugas non ostendunt quæcunque non sunt omnino exquisita atque polita, splendida tamen. Rubrum colorem faciei repræsentant, si crystallo, dum funditur, aliquid rubri immisceatur. Hujusmodi specula fiunt & arte, & casu.

II. Fiunt alia, quæ detegunt omnia quæ in conclavi aliquo geruntur, tametsi alioquin sine speculo videri in eo loco conclavis nequeant. Horum compositio talis est. Duo specula plana ex crystallo, æqualia ad unguem, jungantur ita, ut unius longitudo longitudini alterius ad amussim hæreat, & circa axem possit velut integumentum circumvolvi, sic ut superficies unius cum alterius superficie quandoque nnum planum efficiat

quandoque angulam obtusum, rectum, acutum, ut libuerit. Hoc speculum in sublimi à directo loci latentis suspenditur, ita ut speculi unius facies immobiles plano tuo perpendicularis immineat, alterius autem facies mobilis locum latentem respiciat. Hoc facto, videbis quidquid geritur in loco illo latente, modò lux adsit quod objecta illuminet, circumvoluto speculo mobili, donec talem faciat angulum cum immobili, ut rerum species ab hoc receptæ reflectantur ab illo in oculos tuos. Quem quidem angulum decebit te experientia melius, quàm præcepta.

III. Locum obscurum si inspicere cupias, colloca è directo loci amphoram magnam vitream, aquà plenam, & lumen ante amphoram, ita ut hæc media sit inter locum & lumen. Deinde omni alio lumine sublato, oculum tuum colloca eo in loco, ubi amphora lumen non impediat; locum tamen inspicere possis: videbisque cuncta ut in clara luce.




IV. Specula quædam plana repræsentant rem eandem bis, nempe duos nasos, quaternas aures, binas facies pro una, aliaq; similia. *Cardanus* lib. 4. subtilit. conatur hujus rei causam reddere, & mirabilem conficit demonstrationem, ut ipse appellat. Nos in *Catoptricis* nostris 1. par. Magiæ diximus causam æduplicem reflexionem ejusdem rei, quarum una fiat in superficie speculi, altera in profunditate cum refractione radiorum reflexorum. Itaque non omnia specula plana exhibent prædictum effectum, sed illa tantum, quæ speciebus præbent transitum ad aliquam usque profunditatem; cujusmodi sunt specula crystallina, non chalybea, nec marmorea.

PROPOSITIO XCIV.

Aliud Catoptricum experimentum.

*Catoptricum
experimentum
aliud.
Vide
Icon. XX.
Fig. I.*

POSSUNT planis speculis homines exhiberi volantes. Hoc ut fiat, quatuor sunt necessaria, nimirum ut moveantur homines; ut brachia agitent; ut in sublimi pendeant; ut corpus totum cum capite, brachiis, & pedibus pavimento æquidisset, ut



in avibus volantibus. Duo priora præstare potest ipse homo, reliqua duo speculum efficiet, hac ratione. Fiant duo ligna levia æqualia, ad angulum rectum instar gnomonis juncta, & ita statuantur in conclavi, ut angulus rectus in sublimi sit. Juxta angulum intus duo magna specula plana ex adverso æquali altitudine suspendantur. Ab his cum tantum abtcedes, ut in altero calcaneum ad unquem assequaris; ex motu secundum rectam lineam, & brachiorum jactatione, volentem inspicere videberis.

ANNOTATIO.

Praxin hanc præscribit Cardanus lib. 4. subtil. at satis obscure: que ego ita illustro. Sit angulus rectus, ex lignis instar gnomonis compactus, aut ex tabulis ad angulum rectum conjunctis, *A B C*. Suspendantur intus duo specula plana majora, quæ se mutuo faciebz specularibus respiciant, unum nimirum in *A B*, alterum in *C B*. Stet homo unus in *D*, ita ut radiet in speculum ex *C B* suspensum, totusq; sibi ipsi, aut alteri in *D* prope ipsum consistenti, appareat in dicto speculo *C B*. Radiabit ejus imago è speculo *C B*, in speculum *A B*, ut videri queat ab alio stante ex adverso ad partes *E*. Recedat hic versus *E* tantum, ut videat totam imaginem hominis stantis in *D*, expressam in speculo *A B*. Apparebit is in situ quasi parallelò pavimento *D E*; & si brachia agitet instar volantis, volare videbitur: pronus quidem, si consistent in *D* vertas dorsum speculo *C B*; supinus verò, si faciem vertas speculo *C B*.

PROPOSITIO XCV.

Ædificium construere quod hyberna etiam Sole multum calefiat.

ID fieri posse ait Cardanus lib. 4, subtil. si ædificium non sit erectum ad horizontem perpendiculariter, sed ita ut Solem hyemalem semper ad perpendicularum excipiat. Proponam prius praxin quam præscripsit; deinde paucis eam examinabo. Sic ergo discurrit Cardanus, supponens locum, in quo ædificandum est, latitudinem habere graduum $44\frac{1}{2}$.

Ædificium quod hyeme multum à Sole calefiat.

Vide
Icon. XX.
Fig. II.

Sit habitatio nostra in A, super plano A F; perpendicularis è nostro vertice ad centrum terra, A B, quam constat distare ab Æquinoctii circulo partibus XLIV, & mediâ: ab hyemali igitur distabit partibus LXVIII. Fiat igitur circuli pars quarta B C F & fiat B C partium XXII ex his quibus B F est XC. Distabit igitur punctus C partibus nonaginta ab hyemali Tropico. Quare cum Sol ibi erit, erectâ planâ aut cavâ cylindricâ superficie A C, in meridie radios perpendiculares excipiet. Fiat etiam arcus C E partium XLII, & juxta declinationem cujusq; diei Solis describantur partes, & moles A C retrò agatur; sicq; perpetuo anno radios perpendiculares excipiet, ut ante tempus olera & fructus habere possis, reddaturq; jucunda magis. Hæc Cardanus, quæ lubet paulum examinare, & melius explicare.

ANNOTATIO I.

Vide
Icon. XX.
Fig. III.

UT melius intelligatur mens Cardani, sit semimeridianus F B G loci A, habentis elevationem poli grad. 45°, & consequenter latitudinem, seu elevationem aequatoris, grad. 44°. In hoc semimeridiano, punctum verticale sit B, quadrans meridionalis sit B G, quadrans verò borealis sit B F. Quoniam igitur circulus æquinoctialis distat à vertice B 44°, distabit Tropicus Capricorni, seu circulus brumalis H A, ab eodem vertice B, gradibus 68; ac proinde Tropicus Capricorni H A, erit elevatus supra horizontem F A G, gradibus 22. Si jam in A sit domus, vel hortus, aliusvè quicunque locus, qui cupiat habere toto anno Solis radios perpendiculares, erigatur planum A C, faciens cum A B angulum B A C aequalem angulo H A G, nimirum gradum 22; & ipsi A C plano superstruatur adificium, aut hortus; erit dictum planum cum adificio aut horto superstructore remotum à Tropico Capricorni A H gradibus 30, ideoq; excipiet radios Solis existentis in dicto Tropico perpendiculariter, seu ad angulos rectos. Si ulterius diebus singulis totò anno, quantum elevatur Sol versus B in quadrante G B, tantum deprimatur planum A G versus F, in quadrante B F; distabit perpetuò planum A C 90 gradibus à Sole, semperque excipiet, in meridie saltem, radios Solis orthogonaliter.




Fig. i.





Fig. ii.



ANNOTATIO II.

S Caligero Exercitat. 85. in Cardannum, non placet sequi consilium Cardani in hyemali adificio fabricando. Etenim paries ille (inquit) quem tu vis hyemali subterendi radio, in meum caput corruet. Tales heliocaminos tibi fabricato. Est nihilominus ingeniosa inventio Cardani, & posset saltem pro horis exstruendis adhiberi, quamvis non sine sumptibus. At cum planum ΔC , & ipse hortus totus, esset inclinatus ad horizontem εG ; arbores, frutices, herbarum ac florum culmi, quem angulum facerent cum plano ΔC ? utiq; eundem quem faciunt nunc cum plano montis alienius habente similem inclinationem. Sed quemcumq; facerent, cum planum illud perpetuo aliter atq; aliter inclinandum foret, forent & arbores ac frutices perpetuo inclinandi. Taceo alia incommoda.

PROPOSITIO XCVI.

Anemocaminum fabricare.

IN Perfici sinus freto insula est, ac urbs splendidissima, Armuzia nomine, in vigesimo septimo elevati poli gradu, adeo sterilis, adeoque nihilominus rebus omnibus abundans, ut nulla in Orbe terrarum civitas esse credatur, in qua sic divitiarum cum paupertate, copia cum sterilitate, comoda cum incommodis, arte naturam superante, sint conjuncta. Excrevit enim urbs, ob loci situm, portusq; Insulae geminos, in emporium earum mercium omnium, quae ex Oriente, Occidente, Aquilone, & Austro devehuntur. Est, praeter cetera mala, aestus tanta vis, ut ardeant omnia videantur, nec usquam alibi tantus sit, ne sub ipso quidem Aequatore. Hinc mira loci siccitas, quanta & meri salis ac sulphuris, è quibus duobus tota Insula composita videtur. Certè fluvii ipsi aestate in salem, uti apud nos hyeme in glaciem con crescunt. Aestui intolerabili ars utcumque mederi hoc modo solet. Inaedium atriis è frigida thermæ fiunt: in iis cõsilotennis & temperandi aestus, & conciliandi soporis causâ, velut in liquidis culcitris, versâ in delicias necessitat, pernoctant. Itâ legi in Virâ P. Casparis Barzæi, scripta à P. Nicolao Trigaultio, quorum prior aliquot in ea Insula & urbe annis vitam traduxit.

Anemocaminum fabricare.

Vide Icon. XXI, Fig. V.

Aliud ad refrigerandas ædes, quo ejusdem loci incolæ uti dicuntur, prodit Scaliger Exercit. 85. in Cardanum. Nam *tubos à tecto exsistant, extantes admodum, ad alvei figuram latiorum: quorum paries exterior oram habet summam nihilo, quàm sunt domus parietes, altiores; latera, & murum, qui à tergo est, valde. Quare exceptos ventos haud transmittit illud tergum, sed ventus à fronte & lateribus impeditus demittit sese per canales ad canacula: quorum con-signationes perfosse, atq; pervie sunt. Ita quatuor ex partibus constructis illis alveis, possuntur vento quovis cujuscunq; regionis. Hosce tubos vocat Scaliger Anemocaminos, non quòd ventos efflent, sed excipiant. Schema hujusmodi Anemocaminorum tale apponit Scaliger; in quo A B est murus à tergo, A C & B D sunt muri ab utroque latere, E est pars anterior tubi per modum alvei antè a-
perti.*

ANNOTATIO.

IN *Mechanica Hydro-pneumatica par. 2. Classe. 3. Machina 1. Pragmat. 1. 2. 3. 4. & 5. varios præscripsi modos fabricandi cameras Æolias, qua ventum subministrent ex aquarum lapsu, aut folium inflatione, pro organis hydraulicis. Similes camera ventum subministrare possunt cubiculis æstivis temporibus, si alia desint media. De eadem materia, quo scilicet modo ventus in cubiculo generandus, egi in Magia par. 3. lib. 7. Syntagm. 2. Experim. 2.*

PROPOSITIO XCVII.

Caminum fabricare qui fumum egredientem non remittat.

*Caminus
qui fumum
non remittit*

*Vide
Icon XXXI
Fig. II.*

COMMUNE malum est, nostris præsertim in regionibus, quod camini subinde fumos non emittant, sed remittant, domosq; aut conclavia impleant. Quod quidem duplici de causa contingere solet, aut quia egredi prohibetur fumus, aut quia repellitur. Egredi prohibetur vel ob copiam nimiam, ut dum viridia comburuntur ligna; vel ob celeritatem motus, ut dum

propter flammæ multitudinem celerius propellitur, quàm ut simul egredi queat; vel ob camini angustiam, præsertim in imo, ut omnem non recipiat. Repulsus fit à ventis; quibus dum occurrit in exitu, retrogreditur. Huic malo ut occurreretur, varia excogitata sunt remedia, sed ferè sine fructu, *Cardanus* lib. 2. Subtilit. hoc excogitavit. In quatuor partibus camini quadrilateri, spectantibus quatuor Mundi plagas cardinales, Orientem, Occidentem, Meridiem, Septentrionem, jubet poni binos canales fictiles, quorum unus sursum, alter tendat deorsum, ut in appposito schemate apparet. Hoc enim fiet, ut ex quacunque parte ventus perfleret, semper aliqua tamen spiracula seu canales liberi mancant, per quos fumus sine impedimento egrediatur. Nam si sursum perflat in uno aut pluribus lateribus, egredietur per canalem superiorem; si deorsum, per inferiorem erumpet. Oïo autem ventos simul flare, quatuor inferius tendentes, & quatuor superius, impossibile est. Quod tamen ni fiat, fumus minimè potest retrò pelli. Addit *Cardanus*, id etiam experimento ad amussim comprobatum fuisse. Adjuvat autem non parum latitudo faucium in imo. Plerùmque etiam tutiores canales declives tantùm, quoniam rarò venti ex imo in altum feruntur, sed ex alto ad ima. *Sed tutior omnibus est caminus vaginatus.*

PROPOSITIO XCVIII.

Ex digitorum articulis aureum numerum quo vis anno currentem invenire, pro utroque Calendario.

IN Cursu Mathematico lib. xi. part. 4 ubi de computu Ecclesiastico egimus, pleraque omnia quæ ad Ecclesiasticum Calendarium, seu Novum, seu Veterem spectant, triplici viâ facile expediri posse diximus, nimirum per Arithmeticam, per Dactylismum,

Aureum numerum ex digitorum articulis invenire.

O o

lissimum,

lissimum, seu digitorum articulos, & per tabulas in eum finem constructas. Primam solam viam ibidem explicavimus: hâc secundam in aurei numeri & Epactæ inventionem insinuabimus, in eorum gratiam, qui jucundis hisce, nec in utilibus Regulis ac Praxibus delectantur; præsertim cum è Matheos fontibus derivatæ sint, & à præstantibus Mathematicis ingeniosissimè exco- gitatæ; ac turpe sit horum studiorum Candidatos ignorare, quod sæpe alii ab iis prorsus alieni se scire gloriantur. Scripsit ea de re perpulchrum Libellum *Christophorus Clavius*, quem com- putum Ecclesiasticum intitulavit, & suo præclaro Operi de Ca- lendario Gregoriano adjunxit. De eadem rescripsit quatuor Li- bros integros *Pompejus Læpius*, & Daçtylissimum Ecclesiasticum appellavit, quòd operationes pleræq; ope digitorum (quos da- çtylos à Græca appellant voce) atque articulorum humanæ ma- nus peragantur.

Ad aurei igitur numeri inventionem quod attinet, diximus citato lib. xi. par. 3. cap. 8. cuilibet anno in Ecclesiastico Calen- dario attribui unum ex 19. numeris inchoatis ab 1. usque ad 19; eâque revolutione post annos quoslibet decem & novem per- actâ, iterum rediri ad 1, ita ut quolibet anno aliquis ex novende- cim numeris sit in usu. Atque hanc 19 annorum revolutionem appellari cyclum Decennovenalem Aurei numeri; & nume- rum cuilibet anno attributum, vocari numerum Aureum, ibi- dem asseruimus.

Qua autem ratione Aureus numerus, qui quolibet anno fit in usu in Calendario Ecclesiastico, reperiri queat per Arithme- ticam, docuimus lib. cit. par. 4. Regula 3. & suprâ hac Centuria 3. Propos. 26.

Eundem Aureum numerum per digitorum articulos me- moriter ut cognoscas, *Nota*, nos hoc loco dividere cujuslibet digiti articulos in internos, & externos, & ipsam quoque summitatem seu extrêmitatem digitorum unâ cum ungue su- mme pro articulo. Itaque in quolibet digito constituimus

septem

septem articulos, nimirum tres internos, à radice digiti usque ad ejus extremitatem, deinde ipsam extremitatem cum ungue pro quarto, demum tres externos sub ungue immediate inchoatas usque ad externam radicem. Hoc notato, sic procede.

1. In articulis quatuor digitorum sinistra manus, pollice omisso, colloca annos centesimos ab ortu Christi Salvatoris, hoc modo. In radice, sive primo articulo digiti Indicis interioris colloca annum 0, in radice digiti Medii annum 100, in radice digiti annularis annum 200, in radice digiti auricularis annum 300. In secundo deinde articulo Indicis colloca annum 400, in secundo articulo digiti Medii annum 500, in secundo articulo Annularis annum 600, in secundo articulo auricularis annum 700. In tertio articulo Indicis annum 800, in tertio articulo Medii annum 900, in tertio articulo digiti Annularis annum 1000, in tertio Auricularis annum 1100. Posthæc in quarto articulo Indicis, hoc est, in ejus extremitate colloca annum 1200, in quarto Medii annum 1300, in quarto Annularis 1400, in quarto Auricularis 1500. Deinde in quinto articulo Indicis (qui est exterior proximè sub ungue) colloca annum 1600, in quinto Medii annum 1700, in quinto Annularis 1800. Et quoniam hætenus centesimi anni collocati sunt in 19 articulis, quot nimirum sunt aurei numeri; redeundum est ad radicem Indicis interioris, ibique ponendus est annus 1900, in radice deinde digiti Medii 2000, & sic deinceps, revertendo semper post articulum decimum nonum ad radicem Indicis interioris.

Hac ratione collocati anni centesimi occupant in Indice, in Medio, & in Annulari digito, quinque articulos, nempe in singulis tres internos, extremitatem cum unguibus, & unum externum ungui proximum, in Auriculari verò digito occupant quatuor solum articulos, nimirum tres internos, & extremitatem cum ungue.

	A	B	C	D
I	1600 5	1700 10	1800 15	
H	1200 4	1300 9	1400 14	1500 19
G	800 3	900 8	1000 13	1100 18
F	400 2	500 7	600 12	700 17
E	0 1	100 6	200 11	300 16

Sint in apposito schema-
te sinistrae manûs, digitus In-
dex A, Medius B, Annularis
C, Auricularis D. Sint tres ar-
ticuli interni E, F, G, extreni-
tas cum ungue H, externus
post unguem I.

Erunt ergo centesimi an-
ni in iis dispositi ut schema
monstrat. Collocationis ra-
tionem dabimus in Annota-
tionibus.

II. Collocatis hac ratio-
ne annis centesimis in prædi-
ctis 19 articulis, dispone in

iisdem omnes 19 aureos numeros ita, ut in primo interno Indi-
cis articulo, ubi est 0, collocetur 1, in secundo 2, in tertio 3, & sic
deinceps, prout schema monstrat.

III. His factis, sic invenies aureum numerum cuilibet anno
proposito debitum. Si datus annus est centesimus aliquis; quæ-
re ejus sedem inter 19 articulos; numerus enim invento centesi-
mo adscriptus, seu attributus, erit aureus numerus eidem cente-
simo debitus. Si vero datus annus non est centesimus aliquis,
sed alius quicunque; quære in articulis aureum numerum il-
lius centesimi, qui proximè antecedit annum datum, modo jam
dicto: deinde ab aureo illo numero in articulis invento perge
per reliquos numeros aureos in orbem numerare, toties adden-
do alium atque alium, quot annos habes supra centesimum à
quo incepisti: numerus articulo in quem cadit finis annorum
supra centesimum datorum adscriptus, est aureus numerus il-
lius anni.

EXEMPLEUM I. Sit inveniendus aureus numerus anni 1600.
Sedes hujus anni est articulus 1 Indicis A, cui adscriptus est nu-
merus 5. Itaque 5 est numerus aureus anni 1600.

EXEMPLEUM II. Sit iterum inveniendus aureus numerus
anni 1604. Quære sedem anni 1600, qui est, ut dixi, articulus 1

digiti Indicis *Λ*, eique adscriptus est aureus numerus 5. Quia igitur ultra annos 1600 supersunt adhuc 4 anni usque ad annum 1604 datum; perge à numero aureo 5 ordine naturali numerare adhuc quatuor aureos numeros in quatuor articulis Medii digiti *Β*, ab articulo *ε* usque ad *η*, & inuenies 9. Hic ergo est numerus aureus anni 1604.

EXEMPLUM III. Si tertio inueniendus numerus aureus anni 1660. Quære, ut antea, sedem anni 1600, & numero ipsi subscripto adde adhuc 60, numeros ordine naturali in reliquis articulis numeratos, inchoando primum annum ab articulo 6, nempe ab *ε* Medii digiti *Β*, & pergendo ad 7, 8, 9, & c. usque ad 19, & post 19 redeundo ad 1, iterumque in orbem eundo, donec numerando percurreris sexaginta articulos. Cadet annus sexagesimus in articulum *ε* digiti Medii *Β*, cui adscriptus est numerus 8. Itaque 8 est numerus aureus anni 1660.

ANNOTATIO I.

HAc arte inuenies, anno primo Christi nati aureum numerum fuisse 2: nam proximè precedens centesimus fuit 0 centesimus Christi, cui adscripta est 1, quam proximè sequitur in sequenti articulo numerus 2. Itaq; anno immediatè ante Christi natiuitatem, aureus numerus (qui iam tum in usuerat) fuit 1; anno 19 Christi, fuit 19; anno 20 Christi fuit iterum 1; anno 27 fuit 8, & c.

ANNOTATIO II.

ANno Christi centesimo 0, posito in articulo *α* prope radicem Indicis *Λ* (hunc enim ordiri placuit potius quàm aliunde) subsequentes centesimi cadunt in articulos prædictos, & in Schemate exhibitos: quia si ab articulo *ε* Indicis *Λ*, in quem cadit primus Christi annus, pergas ordine naturali sursum per reliquos articulos, tam Indicis, quàm reliquorum digitorum, usq; ad articulum decimum nonum inclusiue, & redeundo ad 1, toties percurras eosdem 19 articulos, donec peruenias ad centesimos; cadet primus centesimus in infimum internum articulum digiti Medii, secundus centesimus in infimum internum Ampularis, & reliqui in reliquos, prout dixim⁹, & prout figura monstrat.

ANNOTATIO III.

AD inveniendas sedes in articulis reliquorum centesimorum annorum ultra novendecim centesimos jam assignatos, ne cogamur saepe percurrere 19 illos articulos sinistra manus, satis est si edificentur sedes 19 dictorum centesimorum ab 0 usque ad annum 900. His enim cognitis, facile sedem cujusvis subsequentium centesimorum, quantumvis magnorum, invenies hac ratione. Ex numero annorum centesimorum propositorum aufer 20 quoties potes, & reliquo numero tot unitates adde, quoties ablata sunt 20. Nam ubi centesimus hujus summa sedem habet, ibi erit sedes centesimi propositi.

EXEMPLUM. Quarendam sit sedes anni 4900. Ex numero 49 (qui est numerus centesimorum, reliqui enim ad dexteram significant denitates ac unitates) auferuntur 20 bis, & remanent 9. Huic ergo residuo 9, addenda sunt 2 (propter bis 20 ablata) ut fiant 11. Et quia undecimus centesimus, id est, annus 1100, sedem habet in tertio articulo interiore Auricularis digiti; collocabitur ibidem annus 4900.

ALIUD. Sit quarendam sedes anni 9700. Ex numero 97 centesimorum rejici possunt 20 quater, & remanent 17; quibus si addantur 4, propter quater 20 abjecta, fiunt 21. Ab his iterum si auferantur 20, remanet 1; cui si addatur 1, propter 20 semel abjecta, fiunt 2. Quoniam igitur annus 200 collocatur in radice Annularis digiti, ponendus est ibidem annus 9700 propositus. Eadem est ratio de aliis annis.

ANNOTATIO IV.

CAusa cur numeri 19 in 19 articulis modo explicato collocentur, hanc assignamus cum Clavio. Quia proximo anno ante Christum natum fuit aureus numerus 1, collocandus est aureus numerus 1 in radice Indicis, ubi positus fuit annus Domini 0, hoc est, annus qui Christi ortum proximè antecessit. Quoniam verò cyclus aurei numeri quinquies in 100 annis continetur, & consequenter percurssis omnibus 19 articulis reditur ad articulum, qui habet numerum 1, &

superfunt 5; si hac 5 numeros in subsequentibus ordine articulis Indicis, cadit numerus aureus 6 in radicem digiti Medii, in qua est annus 100 post Christum natum. Rursus quoniam in subsequentibus centum annis ab anno 100 usq; ad 200 continetur cyclus aurei numeri quinquies, & remanent iterum 5; si hac numerentur in articulis post numerum 6 jam collocatum in dicta radice digiti Medii, cadent 11 in radicem interiore digiti annularis. Simili de causa reliqui omnes numeri aurei in articulis 19 collocati, cadent in dictos articulos, quilibet in locum illum quem occupat in superiori schemate.

PROPOSITIO XCIX.

Epactam cujuslibet anni propositi invenire.

EPaetæ, ut vidimus lib. xi. Cursus Mathem. sunt dies quibus Solaris annus quolibet anno superat Lunarem. Primo enim anno, si simul inchoentur Solaris & Lunaris annus, absoluto Lunari supersunt ex Solari dies 11; secundo anno dies 22 (hoc est, bis 11; tertio anno dies 33, hoc est, abiectis 30, propter causam loc. cit. explicatam, dies 3; quarto dies 14, &c. Sunt aut 30 Epactæ in Calendario descriptæ, quarum tamen 19. tantum in usu sunt, illæ nimirum, quæ singulis 19 aureis numeris, variis temporibus, respondent, ut ibidem explicavimus. Harum sedes in Calendario demonstrat Novilunia Ecclesiastica. Quæ autem Epacta quolibet anno proposito respondeat aureo numero illius anni, & toto illo anno singulis mensibus Novilunia ostendat, tum ante, tum post Calendarii correctionem; in pollice manus sinistrae sic invenies.

I. In Pollicis sinistrae extremitate, in articulo medio, & in infimo, colloca 19 aureos numeros hoc ordine. In extremitate pone 1; in medio articulo, 2; in imo, 3; deinde rursus in extremitate colloca 4; in articulo medio, 5; in imo, 6: in summo iterum Pollice 7, & sic deinceps usque ad 19 (ita ut ultimus numerus 19 cadat in extremum Pollicis, in quod ceciderat primus)

aut

*Epactam ex
digitorum
articulis re-
perire.*

autusque ad illum numerum ex 19, qui anno proposito, cujus Epactam quæris, est aureus numerus.

II. Aureo numero cujuscunq; in Pollicis extremitate collocato adde 10; aureo verò numero collocato in medio articulo, adde 20; aureo denique numero posito in imo articulo, nihil adjunge. Numerus enim ex aureo numero currente, & ex numero addito conflatus (abjectis priùs 30, si numerus conflatus major est quàm 30) est Epacta anni propositi ante Calendarii correctionem.

III. Ab Epactis hoc modo inventis subtrahe 10, & relinquentur Epactæ cum eisdem aureis numeris post Calendarii correctionem, usque ad annum 1700 exclusivè. Ab anno 1700 usque ad 1900 exclusivè subtrahe 11; post hunc verò 12, &c. Si subtractio fieri nequit, adde priùs 30 ad Epactam veterem inventam.

EXEMPLUM I. Anno 1599 aureus numerus per Regulam præcedentem inventus, fuit 4. Qui numerus 4, quia cadit in extremitatem Pollicis, si addo ei 10, habeo 14, & si à 14 subtraham 10, habeo 4 pro Epacta anni propositi.

EXEMPLUM II. Aureus numerus anni 1660 est 8: qui quia cadit in articulum medii Pollicis, adduntur ei 20, & fiunt 28; & si à 28 subtraham 10, habeo 18 pro Epacta dicti anni.

EXEMPLUM III. Anno 2314, aureus numerus est 16 incidens in extremitatem Pollicis. Additis ergo 10, fiunt 26; ablatisque 14 (tot enim diebus novilunia tunc retrocesserunt, & non 10 tantum diebus, sicut hoc sæculo) remanent 12 pro Epacta propositi anni.

ANNOTATIO I.

Hoc sæculo decimo sexto usq; ad annum 1700, subtrahi debent ab Epacta veteri dies 10, propter 10 dies simul exemptos à Calendario correcto, quibus decem diebus Lunationes feriis contingunt nunc, quàm ante correctionem Calendarii. Ab anno 1700, quia propter omissionem Bissexti tunc Lunationes adhuc uno die feriis contingunt, auferri debent 11, idq; usq; ad annum 1900 exclusivè: post quem subtrahi

trahi debent 12 dies, propter aliam Bissexti omissionem. At anno 1800, quanquam dies intercalaris omittitur, tamen non fit mutatio in Epactis, Luna equatione id exigente, ut declarat Clavius in Calendario Gregoriano cap. 21. num. 8. ideoq; tantum 11 detrahi debent ut ab anno 1700.

ANNOTATIO II.

Quando Epacta 25 procreatur à numero aureo majore quàm 11, (numi debet illa quæ in Calendario notata est diverso colore, aut diverso charactere. Epacta quoq; 19, diverso colore aut charactere adscripta ultimo diei Decembris, tunc est in usu, quando ab aureo numero 39 gignitur, ut contigit annis 1595, & 1614, & 1633, & 1652; contingetq; anno 1671, & anno 1690, & nunquam amplius, nisi post usum 30 linearum Epactarum tabula expansa, ut Clavius docet loc. cit. cap. 12. num. 14.

PROPOSITIO C.

Lignum vulnerarium, seu mira Fraxini virtutes.

Claudam hanc centuriam narratione & commendatione mirabilium ac pænè innumerabilium virtutum, quas fraxino attribui deprehendo à variis Auctoribus, confirmatas frequenti experientiâ, magno quorundam commodo, præsertim in curatione vulnerum; quam ob causam ab aliquibus *Lignum vulnerarium* appellatur. Recensebo prius formam arboris, tametsi notissimæ; deinde virtutes ligni, corticis, foliorum, succi, & omnium quæ originem ab arbore habent.

Fraxini mira virtutes.

§. I Fraxini forma, & species.

Fraxinus, quam Græci *uaxia*, Itali *Frassino*, Galli *Fresne*, Hispani *Fresno*, Germani *Eschbaum* / *Waldteschen* / *Langesen* appellant, arbor est notissima, non apud antiquos tantum sed apud nos quoque tota in Europa. *Theophrastus* lib. 4. cap. xi. apud *Matthiolum* in cap. 92. libri 1. *Dioscor.* duo ejus genera

Fraxini forma & species.

esse testatur : unum excellum , procerumque , lignum habens candidum , crassivenium , nervatum , mollius , enodius , ac crispus ; alterum humilium , minùs auctile , scabrius , durius , & flavius . Addit , folia esse laurinis foliis similia , in acutius tamen coacta , & ambitu leniter serrata , ramulumque totum (quem unum folium putaveris , quòd simul cuncta folia ferat) singulari pediculo , & singulis foliis conjugatim , velut per genicula pendentibus constare , amplo intervallo conjugationibus distinctis , perinde atque in sorbo : & ferre fructum in siliquis minutum , nucolum , qualem amygdalæ , gustu subamarum .

Plinius quoque lib. 16. Natural. Histor. cap. 13. cùm dixisset , Fraxinum esse arborem proceram , ac teretem , folioque pennatam , multumque *Homeri* præconio , & *Achillis* hastâ nobilitatam ; addit , Græcos duo ejus genera facere : longam & enodem unam ; brevem , duriolem , fusciolemque , & laurinis foliis alteram . Alii , eodem *Plinio* teste , in campestem & montanam dividunt ; ajuntque campestem esse crispam , montanam vero spissam . Videtur tamen *Plinius* Fraxinum cum *Taxo* confuisse , cùm dicat , Græcos prodidisse , Fraxini folia esse jumentis mortifera , cæteris ruminantium innoxia . Quæ tamen de *Taxo* , non de Fraxino *Theophrastus* prodidit , dicens : *si jumenta (ut ferunt) taxi folia comederint , emoriuntur : framinantia , nihil incommodi patiuntur* . *Matthiolus* loc. cit. credit , *Plinium* deceptum fuisse nominum vicinitate ; nam Græcis Fraxinus *μαρία* , *taxus* vero *ομνάξ* , & *μνάξ* appellatur . Addit , *Plinii* errorem claram in Italia experientiam comprobare ; siquidem taxi foliis , non Fraxini , jumenta non ruminantia necantur .

Humilem fraxinum ait *Matthiolus* cit. loco vocari à quibusdam Ornum , & Orneoglossam , ab ipsius fructus figura , quæ linguæ imaginem refert : ob eamque causam in

Officinis vocari avis linguam .

S. 11. Quo tempore cædenda fraxinus, ut virtutes ipsæ attributas obtineat.

Virtutes tot ac tantæ fraxino, ubi vis, licet obvia arbori, à Botaniciis, Naturalis Historiæ Scriptoribus, Medicis, aliisque variis Auctoribus (ut sunt Dioscorides, Plinius, Matthiolus, Dothoneus, Lonicerus, Herbarium Lugdunense, Rontius, Brunfeldius, Jonstonus, & alii) quot & quantæ vix ulli aliarum, seu nostratum, seu peregrinarum arborum, plantarum, herbarum, ac lignorum tribuuntur. Est qui triginta septem virtutes collegit, & ad me misit, iudiciumque meum requisivit. Quas antequam enumerem.

Fraxinus quando cædi debeat, ut virtutes habeat.

Notandum, velle nonnullos, præcipuas virtutes quæ ligno fraxini tribuuntur, tunc solum convenire illi, si cædatur horâ primâ qua Sol ingreditur in Leonem. Alii tamen volunt, fraxini lignum, folia, virgas, corticem, succum, &c. virtutes omnes enumerandas obtinere, quocunque cædatur tempore: ut tamen ligni vulnerarii vim habeat (de qua paulò post) necessarium esse ut dicto tempore ac horâ cædatur.

Sunt qui volunt, cædendum dictum lignum Lunâ existente in Virgine, horâ duodecimâ post mediam noctem, idque fieri posse singulis mensibus. Addunt, sufficere, si sub initium dictæ horæ infligatur unus (aut ut alii, tres) ictus arbori, dummodò eâdem deinde die abscindatur; præstare tamen ajunt, si cæsis hæc fiat die & Lunâ crescente, & arbore foliis ornatâ. Sequuntur nunc virtutes.

S. 111. Fraxini virtutes contra vulnera, morbos, venena, dolores varios, aliâq; mala corporis.

Virtutes porrò triginta septem, quas dixi fraxino attribui, sunt sequentes, ex variis Auctoribus collectæ, & frequenti experientiâ confirmatæ.

Fraxini virtutes triginta septem.

1. Sanat lenteriam, colicos & uteri seu matricis dolores, si corpus diligenter ac frequenter fraxini ligno primum, deinde spurso deorsum radatur ac demulceatur.

2. Sanguinem è naribus fluentem sistit, si dicto ligno radatur, & aquâ frigidâ lavetur facies; manûque illius lateris, in quo nares stillant, idem lignum teneatur donec incalasciat.

3. Vulnus acceptum non putrescit, & sanatur celeriter, si statim ligno isto radatur seu mulceatur, aquâ frigidâ eluatur, obligetur, ac mundum fervetur. Experimento proprio id confirmo. Præterito anno cùm sciurum domesticum ac cicurem aliàs, sed me inscio ab alio exacerbatum verberibus, attrectarem manu dexterâ; momentò dentes indici digito infigit, & primum articulum ab utraque parte perforat. Statim ergo sanguinem exprimo, atque exfugo, (salivâ bene abluo, & fasciolâ mundâ obligo, ac diei illius reliquo (erat circa vespertum) à scriptione invitus abstinco, sollicitus interim, nè secuturus tumor aut dolor digiti scribendi facultatem per dies aliquot adimeret: at sequenti die manè tumor nullus, & vix vulneris locus apparuit, nec ullum scribendi impedimentum sensi. Eodem anno cùm Scholasticorum nostrorum unus manum graviter laxisset, & neglectâ curatione inflammationem magnam cum ingenti dolore contraxisset; accepto ab humaniorum litterarum Professore, cui affectam manum ostenderat, ligno fraxineo, eam diligenter & frequenter radit, & brevi tempore, nullo alio remedio adhibito, perfectam recipit sanitatem.

4. Aqua è dicto ligno destillata, & contagionis tempore quotidie manè à jejuno sumpta quantum cochleari capitur, leturum reddit à peste, spatio viginti quatuor horarum. Eadem à peste jam concepto hausta bonâ quantitate, si sudet, ac post sudorem (si possit) deambulet, contagionem depellit.

5. Qui è vasis ex dicto ligno confectis comedit, aut bibit, secutus à veneno est; nec enim venenum ex dictis vasis propinatum nocet.

6. Succus è dicto ligno destillatus, ac potatus, antidotum est præsentissimum contra venenum.

7. Aqua

7. Aqua è foliis fraxini distillata, malè affectos oculos sanat, si eâ frequenter laventur.

8. Eadem aqua potata, renum dolorem pellit, & iſtericum morbum sanat.

9. Membrum tumidum, si fraxini ligno statim initio frequenter radatur ac demulceatur, aquâque frigidâ lavetur, detumescit, ac sanatur.

10. Cortex interior fraxini, si vino aut aquâ maceretur, ac potetur, spleneticos sanat. Ajunt etiam, si eadem aqua per tri-duum porco in potum detur, eum si juguletur, splene carere.

11. Potus è vasis fraxineis antidotum esse dicitur contra lumbaginem, seu lumborum dolorem.

12. Fraxinei ligni frustula ambabus manibus detenta ut incalescant, adeo sistunt sanguinem, ut nè gutta è scarificatione effluat, donec abjiciantur. Experimentum fecit quidam è S. Francisci ordine, & verum esse deprehendit.

13. Fraxinus adeo venenatis animalibus, præsertim serpentibus, contraria est, ut nè umbram ejus, quantumvis manè aut vesperi longissimè projectam, subeant. Et si circum in terra è fraxini foliis ab una, ex igne ab alia parte facias, & serpentem in medio aut viperam colloques; subire ignem ac transilire potius, quàm fraxinum tentabit. Imò serpens fraxini virgâ tactus, stupefit, & moritur. Testatur inter alios *Plinius*, qui lib. 16. Natur. Hist. cap. 13. ait: *contra serpentes verò succo expresso ad potum. & imposita ulceribus, opifera, ac nihil aquè, reperiuntur fraxini folia: tantaq; est vis, ut ne matutinas quidem, occidentes vè umbras quàm sunt longissima, serpens arboris ejus attingat: adeo ipsam procul fugit. Experti prodimus: si fronde eâ gyro claudatur ignis, & serpens, in ignem potius, quàm in fraxinum fugere serpentem. Mira Natura benignitas, prius quàm ha prodeant, florere fraxinum, nec ante conditas folia demittere.*

14. Infans recens natus, & ter continenter in maſtra seu alveolo è fraxini ligno lotus, immunis esse dicitur toto vitæ tempore à morbo caduco.

15. Acetum in doliolis è fraxini ligno confectis, citò perficitur, & optimum redditur.

16. Equi, aliaque animalia, quibuscunque morbis aut malis infestata, si dicto ligno demulceantur ab anteriore versus posteriorem partem, & mox aquâ frigidâ per eandem viam laventur, sanantur.

17. Dentiscalpia ex fraxini ligno confecta, dentium dolorem à defluxionibus causatum sedant, si eò usque scalpantur, ac pungantur, donec sanguis effluat. Quin etiam dentium dolorem prohibent, ac dentibus prosunt.

18. Stryges & veneficæ fraxini lignum non posse tolerare dicuntur. Hinc mulctra, aliaque vasa vino hauriendo destinata ex eo fieri assolent.

19. Fraxinus antidotum est contra calculum, erisypelam, & alios similes morbos.

20. Ulcus quodvis, etiam carcinoma seu cancer in humano corpore exorians, si ligno fraxineo ac sputo deliniatur, & ligni ejusdem frustulum loco malè affecto imponatur, ac ligetur, sanatur.

21. Si gibber infanti adnasci deprehenditur, demulce locum à summo deorsum ejusmodi ligno, ac sputo. Vel dentur eidem infanti quotidie duo aut tria cochlearia aquæ ex fraxino distillatæ, eademque aquâ locus affectus deorsum lavetur; evanescet malum inchoatum, nec redibit.

22. Infantes dentientes si lignum fraxineum identidem admordeant, eodemque gingivæ frequenter tangantur, ac mulceantur, faciliè accitò dentiunt,

23. Capitis dolores ac defluxiones pelluntur, si ligno illo, & salivâ, caput versus humeros fricetur.

24. Podagrici dolores minuuntur, si membra affecta ligno eodem & salivâ atterantur.

25. Si ex repentino & gravi casu sanguis circa partem læsam coahuit, si confestim ligno illo, & aquâ frigidâ membra læsa diligenter demulceantur, sanguis dissipatur, ac dolor minuitur.

26. Pedes & crura ex itinere defatigata, si dicto ligno & aquâ frigidâ demulceantur, ac laventur, à defatigatione liberantur.

27. Mede-

27. Medetur membris frigore destructis, si ligno illo & salivâ deliniuntur. Antidotum quoque est contra Atrophiam seu talem, inflammationes, tremorem membrorum, & alia.

28. Parturientes facilius ac felicius pariunt, si fraxineum lignum secto imponatur.

29. Farina ferratilis è ligno fraxini, quantum cultri apice capitur, sumpta à pulmonario cum pauxillo vini adusti, sanat pulmones affectos. Eadem farina cum vino adusto ter quaterve sumpta, sanat dysenteriam, dolores colicos, & uteri.

30. Succus è fraxino distillatus, ac potatus, antidotum est presentissimum contra venenum, morsus serpentum ac viperarum, hydropisim. Purgat etiam & corrigit pulmones.

31. Folia in vino cocta, & capiti imposita, dolores ac morbos capitis sanant.

32. Cortex in aqua coctus, ac potatus, minuit splenem, & aperit pulmonem constipatum.

33. Cortex interior pulverizatus, & cum carnis iusculo sumptus, aperit intra duarum horarum spatium apostemata interiora, atque expellit.

34. Idem cortex pulverizatus, & vulneribus prius bene lotis ac purgatis inspersus, ea sanat, tam in hominibus, quam brutis animalibus.

35. Sal è fraxini ligno confectus, quantum cultri apice capitur, cum aqua antè dicta potatus, antidotum est contra pestem, febres malignas, pulmonis aliosque internos morbos.

36. Oleum ex eodem ligno sumptum medetur doloribus pectoris, promovet urinam, & mala interna sanat.

37. Equus ex compressione læsus sanatur, si antequam intumescat locus, eo ligno frequenter ac diligenter deliniatur, ac frigidâ lavetur. Si jam intumuit locus læsus, aperiatur ad inferiorem partem, exprimatur pus, lignum vulncri imprimatur, & frigidâ lavetur.

S. IV. Crisis nostra de fraxini virtutibus.

QUas hætenus enarravi fraxini virtutes, Germanico idiomate nonnemo à se collectas ad me misit infrà norando anno, meumque circa illas judicium exquisivit. Cui in hæc respondi verba.

Circa fraxini, seu ut vocant, vulnerarii ligni præparationem usum, atque effectum, tamen si Medicorum potius, quàm Philosophorum ac Mathematicorum judicium requiratur, nè tamen desiderio tuo desim, hæc breviter statuo.

I. In cæsione, ac præparatione, uti & in applicatione, nihil superstitiosi, nihil illiciti reperio. Certum enim est, planetarum vires pro alia atque alia stellarum constitutione seu aspectu, augeri, ac minui. Experientia quoque & ratio docet, fricatione vulnerum, partiumvè læsarum versus aliam atque aliam partem corporis, humores versus easdem derivari, ac dissipari.

II. Vanum tamen est, saltem non præcisè necessarium, ut lignum cædatur primâ horâ ingressus Solis in Leonem. Nam posito quòd Sol in Leone constitutus influat virtutem sanativam in fraxinum; tempus illius influxus non consistit in indivisibili, nec præcisè in una hora, sed habet latitudinem. Adde quòd non exprimatur, utrum Sol ingredi debeat in Asterismum Leonis, an verò in signum Leonis primi Mobilis, aut firmamenti; & tamen initia horum duorum Signorum distant inter se ferè integro Signo, seu 30 gradibus, adeo ut Sol uno ferè mense citiùs ingrediatur unum, quàm alterum Signum.

III. Dato quòd aliqui effectus ex recensitis veri sint, pleriq; tamen mihi videntur dubii, & vel conficti, vel nullâ certâ experientiâ comprobati. Itaque nimia virtus tribuitur dicto ligno: qui autem nimium promittit, totum, aut ferè totum reddit suspectum. Hæc mea est sententia. Dabam Herbipoli die 29. Octobris 1659,

LECTORI MEO.

Vesuvium, notissimum in Campania felice prope Parthenopen montem, plurimisq; à condito Orbe incendiis non tam clarum, quàm formidabilem, cinerum fumo, bitumine aliàque piceà atque sulphureà materià permistorum ingentes eructasse aggeres, nec novum est, nec rarum. Olim Byzantium usque volavit ejusmodi rejectamentorum pluvia, si fidem adhibeamus Procopia lib. 2. de Bello Gothico: aliàs Africam transvolavit, si Dionem audimus in Tito: quin & totam quandoque Europa faciem contexit, Marcellino teste in Chronico. Item Universitatis testimonio agnitum aliquando, testatur Cassiodorus Variar. Epistol. 50. Incredibile ergo non est, quod Julius Cæsar Recupitus refert in Vesuviani incendii Nuntio, Anno hujus sæculi post Christum natum sextidecimi trigesimo primo, in famoso simul & calamitoso illo incendio, cinerem vel eo ipso primo die, quo mons ardere cepit, plerasque Neapolitani regni urbes implevisse, in Dalmatiam transmisisse, Ægeum mare prope contexisse. Mitior fuit strages, quam simile malum ante biennium, Anno videlicet M. DC. LX. ejusdem Neapolitani regni urbibus non paucis intulit. Die quippe tertià Iulii, albescente jam die (nè famo- a

tragædia spectatores deessent) in dicto monte fumus igni mistus primæ dedit calamitatis securæ præludia. Qui fumus primò, ut olim, teste Juniore Plinio Epistolar. lib. 6. ad Tacitum, in pini similitudinem attenuatus, tum in vastissimi montis effigiem excrevit. Mons montem peperisse videbatur. Fumum hunc secuti sunt subterranei tonitruum instar fragores, igneorum globorum ejaculationes formidabiles, fulgura, & fulmina; tandemq; ingens cineritia arena copia, quæ omnem circà regionem longè latèque contextit, ac post dies multos, quibus diu noctuq; cinerea illa pluvia duravit, in portentosas diversarum formarum ac magnitudinum cruces, lineis hominum vestibus, aliisque telis ac mappis impressas, degeneravit, ingenti hominum stupore. Harum genesim, genesisq; causam, significationem, aliq; adjuncta, doctâ discussit Diatribâ P. Athanasius Kircherus, eamq; Romæ impressam ad me misit. Quæ cum digna sit ut ad multorum notitiam veniat, huic nostro Opusculo adjungere in LECTORIS MEI gratiam, non dubitavit.

ATHA-

ATHANASII
KIRCHERI
SOC. JESV

DIATRIBE

De prodigiosis Crucibus, quæ tam
supra vestes hominum, quàm res
alias, non pridem post ultimum
incendium Vesuvii
Montis,

NEAPOLI

Comparuerunt.

SERENISSIMO PRINCIPI
LEOPOLDO
GVLIELMO,
 ARCHIDVCI AVSTRIÆ,
 Duci Burgundiæ, Ordinis Teuto-
 nici Magno Magistro, &c.

ATHANASIVS KIRCHERVS
 SOCIETATIS JESV

Felicitatem.



*C*uius pietatis & victoria labarum,
 piis & invictis Imperatoribus adora-
 tum, Te, Serenissime **LEOPOLDE,**
 Imperatorum progeniem ardenter am-
 bit, quem pietas lactavit in cunis, quem victoria
 palmis toties coronavit. Dicat hoc Belgium,
 Martis filia, Bellona gemella, sub cuius discipli-
 na Regnorum omnium ira pugnant, ipsa Orbem vi-
 ctura facilius, quàm ab Orbe vincenda, si unita:
 ubi

ubi non una Troja, tot Hectores habuit, quot belli duces; & hi te suum Hectorem habuerunt. Ubi robustior Hercule falsum reddidisti vulgatum adagium, dum **LEOPOLDVS** unus, non Leopoldus anagrammatica, Pello duos, unum triumphans hostem, vocari meruit Pello-duos. Ubi quoties ipse pugnasti, tot victorias, quot pugnas numerasti. Et nihilominus inter cades hominum, & strages Urbium, sic in Castris vixisti, ut inter septa sacrorum Altarium in claustris vixisse videreris: innocentia morum tam tenax, ut, quod prodigium est in Principe, ea sola faceres, non quae possunt fieri, sed quae decerent. Domesticis Tuis necessitatem quandam probitatis induxisti, neminem inter illos amicum habens, inimicum DEO; inter subditos neminem fovisti, qui aut non esset optimus, aut non haberetur talis: vel inter militarem licentiam, milites docebas sanctitatem. Non est igitur mirum, si Crux Teutonica, pietatis & victoria tessera, Te peculiariter adamaverit, quae fulgens in veste candida, amabilem vitam Tuam candorem, colore suo hostium tuorum pallorum exprimit: Tibi praeter reliquis mortalibus uni debita, sive ob natalium, quo fulges, Imperatorium splendorem; sive ob heroicam, qua fulguras, belli gloriam;

*riam; siue ob Austriacam, qua flores, pietatem;
siue denique ob prudentiam, qua polles præ reliquis
eui tui Principibus, omnino singularem. Crux ho-
die solita splendere inter gemmarum sidera in Re-
gum vertice, vestem tuam ante gemmeas coronas
exoptauit, ubi nobile Hieroglyphicum, religionem*

LEOPOLDI *sanctius, fortitudinem animi
generosius, laborem tolerantiam animosius, zelum
fidei felicius, virtutum omnium cultum incorru-
ptius exhibet Orbi universo. Ad Tuum igitur
solum à me defertur hac brevis DIATRIBE
plurimorum jam dudum votis expetita, qua Cruces
hominum vestibus imprimi solitas, vel ut debita
sceleribus vindicta prasagium, vel ut ludentis Na-
tura prodigium explicat. Unum hoc me sollicitum
angit, quod tantillum Opus tanto Principi exhi-
beam. Suasores habui huius mee temeritatis, &
fiduciam benevolentia Tux, & debitum obser-
uantia mea in Mecanatem optimum. Cum esse ne-
queam beneficus, tantillo munere conor esse benevo-
lus. Tua me solatur humanitas, qua non quan-
tum, sed ex quanto; non ex dignitate Tua, sed
ex officiosa placendi voluntate, metiri soles Tuo-
rum in Te officium; magis expendens, quid pos-
sint,*

sint, quàm quid debeant. Et quoniam ego inter plurimos debeo plus quàm possum, nec minus tamen cupiam quàm debeo; minores pariter, ac majores ingenii mei fructus, utpote Tuos, Tuæ scilicet Tuorumque munificentie radios educatos, ex affectu, ex debito Tibi dico, & consecro. Vos interim, ô Superi, Patronum optimum **LEOPOLDVM** *ad publicam Imperii & totius Europa salutem natum, annis, honoribus, meritis donare, ornate, cumulate: ut cujus eximiis facinoribus indulgistis felicitatem, perennitatem concedatis. E Coll. Rom, 25. Martii 1661.*

Gosvvi-

Gosvvinus Nickel Soc. J E S V

Præpositus Generalis.

C*Um Opus quod inscribitur Diatribe de prodigiis Crucibus, &c. à P. Athanasio Kirchero nostra Societatis Sacerdote compositum, aliquot ejusdem Societatis Religiosi recognoverint, & in lucem ede posse probaverint; potestatem facimus, ut Typis mandetur si iis ad quos pertinet, ita videbitur. In cuius rei fidem has literas manu nostrâ firmatas, sigilloque nostro munitas damus. Rome 21. Januarii 1661.*

GOSWINVS NICKEL.



Imprimatur, si videbitur Reverendiss. P. Mag. Sac. Pal. Apost.

O. Archiep. Patracen. Vicesg.

Imprimatur.

Fr. Raimundus Capisuccus, Sac. Apost.
Pal. Mag. Ord. Præd.

PARS

CAPUT I.

De variis prodigiorum classibus.

NULLUM arbitror in hac Mundi machina Divinorum operum esse, quod tantâ admiratione mortaliū pectora rapiat, tantâ subinde formidine percellat, ac nonnulla, quæ uti inaccessis divinæ Sapientiæ claustris reconduntur, ita nullum quoque quantumvis purgatissimis mentibus ad eas, non dicam penetrandas, sed ne ad concipiendas quidem aditum, patefaciunt, ac potissimum in triplici generum differentia versantur.

Prioris generis sunt illa miracula, quæ Omnipotentis Dei dextera vel per se immediate, vel mediantibus hominibus sanctitate conspicuis, vel Angelis, ineffabili quodam modo operatur.

Secundi generis sunt, quæ subinde Angelorum-dæmonum-ve ope, Deo, vel ad gloriam suam manifestandam, vel ad delicta mortalium vindicanda, permittente contingunt. Et quamvis hæc naturalium causarum catenis multiplici nexu implicentur; fieri tamen non potest, ut ea ob humani ratiocinii inbecillitatem, dum obscuris tantum similitudinum umbris, & sub notione confusa concipiuntur, perspicè quoad modum explicentur. Quemadmodum enim infusâ naturalium rerum scientiâ dorati sunt, ita occultos Naturæ consensus dissensusque tam aptè & concinnè applicare nōrunt, ut insolitis & prodigiosis effectibus producendis nihil iis denegatum videatur. Hujusmodi sunt, repentina elementarium corporum concitatio, ventorum impetus, quo vastas turrium ædificiorumque moles passim stratas, sylvas everfas & civitates, mare disjectis littoribus in

Rr

campos

campos transfusum , multa unà cum incolis domorum millia diruta , & spiritu procellarum abrepta legimus. Huc quoque revocatur animalium locutio , uti de Asina Balaam sacra refert Historia ; & Plinius ait , anno Urbis 676. gallum gallinaceum , anno verò 710. bovem quoque locutum in Suburbiis Romæ paulò ante Julii Cæsaris mortem , frustra se urgeri dicentem , quod non frumenta , sed homines propemodum essent defuturi. Huc spectant varia ex aëris elemento assumptorum corporum schemata , sudores imaginum , voces sylvarum , lapidum , ceu ex luco vel æthere ferientes , quorum exempla ubique sunt obvia.

*Natura mi-
racula.*

Tertii generis sunt , quæ puro quidem Naturæ subduntur imperio , attamen tantò à perfectâ hominum intelligentia semotiora , quantò ob varium causarum confluxum sunt occultiora , adeo ut non immeritò in omnibus rebus *τὸ θεῖον* sive Divinum aliquid inesse sapientissimus censuerit Hippocrates : quæ tam latè patent , quàm latè patet multiplex rerum , specierum , individuorumque constitutio. Etenim divinatorum omnia , quæ aliquam suæ occultioris indolis notam exprimunt , alia quidem ab Orbe condito illicò immutabili lege , ipsisque innata seminaibus adhærescunt : quæ quamvis in Naturæ fecundissimo sinu , rerumque sensibilem classe contineantur , visum tamen suarum actionumque occultas promunt & abditas causas , iis solummodò notas , quos Pater luminum hoc inæstimabili intellectûs munere beaverit ; & sunt , quæ Philotophus *δύναμις τῆς φύσεως* , Latini Naturæ dicunt miracula , cuiusmodi potissimum sunt , quæ de lite & amicitia , sive de Sympathia & Antipathia rerum in controversiam cadunt. Supra hanc aliud genus quod propriè *τὸ θεῖον* sive Divinum nominavimus , non à primis Mundi natalibus rebus insitum , non perpetuum & constanti perenni- que Naturæ propagine ubique extensum , sed tamen ad hominis bonum novâ prorsus insolitâque ratione certis locis , temporibus , aut etiam simulacris sensibilibus illigatur , & omne id continet , quod in homine Microcosmo , vel Mundi totius ambitu circumfuso , ab illa communi Naturæ specie atque usitata lege exorbitat , & admiratione sui mortalium sensus animosque ex-
agitat ;

agitat; quæ Græci *τεῖχων*, Latini monstrorum, ostentorum, prodigiorum, portentorum venomine amplexi sunt, nos etiam *θεῖα ὀράματα*, Divina vocitamus spectacula, quodd nullum ejusmodi sit, quin præsentis Numinis aut Divinitatis alicujus luculentum indicium præseverat; & sunt in Cælo quidem novorum siderum geneses, Cometarum sub multiplici differentia apparitiones; In aëreo elemento ventorum, turbinumque insolita sævities, prodigiosæ sanguinis, frumenti, lapidum, animaliumque pluvix; In aquis insolita lacuum intumescencia, portentosa diluvia, repentinæ Maris fluminumque inundationes, quas ruptis aggeribus magna cum hominum, animalium, agrorumque ruina, nil præter turrium apices adhuc extantes, ceu functi spectaculi indices, nonnullis in locis reliquisse legimus; In Terra prodigiosæ & repentinæ fontium scaturigines, aut desitiones, montium absorptio, novorumque generatio, formidanda maris, terrarum, Vulcanorumque incendia; In minori Mundo, morborum inauditorum, monstrorumque progenies; In politico Mundo, perturbationes horrendæ, invisæ rerum humanarum catastrophæ: quibus quia omnium Historicorum monumenta referta sunt, diutiùs immorari nolumus.

Et ut ad propositum nobis argumentum propiùs accedamus, ex recensita ostentorum serie non infimum locum obtinuisse existimamus id, quod magnâ omnium formidine Neapoli non ita pridem comparuit; prodigiosa videlicet & repentina Crucum, in lineis hominum vestimentis panta morphæ Naturæ penicillo pictarum, exhibitio; cujus causam & rationes antequam explicemus, nè quis forsân ostentum hoc omnibus sæculis in visum inauditumque existimare possit, primò historicam hoc loco atteximus narrationem, quâ nullo non tempore hujus generis portenta diversis in locis & regionibus observata fuisse,

Deo favente, ostendemus, ut ex iis quænam miraculo quæ Naturæ vi ortæ sint, patefiat.

Crucis prodigiosa Neapolitana, inter Naturæ miracula numerata.

CAPUT II.

*Historica, de miraculosa Crucum in vestimentis
hominum apparitione, Relatio.*

*Crucis vari-
is tēpori-
bus in homi-
num vesti-
bus appa-
ruerunt.*

ANno salutis 363. Julianus Apostata secundo Imperii sui anno, Liberii Pontificis duodecimo, juratus uti Christianorum, quos in opprobrium Galilæos vocabat, ita & Crucis Christi inimicus, cum ex Evangelico cognovisset celebre illud de everfione Hierosolymæ Templique imminens exterminium, ita ut nē lapis quidem supra lapidem mansurus esset; ad irritandum annullandumque Salvatoris nostri vaticinium, Judæos ad Templi instaurationem, quibuscumque potuit modis, inducere conatus, omne ipsis in sumptibus faciendis subsidium pollicitus est; quod & præstitit. Judæi tam opportunam jam dudum concepti moliminis occasionem nequaquam aspernamdum, tum consiliis auxiliisque Juliani impulsit, tum ardenti conficiendi operis desiderio perciti, opus occeperunt tantā alacritate, & tam ferventi mentis æstu, ut vel ipsæ scæminæ, cum cophini deessent, complicatis vestium simbriis sordium rejectamenta efferrent; omnem muliebrem mundum, monilia, catenulas, inaures, in operis felix auspiciū impenderent, reliquis Hebræis per Orbem dispersis, vel ad primam hujus molitionis famam ingentem ubique locorum pecuniarum vim collectam subministrantibus. Anxietas hæc res mirum in modum Christianos, præsertim cum Judæi ipsis falsum Christi vaticinium ex ipsis fundamentis adhuc integris & inconcussis, id ipsum luculenter commonstrantibus, exprobrarent. Ad S. Cyrilli Hierosolymitani tunc temporis Episcopi prophetico spiritu animati, jam tempus adventasse dicentis, quod completo Christi vaticinio lapis non manerēt super lapidem, in fide perstiterunt; Judæis interim cum risu verba sancti Viri acceptantibus, atque impigrè operi insistentibus: Ecce derepentē formidabilis terræ motus exortus, omnes veterum Templi structuratum lapides non tantum (horrendum dictu!) funditus concussit, sed & unā

cum

cum vicinorum ædificiorum substructionibus ita discussit disiecitque, ut nullus super lapidem lapis mansisse videretur; Judæis partim occisis, partim ad formidabile spectaculum fugâ sibi consulentibus. Non destitit hæc irati Numinis vindicta: ignis cælitus demissus terræmotum subsecutus, omnia opificum instrumenta, malleos, scalpra, palas, ferras, secures, ascias, ligones, omnia denique quæ operæ ad opus perficiendum habebant peridonea, unâ cum Judæis flammâ, incendioque vastata in cineres redegit. Et nè quis hæc casu accidisse arbitraretur, aliud ingens accessit prodigium. Si quidem sequenti nocte in mapis Altarium, libris, vestimentis, amiëtibusque non Christianorum quidem, sed Judæorum, Gentiliumque tertio jam evidentiorique miraculo, Cruces radorum lumine figuratæ non Hierosolymis tantùm, sed & Antiochiæ, aliisque vicinis Urbibus imbreffæ comparuerunt; (eidem Juliano, in extis animalium introspectiendis Crucem coronatam apparuisse referunt;) quas cum illucescente die Hebræi intuerentur, easquæ nulla vi, vel artis industriâ aluere possent; multi metu & intimo mentis horrore perculsi Christum, quem blâsphemis primò vocibus insectabantur, in vestibus suis jam impressum signatumque, Deum constantissimè confessi sunt; complures verò pertinacioris cervicis impetu abrepti, felicem, quæ iis obtigerat, sortem, retento Judaismo, infelicitèr abjecerunt. Atque hoc pacto Judæi, & Gentiles locum pariter, & inani labore cæpta, justo Dei judicio in omnes terras dispersi reliquerunt; adeò ut verificatum videatur istud elegans S. Leonis pronunciatum: nullis artibus & technis, nullo crudelitatis genere destrui posse sacramento Crucis fundatam Religionem.

Anno 361. Juliano Apostatâ fines Illyrici ingresso, fertur (inquit *Sozomenus*) vites post videmiam circa virgiliarum occasum, uvis acerbis & immaturis onustas apparuisse, roremque tum in ejus, tum in Comitum suorum vestes ex aëre delapsam, singulis guttis signum Crucis impressisse, ejusque portenti significationem hanc esse dicebant: Imperatorem Julianum immaturo ætatis suæ tempore periturum, Religionem autem Christianam cælestem esse, & omnes sacrâ Crucis Christi

Cruces in vestibus Judæorum apparent tempore Juliani Apostatæ.

Cruces in veste Juliani Apostatæ, & Comitum ejus apparent.

figurâ cum tempore signandos fore. Vaticinium eventus docuit.

*Cruce in monte Golgotha appa-
re.*

Anno Christi 353. in Monte Golgotha, ipso die Pentecostes, lucidissimum signum Crucis apparuisse, *Sozomenus* testatur; quod tanto radiorum fulgore omnia illustravit, ut omnes ex omnibus Mundi parribus confluentes homines in admirationem raperet, præsertim cùm in altissimo aëris loco multis stadiis à terra distito suspensum hæreret, ea potissimum de causa à Deo Opt. Max. exhibitum, quod cùm Constantius Cæsar bellum adversus Catholicam Dei Ecclesiam gesturus, vexillum erexisset impietatis, Christus, cujus maximè Divinitas impetebatur, illud ipsum, quo universam cum impiis impietatem debellaret, divinum hoc signum supra sanctum Montem immensâ claritate coruscum cælitùs demonstrare voluit, illud quod in mortali vita suis inculcârat, indicans: *Confidite, ego vici Mundum*. Rem sanè eventus docuit: nam virtute divinâ tantò semper Ecclesia effullit gloriosius copiosiusque effloruit, quò magis impiorum armis extincta putabatur.

Crucis in vestibus tempore Arcadij Imperatoris.

Anno 395. Arcadius Imperator cùm arduum in favorem Armeniorum contra Persas bellum indixisset, & jam coeuntibus in prælium militibus, incredibili mentis fervore arderent; ecce derepentè aëreæ Cruces in vestibus patuère, luculentum victoriæ, quâ contra hostes potiri debeat, indicium: unde & victor aureum numisma eodem Crucis signo expressum ad posteritatis memoriam transmisit. Ita *Prosper*.

Crucis in vestibus recens baptismorum.

Anno 419. quo multæ civitates villæq; in Palæstina terræmotu collapsæ sunt, eodem Christus Servator noster supra Montem Oliveti de lucida sese nube spectandum dedit; quo viso, auditoque, multæ Nationes, gentilitatis adhuc immerse tenebris, Christi fidem amplexatæ sunt, atque in singulis (mirum dictu!) sacro baptismatis fonte ablutorum vestimentis & tunicis Crucis Christi imago expressa illicò apparuit. Quæ fusiùs *Marcellinus* in Chronico suo describit.

Crucis in vestibus peste affectorum.

Anno 746. Constantini Copronymi Imperatoris anno 6. post exortam derepentè formidabilem caliginem, secuti sunt terræmotus horrendi in Syria & Palæstina: hos excepit pestis

inguinaria, ex Calabria & Sicilia originis suæ principia ducens, quæ Constantinopolim invadens per triennium ita eam depasta est, ut in solitudinem redigeretur, repletisque cunctis monumentis, lacubus, hortis, vineis, ubi mortui sepelirentur, nullus superesset locus; grande prodigium! in vestimentis eorum qui inficiebantur lue, Crucum figuræ nullo sensibili motus vestigio impressæ cernebantur, & si vitam omni medicæ artis industria irritâ, finiebant. Et cum irati Numinis vindictam cognoscerent, omnes Divinam clementiam quibuscunque possent modis sollicitabant; solus Constantinus in solita sua pertinacia persistens, blasphemis in Deum Sanctosque, cælum & terram infestare non pesistebat; quæ omnia fusiùs prosequitur *Theophanes, & Theodor.*

Anno 954. Ignis cælitûs demissus vestimentis hominum inhærebat sub forma Crucularum, à quibus ij solùm liberabantur, qui ad Ecclesiam S. Mariæ Parisiis se reciperent. Ita *Luitprandus, & Leo Ostiensis* in suis Chronicis.

*Crucis ignea
in vestimen-
tis hominum*

Anno Christi 958. Regni Ottonis Magni Cæsaris an. 22. in hominum vestibus Cruces apparuerunt, compluriumq; vestes veluti lepræ & impetiginis sanie conspersæ infectæque maculis videbantur. Quo spectaculo omnes ex malorum impendentium veluti omine quodam, incredibili formidine percussi, ad irati Numinis iustitiam salutiveris pœnitentiæ operibus mitigandam confluxerunt. Vide *Trithemium* de Monasterio Hirsaugiensi.

*Crucis in ve-
stibus homi-
num appere
Ottonis Im-
peratoris.*

Anno 1295. in Regno Castellæ duos insurrexisse Pseudo-prophetas religionem Judæos, testatur Liber, qui inscribitur *Fortitium fidei*: hi cæteris Judæis ultimum suæ redemptionis terminum vaticinati, ultimum quarti mensis prædicti anni diem assignaverant; unde Judæi spe ferebantur, in dicta die sese, quod tot annorum sæculorumque intervallis unice expectaverant, à Deo redemptionis signum habituros. Quare consuetis Synagogæ cærimoniis sese expiantes, jejuniis elemosynisq; exoptatum à Deo promissum sibi signum operiebant. Appropinquante vero die omnes ad Synagogam, candidis pretiosisque, quibus quisque poterat, induti syndonibus, more in solemni expiationis die ipsis solito, concesserant, Et ecce derepentè, Divinâ utique

*Crucis in
vestibus Ju-
dæorum.*

dispensatione consilii, non iis duntaxat, quibus inducebantur syndonibus, sed & in iis quoque quæ domi asservabantur, Crucis signa apparuere. Quorum prodigioso spectaculo nonnulli quidem pavore correpti opus dexteræ Excelsi altius contemplantæ ad Orthodoxam fidem transierunt, aliis durioris cervicis, quod arte diaboli id contrigisse dicerent, in solita mentis contumacia perseverantibus. Hanc historiam *Alphonsus Spina* medicus Judæus, huic miraculo præsens, volumine integro contra Hebræos, quod de Bellis Domini inscribit, comprehendit, quo plures deinde ex eadem Hebræorum secta convicti, Christianam Religionem amplexi sunt.

Anno 1500. uti *Spanshemensis Trithemii* Chronicon testatur, novo prodigio, Cruces in lineis vestimentis hominum, in indutiis peplicque mulierum, in menfarum mappis & linteaminibus, non solum in iis, quæ in quotidianum utum cedebant, sed & iis, quæ cistis reconditoriisque in cuncta nulli aëris influxui exposita videbantur, in altaribus quoque pallisque eorundem, sæpe sæpius apparuerunt. In Spanheimensi Monasterio vicinisque locis primum visæ, magno omnestimore ac horrore perculerunt, tam repentinâ natæ genti, ut in Ecclesia, dum *Salve Regina* à Monachis cantaretur, ad 30. homines, qui sine Crucum signaculis Ecclesiam ingressi fuerant, jam innumeris signati Crucibus exirent. Nec hæc desuit Crucum apparitio; siquidem in Crucenaco, aliisque villis circumjacentibus, deinde Moguntia, Bingen, cæterisque ad Rhenum oppidis visæ, animos mortalium mire consternabant. Erant autem Cruces parvulæ, & confusi coloris, ac si pannus pinguedine quadam mixti coloris esset inunctus, nec poterant ullâ lotione deleri, sed post novum, aut decimum diem per se deficientes evanuerunt. Ostentum fuisse divinitus expressum eventus docuit; siquidem post biennii decursum magna secuta pestilentia Urbes hominibus, Provincias incolis viduavit.

*crucis in
Spanheimensi
Monasterio, & locis
vicinis
apparuit in
tribus.*

*crucis in
peplis mulierum
in Leodonsiacensi.*

Admiratione digniora fuerunt, quæ anno 1500. in Leodonsensi Diocesi visa sunt, quemadmodum ex litteris Episcopi ad Maximilianum Cæsarem ea de re datis patet; nempe à festis Paschalibus illius anni, singulis diebus, diversis in locis apparuisse

publi-

publicè & inopinatè, seu in Ecclesijs, seu in plateis, aut domibus, aut etiam cubiculis signum dominicæ Crucis perfectum, jam simplex, modò duplex, aut cum minoribus etiam ad latus Crucibus in formam scutarij tybi Regni Hierosolymitani, nigrum autem & rubicundum, ita ut in aliquibus verus sanguis effusus videretur; apparuisse autem ut plurimum supra capita mulierum, & maximè puellarum in summitate pep̃li. Mulierem quandam 22. annorum, cùm ejusmodi Crucem in pep̃lo animadvertisset sanguinolentam, territam cum reverentia pep̃lum illud loco mundo reposuisse, aliudque capiti imposuisse, in quo mox similis Crux apparuit, adeo ut mutatis novem dierum spatio tredecim pep̃lis, in singulis idipsum videt̃ contigerit. Dum aliquando nonnulli eâ de re cum illa colloquerentur, derepentè in ejus mento visam esse Crucem latitudinis unius digiti, coloris, & saporis mellei; cumque ad astantium monitionem manum admove-re voluisset, apparuisse etiam in ea similem Crucem, atque utramque post duas horas disparuisse: apparuisse deinde super eandem varia alia signa, ac nonnullos characteres, & in mariti indusijs Cruces sanguinolentas: monitam mulierem à Parocho, ad Ecclesiam se conferret, paruisse, & docto Theologo peccata sua confessam esse, ac nihilominus ad pep̃lum capitis erupisse tantam sanguinis copiam, ut in extremam usque simbriam deflueret; quæ & in figuram Crucis sese amplificabat, ita ut attrectatus digito adhæreret in præsentia Episcopi, qui ibi erat. Hæc *Nauclerus*. De hisce prodigiosis Crucibus, elegans sanè poëma, Maximiliano Cæsari inscriptum, edidit *Franciscus Picus* Comes Mirandulæ.

Anno 1501. denuò per Germaniam Cruces sanguinolentæ in hominum vestimentis, instar guttarum sanguinis de cælo de lapsæ apparuerunt.

Anno Christi 1550. uti Spanheimense *Trithemij* Chronicon testatur, Cruces sanguinæ, varique characteres in pep̃lis mulierum apud Leodien-ses & Trajecten-ses ad Mosam apparuerunt, quæ subitò ex aëre in conspectu virorum fide dignissimorum lineis paniculis impressæ nullum non summâ admiratione compleverunt. Intererat inter alios Mathæus Herbe-

*Cruces alie
varijs tem-
poribus ac
locis appa-
rem.*

nus, Ecclesiæ Leodiensis S. Servatii presbyter, qui tam insolito & repentino prodigio percussus, luculentum de iis tractatum edidit.

Parisiis anno 1588. (uti mihi retulit Eques Valerianus Gal-
lus *durellus*) similes Cruces in stropholis, linteisque repentinâ
comparatione visæ sunt; secuta sunt mox horrida bella, fames,
pestis.

Anno 1660. tandem ultimis hisce temporibus, dictum Cru-
cium ostentum & Neapoli comparuit.

Nihil igitur restat, nisi ut de harum similiumque origine,
causis, & significatione imposterum nostrum decurrat ratioci-
nium; ut quid de iis sentiendum sit, patefiat. Quod antequam
faciam, protestor in hisce prorsus nihil me, quod aut pietate
Christianæ, aut timori Dei in animis hominum concitando
præjudicio futurum sit, asserturum; neque proprio me fretum
iudicio quicquam dicturum, quod SS. PP. Theologorumque
unanimiti doctrinæ non usquequaque consentiat. Neque enim
facile negârim, applicationem singularem ut plurimum causâ-
rum naturalium ad formationem hujusmodi Crucium concur-
rere; & valde probabile est, sæpe Angulorum, vel dæmonum
operam intervenire.

PARS SECUNDA, P H Y S I C A.

C A P U T I

Necesse est, subinde prodigia apparere.

TANTA est Divinæ clementiæ magnitudo, ut dum vel maxi-
mè mortalium ulciscendis sceleribus incumbit, tum vel
maximè misericordiæ sinum apperire videatur. Minatur, ut par-
cat; ut emendet; verberat; ut profit, occidit; ut sanet, vulnerat.
Quod tum potissimum manifestum fit, cum librum illum, uti
est

est apud Ezechielem, foris, & intus scriptum, cui titulus Lamentationes, Carmen, & Væ, explicat. Per librum hanc arcanis ac hieroglyphicis Divini nutûs Symbolis notisque insignitum, certè nil aliud fortassis allegoricè, quàm vastâ Mundi machina, præter alios sensus Sac. Scripturæ proprios, innuitur; in qua cælum horrendis phasmarum monstris veluti querculum suas contra mortales exponit lamentationes; insolita elementorum ignis, aëris, & aquæ commotio, montium terrarumque incendia, aquarum inundantium fragores, ventorum aërisque exagitatio, ominoso sibilo & murmure formidandum carmen præcitant; Tellus tandem prodigiosis motibus dum susque deque vertit omnia, dum infandos monstrorum partus producit, dum in politico statu incredibiles tum perturbationes, tum immutationes exhibet, Væ illud malorum omnium calamitatumque Iliadem signat. Cælum librum esse, in quo omnium rerum futurarum eventus Divinâ manu descripti sint, S. August. in illud Isaïæ, *Cali sicuti liber complicabuntur*, docet. Imò Prædus in Ezechielem cap. 2. expressè dicit, Librum hunc foris, & intus scriptum cælum esse, idque ex autoritate S. Joannis in Apocalypsi, ubi liber producit septem prænotatus sigillis, quorum sextum ita describit: *Sexto sigillo libri, Apostolus indicat Mundi ordinem perturbatum, quo non unius, aut alterius significatur interitus, sed Universitatis consummatio, denique malorum omnium Colluvies, & cataclysmus, non immixtus, sed potius effusus super terram consequitur.* Quæ quidem uti raro accidunt, ita quoque homines docere videntur, ut mentem quandam supramundanam, omni naturâ superiorem, infinitâ providentiæ suæ dispositione omnia in omnibus moderatricem cognoscant, nè ut nonnulli, stultorum quorundam Philosophorum more, opificem suis operibus ex immutabili necessitatis lege, atq; inevitabili factorum violentiâ aligari existiment, Epicuri de grege porci; sed mentem liberissimam, quæ ex abyssi nihilo condidit omnia, & eadem conservat, mutatq; pro arbitrio, vires intendit aut frangit, subindè quoque alias omninò facit, esse. Ut vel ex hoc capite plurimùm mortalibus conducat prodigiorum apparitio, ut circa res optatâ prosperitate fluentes objectâ formidine, plûs æquo audax animorfi

*Liber intus
& foris scri-
ptus, ab Eze-
chiele vius,
quid signifi-
cat.*

*Prodigiorum
apparitio
utilis homi-
nibus.*

retunderetur insolentia, ac timore Dei perculsus subsideret fastuosus mentium tumor; atque hoc pacto ærumnas inter, vitæque calamitosæ reciprocis æstus se quisque continens fiduciam suam spemque unicam in sola illa Divini Numinis providentia, in cuius voluntate vita & mors, prospera & adversa, disparesque humanarum sortium vicissitudines repositæ sunt, collocaret.

Quamquam verò ea, quæ semel Mens opifex rebus infusa produxit, pro miraculis, prodigijs, ac primis divinorum operum signaculis meritò æstimanda sint, nequaquam tam sit vile & exiguum, quod Omnipotentis Numinis gloriam non attestetur; hæc tamen omnia jam propè vulgatâ consuetudine ab illa prodigiorum classe eximimus, quia constanti serie quod à Mundi incunabilis acceperunt semel, in eodem perseverant. Quamvis & hæc, uti ex insita unicuique admirandarum virium indole homines admiratione veluti attonitos reddunt, ita ab iisdem faciliè inter Naturæ numerentur prodigia, quod rara, sublimes, efficaces, quod haud infrequenter portentis veris causam & fomitem administrent, & insensibili Naturæ gremio, eeu formæ externæ in suis subjectis sedibusque contineantur. Quare ad ea jam, quæ propriè ostentorum miraculorumque nomine gloriantur, calamum convertamus; quæ ad triplicis generis differentiam revocari possunt. Prioris generis sunt illa, quæ in sola Dei voluntate extra omnem causarum naturalium concursum, reposita sunt; cuiusmodi plenæ sunt utriusque Testamenti paginæ. Secundo loco illa sunt prodigia, quæ Angelorum dæmonum quæ ope ut plurimum peraguntur, atque sine Naturæ concursu confici nequeunt. Facillimum autem Naturis liberioribus fuerit, ut ex ambientium elementorum conjugio, quodcunque libuerit, cogant vel in horrendas ac plenas formidine formas, aut metamorphoticâ quadam potentiâ in diversorum animalium se transforment spectra, quam lycanthropiam veteres vocare solent; quamvis sine spermatica virtute vix aliud, quàm figuram superficiariam præstent; sine permissione verò nutuque Divino nihil efficere queant. Per hos enim uti bona dare, mala infligere solet, ita tanquam Divinæ volun-

*Miraculorum
tria genera*

*Angelorum
bonorum officium
et malorum
dæmonum*

voluntatis executoribus, nunc ad hæc, nunc ad illa, priusquam fiant, per novas ostentorum geneses portendenda & præsignificanda utitur. Suscipiunt hoc negotium summâ promptitudine tutelares rerum Genij Agathangeli, qui generis nostri quadam cognatione nobis nil nisi bonorum cælestium affluxum precantur; & si quandoque mortale genus à Dei monitis præceptisque exorbitaverit, miserti protinus haustas à suprema mente imagines, rerumque futurarum ideas (ut cum Platone loquar) in Naturæ rebus veluti in paginis quibusdam pingunt, ut his lectis moniti, protinus de antea actæ vitæ criminibus cogitemus; periculi magnitudinem expendamus prius, quam ea sensu experiamur; admonitiones consolationesque in sacris obvias, in memoriam revocatas intimâ mentis trutinâ ponderemus; malorum denique tela priusquam opprimant, conversione ad preces, charitatis & poenitentiae operibus mitigemus: sin minùs, omnem necessitatem sortemque humanam velut in ipso Deo animi quadam concentricitate, & patientiâ superemus. Tertiò sunt ipsius puræ Naturæ prodigia, quæ uti à Divini Numinis providentia dependent, ita in certos quoque fines (cum Deus ac Natura nil frustra agant,) directæ sunt, dispositæque, & luculenter ostendunt, Deum Opt. Max. penes se alium habere ordinem providentiæ nobis occultum, cui sæpe consentiat ordinis characterismus mundanis rebus infusus, sæpe plurimum discreper, propter hominum necessitatem, atque ut Divinæ gloriæ majestas libera, nullis Naturæ alligata vinculis, nullis circumsecta carceribus demonstretur, atque adeò nihil in Mundi prodigiosis effectibus fortuitum, nullum etiam naturæ plasticæ seu formatricis erratum propriè censerì debeat. Tamen si enim utrumque nostri comparatione tale quid videatur, ipsa tamen Divina mens & certo fine, & instrumentis ceu medijs illi convenientibus agit, maximèque ordinatâ incedit viâ, secundum intelligibilis Mundi altissimas rationes, Natura enim mutationibus obnoxia illi obtemperans, etsi juxta inferioris Mundi speciem à solita lege deflectat, rapitur tamen Divina spiritus vi, jam seipsâ propè diviniòr facta, quippe quæ legi antiquiori manum porrigenstoti se subijciat totam, fatoque conspicuo divinæ

illius providentiæ fatum augustius multò sublimiusque esse demonstraret. Si enim aurea illa sublunarium substantiarum per mortalium delicta non antè confusa, veluti abruptis ansulis interrupto rerum ordine dissilisset; suum quæque convenientem in Universo locum servarent, atque absque ulla *ἀταξία* postrema prioribus, tam in effectuum, quàm causarum genere consentirent. Veruntamen ex natura Angelica superbiæ scelus ceu conjuratione in Deum factâ, tandem ad homines dimanavit; unde solutus illicò ordo ille Deum inter, Angelos, Orbemque sublunarem, Universi faciens præcipuâ ornamentis & decoris portione spoliavit. Nam uti S. Augustinus, Beda, Basilii, Rupertus docent, universa natura per protoplasti peccatum vitiata fuit. Præter materiem itaque propriâ quadam insolentiâ depravatam, recessuque ab uno in multitudinem coinquinata primùm in nobis fuit diviniore mentis portio: cui accessit imaginationis absurditas, appetitionum aliorumque affectuum *ἀμυστία*; unde morbi paulatim in generationis vitia pullularunt. Atque in hoc nonnullis probabile forsitan videbitur, cur post horrendos & insolitos cæli monstruosos vultus, atque in terra post ingentes terræ motus, hiatus, voragines, atque prodigiosas, quæ ex visceribus terræ expirant halituum aporrhæas, inexpectatæ ruinæ veluti per signa signatæ, & per ideales notiones ideatæ mox consequantur. Inter quæ cum maxima admiratione dignissima sit Crucum illarum in linteis vestimentisque hominum apparitio; de earum causis & rationibus, & cui prodigiorum generi potissimum accensendæ sint, eâ quâ fieri potest diligentiam & quantum ingenii nostri imbecillitas permittit, ratiocinabimur.

CAPUT II.

De causis & origine prodigiosa Crucum apparitionis.

IN præcedenti capite fusiùs forsàn, quam par erat, ostendimus, nullum è Naturæ visceribus adeò rarum, insolitumque effectum oriri, qui non Divinæ providentiæ connexus, in ulteriores eosque abditissimos fines, tum in totius Mundi, tum hu-

mani

mani generis bonum coordinetur; atque adeò nemo sibi persuadeat velim, Deum semper absolutâ & immediata potentiâ, sed ut plurimum mediante causarum naturalium concursu in iis, quæ divinius quid sapiunt, producendis operari. Quibus præmissis jam tandem propositum nobis argumentum propitiùs discutiamus.

Anno 1660, tertiâ die Julii, circa primam crepusculi illucescentiam, in Monte Vesuvio fumus igni mistus prima dedit tempestatum, calamitatumque secuturarum præludia. Fumus in pini morem attenuatus, tantum paulatim incrementum cepit, ut ad triginta millia passuum, uti observatores referunt, ejacularus in altum; cælum terræ ~~miscere~~ velle videretur. Quem è vestigio ingens igneorum globorum eructatio excepit; hanc subterraneum murmur, horrendique tonitruum instar fragores, coruscationibus fulminibusque unâ junctis secuti, magnam arenæ cineritiæ subnigri coloris copiam effuderunt; quæ humidioris substantiæ primâ quidem fronte videbatur, at mox Sole exsiccata in candidum floccis gossipii haud absimilem vertabatur colorem; luculentum sanè nitrosæ, salinæ, sulphureæ & bituminosæ miscellæ indicium.

Crucum prodigiojarum Neapolitanarum origo

Vesuvius cineres eructas, & lapides.

Hic rejectamentis, consequentibus diebus usque ad 10. Julii tam noctu, quam interdixit mons sævire non desit, tantâ vehementia, & tam incredibili fumi saxorumque prægrandium copiâ, ut mons eructasse montes jure dici potuerit. Quorum continuò incremento ambitus ejus longè latèque exportectus ita effloruit, ut nive contactus videretur. Non stetit hîc portentorum modus. Sole intereâ Leonem subeunte, in lineis hominum vestimentis, summâ omnium admiratione, paulatim Crucum phasmata observata fuerunt, abditâ quadam vi ita iis impressâ, ut non Naturæ industriâ, sed occultioris cujusdam manus penicillo adumbrata viderentur. Ad quorum conspectum, ex rei novitate omnium mentes stupor cepit, stupor publicam admirandi Phænomeni famam concitavit, fama volans universam denique Italiam complevit. Naturæ intenti studiis, curiositatis stimulo agitati, de prodigiis Crucibus, quâ literis, quâ academicis consultationibus multum inter se contulerunt,

*Crucum
Neapolita-
narum causa
inquiritur.*

Dici vix potest, quàm varia variorum de hujus portenti causis judicia fuerint, opinionesque; dum nonnulli Phænomeni causam exoccultioribus astrorum influxibus derivantes, Astrologicâ notitiâ se penetrare posse arbitrabantur. Quidam ad commune illud ignorantia, occultarum inquam qualitatum asylum confugientes, id inter Naturæ paradoxa adnumerantes, satisfactum sibi esse putabant. Non deerant, mediam carpentes semitam, qui excessum utrorumque benigniori interpretatione moderarentur. Hac ingeniorum velitatione, tandem & ego multorum tum Romæ, tum Neapoli precibus sollicitatus, meumque de negotio oppidò perplexo, & multorum opinione impenetrabili, judicium dare iussus, hoc brevi ratiocinio parendum duxi. In quo si scopum attigisse non videbor in argumento admodum difficili; Lectorem non tam præstitam operam, quàm conatum, in laudis parte repositurum confido.

Totius igitur quæstionis cardo in hisce tribus potissimum versari videtur. Num Crucum hujusmodi portentosa apparitio solâ Dei voluntate, omni Naturæ potestate semotâ; an ex causis naturalibus suam traxerit originem; an Angelicis expressæ penicillis Divino accedente nutu comparuerint. Quæ omnia nobis jam elucidanda supersunt. Si prius admittamus, jam hoc ipso omne susceptæ disceptationis nostræ filum intercidi necesse est, cum positiâ solâ Dei & absolutâ potestate, otiosum superfluumque sit omne de Mundi natura, ejusdemque partium ratiocinium. Si verò Agathangelorum ope facta asseramus, in idem recidimus, cum ijs in mirandis Naturæ effectibus, uti suprâ diximus, nihil denegatum videatur. Restat itaque num Phænomenorum hoc *σταυρότης* Naturæ viribus exortum sit, examinemus.

*Naturæ vi-
res mirabi-
les.*

Nemo nescit miras Naturæ vires; nemo prodigiosos in omnibus entium corporum ordinibus passim occurrentes effectus non obstupescit. Quotamen si quispiam in solam primam atque universalem rerum causam coniiceret, is utique omnium philosophorum sententiæ contrarius, interrupto Universi ordine, secundarum causarum concursum destrueret; quod tamen sanæ mentis philosophum absit opinari. Indidit enim

enim omnium opifex suas rebus singulis vires, ceu dotes quasdam earum conservationi consentaneas, quibus Naturæ quodam instinctu, tum ad prosecutionem boni, tum ad contrariorum fugam veluti necessariis utuntur. Quæ tamen si arctos cognitionis nostræ limites excedant, novit illa tamen, quid & quomodo operetur; novit illa rerum consensus dissensusque, lites & amicitias, similiaque rerum jurgia tam apto conjugio attemperare, tam sagaci consilio in pacis unionem connectere, ut ex pacto hoc inter dissidentium dissimiliumque rerum fœdera non possit non in portentosos, ac miraculis haud absimilis effectus prodire. Qui utique tantò erunt diviniore, quantò specialius Dei imperium hujusmodi paranymphe Naturæ adaptationi, sive ad decorem universi, sive ad præsignificandum quippiam, accesserit. Mirantur multi inexplicabiles thermarum fontiumque proprietates; peregrinas animalium, plantarum, fossiliumque virtutes altum suscipiunt: quæ etsi humano ingenio vix comprehendantur, miracula tamen, & quibus divinum quid inexistat, à nemine asseruntur. Quare? Quia rara non sunt, sed passim obvia; quia non nova, sed quæ sicuti perenni virtutum propagine in mortalium emolumentum continuantur, ita quotidianopene usu viluerunt. Rursum sublatis in cœlum oculis mox ac in inaccessis cœlorum theatris, nova prodigiorum spectacula, novas faces conspexerint, miracula clamant, ostenta ingeminant, prodigia pronunciant: concinnum tamen cœlestium corporum ordinem, inexplicabilem motuum harmoniam, influxuumque energiam minimè mirantur. Certè non alia de causa, nisi quod hæc frequenti viluerint experimento; illa uti insolita invisæque sunt, ita divinius quidpiam intra se continere censeantur. Idem prorsus contingere videtur in hoc præsentis Crucum Phænomeno, quod raritate suâ non mortalium duntaxat obstupescit animos, sed & quot dierum curriculis spectandum se præbuit, tot novos Prophetas excitasse dici potest, qui ex ominoso Crucis hieroglyphico, nescio quasnam calamitates non Urbi tantum Neapolitanæ, verum & toti terrarum Orbi prædicere non sunt verecundati. Nos neglectis hisce naniis, primò earundem originem, deindè quoque prognoseos rationem assignare conabimur.

Quod antequam faciamus, ut majori cum cautela in negotio multorum falsâ relatione intricato procederemus, ad Provinciale Neapolitanum Societatis nostræ, P. Joannem Rho, virum jam famâ librorum notum, & omnigenæ literaturæ peritissimum arbitrum scripsimus, ut fidelem & sinceram nobis omnium eorum, quæ in Crucum apparitione observata fuerant, symptomatum informationem transmitteret. Quod & per Patrem Joannem Baptistam Zupum, insignem Soc. nostræ Mathematicum eâ, quâ solet, curâ & sollicitudine præstitit. Quam & hîc verbotenus ex Italico idioma in Latinum conversam apponendam duxi.

*Crucum
Neapolita-
narum vera
Relatio.*

Vera, & fidelis omnium eorum, quæ circa Crucum prodigiosarum Phenomenum à curiosis rerum naturalium exploratoribus à 16. Augusti, usque ad 15. Octobris observata fuerunt,

RELATIO,

POST Vesuvii incendium spectabantur aliqua stella, seu Cruces. Dicam primò de iis, quas propriis oculis in Octaviano, & Somma intuitus sum; & postea de iis, quæ relatione aliorum percepi. Comparent hæ Cruces in pannis lineis, videlicet in manicis indusiorum, & potissimum in sæminarum semicinctis, quæ aëri diutius exposita fuerint, uti & in velis, quibus caput cooperire solent. Item in ea linteaminum parte, quæ à culcitris reclinantur supra lecti stragula, in collaribus quoque puerorum, in mappis altarium, in lineis Clericorum indumentis, quas collas vocant, & similibus. A personis fide dignis mihi relatum fuit, visas fuisse supra carnes, supra granum uvæ, & supra pomum persicum, supra sericeas telas, & quamvis rarò, supra lineam telam cistis inclusam. Imò ex literis 6. Octobris datis unius è Patribus Lupiensis Collegii, vulgò Lecce, auctoritate conspici, intelleximus, id quod sequitur.

1
2
3





Figure M.



Iam duo, inquit, aguntur dies, cum ecce in genn ancilla Syndici Lupiensis urbis Crux apparuit, qui visa rei prodigio territus statim Magistratum convocavit, determinavitque, ut columna honori S. Orontii destinata è vestigio erigeretur, unde heri ad sonum campana locus fundanda columna destinatus excavatus fuit. Dicunt autem, prater hanc, Cruces alias complures in manicis indufiorum visas fuisse.

Forma crucum varia est: ordinariae sunt duae lineae rectae se intersecantes, in puncto intersectionis nonnihil grossiores, quae tamen postea ad ultimos terminos paulatim attenuantur, uti in figura 1. comparet. Nonnullae sunt subtiles & perfectae, ut 2. quadam ad macula morem grosse, ut 3. aliqua longa tres digitos, ut 4. aliae mediocres & minimae, ut 5. & 6. Quaedam in transversum productae, duae in unum conjunguntur ad formam Crucis Caravaccensis, uti 7. Aliae tribus solis lineis seu brachiis constant, quorum unum in transversum porrigitur, ut 8. & 9. Aliae ad terminos bifurcatae, ut 10. Visae sunt & plures, in unum veluti coacervatae, ut 11. Aliae sine brachiis ad formam monticuli, ut 12. vel simplici maculae expresse. ut 13.

Crucum
Neapolitanarum
formae varia.
vide.
Iconismū
XXII.

Color quo tinguntur, omnibus ferè communis, est cineritius, aut etiam quasi adipe quodam dilutus. Duas solas me vidisse memini colore veluti arugineo tinctas, quae perfectam tamen Crucis formam exprimerent. Neapoli, Nola, atque in aliis partibus, visa sunt coloris plumbei. Exterguntur verò non aqua simplici, sed sme gmatu, quem saponem vocant, dilutione. Quaedam evanescent intra decem aut quindecim dies, aliae tardius. Observavi in una mappa altaris, aliisque pannis nonnullas, quae integro mense, etsi non nisi sub obscuro coloris vestigio, durarent.

Color.

Numerus horum est inexplicabilis. Ego solus in una mappa altaris ad 30. circiter, & in altera mappa altaris S. Marthae in Castello Maris, quae radici Montis Vesuvii adjacet, ad 27. in linea quoque manicae foemina cujusdam 15. in aliis quoque nunc 12. jam 16. modo 40. quemadmodum & in collari unius pueri octo dinumeravi.

Nescitur praeisè dies, quo nasci coeperint. In Turri Graca, Nocera, Bosco, S. Stephano, Somma, & Octaviano, circa 16. Augusti de m. visa sunt primùm: Ad Salerni in S. Athanasio, in mappis altaris S. Mariae dell' Arco; Neapoli, Portici, Nola, Catanzarii in Calabria Lu-

Tempus
quo c. m.
paruerunt.

piis, & Hydrunti in Apulia, visa sunt primum circa principium Septembris. Octaviani, Somma, aliisque circumjacentibus locis dicta phaenomena paulatim deficientia, circa finem Septembris raro videbantur; in aliis partibus denudò instaurabantur; verum circa medium Octobris sensim evanescentes, omnes ad unum disparuerunt.

Ex hac relatione sat probabiliter patet, hæc Phaenomena nil aliud fuisse, quàm vaporem ex rejectamentis Veluvii natum; quod ex varia figura, numero, colore cognosci potest, uti jam jam singula physiologicà rationis trutina ponderantes ostendere conabimur.

*Cruces
Neapolita-
nis similes,
Roma visa.*

*Vide
Iconismū
XXII.*

*Vide
Iconismū
XXII.*

Dum hisce investigandis ardentius insisterem, measque rationes peritioribus Patribus examinandas præberem; eorum unus non tantum meis argumentis subscripsit, sed & hujusmodi stellas linteis impressas etiam hîc Romæ monstrare se velle asseveravit, meque earum spectandarum desiderio æstuantem prostratus in Nosodochium abduxit, in quo in lineo stragulo viridi colore tincto tres sublatei coloris Cruces ostendit, quam figura S monstrat. Miratus eventum rei, statim infirmorum curatorem accersivi, obnixè rogans, ut ex quonam liquore dictæ Cruces impressæ cernerentur, indicaret. Respondit, selium noctu stragulis incumbentium urinâ expressas esse; addiditque nil mirum esse, sæpè sese hujusmodi intra lectos reperisse: & ut id verum esse demonstraret, nos unâ cum Medicis tum fortè obviis intra cubiculum senis octuagenarii duxit, stragulum lecti arripuit, & in eo pulcherrimam Crucem, prorsus live colorem, sive figuram spectes, Neapolitanis simillimam expressam, omnibus qui præsentés erant, ad spectaculum veluti attonitis ostendit: quam postea plerique curiosiores vix ad satietatem contemplari potuerunt. Deinde post aliquot dies, novam se invenisse dicit in sudario, quo unus è servis nostris febris detentus usus fuerat; quam in hunc usque diem curiosis ostendo, ejus quam literæ NO demonstrant, magnitudinis. Evulgatâ deinde Crucum famâ, venerunt ex Collegio Germanico, qui assererent, in mappa altaris sacelli domestici quatuor similes impressas spectari, tamen si fortè in aliquo casu extra phaenomenon publicum. Hisce non absimile quid præterlapso anno mense

Decembri Viterbii in Ecclesia Collegiata S. Angeli accidisse audio. Lampas enim nescio quo casu rupta, aspergine oleaceâ totam irrorârat altaris mappam ; Unde posteris diebus quot guttæ, tot Cruces diversæ magnitudinis juxta liquoris quantitatem in sacro altaris apparatu comparuerunt. Quas Dominicus Magrius, dictæ Collegiatæ Theologus & Canonicus, cum aliis compluribus ejusdem Ecclesiæ sacerdotibus, non sine admiratione propriis oculis se vidisse ad me scribit ; ac veluti rem publicâ famâ passim notam mihi Romæ coram etiam ore tenus postea exposuit. Quin & liquorem arte chymicâ præparatum fuisse refert in epistola quadam ad me data suprâ memoratus P. Zupus, qui aspergine in lintea diffusus, in innumeras mox Cruces sese transformârit. Quot itaque Ars Naturæ simia adeo scitè & dextrè præstare potest, id certè prototypæ Naturæ minime denegatum esse is solus nescire poterit, qui admirabilem Naturæ potestatem ignorârit.

Verùm antequam ad causarum enodationem procedamus, protestor semper, quod & tametsi hoc phænomenon publicum, & integræ regioni alicui commune, purus Naturæ effectus sit, nil tamen impedire ; quò minus Deus Opt. Max. uti universos Naturæ effectus providentiæ suæ complicatos habet, ita quoque subinde iis ad quidpiam mortalibus significandum utatur, quemadmodum fusè in sequentibus docebimus. In particulari tamen aliquo casu Cruces hujusmodi nil prorsus portendere asserimus, tantumque significare, quantum quælibet maculæ ex disposito humani corporis vapore linteis impressæ nescio cujus delitescantis intus putredinis indices portendere possunt. Sed jam ad singulas hucusque adductorum symptomatum causas & rationes reddendas calamum convertamus.

Tria potissimum ad hoc phænomenon constituendum concurrerunt. Primò, Mons ipse varia mineralium fœtura gravidus ; quæ vehementi adusta incendio, & in unam conflata massam, miram variamque differentium formarum indolem fortita sunt. Montis deinde ambitus hujusmodi rejectamentis confertus, cum appropriatis agrorum glebis initio conjugio nova fundarunt variorum mixtorum seminaria. Accessit hisce

*Crucibus
Neapolitanum
causa in-
quiritur.*

immodicus Solis in Leonis dodecamorio constituti æstus, qui ex varia mineralium succorum miscella successu temporis vaporem subtilibus junctum halitibus eduxit; hic elevatus inter propiores aëriæ regionis thalamos condensatus, ac paulatim resolutus, roris instar decidens, ubi appropriatum subiectum invenit, ibidem ex insita sibi naturæ indole Cruces effinxit. Verum enim verò, quam ex materia vapor hujusmodi constituitur, cur in lineæ telæ supellectile plerumque stauromorpham vim suam exeruerit, & cur non stellam aut cujuscunque alterius figuræ maculam, sed Crucis differentis magnitudinis formam expresserit, opitulante Dei gratiâ juxta quadruplex causarum genus exponemus.

*Materialis
causæ adi-
entium
Crucium.*

Materialis causa vapor, uti dixi, fuit ex ea, quam Mons evomuerat, mineralium succorum miscella natus. Partes ad compositionem ejus concurrentes fuerunt sulphur, bitumen, sal, nitrum, alumen, vitriolum, quod calchantum vocant: ex quibus sulphur & bitumen ignium subterraneorum fomento destinantur; nitrum statulentis turgidum spiritibus, ignibus agitur, unica in explodendis Montis molibus, vehementiæ & impetus, uti in bellicis tormentis patet, causa fuit; alumen vitriolumque appropriatæ junctæ matriæ, variæ tincturæ serviunt; bitumen sive pingue nitro junctum, uti postea comprobabimus, vaporosum halitum fluidum tenacemque reddunt. Atque ex hac rerum combinatione mixtum illud admirandi Phænomeni veluti ex elementis quibusdam constitutum fuit. Sed jam singula ordine dilucidemus.

*Efficiens
causarum
causa.*

Efficientem hujus mixti causam Solem statuimus, qui caniculæ subditus solito majoribus effervescens ardoribus mixtum illud attenuando eduxit in vaporem; alumen, & vitriolum, quicquid in eo terrestre, & sæculentum, inciderunt, purificarunt, attenuarunt; nitrum pro ea, quæ pollet, spirituosa substantia ex centro deciduarum resoluti vaporis partium veluti in efflorescentis salis filamenta eduxit, cui pingue bituminosum junctum viscidam fluiditatem præbuit,

*Formalis
causæ en-
tiumdem,
Finalis.*

Causam formalem hujus Phænomeni dicimus vim *στυρομορφωτικήν*, sive Crucum formatricem; quam qua ratione modove

exerat, in sequentibus aperietur. Sequitur tandem finalis causa, quæ cum semper boni alicujus malive signum adnexum habeat, de ea in tertia parte agetur. Sed jam hucusque in genere tantum proposita, paulò minutori scrutinio per erotemata sive quaestiones prosequamur.

Queritur igitur primò, Quænam sint illæ Cruces, aut ex qua materia componantur? Respondeo. Esse resoluti supra memorati vaporis guttas minutissimas, & propè insensibiles, in quarum centro nitrosus spiritus naturâ suâ inquietus, & loco contineri nescius, exitum quærens, in appropriato subjecto guttas decussando Crucem fluore suo juxta staminum in linteis situm format.

Queritur secundo, Quomodo Cruces illæ formentur; & cur ut plurimum in linteis illas vaporosus iste halitus depingat? Verum uti ab hoc puncto tota hujus argumenti controversia dependet, ita quoque ea quâ fieri potest singulari diligentia id pertractandum est.

Dico itaque, hoc Phænomenon multiplici de causa in linæ telæ suppellectile nidulari. Et primò quidem ob naturæ quandam quæ linum inter & nitro-bituminosum vaporem intercedit, similitudinem; siquidem illud, uti chymico experimento constat, tum nitro copioso, tum pingui humido abundat, ut oleum, quod ex ejus seminibus extrahitur, luculenter docet. Mirum itaque non est, hæc nitrosas guttulas facilius in consimili, quàm dissimili materia miro quodam magnetismo, quo unum alterum trahit, coire. Secundò, cum carbacea suppellex ut plurimum texturâ constet politâ, lævi, & nullis villis, aut scabritie obnoxia, filorum quoque ductus per tegmen subtegmenque nunquam per obliquum sed rectum angulum decussatim se fecerit; hinc fit, ut spiritus nitrosus, flatibus sive sudore hominum, sive quocunque alio extrinseco calore agitur, guttulam quadrifariam liquidò, seu fluidâ materiâ unâ secum abductâ difflet; quàm Crucis forma consequitur. *Vide Icon. XXII.* figuram M. litterâ signatam.

Sit textura lintei cujusdam recto filorum ductu E B D C, in cujus medium A guttula cadat. Dico, guttulam in centro A

constitutam facilius in decursu versus partes F, I, G, H fluxuram, quàm versus E, B, D, C. Cùm enim Natura per brevissimas juxtâ ac rectissimas lineas agens effectum suum attingat; certè guttæ diffusæ fluxus necessariò per eas lineas, cujusmodi sunt AF, AI, AH, AG, effectum suum consequetur, minimè verò per lineas AB, AC, AD, AE, quæ & longiores sunt, & obliquæ, utpote quæ naturæ legibus contrarium situm obtinent, nec non nodorum occurrentium multiplicitate fluxui obstaculum præbent.

Patet ergò, fluxum guttæ non nisi ad angulos rectos, cujusmodi ad centrum comparata sunt F, I, G, H, minimè ad obliquos se diffundere posse, cujusmodi sunt AE, AB, AC, AD. Hinc quoque clarissimè patet ratio, quare hujusmodi guttæ sensu vix perceptibiles cum tempore in linteis Cruces forment. Memini in Germania foeminas, cùm insolandi gratiâ linteamina cœlo aprico exposuissent, subinde Crucibus fœdata se invenisse conquestas fuisse; certè non alia de causa, nisi ex simili alicujus roscidi liquoris se in decussim deducentis virtute, uti dictum fuit.

*Cruces
quomodo in
linter qua
cistis inclu-
sa, appa-
reant.*

Queritur tertio, Quomodo hujusmodi Crucum phasmata non in linteis tantùm aperto cœlo expositis, sed vel in ipsis mappis Ecclesiarum, domuum, quin vel (mirum dictu!) intra cistas clausas efformentur?

Dico, vaporem hujusmodi roscidum halitibus mixtum adeò subtiliym esse, ut nullus locus tam arctè clausus sit, quem non penetret. Quàm autem facilis intra Ecclesias aut domus sit huic vaporis aditus, nemo ignorare potest. Sufficiunt in ipsis cistis vaporis vel insensibiles rimæ, aut etiam solum foramen, cui clavis imponitur, ad supellectilem intus latentem hisce Crucibus insigniendam. Mirantur multi, cur fulmen dolium vino repletum transiens, hoc consumpto illud ab omni corruptione immune relinquat. Certè alia hujus rei causa non est, quàm exhalationis nitro-Sulphuræ subtilitas & vehementia, quâ poris inoffensis dolium subiens, id quod naturæ dissimilitudine maximè ei repugnat, resistitque, cum primis imperat. Eâdem prorsus ratione, vaginâ, quam transit, illasâ, chalybeam consu-

mit machæram. Eodem prorsus modo fieri in hoc Phænomeno tibi persuadeas velim, cujus subtilissimæ substantiæ nihil, quantumvis intra abditos cistarum recessus clausum, resistere potest: sufficit enim eidem minima humiditatis particula, quæ uti ex insita sibi proprietate diffusionem sui appetit, ita & inter abditissima claustra recondita linteamina virtute suâ signat. Si verò alicui hæc ratio minimè arrideat, ei alteram assignamus, quæ sequitur. Solet subinde contingere, ut lintea soli exposita, dicto vapore madefacta, & necdum perfectè siccata, à foeminis intra scrinia condantur, ubi primùm suam in signandis linteis virtutem exerunt: aër enim ex consortio madidorum linteorum madescens, virtute quâdam dicti vaporis tingitur: unde effectum eundem ex resolutione ejus educi necesse est.

Queritur quarto, Cur in laneis vestimentis, lignis, saxis, nulla dictarum Crucum impressio fiat? Respondeo, quòd in laneis vestimentis, cum villis pilisque utcunque exasperata sint, subtilissimus humor illis illapsus statim vel à lana attractus, vel inter villas dissipatus confundatur, ita ut scabritie impeditus se diffundere nequeat. Serica tamen vestimenta, præsertim si humoris affluxus copiosior fuerit, dictus Crucibus tingi posse, non abnuo. In saxis verò, & lignis, si lævi constiterint superficie, roscidum quendam madorem in minutissimis guttulis, & vix sensui obviis, haud dubiè relinquent. Cur verò nullam in iis Crucis efforment figuram, hujus causam hanc accipe; quia spiritus nitri centro inclusus, in lævi superficie ad diffusionem sui prorsus indifferens, uti non in hanc partem potius, quàm in alteram determinatur, ita quoque æquali nisu guttulæ circumferentiam hispidâ quadam lanugine crispata subinde quoque pro inæqualitate superficiæ in stellulæ quoque figuram efformant. Quod verò historiæ suprà expositæ subinde in laneis vestimentis Cruces apparuisse referant; Dico, causam fuisse igneam quandam vaporis acredinem nitro-sulphureo-vitriolatam, quæ pilis villisque tenuioribus vel usu attritis, vel primo casu ad ipsa usque texturæ fila exustis, ibidem veluti omnibus impedimentis sublatis suæ tandem delineationis rudimenta, haud secus ac in lineis, coepta perfeceris.

*Cruces aut
in laneis
vestibus,
lignis, saxis
non appa-
reant.*

*Cruces cur
tam differe-
rent colore
sint.*

Quæritur quintò, Cur tam differenti colore tinctæ videantur; siquidem ex historiis nonnullas sanguineo, quasdam nigro atoque, alias fusco, flavo, vel etiam cinereo colore imbutas fuisse colligimus? *Respondeo*, causam hujus esse varietatem matricum, ex quibus dicti vapores educuntur. Si enim ex minera rubricæ aut minii suam trahant originem; sanguineo quoque colore imbuentur: si ex Sandaracæ, Arsenici; flavo, vel fusco: Si ex æruginea; viridi: si ex vitrioli bitumini mixta; atro: si denique è cineribus, uti Neapoli; cineritio colore tingentur. Quamvis etiam ex insita mineralium succorum, quibus vapores constant, proprietate, jam in hunc, modò in illum colorem pro tingentis corporis prædominiò mutari possint. Ita vitriolum humido junctum pro intensione gradus id nunc viridi, atro, aut cæruleo colore tingit; sulphur in flavum, in lacteum colorem alumen humido mixtum vertitur; & sic de cæteris.

*Cruces ali-
qua cur diu
durent, alie
eis evanes-
cant.*

Quæritur sextò, Cur, uti historiae suprà recensitæ narrant, nonnullæ ita pertinaces sint, ut nullâ vi deleri posse videantur; quædam verò faciliè abluantur, aut cum tempore seipsis etiam evanescant? *Respondeo*, Causam hujus esse vim penetrativam quorundam succorum mineralium, pingui & oleaginoso liquori mixtorum, quibus vapor constat; qui uti intimam rerum substantiam virtute incisivâ vel in momento penetrant, ita difficulter quoque, qui semper quædam nicturæ vestigia relinquunt, dilui possunt: qui verò minùs penetrant, minùsve tenaces sunt, illi dilutionem faciliè sustinent, aut etiam aëri expositi tandem prorsus evanescunt.

*Cruces cur
tam diu
sa magni-
tudine.*

Quæritur septimò, Cur tam diversæ magnitudinis sint Cruces in linteis effigiatae? *Respondeo*, id fieri ob majorem vel minorem quantitatem guttarum in lintea incidentium: pro humorisenim guttescentis ubertate, aut paritate, nunc major, nunc minor figura exprimitur.

*Cruces cur
tam diu
sa forma.*

Quæritur octavò, Cur subinde inter alias rectâ decussatas Cruces, obliqua quoque subinde, quam Andreanam vocant, obvia sit? *Respondeo*, id fieri ex dispositione ejus telæ partis, in quam incidit; quæ si detortum filorum ductus situm obtinuerit, detor-

detortam quoque Crucem efficiet. Quæ omnia diligenti scrutinio in linteo, quod Admodum R. P. N. Generali Neapoli transmissum fuerat, innumeris Crucibus insignito, vera esse comperi.

Queritur nonò, Cur in aliquibus tantum locis, non in omnibus, hujusmodi portenta accidant? *Respondeo*, Causam esse diversitatem locorum: dici enim vix potest, quantum ad explorandas rerum abditas rationes, ipsamque interiorem essentiam pertractandam, certi alicujus loci natura & proprietates explorata conducat. Hinc Cruciformia monstra non ubique locorum, sed in iis potissimum, ubi terrestris conditio vaporem supeditat, apparent, neque uno in loco semper idem effectus consequitur, nisi ubi terræ motus, aut notabiles subterrestrium partium alterationes præcesserint. Quis nescit succorum concretorum, id est, salinorum corporum, proprium esse, in prima efflorescentiæ suæ diffusionem figuram stellarum radiis haud absimilem affectare? Patet in sale, nitro, vitriolo, alumine, quæ microscopio inspecta nunc Crucibus, modò infinita stellarum multitudine contexta videntur. Videtur & idem nivium floccis, qui mox ac in vestimentis infederint, in stellarum figuram et formantur. Democriti sectatores causam conferunt in atomorum certâ dispositionum lege confluum; alii in plasticam nivis salinorumque corporum virtutem. Nos relictis aliorum placitis, hujusmodi stellati corporis effectum aliunde non provenire dicimus, quàm à spirituosò halitu intra niveos floccos salinosque vapores concentrato; qui dum frigore ambiente constringitur, angustiae pertæsus, ruptis carcerum repagulis, quâ data porta ruens, corpus niveum salinumve terebrando in stellatam seu radiosam figuram efformat, pro superficiem, in quam incidit, dispositione; quæ si scabra fuerit, imperfectam; si polita, stellatam; si rugosa, variè distortam; in tela verò linea, utique non aliud quam Crucem exprimet.

Atque hucusque rationes dedimus earum Crucum, quas nos hîc Romæ in variis linteis, Neapolis ad nos transmissis, summâ diligentiam discussimus: nunc pari passu ad earum Crucum, quas paulò antè allata relatio adducit, peristasi examinandam, progrediamur.

*Crucis enim
aliquibus
tantum in
locis appa-
reant.*

*Cruces
Neapolita-
nae huius
variarum
figurarum.*

*Vide
Iconismū
XXII.*

Queritur decimò, Cur Neapolitanæ Cruces tantâ figurarum varietate præditæ sint? Siquidem ex paulò antè adductis nonnullæ perfectæ Crucis formam, aliæ imperfectam præbent; quædam tenues, nonnullæ grossiores; aliæ formam Crucis Caravacensis monstrant; aliæ tribus tantum brachiis conspicuæ; nonnullæ in unum confusæ *μυελεμα*, sive coacervatarum Crucum figuram; quædam etiam nullam Crucis formam, sed informes maculas exhibent? *Respondeo*, rationem huius rei partim à subjecti, cui imprimuntur, dispositione, partim ab ipso vapore resoluto pendere. Si enim guttula in linteam humidioris constitutionis inciderit, tum liquor, quantum fieri potest, se dilatando hinc inde diffluens, grossiorem Crucis figuram reddit; quod non fit in linteo sicco, & omnis humiditatis experte: tunc enim sicco humido obistente guttula solum juxta semitas filorum indecussim diffatur, atque adeò tenuiores reddi Crucis lineas necesse est: nisi tamen guttula major fuerit; tunc enim juxta punctum intersectionis magis magisque se dilatare nemo non videt ex tertia figura. Crucum itaque magnitudo aut parvitas à sola guttæ vapore vaporosi liquoris quantitate majori, vel minori, uti suprà diximus, dependet. Crux Caravacensis nascitur, quando guttula major, & prope eam minor, in linteam incidit: guttula enim minor brachio Crucis majoris incidens, Cruculam causat, cujus linea (sive ea perpendicularis, sive transversa fuerit, perinde est,) in lineam majoris Crucis lapsa, ob recentem madorem dispositionem diffuendo cum ea eounitur: Altera verò uti hanc rectà decussat, ita quoque Crucem format Caravacensi non dissimilem.

Idem de *μυελεμα*, sive coacervatis in unam Crucibus sentiendum est, cujus causa alia non est, nisi separatarum guttularum in subjectam lini materiam incidentia, quæ diffusione suâ dum variis modis sese intersecant, varium quoque inde Crucularum coacervatarum, uti ex undecima figura patet, *φάρμα* oriri necesse est. Similis ratio est de Crucibus, quorum extrema bifurcata videntur: ubi enim madorem vel minimum repere-rint, ibi humor diffuens in bifurcatam formam dispescitur. Idem de Crucibus, tribus tantummodò brachiis conspicuis intel-

ligas velim, quorum unum nempe ob siccitatis telæ humido resistentis obstaculum, quò minùs diffluere queat, impeditum deficit. Comparent subinde (uti ex 12. & 13. figura constat) integræ in linteis maculæ, nullâ Crucis figurâ insignitæ. Quæ duplici modo fieri possunt, vel lenitudineliquoris non potentis sese, spiritu flaccescente, explicare; vel subjectâ lini materiâ nimis siccâ, humido obistente: hoc enim pacto cùm obice posito diffluere non possit, ex eo maculam consequi necesse est.

Quaritur undecimò, Quomodo hæ Cruces in fructibus, *Cruces quomodo in fructibus apparent.*
 uvis, pomis, persicis, imò in ipsa carne imprimi possunt, cùm non habeant dispositionem illam, quam linea tela, aut alterius texturæ opus habet; *Respondeo primò,* Omnes etiam quoscunque fructus, quemadmodum microscopio eos intuenti pater, fibris suis, tamen ab omni sensu remotis, constare. Cùm itaque humor sit subtilissimus juxtâ ac summè penetrans, sit ut eodem modo quo in tela incidens, guttula per rugas rimasque pellis dilatata Crucem formet. *Respondeo secundò,* posse quoque id ipsum fieri per filamenta insensibilia, quæ subinde per aërem feruntur, similia iis, quæ post nebulas matutinas in aëre jam à fecibus depurgato & sereno volare spectantur, nisi quòd hæc multò tenaciòra sint, & sensibus non ita exposita: quibus tandem motu aëris ruptis, & in minutissima segmenta divisis, facillè contingere potest, ut filamentum unum transversim eadens super aliud filamentum, formam Crucis producat: quod quando fit, non est necessarium ut texturam aut telæ, aut cujuslibet alterius rei superficiem subjectam habeant, sed ubicunque dicto modo ceciderint, ibi lineari suâ distensione Crucem formabunt jam perfectam, si rectâ se interfecuerint; modò Andrea nam; modò aliam defectuosam; pro filamentorum incidentia, & mutua intersectione jam ad rectos, modò ad obtusos acutosque angulos factâ, non distensione, sed totius substantiæ incidentis incubitu; ita ut in quodcunque subjectum ceciderint, sive illud saxum, sive carnes, sive fructus, sive panniaut linteamina fuerint, ibi ad incidentiam partium supra partes Crucem formari necesse sit. Duplex itaque materia in aëre formari potest: primò vaporosa materia in guttas spiritu nitroso refer-

tas resoluta, quæ in lino constanti tenore juxta filorum ductum perfectæ Crucis formam, nisi aliud obster, spiritu humiditatem diffiante producit; de quibus paulò antè dictum est: Altera est viscosa sive excrementitia vaporum materia, quæ motu aëris, ut dixi, in filamenta dissoluta, & in linealia segmenta disrumpa per aërem volitans, ubi duo dictæ materiæ filamenta se interfecerint, ibi Crucem totâ segmentorum linearium extensione formant. Et ne tantum conjecturis rem agere videat, & rerum propositarum veritas locum suum habeat, Lector facillimo experimento, uti nos comperimus, explorare rei veritatem poterit. Post nebulam dissipatam matutino tempore explora in hortis fructus, herbasque latoribus foliis; & invenies hujusmodi filamenta nunc in Cruces, jam in triangulos, modò in lineas parallelas, aliasque figuras angulares diducta; quæ tamen statim ad Solis radios pingue resolventes, ob summam quâ polent, subtilitatem evanescent. Multæ hujusmodi, quas Natura format, figuræ passim reperiuntur, sed vel à paucis observantur, vel si etiam comperiantur, non æstimantur; sola Crucum figura, uti nescio quid ominosum præse ferre videtur, ita anxia mortalium pectora mirum in modum vel ad superstitionem usque exagitare solet.

Ex his *patet primò*, Hujusmodi filamenta subinde in aëre generari, quæ deinde in qualibet superficie corporis, in quod incident, Cruces suas pro incidentia filamentorum formant.

Patet secundò, si quandoque hujusmodi Cruces in aliis subjectis præterquàm in lineâ tela visæ fuerunt, eas non aliâ ratione, quàm per hujusmodi filamenta, impressas fuisse. Quamvis non negem etiam, uti in dictis subjectis, ita & in nudis humani corporis partibus aëri expositis, per vaporem guttescentem accidere potuisse, uti ex relatione Crucis in Lupien-sis ancillæ genu natæ contigit: cùm enim pellis genuum rugosa sit, & præ cæteris membris exasperata; ideo intra in insensibiles rimas humor dilapsus facillè in Crucem sese insinuare potuit.

Queritur duodecimo, Quomodo in adeo remotis partibus, ut sunt Lupiæ, & Hydruntum in Apulia, & in Calabria Catanzarium, eadem Cruces apparere potuerint? *Respondeo*, cum rejectamenta cinerum ex Vesuvio longè latèque ventorum vi diffusa, totam ferè Apuliam, uti ex publica relatione constat, oppleverint; certè vapor, qui in vicinis ad Vesuvium locis, ex varia cinerum mineraliumque specierum miscella exortus est, uti Cruces hæc produxit, ita ex eadem miscellâ in alias remotiores regiones ventorum vi translata exortus vapor easdem alibi producere potuit, cum unam & eandem causam semper eisdem effectus producere notius sit, quàm ut dici debeat.

Cruces Neapolitanae cur in remotis locis apparuerint.

Sed *objiciet* mihi fortassis nonnemo, si Cruces ex cinerum rejectamentis suam originem habuerunt, illæ utique aliis temporibus, quibus Vesuvium & Aetnam incendiis sævisse legimus, comparere debuissent; quod non factum fuisse legitur. *Respondeo*, id non sequi, cum tota hæc Crucum genesis, à certa diversarum materierum in unum confluentium combinatione dependeat; aliis verò temporibus uti diversa prorsus fuit miscibilium rerum è monte rejectarum combinatio, ita idem qui hoc anno effectus consequi non potuit; quod multis variisque modis ostendere possemus: verum cum hæc in Scrutinio nostro Physico. Medico de peste uberimè (quo modò videlicet pestiferæ auræ halitus & vapor, vel ex remotissimis regionibus ventorum vi delatus, universa regna devastaverit, persecutissimus, eò Lectorem remittimus.

Cur aliis temporibus non apparuerint.

Queritur decimo tertio, Quomodo hujusmodi Cruces in multis aliis Orbis partibus, ubi tamen nullus Vulcanius Mons, neque montis incendia præcesserint, comparare potuerint? *Respondeo*, Hujusmodi vaporem non ex solis montium incendiis originem habere, sed ubicumque sub tali combinatione rerum vapor exortus fuerit, ibi eum quoque Cruces producere. Quin imò omnem etiam vaporem ex humano corpore exhalantem sub tali rerum catastasi, similem effectum producere posse, experienciâ ductus assero. Et quemadmodum exoticarum rerum spectacula mirum in modum in cognitionem causarum quorundam curiosorum

Cur aliis in locis, ubi nulla montium incendia.

*Cruces Roma
apparent.*

mortalium desideria sollicitant , ita nihil quoque non moluntur, ut tandem de iis certiores fiant, de quibus, sive ex supina in iis inquirendis negligentia, sive in observandis hominum oscitantia, nil prius cognitum fuit. Hoc enim eodem tempore in Collegio Romano, uti suprà meminimus dum sollicitius hujusmodi inquirerem, tres Cruces in stragulis lectorum, Neapolitanis prorsus similes reperimus, cujus testes esse possunt, quotquot hîc curiosioris ingenii viri versantur ; quas cum nonnullis medicis ostenderem, sanctè affirmârunt, eas non nisi ex certo quodam vapore, quam infirmorum corpora subindè expirant, ortas esse. Addiderunt, similes in stragulis lectorum pestiferâ lue infectorum anno 1656, quo Roma pestilentia infestabatur, visas fuisse; verùm uti aliis funestis spectaculis intenti erant infirmorum curatores, ita quoque sine ullâ reflexione supra illas facta, pro nihilo habiras fuisse.

*Cruces in
Nosocomiis
sape appa-
rent.*

Sed objiciet hîc quispiam , Si ita seferes habet , nullum Nosocomium fore, in quo similia non reperiantur. *Respondeo*, ita esse: ubicumque enim vapor sub dicta rerum combinatione, ex infirmorum corpore expiratus fuerit, ibi eum frigore circumfuso resolutum Cruces in stragulis producere, nullum dubium est. Nam ut rectè *Hippocrates* lib. de flatibus, docet: Est in corporibus humanis suum sal, suum nitrum, suum sulphur, suum vitriolum quæ in intima humorum massa delitescunt, ex quibus omnia morborum genera originem trahunt: quæ uti mineralibus syngenea sunt, ita quoque eosdem effectus producere posse, nemo negare poterit, nisi is qui admirandam Microcosmi fabricam ignorârit. Quemadmodum enim herbæ ex mineralibus succis suum trahunt humoris nutrimentum, ita homines animantesque cæteræ in nutrimentum trahunt eam, quæ in herbis plantisque latet, mineralium succorum, et si variis multisque modis alteratorum, miscellam. Addo tamen, rarè hujusmodi humorum constitutionem, ob humoris tali & tali modo combinati defectum, accidere. Si verò quandoque in linteaminibus, quæ mulieres insolandi causâ apricis locis exponere solent, hujusmodi Cruces compareant, id in similem ex naturali loci constitutione vaporem, quem aut ætus subterra-

neus, aut quævis occulta subterrestrium partium concitatio suscitatur, conjiciendum esse tibi persuadeas velim. Atque hinc factum esse puto, quod subinde intra ipsa scrinia carbacea conclusa supellex hujusmodi Crucibus infecta spectetur, quorum & mentionem præcedens relatio facit, & nos in præcedentibus id innuimus: illa enim aëri exposita uti guttescentem vaporem nullo negotio excipere potuerunt, ita & in linteis recenti madore adhuc infectis inclusisque, tum demum vaporem Cruciformis genituræ lineamenta ponere potuisse, nil e mirum videri debet, cui mirificæ Naturæ sagax industria nota fuerit.

Quæritur decimo quarto, Cur tam differentibus temporibus incepterint & disparuerint dictæ Cruces? *Cruces Neapolitana cur tam differentibus temporibus apparuerint, & disparuerint.* Nam relatio eas in agris, oppidis, villisque ad radicem Vesuvii sitis, à 16. Augusti die primò comparuisse dicit; deinde à 15. Septembris etiam Neapoli, & Nolæ, ad initium verò Octobris in remotioribus Apuliæ & Calabriæ locis visas primùm, donec 15. Octobris prorsus evanuerint. *Respondeo*, causam fuisse primò miscellam cinerum, quæ uti prima fermentationis suæ rudimenta in locis Monti vicinis peregit, ita primos quoque præ aliis locis, eos vaporis, quem descripsimus, effectus edidit, donec crescente in dies vapore, & ulterius diffuso, suis quoque foetibus Neapolim, Nolam, & Salernum participes fecerit: Lupiis verò, vulgò *Lecce*, civitate undecim dierum spatio diffusa, sicuti fermentatio materiæ fortè pluviarum ubertate, sive ventorum siccitate impedita fuit, ita tardiorum quoque effectum exhibuit, donec tandem frequenti imbrium pluviarumque, quæ eodem tempore accidit, illuvie, materia veluti suffocata in aliam prorsus indolem degeneravit, atque adeo Phænomenis Crucum ultimum finem, qui ad 15. Octobris accidit, imposuit. Nostamen putamus, in multis aliis locis, in quæ cinerum imbres delati fuerunt, multo adhuc tempore, præsertim in siccioris constitutionis partibus, ut in Calabria, & Sicilia, ob ignes subterraneos, quibus dicti vapores veluti ex busto quodam restaurantur, durare posse; quod forsàn brevi audiemus. *Cruces Neapolitana utrum inter miracula recensenda.*

Quæritur decimo quinto, Utrum hujusmodi Crucum Phænomena verè & propriè inter miracula recenseri queant? *Respondeo*,

*de*o, illa propriè miracula dici non posse. Verùm ut hæc luculentius exponantur; Dico, ea omnia, quæ præter ordinem communem in rebus constitutum quandoque divinitus sunt, miracula dici solere. Admiramur enim aliquid, cùm effectum videntes causam ignoramus. Inde contingit, ut unâ & eâdem causâ uni cognitâ, alteri incognitâ, hic miretur, alter nullâ admiratione moveatur; uti pulchrè *D. Thomas* de Astrologo & rustico docet, quorum hic Eclipsim videns nescius causæ miratur, alter illius conscius minimè. Atque hæc miracula dici non possunt. Illud itaque simpliciter mirum est, quod causam habet simpliciter occultam, quod præsefert miraculi nomen, quodque ex se & suâ naturâ sit admiratione plenissimum. Atque hoc pacto miracula dicuntur omnia ea, quæ sunt præter ordinem Naturæ communiter constitutum. Quorum quidem miraculorum diversi à Divo Thoma observantur gradus. Primus est, cùm aliquid sit à Deo, quod omnem Naturæ potestatem longè superat, ut est replicatio corporum, Solis statio aut retrocessio, Maris divisio, qua siccis pedibus transeuntibus iter præbeatur; cum tali tamen ordine, ut quantum à Naturæ potestate censeatur aliquid remotius, tantò majus diviniusque miraculum æstimandum sit. Secundum in miraculis gradum obtinent ea, quibus Deus aliquid præstat, quod tamen omni Naturæ facultatem superet, per alium tamen rerum ordinem ea præstat. Ut enim quispiam vivat, videat, ambulet, id utique purum Naturæ opus est; sed ut post mortem quis vivat, videat post cæcitatem à nativitate exortam, post claudicationem ambulet, naturali membrorum usu destitutus, hoc enim verò vires Naturæ longè superat; cujusmodi Deum sæpenumero, tum per se immediatè, tum mediantibus Sancti Dei hominibus præstitisse, plene sunt omnes sacræ Historiæ. Tertius gradus est, quando Deus facit, quod consuetum est fieri ope Naturæ, sine ullis tamen Naturæ principiis ad talem effectum cooperantibus, ut cùm Deus febrem, quæ Naturæ cæteroquin viribus curari posset, solo voluntatis suæ nutu curat; aut cum pluviam sine Naturæ cooperatione producit. Ex quo luculenter patet, non Angelos, non homines, non Naturam, sed Deum solum propriè miracula facere posse. Quod ita ostendo.

Miraculum propriè quid sit,

Quod

Quodcumque sub ordine, quem Deus in universitate rerum sapienter disposuit, absolute, & totaliter constitutum est, id ut supra aut præter ordinem illum opereretur, fieri non potest: *Miracula propriè dicta Deus solus facere potest.* Omne agens creatum, sive corporeum, sive incorporeum, huic ordini à Deo constituto subiectum est; ergo, &c. Sic enim præter naturam operaretur; quod soli Divinæ competit Omnipotentia, quæ uti omnem creaturarum rerum potestatem longè excedit, ita quoque sola miracula facere potest. Quoniam enim creata substantia, cuicumque tantem rerum ordini sublit, *ὑποκείμενον*, sive ut Scholæ loquuntur, subiectum in quod agat, quodque ordinem habeat & ad agens quod ipsum subiectum de potentia in actum educat, & ad actum simul in quem reducitur, requirat; patet luculenter, eam nisi præjacente ac suppositâ materiâ agere non posse: alias enim ex nihilo aliquid produceret, atque adeò soli Deo propria miracula patraret; quod unanimi Theologorum sententiæ repugnat. Præterea, omnis effectus necessariò per aliquam alterationem produci debet: quæ cum motum localem, quo incorporeæ substantiæ propriè carent, præsupponat; illæ necessariò ad aliquem effectum producendum corporeis indigent instrumentis; quæ uti in sitis Naturæ viribus connexa sunt, ita agentia quoque, quæ per ea operantur, non nisi naturales effectus, juxta immutabiles Naturæ leges producant. Solius itaque Dei est, immediatè miracula facere: ipse enim ordine superior universa continet; quin & ab ipsius providentia totus hic rerum ordo non immediatè duntaxat emanat, sed ita inseparabili nexu eidem conjunctus est, ut sine eo Natura subsistere non possit: unde cum infinitæ virtutis & potestatis sit, non debemus existimare, eum ad specialem aliquem effectum, neque ad hoc ut effectus determinato modo & ordine producat, determinari; sed ipse solus, prout libuerit, aut necessitas rerum hominumque bonum exegerit, miracula facit in cælo & in terra. Quæ omnia fusè prosequitur S. Thomas l. 3. contra Gentes c. 102.

Ex dictis colligitur primò, Divinæ providentiæ executionem ut plurimum mediantibus causis secundis fieri, id est, quando-
Dens mediantibus causis secundis prodigia facit.
 cumque prodigiosi in Natura rerum effectus, in cælo quidem novæ cœlestium phasmatum geneses, in inferiori verò Mundo

monstruosa in omni genere rerum spectacula, & similia minacia signa exoriuntur, illa semper ex nexu, quo Divinæ providentiæ junguntur, ad aliquid significandum dirigi. Nam providentia duo supponit, ordinationem scilicet, & ordinis executionem: quarum illa virtutem cognoscitivam, hæc operationem respicit. Cum autem Deo infinita ad ordinandum sapientia, & omni termini expers ad operandum virtus & potentia insit; sequitur necessario, eum omnium ordines etiam minimorum disponere, minima verò sive infima quoque per virtutes inferiores, id est, causarum naturalium concursu, per quas ipse tanquam universalis causa rerum operatur, exequi. Sunt itaque virtutes rerum naturales verè Divinæ providentiæ executrices: si enim absque illis Deus omnia in omnibus operaretur, ex consequenti omnes effectus naturales miracula dici possent; quod dici nec debet, nec potest, ut *D. Thom. cit. loc. c. 69.* scitè ostendit. In omnibus itaque signis portentosis, Deus non semper miracula patrare censeri debet: v. gr. cum, uti est in Libro Machabæorum, exercitus in aëre comparuerunt, aut tempore Constantini Magni Crux in aëre apparuit, cum epigraphæ: *In hoc signo vinces*; ea proprio & stricto modo miracula dici non possunt, cum vires Naturæ non excedant; imò Deus vel per se, vel mediantibus Angelis illa ex condensatione aëris nubiumque nullo negotio efformare valuit. Constat autem ex præcedentibus, quòd quandocunque Deus vel per se, vel Angeli in ordine ad effectum aliquem portentosum producendum naturalium rerum viribus tanquam instrumentis utuntur; illa non miracula, quæ omnem vim creatam superent, sed mirabilia, quæ inter Naturæ limitis constituuntur, dici posse, uti luculenter *D. Tom. cit. loc. docet.*

Miraculorum & mirabilium discrimen.

Colligitur secundo, Deum subinde soli Naturæ in mirandis effectibus producendis vires permittere; sicuti in portentosis cæli ostentis fit, aut cum cometes, aut ingens monstrum aliquod nascitur; qui tametsi effectus purè naturales sint: ita tamen Divinæ providentiæ connectuntur, ut dum eos in causis suis, & in ordinis Universi dispositione videt, per ea semper aliquid Mundo præsignificare velit, uti pulchrè in Opere De actibus

bus humanis, Cap. de prædictionibus Astrologicis, *Sfortia Cardinalis Pallavicinus* docet. Sed hæc in sequentibus fulius.

Ex his denique omnibus hucusque adductis clarè patet, hujusmodi Crucum Phænomena, inter miracula strictè sumpta recenseretur non posse, cum ex Naturæ terminos non excedant. Atque id nobis indicio est, quòd Angelorum operâ, juxta propositum Naturæ archetypum perpetuò operantium, perfecta sint, & nulli defectui obnoxia; at hujusmodi Cruces non eundem ordinem, non figuram, non formam, non quantitatem ullam servant, sed in figura, colore, quantitate summam imperfectionem arguunt; Ergo, &c. Diceret non nemo fortè, non Angelis, sed Naturæ adscribenda esse. *Respondeo*, Natura quidem quantum potest, ad perfectionem rebus inducendam laborat, sed uti multis variisque modis in executione operis impeditur, ita quoque obice posito, res ab ipsa productæ defectu quodam viciatæ ut plurimum videntur, ut ex monstrorum genesi luce meridiana clarius patet.

Quæritur decimo sexto, Quomodo ex Crucum apparitione, miraculosus effectus à puro Naturæ effectû dignosci possit? *Re-* *Crucum in appari-*
spondeo, temeritatis notam non immeritò incurrere videri pos- *tione quo-*
sem, si omnia hujusmodi Crucum Phænomena, quæ in prima *modo effe-*
parte adduxi, puræ Naturæ operationibus adscribere attempta- *ctum natu-*
rem: sunt enim multa prodigia, quæ sanè adscribi nequeunt, *ralis à na-*
nisi soli Divinæ potentix, quæis magnum in Ecclesia Dei even- *turali dif-*
tum in Orthodoxæ fidei testimonium ad confusionem inimico- *cernatur.*
rum quan dòque ostendere sibi complacet; cujusmodi fuerunt, quæ Juliani Apostatæ tempore in vestibus Judæorum, dum in instaurando Templo, ad destituendum Christi vaticinium, impigrè laborarent, disiectis jam per terræ motum Templi fundamentis, cælitùs demissâ luce expressæ apparuerunt; vel ex hoc capite inter altioris ordinis miracula recensendæ, quòd effectus Naturæ legibus, ex Divini utrique dispensatione consilii, contrarios exhibuerint; cum Natura necessitatis vinculo adstricta non in hoc potius quàm in illo sed ubicunque subjectum capax & proportionatum invenerit, ibi vim suam exerat, ibique effectum suum necessariò producat. Talia quoque fuerunt, quæ

X x 3

solis

solis Hebræis in Hispania Messiaæ adventum, per Pseudoprophetas prædictum, expectantibus, at nullis fidelibus, inflicta fuerunt. Hæc itaque qualiscunque regula esse posset, quòd quodocunque in magnis Ecclesiæ controversiis & persecutionibus repentinâ quadam genesi hujusmodi phasmata comparuerunt, illa ad aliquid, velin bonum Ecclesiæ significandum, aut in hostium confusionem Divino nutu accidisse credantur, ut per ostenta divinitus immissa erroris convincantur. Deinde quando nullo habito appropriati subjecti discrimine in quibuscunque rebus, aut in certis tantum hominibus, non in aliis promiscuè spectanda se præbuerunt, illa inter miracula censenda, nemo dubitare debet; non quòd de novo ex nihilo producantur, sed quòd Divina potentia tunc extraordinario quodam influxu, ad vindictam de scelerum, quibus mortale genus se contaminare non cessat, enormitate sumendum utatur, juxta illud: *Armabit creaturas in ultionem inimicorum, & pugnabit pro eo Orbis terrarum contra insensatos.* Et quoniam universa Mundi Machina Divino Archetypo connexa est, impossibile est, aliquem in Natura rerum insolitum effectum sine ejus nutu contingere, cui publica rerum humanarum calamitas adnexa sit; qui quæ non dicam in miraculosa illa sublimioris ordinis, sed vel in ipsa naturalium rerum serie (nè quis me effectus purè physicos à Divini Numinis providentia eximere velle existimet) præluceat. Verùm ut hæc luculentiùs pateant, tertiam ratiocinii nostri partem ordiamur.

PARS TERTIA, PROGNOSTICA.

CAPUT I.

Dè prodigiis in genere, eorumque significatione.

POST QUAM dignitas humani generis per protoplasti peccatum contaminata decidit, illa utique non solum ab harmonia pristina plurimum recessit, sed & infesta sibi, & contraria, quæ pridem ad obsequium condita fuerant, Mundi & contenta, & continentia, per classes singulas invenit; proximè quidem in elementis omnibus, secundo in mixtis corporibus inanimatis, tertio in animalibus, ac postremo (quod omnium gravissimum duco) intra propriæ structuræ fines, in suimet animi & corporis symmetria. Quæ quidem numerosiora sunt, quàm ut recenseri possint; notiora, quàm ut debeant. Cum igitur virus illud tabificum ab homine tanquam capite in membra universitatis cætera dimanavit; meritò ab iisdem vicissim odii & inimicitiae semina, flagella, cruces, omnigenæ calamitatis machinæ juxta Adrastæ legem inevitabilem retorquentur, elementis cunctis in hominis perniciem conspirantibus. Quin vel ipsa alimenta, tum apertis, tum occultis quandoque cuniculis eum adorintur, ut quæ vitam dederant priùs, temporis orbe jam revoluta, veluti indicto bello, quod construxerant, rursus elidant, & exterminent. Quorum quidem consideratione nihilo meliores homines, in omnium scelerum barathrum, omni Dei abjecto timore se præcipitârunt. Et sanè totum humanum genus veluti veterno quodam peccatorum sopitum utique periisset, nisi id Divina clementia subinde per insolita signorum ostenta, ad cor revocaret. Quæ quidem pro infinita Dei misericordia & bonitate ita temperantur, ut ex summis malis, quibus errantem Mundi statum perterret,

*Mala frugum
mundi, esse
scilicet sunt
peccati.*

sum-

*Dei cl
mentia in
revocandis
malis. &
bonis.*

summum bonum educat. Dum enim signis hisce præviis futuras Rerum publicarum Ecclesiæque calamitates nunciat, peccatores ad poenitentiae opera amplexanda, quibus eas evadant, sollicitat, justis verò ad eas forti animo tolerandas in ampla meritorum præmia convertit. Unde luculenter patet, Deum hujusmodi malorum signis, mortalibus non nisi sub hypothese comminari, uti Sacrae Historiae innumera comprobant exempla. Nam, ut rectè S. Gregorius notat, *Si bona promissa revocat Omnipotens Deus, quia ab iis, quibus promiserat, male permutantur; quando magis minarum effectus retrahit, cum benè conversos eos respicit quibus pro admisfis iniquitatibus pœnas animadversionis intimavit?* Utraque sanà revocat, cum oportet; promissiones, nè de illis præsumptionis impetu in transversum agamur; comminationes, nè propter illas omni abjectâ fiduciâ in desperationis barathrum labamur: & has quidem revocat, nè puniat; illas quodammodò invitus, nè benefacere desistat: cui cum nihil non pateat, nihil necquicquam fieri certum est, sed omnia, vel tum in hominum bonum, tum ad nominis sui gloriam ac salutem Universi, vel etiam hoc nomine, ut quæ apud nos nostro iudicio planè fortuita censentur, & sæpe in justa, aut à Divæ providentiæ legibus aliena, tandem ad exactam æqualitatem redigantur.

• Sunt itaque rara & insolita hujusmodi phasmata, in omnibus Mundi ordinibus elucescentia, veluti hieroglyphica quædam symbola, ænigmaticis allegoricisque involuta significationibus, quæ Divina sapientia in cœlo, terra, elementis, veluti libro quodam descripsit, & mortalibus legenda proposuit, ut si quando à Divinorum mandatorum semitis recesserint, intentatis, quas ostentat, minis terreantur, & ad meliorem frugem convertantur.

*Prod'gia
aut Deus
permittat,
aut immit-
sat.*

Utitur autem Deus Opt. Max. aliquando rerum naturalium causis ad hujusmodi effectus demonstrandos, nullo miraculo interveniente, uti supra dictum est, nisi quòd illæ ita Divinæ providentiæ dispositioni à primordiis Mundi connexæ sint, ut ex se & sua natura infallibilem effectum consequantur, si ejus, qui omnia moderatur in omnibus, imperio vel non impe-

diantur, vel vires suas liberè exercere permittantur. Per signa itaque hujusmodi Deus voluntatem suam explicat, vel in bonum, vel in malum, pro dispositione mortalium bonum vel malum iis intentatum acceprantium. Addit rei novitati terrorem & formidinem, quâ perculsi protinus, nescio quid inauspicatum ex proposito ipsis ostento sibi Mundoque ominentur. Nascentur exempli gratiâ quidpiam ex eorum numero, quæ præ cæteris aliquid divinis præferunt, crinitum videlicet Sidus aut Cometes, cujus vel ad primum conspectum mortales veluti panico quodam timore perculsi, ex insito quodam impultricis Naturæ instinctu, è vestigio ejus ex magnitudine, forma, figura, motu, colore, futurorum eventuum significationes, vel ad ipsam usque superstitionem hoc pacto evolvere incipiunt, ut qui gladium, jaculum; aut tubam refert, bellis significandis opportunior existiment; qui Solis similitudinem gerit, magni alicujus Principis ortum, si læto fulgore coruscat; obitum, si tristi colore perfusus palleat; tragicum funestumque finem, si ater aut sanguine tinctus videatur. Atque hoc pacto, continuâ quâdam analogiâ ad politicum Mundum ductâ, ex præacuta ejus pyramide ignis dominium, igneum nempe fervorem, & bili generandæ opportunum, qua homines in furores rapti bella sitiunt, ominantur; quæ mox individui comites famæ & pestilentia consequuntur. Qui verò uberi diffusionis sub aquea substantia spectantur, hosce ex analogia quadam elementi aquei ad seditiones, rumores, popularium commotionum tumultus, malorum omnium cataclysmos transferunt. Si verò subfusci & perturbatæ figuræ signa ostendunt, tunc terræmotus, rerum penuriam, Civitatum subversiones, legumque augurantur mutationes. Si denique dilutioris coloris multiformi radiorum diffusionis effulserit, ob aëris quandam analogiam ad pestilentie strages, morbosque id generis insolitos, feroces, & epidemicos, haud incongruè cum applicari posse existimant. Quamvis ut verum fatear, illa mille superstitionibus involuta nihil certi promittant, partim ex ignorantia rerum agentium, ut stellarum, & quæ stellis proximæ sunt, sive substantiam spectes, sive magnitudinem;

Cometarum
significati-
ones ex
vulgi opi-
nione.

rium concurrentium rationum multitudinem penè infinitam. inquisitionis difficultatem, sensus denique aut observationis inopiam. Nam si intimum materiæ receptricis sinum penitus excusseris, quàm multiformem illicò in inferiori Mundo solius vel loci, vel temporis ratione varietatem deprehendes? quàm obscuram causarum agentium passibiliumque inter se applicationem? Quorum sanè proportionem uti in humani intellectus captum non cadunt, ita solus ille intelligit, qui mensuras primum numeros, & pondera rebus universis geometricâ lege præfixit, qui & majorem hujus providentiæ partem magis Naturæ involucris circumscripsit. Unde sit, ut considerandarum rerum varietas incertum animum, carnifque umbraculo tectum, hinc inde in contraria sæpe deflectat, inque simplicioris veri sententia consistere vix pariat.

Monstrosum partuum significationes.

Patet & hoc in monstrosis mulierum partibus, quibus occultum Dei judicium semper funestum aliquem in Ecclesia Dei, rerumque publicarum administratione eventum, veluti hieroglyphicis quibusdam symbolis prænotatum demonstrat. Sic Anno Christi 696. puer biceps & quadrupes Bisantii natus, suis symbolis execrandum nefarii Mahumetis ortum uno post anno secutum graphicè sanè, & veluti ἐν τῷ τύτῳ demonstravit, id est, duplici capite, versipellis animi calliditatem & fraudulentiam, quadruplici crurum pedumque discrimine, monstrosæ doctrinæ dogmatum in quatuor Mundi partes evulgationem. Innumera hoc loco adducere possem monstorum natorum paradigmata, quæ & Mundum stupore, & Historicorum tum sacrorum, tum prophanorum annales tragicis eventibus inde consecutis repleverunt. Sed qui curiosius ea evolvere desiderat, is consulat *Lycosthenem*, *Cornelium Gemmam*, aliosque innumeros, qui copioso hanc materiam argumento prosecuti sunt.

Deus punit mala analogâ poenâ.

Est & hoc maximâ consideratione dignum, Deum subinde diversâ Mundi prævaricantis delicta analogo quodam & prorsus simili prodigiorum genere exprimere; uti per incendia & siccitates prodigiosas, immodicum invalescentis monstrosæ

strosæ luxuriæ æstum , quo impuni quadam peccandi licentiâ , nullâ Divinarum legum habitâ ratione , homines exardescunt ; gulæ intemperantiam per locustarum miriumque derepentè repullulascentium infinitam multitudinem , quâ omnibus ad vitæ sustentandam necessariis rebus consumptis , Mundus qui excessu peccaverat , rerum omnium defectu & inopiâ culpam luat ; & sic de cæteris , quæ sagaci Lectori evolvenda relinquo.

Quin & hoc , quo hæc scribo , anno cuncta supra memorata prodigia in variis terræ partibus evenisse comperio. Cometa ubique locorum visus & observatus , multiformes monstrorum sætus , Montium incendia , fluminum exsiccationes , novorumque alibi eruptiones , aquarum calidarum in frigidas mutationes , terræmotus frequentes , &c. In Helvetia prope Solidurum , Montem Juram ferè medietate suâ præterlapsò mense , uti & in Guasconia alterum , inaudio casu subsedisse accepimus. In campis Romani territorii maritimis non ita pridem Draconem bipedem , nec non alarum remigio caudâque formidabilem occisum à venatore , quem & halitu virulento intoxicatum Romæ tandem defunctum novimus. Perusii quoque mense Februarii , hoc eodem anno Basiliscum , alis , dentibus , cornuque longo repandoque ex fronte protuberante horrificum ex ovo galli veteris incubitu natum , Patres nostri Perusini , oculati ejus monstri testes , ad me perscribunt. Quæ omnia quamvis insolitæ Naturæ operationes sint , quid tamen DEUS Opt. Max. per illa mundo significare velit , is forsân , qui hieroglyphica , quibus hujusmodi ostenta exprimuntur , symbola ritè expenderit , enodâritque , conjecturare poterit. Quare hisce relictis , jam propius ad propositum nobis argumentum explanandum accedamus.

Prodigia
anni 1662.

CAPUT II.

DE SIGNIFICATIONE ISTIUSMODI CRUCUM,
 QUÆ NULLO NON TEMPORE VARIIS IN LO-
 CIS ET REGIONIBUS IN VESTIMENTIS HO-
 MINUM APPARUERUNT.

Prodigio-
 rum effe-
 ctus.

EX præcedenti ratiocinio aliquis deduceret, eventus rerum humanarum, naturalium causarum catenis ita ex Divinæ providentiæ lege connexos esse, ut hoc vel illo ostento posito, quantum ex parte Naturæ est, producat effectus materiæ viribus, ex qua ostentum coaluit, proportionatus; nisi is ab eo, in cuius potestate posita sunt omnia, modo quodam nobis incomprehenso impediatur. Qui quidem modus omnem Naturæ vim excedit, uti evenit, quando causarum agentium operationibus fræna injicit; quemadmodum in igne fornacis Babylo-niæ, aliisque similibus factum esse Sacra memorat Historia: in aliis verò agentium vires non adimit, sed aliis intervenientibus extrinsecis causis effectus aut divertit tantum, aut omnino destruit. Exemplo rem exponam. Cometes uti ex Solis aliorumque Astrorum evaporationibus exortus est, ita eodem quoque, quo coaluit, virulento virium influxu inferiorem Mundi Oeconomiam miris modis infestat. Qui si per elementorum *δισκασιαν*, copiosam bilis copiam in humano temperamento generet, illa in mores transfusa (Galeno liquidem teste mores temperamentum sive naturale, sive accidentibus extrinsecis affectum sequuntur) in hominibus eos præstat effectus, qui bilis proprii sunt; unde bella, rixas, contentiones, seditiones cum magna sæpè mortalium strage consequi necesse est. Si verò virulento virium effluvio aërem iis sordibus, quæ *μαύματα* Græci vocant, infecerit, mox aër aquæ, & hæc telluri communicarum sibi virus in alimenta propagant, alimenta ab hominibus introsumpta, paulatim altas fundant in sanguine radices, ex quibus

quibus tandem pullulat illa contagionis lues formidanda sanè, quam pestilentiam dicimus, quâ serpente magnam sæpè mortalium portionem consumptam fuisse historiæ memorant, si fides sit penes Authores. Fidum esto de terræmotibus iudicium; qui si ob intus latentem putridioris humoris colluviem per voragines hiatusque in apertam auram expiraverint, aëi deleteriis huiusmodi qualitatibus tinctus, si non semper in pestilentiam, saltem in alia morborum, aut publicæ calamitatis monstra, peste fortassis non inferiora, degenerabit.

Eodem prorsus modo & ratione de Crucum Phænomeno ratiocinandum tibi esse scias. Ejecerat jam dudum Vesuvius variarum terrestrium glebarum, diversorumque succorum miscellam; quam acido mineralium spiritu fermentatam, Sol fervore æstuans in vaporem attenuârat; vapor resolutus, in appropriatam sibi materiam roris instar illapsus, Crucum prodigiorum phasma exhibuit. De quo tale iudicium formare quis posset. Si vapor istiusmodi ex innoxiiis salium speciebus supra memoratis coaluerit; certè tantum abest, ut mali quicquam portendat, ut potiùs aërem, conceptamque, si quæ latuerit, putredinem, pro ea, quâ pollent acrimoniâ, incidant, extergant, purificent, & ad perfectum salubritatis statum conducant. Accidit tamen plerumque, ut istiusmodi vapor ex adusto sulphure & bitumine Arsenici Mercuriique lethiferis tincto spiritibus ortus, unâ cum terrestribus glebis variâ putredine vitiatis, insigni aërem intemperie inficiat: quæ cum tempore occultis machinis promota, in apertam tandem epidemicam luem erumpat. Quam tamen Divina bonitas piis fidelium votis sollicitata non tantum coërcet, sed etiam vel per unicum salubrioris ventis statum, consumptis perniciosus, qui in aëre stabulabantur, halitibus, prorsus perimit, destruitque; nisi forsâ obstinati humani cordis contumacia iustissimum Deum vel invitum ad frænâ Naturæ laxanda in proprium mortalium exitium instigârit. Utriusque exempla nobis Historiæ in prima hujus ratiocinii parte adductæ demonstrant; uti Theodosio contra Persas moturo Cruces in vestibus militum conspicuæ, infallibili iudicio victoriam mox secutam promiserunt; Juliano

Crucum
Neapolita-
narum ef-
fectus.

quoque & Constantino Copronymo Ecclesiam crudeli persecutione infestantibus, Crucum in vestibus phasma, & mortem utrique, & unâ Ecclesiæ tranquillitatem, atque ingens incrementum portendit. Contrâ verò in Germania, uti Trithemius narrat, dictæ Cruces quodocunque conspiciantur, epidemicam pestis luem mox insecuturam significabant. Mirum est quod de eodem Trithemio Theatrum vitæ humanæ narrat: eas enim Cruces quæ anno 1515. vestibus hominum impressæ comparuerunt, primò post decennium suam energiam exerturas prædixisse fertur: nec eventus eum fefellit; Anno enim 1525. Religionis nomine seditiosi Rustici & seipsos, & totam Germaniam ingentibus implicuere malis, qui Sacræ tessæ loco, Crucis figuram suis affixam vestimentis gerebant. Quòd verò pestis tempore nonnullam tum in horrida lue Constantinopolitana tempore Constantini Copronymi, tum in Germania multis in locis, hujusmodi Cruces in vestibus, stragulisque lectorum comparuerint; id in pestiferi vaporis constitutionem aptè conferri potest, qui in suâ *καυρομορφωσις* eâ prorsus ratione, quam supra exposuimus, prodigiosum effectum eduxit. Solet quoque subinde ex fulmine similis effectus Divinâ dispositione produci, quemadmodum Anglicæ historiæ narrant; siquidem primo anno, quo Elisabetha, rediviva Jezabelis imago, rerum in Anglia potiebatur, dum Proceres publicæ in Ecclesia sollemnitati interessent, derepentè ingens exorta tempestas fulminibus & fumo locum replevit; quo evanescente (mirum dictu!) cuncti præsentēs vestes suas Crucis typo insignitas obstupuere, qui jam dudum sacrosanctæ Crucis signum, non ab Ecclesiis tantum, sed ab animis hominum eliminarent. Secutæ sunt paulò post eæ in Orthodoxos persecutiones, & tormenta, quæ Theatrum crudelitatis Anglicæ cum stupore & admiratione legentium in picturis exhibet. Non negârim tamen, in his similibusque, jubente DEO, operam Angelicam intervenire, saltem ut plurimum, ad causarum naturalium applicationem.


Atque adeo apertè patet, Deum Opt. Max. suam providen-

dentiam ea de causa Naturæ ita arctè connexuisse, ut invisibiles illius operationes per ea, quæ facta sunt, tanquam in Divinæ mentis speculo elucescentia contemplaremur. Quod si in ullis aliis rebus, tum vel maximè in sacrosanctæ Crucis signo luculenter patet. Quod ut ab æterno in salutis atque redemptionis humanæ triumphum destinavit ineffabilis Dei sapientia; ita quoque, nè tanti beneficii essemus immemores, sed intimis cordis fibris semper fixum teneremus, id omnibus rebus naturalibus insculptum esse voluit: unde nullius in coelo prodigii *Φανώμενον* frequentius fuisse, Crucis apparitione, reperimus. Hoc faxis, quin vel ipsis fossilibus frequenter à Natura insculptum cum admiratione cernimus. Consule vegetabilis Naturæ Oeconomiam; & in nonnullis quidem rudi Naturæ penicillo, in quibusdam verò, ut in certâ cucurbitæ dissectæ specie, perfectâ Naturæ industriâ expressum intueberis. Non desunt, quæ partim in ipsis foliis floribusque, partim in fructuum meditullio id delineatum exhibeant. Cùm ad Albulam in Tyburtino agro relaxandi animi causâ præterlapso anno agerem, pluresque lapideas Cruculas in ripam rejectas perfectè efformatas reperirem; arcantum Naturæ obstupui: & ut quid intus lateret, contuerer; petrosam corticem rupi, & inveni tandem gramen, quod cruciatum vocant, aquis illapsum successu temporis petrificâ vi fluminis saxoso seu potius nitroso cortice vestitum coaluisse. En ut vel ipsum insensatum aquæ elementum in Crucis efformationem, ad contestandum Servatoris nostri benignitatem, operam suam conferat. Si sensitivæ Naturæ familiam scrutemur, innumera Crucis signaculo in exteriori corporis superficie notata animalia, tam ex volucribus, quàm quadrupedibus insectisque spectabimus. Ut inrerim miraculosas Crucis apparitiones, quæ in ipsa saxorum, lignorum, arborumque apertura se divinitus obtulerunt, sileam, quæ uti nullis non historiis obvia sunt, ita quoque iis immorari nolumus. Legat cui libuerit, Japoniæ, Indiarum, Chiles, historias de Crucum tum inventione prorsus prodigiola, tum de miraculis inde consecutis; & quæ diximus, vera esse inveniet. Concludo vel ipso Crucis vocabulo, quam Divina potentia mysterio Crucis vacare noluit.

Crucis signum rebus omnibus impressum &c. voluit Deus.

Si

Si enim quatuor literas, quibus CRUX formatur, in quatuor Crucis cornibus scripseris, hunc ex acrostycha lectione sensum efficies.



Christus Redimere mundum Voluit Cruce.

Sed hæc de Crucis spectaculis dicta
sufficiant.



CONCLUSIO.

Vidimus, Lector, Crucis prodigiosas apparitiones; causam, quantum ingenii nostri imbecillitas permisit, explicuimus; significationes tum harum, tum aliorum ostentorum innuimus, ex quibus admirabilem Divinae providentiae cum rerum naturalium catenis nexum, & inde consequenter didicimus humanae vicissitudinis circulum exactè in Ps. 28. & 107. descriptum; ubi fudit agens bonorum saturam, Dei cum obliviscitur, contemptis, prodigiis, in omnem calamitatem protinus ruit; afflicta, Divinam opem rursus implorat; quâ consecutâ, denuo cultum Divini Numinis negligit; iterumq; percussa, & sanata, supplex, & per vix, à duris poenitens, à prosperis insolens, seculorum omnium imaginem optime representat, ut cognoscamus Mundi corporumque mundicium cyclicam circumvolutionem, & ostentorum seriem ad amissim consequi rerum humanarum *Εκδοχασιν*, alternis felicitatis adversitatisque sortibus constitutam, quam sequenti metro scite sanè & prorsus gemmeo stylo Gemma Medicus describit.

Pauperies pacem, dat opes pax, copia luxum,

Sed luxus bellum, bellaque pauperiem.

Fons amor est odii, vitæ mox turba quietis:

Stant, quæ deciderint; quæque steterè, ruunt.

Et capti capiunt, & qui domuère domantur;

Fit victi supplex, qui modò victor erat.

Rege fero fera plebs punitur, plebe Tyranni.

Sic fatum alternas versat in Orbe vices.

Zz.

A si.

Ludovici
Caesaris au-
reum effu-
sum.

A signis itaque coelivè mutuamus, juxta Ludovici Caesaris filii Caroli Magni. cedro dignum pronunciatū. Hic Aquis-grani cum Cometa sibi mortem, uti credebat, minantem vidisset, eumque Astrologi ab hac persuasione divertere conati fuissent; ille solitū usus magnanimitate, & prudentia: Non alium, inquit, timere debemus præter illum, qui nostri & hujus sideris Creator est; sed ejus clementiam nunquam satis laudare possumus, qui nostram inertiam, cum simus peccatores & impœnitentes, talibus indiciis dignatur admonere. Quia ergo & me, & omnes communiter hoc ostentum tangit, omnes pro posse & sapere ad meliora festinemus, ne forte misericordiam illo prorogante, & nostra impœnitudo impediens, illā inveniamur indigni. Quocirca protinus ipse eleemosynas largas erogavit, missarum solennia per quoscunque potuit, celebrari fecit, non tantum sibi metuens, quantum Ecclesiæ sibi creditæ prospiciens; ac mox Carolum filium in Regem coronans, ad mortem se comparavit, quæ paulo post contigit. Ita Sigebertus in Chronico. Quæ cum ita sint; sufficiat nobis fructus ex hoc ratiocinio longè uberrimus, ut nosmet nosse discamus ascensu mentis in Deum, ut cum à Deo intentatas per ostentorum apparitionem minas, & ab ea pendentes multiplices humana vicissitudines sortes perspexerimus, omni bono caduco malum confutum, & malo bonum assiduo cogitemus. Amemus hæc omnia tanquam osuri, oderimus tanquam amaturi lati in tristibus, in latis successibus anxii, nunquam tamen nec spe inani, nec nimio metu, nec ullā cupiditate trans-

versi

*versicewruptis repagulis efferamur. Nec veroid aliter fiet.
quam si & nos , & nostra omnia Divino arbitrio soli &
omnium Oeconoמו præstantissimo, Deo , absque ulla spe
vel perturbatione insigni , vel futurorum varia sollicitu-
dine committamus. Da, quaeso, hanc mentem, ò præstan-
tissime Pater , à quo omnis amor, & actio, & potestas
omnis præsentis, præteriti, atque futuri cognitio: Da ado-
rare semper , atque optare duntaxat bonum bonitatis
tue, ut persistentes in amore cognitionis tue,
nunquam ab isthoc vitæ genere
separemur.*

F I N I S.

**LAUS DEO, DEIQUE MATRI
MARIAE.**

INDEX



INDEX RERUM NOTABILIUM, *ordine Alphabetico digestus.*

- A**ër etiam intra Aërem ponderari potest. pag. 256. objectiones in contrarium. p. 257. & seq.
- Edificium quod hyeme multum à sole calefiat. p. 285.
- Agyrtæ dolus, ut Vitriarius vitra sua frangat. p. 48.
- Ut ollas suas frangant figuli. p. 49.
- Alchimiistarum vasfrities. p. 49.
- Aleaurum puncta projecta divinare. pag. 199.
- Alii comesti foeterum abolere. p. 99.
- Ambulare supra aquas. p. 187.
- Amygdalæ nucleum comminuere putamine illæso. p. 7.
- Anagrammata per combinationes litterarum. p. 137.
- Anatum, aliarumque avium aquaticarum facerem aucupium. p. 51.
- Anemocaminum fabricare. p. 287.
- Angelorum ac dæmonum potentia. p. 313.
- Angelorum bonorum officium erga homines. p. 324.
- Animalium speciales proprietates. p. 229.
- Annulus ut saltet in vitro ad sonum tympani aut Instrumenti musici. p. 33.
- Annulus ut per angustum foramen transire videatur. p. 19.
- Annuli sibi innexi, nec se tangentes. p. 22.
- Annulum à digito tumefacto avellere. p. 207.
- Annulum bisfextilem invenire. p. 218.
- Anserem vivum afflare, ut comedi possit; & dum scinditur clamitet. p. 10.
- Antidotum contra febres. p. 143.
- Antidotum aliud contra febres. ibid.
- Antidotum contra morsum viprarum ib.
- Antidotum contra omnem sanguinis fluxum. p. 144.
- Antidotum contra podagram. ibid.
- Antidotum contra calculum. p. 145.
- Antidotum contra pestem & febres pestilentes. ibid.
- Antidotum Tartarorum contra luem veneream. p. 151.
- Antidotum contra dentium dolorem. p. 253. Aliud. p. 255. Aliud. p. 256.
- Apum examina in sylvis invenire. p. 230.
- Aqua vitæ ex pane. p. 75.
- Aqua in hypocausto calido ut congelescat. p. 158.
- Aquam mineralis mirabilis. p. 150.
- Aqua an lacti sit immista deprehendere. p. 204.
- Aqua an vino sit immixta, cognoscere. p. 105. an musto sit admixta. ibid.
- Aquam in vinum convertere. p. 178.
- Aquam à vino separare. p. 205.
- Aquam per montis verticem deducere. p. 226.
- Aquas diversorum colorum ac saporum ex ore depromere. p. 248.
- Arbor Philosophica in phiala vitrea crescens. p. 138.
- Arbor metallica in phiala vitrea. ibid.
- Arbores, cruces, statux, ex alumine. p. 139.
- Arbor instar cypressi in phiala vitrea. p. 139.

INDEX RERUM

- Argenti vivi mirabiles motus exhibere.** p. 209.
Argentum vivum coagulare. ibid.
Avem assuefacere ut avolet, & redeat. p. 165.
Ascendere locum altum sine scala. p. 7
Avicula, dum ad ignem assatur, ut cum veru sponte vertatur. p. 13
Aureum numerum invenire. p. 218
Aureum numerum ex digitorum articulis invenire. p. 289
- B.**
- Baculos, sive cultros tres ita implicare ut erecti stent, nec pondere superposito deprimantur.** p. 39
Baculum duobus vitris impositum frangere, illæsis vitris p. 8
Barba viridis naturalis. p. 59
Bibenti cyathus ut ori adhæreat. p. 164
Bursam difficulter aperibilem præparare. p. 39
Bursa alia artificiosa. p. 40
- C.**
- Catoptrica exprimenta varia.** p. 283, & 284.
Cæci oculorum defectum aliis sensibus supplentes. p. 104
Cæcum docere ut scribat. p. 215
Calamos anserinos reddere duros. p. 116.
Calendas, Nonas & Idus memoriter scire. p. 223
Calvaria ut loqui videatur. p. 30
Camelos docere saltare. p. 52
Caminus qui fumum non remittit. p. 288
Campanarum ingentem sonum representare. p. 10
Candela intra aquam erecta ut ardeat. p. 14
Candelam in aqua ardentem aut aquâ inextinguibilem conficere. p. 210.
Canes ut mingant in aliquem. p. 158
Canum spectaculum ludicrum. p. 33
Carbones igniti ut discurrant per pavimentum & parietes in Cubiculo. p. 6
Carnes mensis appositæ ut appareant sanguinosæ. p. 165
Cerevisiæ potus morbum lethalem curat. p. 61
Chronologicum paradoxum. p. 275
Cibi ut in ore amarescant. p. 164
Cibos in os sumptos ut quis deglutire non possint. p. 163
Circulos plures inæquales unicâ circini aperturâ describere. p. 41
Colorem rubrum ad scribendum efficere. p. 283
Cometarum significationes ex vulgi opinione. p. 353
Combinari quoties inter se possint res. p. 232.
Combinationes rerû paradoxæ. p. 234
Conclave ut uvis plenum appareat. p. 56.
Cornua per fenestram prospicienti ut excrescant, efficere. p. 5
Corvum dealbare. p. 56
Creatâ formare litteras non facile debiles. p. 115.
Crocum Martis præparare. p. 144
Cryptographica artificia varia. p. 111
Cryptographicum artificium. p. 268
Cubiculum ut inflammetur sine damno. p. 6
Culter strophiole involutus ut extra reperiatur. p. 25
Cruces variis temporibus in hominum vestibus visæ. p. 316. Cruces Neapolitanæ prodigiôsæ, inter naturæ miracula numeratæ. p. 315. in vestibus Judæorum apparent tempore Juliani Apostatæ. p. 317. apparent in veste Juliani Apostatæ & Comitum ejus, ibid. apparent in monte Golphatha. p. 318.

- p.318.** in vestibus tempore Arcadii Imperatoris. **ibid.** in vestibus recens baptizatorum. **ibid.** in vestibus peste affectorum. **ibid.** igneæ in vestimentis hominum. **p.319.** in vestibus hominum tempore Ottonis Imperatoris. **ibid.** in vestibus Judæorum. **ib.** in Spanheimensi monasterio, & locis vicinis apparent in vestibus. **p.220.** in peplis mulierum in Leodienfi diæcesi **ibid.**
- Cruces** cur in laneis vestibus, lignis, faxis non appareant. **p.337.** cur tam differenti colore sint. **p.338.** aliquæ cur diu durent, aliæ cito evanescant. **p.338.** cur diversæ magnitudinis. **ib.** cur tam diversæ formæ, **ibid.** cur aliquibus tantum in locis appareant. **p.339.** Neapolitanæ cur tam variarum figurarum. **p.340.** quomodo in fructibus appareant. **p.341.** Neapolitanæ cur in remotis locis apparuerunt. **p.343.** cur aliis temporibus non apparuerunt. **p.343.** cur aliis in locis, ubi nulla montium incendia. **ib.** Romæ apparuerunt. **p.344.** in Nosocomiis sæpe apparent. **p.344.** Neapolitanæ cur tam differentiis temporibus apparuerint, & disparuerint. **p.345.** Neapolitanæ utrum inter miracula recensendæ. **ib.** prodigiosæ non sunt miracula. **p.349.** Crucum in apparitione quomodo effectus naturalis à miraculosa discernatur. **ib.** Neapolitanarum effectus. **p.357.**
- Cruces** aliæ variis temporibus ac locis apparent. **p.321**
- Cruces** Neapolitanis similes, Romæ visæ. **p.332.**
- Crucis** signum rebus omnibus impressum, &c. voluit Deus. **p.359**
- Crucum** prodigiosarum Neapolitanarum origo. **p.327.** earundem causa inquiritur. **p.328.** earundem vera relatio. **p.330.** formæ variæ. **p.331.** Colot. **ib.** numerus **ibid.** tempus, quo comparuerunt. **ib.**
- Crucum** Neapolitanarum causæ inquiruntur. **p.333.** earum causa materialis & finalis. **ib.** earundem materia. **p.335.** cur in linteis potissimum apparuerint. **ibid.** cur in linteis, quæ cistis inclusa, appareant. **p.336**
- D,**
- Decem** poma integra inter novem homines dividere, ut nullus accipiat plus quam alter. **p.11**
- Dentium** stuporem depellere. **p.256.**
- Deus** mediantibus causis secundis prodigia facit. **p.347.** ejus clementia in revocandis malis & bonis. **p.352.** cur prodigia permittat. **ib.**
- Deus** punit mala analoga pœna. **p.354**
- Discumbentes** ut à carnibus abhorreant. **p.34**
- Divinare** quem quis numerum abjectis aliis, retinuerit. **p.228**
- Divinare** in quo digito quis gesserit annulum. **p.89**
- Divinare** in quo digito & articulo unus è pluribus annulum gesserit. **p.90**
- Divinare** quam quis rem ex pluribus conceperit. **p.96**
- Divinare** quam quis rem ex multis attigerit. **p.184. & 185**
- Divinare** quot quis habeat nummos in marsupio. **p.189**
- Divinare** quam trium rerum quilibet ex tribus tetigerit. **p.193**
- alius modus divinandi idem. **p.194 & 195.**
- Divinatio** Arithmetica. **p.85**

INDEX RERUM

- Divinatio alia Arithmetica. p.78
 Divinatio Arithmetica alia. p.95
 Doliolum octo amphorarum æqualiter certa conditione dividere. p.213
 Item duodecim amphorarum. ib.
 Dolum tres liquores ex eodem epistomio effundens. p.170
 Dolum per os inferius implere. p.227
 E.
 Ebrietas quomodo vitetur. 265. & 266
 Ellychnia in combustibilia. p.73
 Emplastri febris fugi usus. p.146
 Epactam veterem invenire. p.219
 Epactam novam invenire. p.219
 Epactam ex digitorum articulis reperire. p.295
 Epistolam intra ovum abscondere. 116
 Eucharoticum quod cutem celeriter perforat. p.179.
 Equi, aliaque animalia ut non commendant. p.67
 Equum reddendi claudum modus superstitiosus. p.187.
 Experimentum opticum novum proponitur & examinatur. p.118.
 F.
 Fabæ, cucumeres, aliaque semina ut intra quatuor horas è terra germinent. p.152.
 Facies fucatus deturpantia ludicra. 57
 Facies aliorum reddere virides. p.58
 Febres depellere. p.143
 Felem cultro transfigete sine læsione. p.28.
 Feles Valerianæ radice delectantur. p.2
 Fenestra papyracea ut vitrea videatur. p.133. & 134.
 Fenestram vitream in ligno fingere. 134
 Frumenti 90. modii in tribus navibus per 30. telonia deportandi. p.212
 Fontem Heronis construere. p.227
 Fraxini miræ virtutes p. 297. ejusdem forma & species. ibid.
 Fraxinus quando cædi debeat ut virtutes habeat. p.299. ejusdem virtutes 37. ibid.
 G.
 Gallina soluta ut non aufugiat. p.27
 Gallinas inebriare odore. p.59.
 Geometra Westphalus arborum altitudinem metitur. p.45.
 Geometra rustici putei profunditatem quomodo metiuntur. p.44
 Gladio ferire ut non possit quis alium propè stantem.
 Gladium è vagina ut quis extrahere nequeat. p.169.
 H.
 Hebraicam linguam paucarum horarum spatio docere & discere. p.106 & 108.
 Herbas ac flores producere intraphialam vitream. p.147
 Horam ubi vis terrarum eodem momento scire. p.246
 Horas è manibus discere. p.199
 Horologium hydraulicum exquisitissime pensis facere. p.201
 Horologium hydraulicum magneticum. p.203
 aliud. p.203
 Hydromanticum ludicrum. p.67
 Hydromanticum artificium. p.8
 I.
 Icuncula ut sponte moveatur in gyrum. p.43
 Icuncula chartacea ut sponte supra mensam ambulet. p.166
 Idea Elementaris mundi in phiala vitrea. p.140
 Idea Orbium celestium in vitrea sphaera. p.141
 Ignis

NOTABILIUM.

Igne modico magnam ciborum co-
 piam coquere. p.68
 Igneos characteres exhibere. p.77
 Ignis ut discurrat per domum. p.32
 Imago rerum in cubiculo obscuro non
 sunt umbræ rerum. p.130
 Incendere alterius lectum occulto
 igne. p.31
 Indices librorum conficere. p.117
 Indictionem invenire. p.221
 Indusium è thoraceis manica extrahe-
 re. p.17
 Iter equestre celeriter conficere. p.276
 Iter per loca incognita ope pyxidulæ
 magneticæ conficere. p.277

L.

Lac ut non coaguletur. p.9
 Lactucam ex tempore producere. 152
 Lampadi adstantes ut varie colorati
 appareant. 54
 Lampas ex humano sanguine. 74
 Lapidem durum & crassum pugno
 frangere. 154
 Lectus pneumaticus. 268
 Lepidæ quæstiones ac responsiones. 64
 Lepidum Cattorum tripudium. p.2
 Lepores in unum congregare. p.158
 Liber intus & foris scriptus, ab Ezechi-
 ele visus, quid significet. p.323
 Librum mirabilem concinnare. 35. & 37
 Lineam merideanæ lucente Sole in-
 venire. p.135
 Linguarum omnium convenientiæ
 Clavis. p.110
 Linguas omnes mundi ad unam redi-
 gere. p.109
 Liquores varii vitreæ phialæ inclusi, an
 possint se mutuo circumdare sphæ-
 rice. p.141
 Liquores varios sibi mutuo superna-
 tantes eidem vitro includere. 142

Literam Dominicalem veterem inve-
 nire. p.222
 modus inveniendi novam. ib.
 Loqui noctu absentibus per facem. 191
 Loqui absentibus noctu per plures fa-
 ces. p.192
 Loqui absentibus sono diversarum re-
 rum. p.193
 Lucerna Italica. p.70
 Lucerna anno integro durans. p.72
 Ludicra varia Hiberni præstigatoris. 50
 Ludovici Cæsaris aureum Effatum. 362
 Lumini adstantes ut appareant squali-
 di. p.53

Lunæ ætatem invenire. p.120
 Lunæ locum in Zodiaco invenire. 235
 Lupum capram & caules sine mutuo
 damno transvehere. p.9

M.

Macrocosmi Idea. p.136
 Maculas abolere è vestibus, libris, &c.
 p.39. & 242.
 Maculas omnis generis è diversis re-
 bus eluere. p.241. & 242.
 Mala hujus mundi effectus sunt pecca-
 ti. p.351
 Manus & faciem lavando aqua ut quis
 denigret. p.162
 Margaritas numero inæquales æque
 carè vendere, & idem pretium re-
 portare. p.179
 Margaritas è cruce oppignorata suf-
 furari. p.183
 Margaritæ 100. decem vicibus per 10.
 milliaria deportandæ. p.212
 Mendacium aut superstitio ingens. 176
 Mensis quilibet quot dies habeat, in-
 venire. p.221
 Mensuram pedis & colli humani è
 manu conjicere. p.210
 Meri-

INDEX RERUM

- Meridianam lineam sine solo reperire. p. 169.
- Metiri altitudines umbra. p. 216
- Metiri latitudinem fluvii aut fossæ sine instrumentis geometricis. p. 27
- Miraculorum tria genera. p. 324
- Miraculum proprie quid sit. pag. 346. proprie dictum Deus solus facere potest. p. 347. Miraculorum & mirabilium discrimen. p. 348
- Mobile perpetuum Alchymisticum. p. 137.
- Monstroforum partuum significatio- nes. p. 354
- Moribundi destituti auditu, ut audi- ant. p. 271
- Moribundus lardi & brassicæ esu sana- tur. p. 61
- Muros solidissimos construere. p. 78
- Nus ut alios mures devoret. p. 280
- Mures necare aut fugare. p. 281
- Muscas & culices arcere. p. 230
- Mutus discit loqui perfecte. p. 103
- N.
- Nasturtium triplex. p. 4
- Natandi ignarus ut supra aquam se su- stentet. p. 245
- Naturæ miracula. p. 314
- Naturæ vires mirabiles. p. 328
- Novem nummos certa lege disponere. p. 184.
- Novilunia invenire. p. 220
- Numerum ab alio scriptum sine inter- rogatione divinare. p. 82.
- Numerum divinandi alius modus. 83
- Nummos novem certa lege in penta- gono disponere. p. 182.
- O.
- Ocreæ ne aquam transmittant. p. 268
- Oculus destructus reparari potest. 237
- Oleis febri fugi præparatio. p. 146
- Opticum phænomenum novum. 119
- Opticum experimentum novum. 122
- Ova inæqualia numero è tribus æquæ caro venduntur, & idem pretium reportant. p. 179
- Ovalem figuram circinæ ordinatio de- scribere. p. 65
- Ovum ut discurrat supra mensam. p. 5
- Ovum erectum ut apici insistat. p. 17
- Ovum ut sponte ascendat in aëre. p. 34
- Ovum ut quis difficile ex fenestella projiciat. p. 167
- Ovum ex orbe in scyphū excutere. 168
- P.
- Panis calidus ut saltet in mensa. p. 12
- Panis in furno saltet. p. 53
- Parietes dealbare. p. 270
- Passeres fugere. p. 60
- Pelles & coria à corruptione servare. p. 280
- Pergamenam chartam reddere trans- lucidam. p. 282
- Picturas renovare. p. I. 269. illustrare. p. 269.
- Pili barbæ aut capitis ut decidant. p. 161
- Pisa coquenda ut ex olla effluant. p. 34
- Pisces ut ad aquæ superficiem ascen- dant. p. 262
- Pisces allicere & capere. p. 264
- Pisciculus ut scutellâ aquæ ebibat. 167
- Pluvias artificiosæ. p. 153
- Poma certa conditione à famulo col- lecta. p. 150
- Poma certa conditione de loco in lo- cum portare. p. 251
- Pomum dividere illæso cortice. p. 12
- Pomum ut discurrat supra mensam. 12
- Porrum miræ magnitudinis ut fiat. 25
- Portæ urbis certa conditione occu- pandæ à septem Capitaneis. p. 181
- Prodigia anni 1661. eorum affectus. 356
- Pro-


NOTABILIUM.

- Prodigiorum tria genera.** p. 313
- Prodigiorum apparitio utilis hominibus.** p. 233
- Pugillares conservare diu incorruptos.** p. 115.
- Pulices, cimices, pediculos fugare.** p. 231
- Pulli caput perforare ut vivus maneat.** p. 16.
- Purgativum pharmacum per apertam venenam suscipere.** p. 28
- R.**
- Rana picta ut clamare putetur.** p. 5
- Rastrum cum dentibus verè erectis pingere.** p. 66
- Raucedinem depellere.** p. 100
- Regionem aliquam in phiala repræsentare.** p. 142
- Regulus cur se ipsum vertat cum verum.** p. 14
- Res plures dividere integras inter pauciores, ut nullus accipiat plus quam alter** p. 11
- Res aliquas tali ordine disponere, ut sortitione ejiciantur quas volueris.** p. 214
- Ridicula sententia circa phænomenum opticum in cubiculo obscuro.** p. 130.
- Rosam purpuream reddere albam.** p. 55
- Rotam vitæ & mortis construere.** p. 242
- Rota alia vitæ & mortis.** p. 244
- Rubiginem è ferro prohibere.** p. 269. è ferro eximere. p. 270
- S.**
- Sanguinis circulatio in corpore humano.** p. 29
- Sanguinem sistere.** p. 76. 98. & 99
- Sanguinis fluxum sistere.** p. 208
- Schedulæ tres sibi mutuo superpositæ ut situm mutent non tactæ.** p. 24
- Scribentes sine manibus.** p. 215
- Scribere in tenebris.** p. 117
- Secretum Cryptographicum.** p. 272
- Seram Mathematicam aperire.** p. 238
- Serpentes mortuos servare incorruptos.** p. 137.
- Serpentes capere aut fugare.** p. 331
- Silicem mollem reddere.** p. 156
- Silvam abietum intra phialam exhibere.** p. 150
- Solis ingressum in signa Zodiaci agnoscere.** p. 224
- Solis locum in Zodiaco invenire.** p. 225
- Species rerum in cubiculo obscuro exceptæ chartâ non apparent rectæ, si tubo optico inspiciantur.** p. 128
- Speculum in cubiculo obscuro species rerum excipientes repræsentat res situ recto & inverso.** p. 121
- Speculum pianum ut ostendat res non visas.** p. 172
- Speculum planum aliter situare, ut repræsentet non visa.** p. 173
- Alius modus statuendi speculum planum ut non visa monstret.** p. 174
- Speculo plano repræsentare res extra non apparentes.** p. 175
- Sphærula vitrea nucis avellanæ magnitudine, bombardulæ explosæ crepitum æmulans.** p. 62
- Statua loquens in Museo Kircheriano.** p. 31
- Statua Lapidea ut candelam accendat.** p. 136
- Statua an ope magnetis in aëre possit suspendi.** p. 272
- Sternationem vehementem provocare.** p. 4
- Surdus instrumenti sonum ut percipiat.** p. 190
- Surdi oculis percipientes loquentium voces.** p. 102

INDEX RERUM NOTABILIUM.

T.		examinare.	p. 159
Tachygraphia quid.	p. 112	Eorundem incantatio examinatur.	p. 160
Tachygraphia recentissima.	p. 114		
Tapetes emundare & renovare.	p. 240	Ventris crepitus excitare.	p. 21
Telum sine vinculis pendens in aëre.	p. 271	Verba scripta in charta comburant in manu appareant.	p. 157
Triangulum unico ductu formare.	66	Vertiginem capitis sanare.	p. 60
V.		Verua facillime circumagere.	p. 79
Valeriana herba, ejusque species.	p. 3	Verua aqua vertere.	p. 81
Vas plenum intra aliud æquale & plenum effundere.	p. 68	Vesuvius cineres eructat & lapides.	p. 327
Vas stanneum in hypocausto calido ut præ frigore mentis adhærescat.	157	Vitro fracto ut vinum maneat suspensum.	p. 11
Venatorum & jaculatorum secretum		Vitrum deaurare.	p. 135
		Vitrum circulariter secare.	p. 207

F I N I S.



2

x

